

PAVLI IOVII
NOVOCOMENSIS
EPISCOPI NVCKERINI

Elogia
Virorum bellica virtute
illustrum,

Septem libris iam olim ab Authore
comprehensa,

Et nunc ex eiusdem MUSEO ad viuum
expressis Imaginibus
exornata.



~~PAVLI IOVII~~ TYPOGRAPHI
BASIL.
OPERA AC STUDIO
CICIO LXXV.

TRAVEL DIARY

OF THE

1800

OF THE

1800

OF THE

OF THE

OF THE



OF THE

OF THE

OF THE

OF THE

OF THE

OF THE

OF THE

OF THE

FRANCISCO MEDICI
MAGNO HETRVRIAE
DVCI

HEROICARVM NON MINVS
VIRTVTVM
QVAM DIGNIT. FORTVNÆQ.
PATERNÆ
HÆREDI ET SVCCessori
OPT. EXOPTATISS.Q.

IOVIANVM HOCCE
MVSAEVM

COSMO PRINCIPI VERE
MAGNO

A SVMMO ET. NOSTRÆ
HISTORICO

IAM OLIM DEDICATVM
CONSECRATVMQ.

NVNC VERO VIVIS ILLVSTR.
VV. IMAGINIB.

MAGNO STUDIO, PARI ARTE,
NEC MINORE

SVMPTV
INSTRVCTVM AVCTVM ET
EXORNATVM

~~FRANCISCO~~ CIVIS ET TYP.

BASIL.

DEVOTO ANIMO

DD.

PAVLI IOVII

EFFIGIES.



Cedite facundi, Musarum gloria, vates,
Oratorque tuo flumine constiteris,
Qui gesta Heroum maiori dixerit æstu,
Non Io v i o vixit sub gemino axe prior.

T. M.

PAVLI IOVII

NOVOCOMENSIS

EPISCOPI NV CERINI

^{IN}
ELOGIA VIRORVM BELLICA
VIRTUTE ILLVSTRIVM

Præfatio

AD COSMVM MEDICVM

Flarent. Ducem.



ETERES Philosophi, qui ex Zenonis Stoici disciplina & porticu prodierunt, magnanimè COSME, tanquam contenti nuda illa horridaq; virtute, ideoque ea sententia felices; vel ob id agrestiores cæteris durioresque habiti sunt, quod de contemnenda gloria assidue disputarent, & libros accuratè conscriberent; tamen etiam non insulsa dissimulatione, dum libris nomen suum apponunt, obliquo veluti viæ compendio consequi niterentur. Huius ego seueræ atque ad cò pertinacis sectæ ingenia, vti parum explicata, tristisque duritiæ aliena à communi hominum societate, minimè probauerim. Quid enim aliud est, quàm hac exitiali persuasione homines, ad egregia corporis & animi agenda facinora, promerendamque laudem natos, proprio innatæ virtutis honestique laboris fructu spoliare? Quando hac stultissima (vti reor) censoria lege, id vnum præclare contenditur, vt gloriam ex benefactis optimè speratam, & extra præsentis vitæ inuidiam post fata cumulatè obuientem, funditus euertamus. Non mirum itaque, si his multò sapientiores fuisse arbitramur eos, qui beatam vitam gloriosis ac illustribus factis ad perennem nominis laudem, non in arida sterilique virtutis imagine, sed in nobilium operum æmulatione posuerunt. Verùm in toto humaniarum actionum cursu faciliè euenit, vt quum omnes eandem gloriam appeto-

P R A E F A T I O.


revideantur, non vno tamen atque eodem itinere ad eam consequendam contendant. Eò enim quisque vel temerè fertur, quò naturæ genius facilè ducit, aut impotenter trahit; nisi præcellenti educatione, & multis exactæ disciplinæ præceptis, quæsitæ confirmatique mores, variis animi morbis & perturbationibus medeantur. Id autem liquidò perspicere deprehendique potest ex his bellicosis; ut ita dicam, Heroibus, qui ad veram effigiem insigni pictura expressi in Museo nostro spectantur. Horum enim vitas per elogia ipsis supposita tabulis, Laconica breuitate conscriptas, tibi vni, Italica dignitatis existimationem vera virtute tuenti, studiose dicauius, ut tot diuerforum ingeniorum, humanarumque varietatis exempla, magno tuo seculi; nostri commodò inter sese conferantur. Scio enim quàm graui constantique iudicio, dum literis bonisque artibus impensè faues, & pietatem in primis atque iusticiam colis, ad verum non simulatæ, sed illustri famæ decus anheles; & quo incorrupti animi decreto scelera odisse vindicareque soleas. Ad famosos autem quosdam, admirandis rebus gestis, sed condigno detestabilis vitæ exitu damnatos, idcirco descendimus, ut præclara virtus adiuncta laudis collatione, certius atque viuidiùs exprimat. Erit enim hoc vtriusque famæ monumentum his omnibus singulari documento, qui tecum rectissimo itinere ad perennem laudem aspirant; si vituperanda repudiare, sectarique laudanda, nobili salubrique æmulatione, in hac vita

maximè decorum atque honestissimum

esse putauerint. Vale.


Romæ.

PAVLI



PAVLI IOVII NOVOCOMENSIS
EPISCOPI NVGERINI
HISTORIARVM SCRIPTORIS
CELEBERRIMI HIC DEPOSI-
TA SVNT OSSA DONEC EXIMIA
EIVS VIRTUTE DIGNVM ERI-
GATVR SEPVLCHRVM.

VIXIT ANN. LXVIII. MENS. VII.
D. XXII. OB. III. ID. DECEMB.
M. D. LII.



HIC SITVS EST IOVIVS
ROMANÆ GLORIA LINGVÆ
PAR CVI NON SCRIPTO NON
PATAVINVS ERAT.

HONORATI FASITELLIL

Magnanimi Heroes saluete, haud parua supremi
Cura Iouis; docti maxima cura Ioui.
Vos tulit in caeli sublimes Iuppiter arcem,
Dignatus mensa concilioque Deum;
Vos Iouius totum late volitare per orbem,
Romanaque iubet viuere in historia.
Munera magna Iouis: verum, si dicere fas est,
Non sunt aeterni dona minora Ioui.

Romulus.



RAESTANTISSIMO herde (si praefari liceat) incomparabiliq; merito, & laetis quidem auspicijs ROMULI Quirini Romani regis effigies, ante omnes spectanda proponitur. Nulla enim cuiusquā mortalis vel stupendae originis euentu miraculoq; & sancta priscae ætatis antiquitate nobilior, vel immortalium operum vera æstimatione præstantior, vel demum tanti oris atq; habitus dignitate augustior in Vrbe extat: vt ex marmorea statua, quæ iuxta Laurentianam Damañi ædem, in fronte Gallorum ciuium domus posita est, collato veteri numismate, ab eruditis præclare deprehenditur. Itaq; fas esse putamus æternæ Urbis conditorem venerari, Deo (vti ferebant) Marte genitum, ac deo authorem disciplinæ militaris, qua Romana res in immensum creuit, vt fatalis nec desituri vnquam Imperij

fundamenta iacerentur. Hinc enim vel inuita reluctantemque sepius fortuna, tanquā ab augusta, almaque Vrbe, certissimo domicilio, liberaque gentium omniū patria, a subactis quondam inuictis armis terrarum orbe, cum Cæsare Imperij legitima iura insigniaque, tum veræ religionis sacra petuntur. Verè enim Romanum est dare leges: atque item Regna ad non dubium sempiternumque sacrosanctæ dignitatis specimen, testata virtute merentibus clargiri. Sed Romulus institutis equitum decurijs, lectoque ex patribus senatu, & distincta per tribus ciuitate, quum vrbanas recenseret copias, oborta repente sereno cælo turbida tempestate, vti Deo fatum decebat, in cælum remeans, inter mortales esse desijt. Nihil enim ei post deuictos hostes, actosque triumphos, & templa Ioui Feretrio, Statoriq; votis nuncupatis in Capitolio ritè dedicata, maius vel admirabilius peragendum supererat, quàm vt se ciuibus nequaquam mortalem fuisse ostenderet: Quum regnasset annos XXXVII.

IANI VITALIS Panhormitani.

*Fortissimum Principem Quiritium.
Vrbisq; gloriose, & orbis arbitra
Qua stravit omnes nationes barbaras
Quas Phœbus vndeque lustrat, aspice.
Genus Deorum, conditorem Romulum.
Tantum vnus omnes vicis ille princeps
Virtute mentis, corporisque robore,
Quantum triumphis, prælijsque fortibus.
Ne quare bustum bellicosi Numinis
Romane, sedes namq; viuo contigit
Cælum, micat stellis vbi felicibus
Receptus inter calites letissimos
Vti decebat principem Quiritium.*

AUGVSTI COCCIANI Brixensis.

*Heroes, anima illustres, atque inclita Martis
Infanientis pignora,
Æternis properat Iouis quæ tradere chartis,
Vt clara viuant posteris:
Æquo ferte animo si primos carpsit honores,
Sedesq; primas Romulus:
Qui genus ætherio ducens è sanguine, terris
Semen deorum sparserit:
Terrarum latè dominam construxerit Urbem
Superbi ad vndas Tybridis:
Regnatorem orbis Populum formauerit armis,
Almaque pacis artibus:
Cumque omnes hominum meritis superasset honores,
Migrarit in Cælum Deus.*

NVMAE

LIBER I
Numa Pompilius.

3



ROMULO ad Caprę paludem desiderato consecratoque, Numa Pompilius successit. Hunc religioſe grauitatis atq; iuſtitie ſama indyrum, diſſidentes inter ſe Romani patres, e Curiſus Sabinis acciuerant, apud quos tetricę atque incorruptę probitatus diſciplina vigeſbat. Tum enim orbatis Rege Duccę; cuius imperio per tot annos aſſueuiſſent, abſurdum erat nondum intellectę libertatis nomen: nec ex toto Senatu reperiebatur qui alteri tanquam æquali, porius quam ſibi, ſuperba obtreſtatione Regium decus concederet. Itaque pudendo conſilio, ſed ab euentu demum ſelici, pro ciue vir externus, audituſq; tantum, Rex eſt effectus. Is ingenti prudentia pacatis vndiq; finitimis, quos inuiſta Romuli virtus contuderat, populi ad arma nati ferociam inueſta religione mitigauit, condito ſcilicet ad Argilletum & mox clauſo Iani templo, vt militares animi non ſine numine ad colendę pacis ſtudia flecterentur. Hęc verò inſtitui monitu atque oraculo credi volebat Deę

Aegeriæ, quæ ab conoſturnis maximè congreſſibus in nemoroſa & perenni fonte irrigua, vallè colebatur. Inde enim ſacerdotia Diiſ, & ſingulos Ioui, Marti, & Quirino flamines inſtituit. Deæ Veſtæ ſacroſanctas Virgines legi: annoque exlunaris curſuratione in XII. meſes digeſto, qui nam faſti, aut neſtaſti dies forent, populo edixit. Quibus accumulatis ſacrorum ceremonijs, effe-ri & rudis populi mentes, uſque adeo imbutæ captæque ſunt, vt facile iuſti-tiam, fidem, temperantiam colere diſcerent, ne ciam validius qui peccarent, Magiſtratum pœna, quàm Deorum metu terrentur. At Numa quum qua draginta tribus annis imperaſſet, exactæ ætatis ſenex ſato cedens, Vrbe bel-li gloria ſuperbiam, quod de erat ſanctiſſimis temperatam legibus, atque opti-ma pace florentem reliquit. Eius effigiem marmoream diademate inſignem, quam in Vrbe non vno in loco videmus, nummi ærei cum literis, atque ead-
dem imagine, veriſſimam eſſe oſtendunt.

ANTONII FRANCISCI RAINERII Mediolan.

*Viderat armato Tybris ſub Rege, Quirites
Iura dare edomitis Martia finitimis:
Viderat & ſuperis Populum pia thura ferentem,
Sacraque ſub ſancto ſurgere Pompilio:
Cum lætus, reſono hæc effudit flumine, Noſtra ô
Quàm bene Roma colit, quàm bene bella gerit.*

Artoxerxes.



HÆC mitrati regis effigies ſuperbo oris ductu, proluxaque barba, & naſo in aduncum prominente, Magni Artoxerxis fuiſſe conijeitur. Hanc ex antiquiſſimo numiſmate argenteo Rodolphus Pius Carpenſis Cardinalis omnis præcæ elegan-tiæ ſtudioſus eruditioribus Romæ Academiæ interpretan-dam oſtendit. Omnes itaque non ambiguis coniecturis in id conſentiunt. Nam Perſarum Reges Magorum ſacris initiari, ceremoniarum-que principes eſſe conſtat: ideoque eos vti thiara excelsa, exornataque gem-mis & pluuiali chlamide, cultu non abſimili ab eo quo Romani Pontifices in ſacris ſolemnibus exornantur. Hunc autem à Perſis Hebræos accepiſſe credide-rim, à quibus demum ad nos manarit. Sed literæ Græcæ quæ in auerſa monete parte leguntur, nihil plus expriment quàm Regi Regum Aſſaci Benefico. Teſte enim Plutarcho Artoxerxi, qui Cyri minoris frater fuit, & Mnemon id eſt Memor vocatus eſt, ad differentiam ſuperioris Artoxerxis qui Longima-nus appellabatur, Aſſaci cognomen fuit. Arridet etiam ad coniecturam Plu-tarchi problema, ex quo Perſarum Reges naſo aduncum tanquam è ſtirpe maio-ris Cyri fuiſſe colligitur. Nec obſtat quòd neque Artoxerxis, neque Perſarum inſcriptæ literæ quicquam referant, quoniam id præclare demonſtrat imago ſagittarij in folio ſedentis, quæ viſitur in auerſa parte numiſmatis: nam idem Plutarchus Perſarum Reges pecuniam auream ac argenteam cum nota ſagit-rij ſignare ſolitos tradit, aduècto Ageſilai Regis lepidiſſimo ſcommate. Is enim
in

in Asia, terra marique rebus contra Persas feliciter gestis, quum summæ victoriæ immineret, à Lacedæmoniorum Magistratu reuocatus, amico interroganti curè limine speratæ ingentis victoriæ tam cito rediisset, ita respon-



dic. An tu miraris qui militiæ peritus es, mercentisimorum triginta milium sagittariorum impetum sustinere nequiuisset? At ille qui nihil auxiliorum è Perside in Ioniam descendisse audierat, quum omnino intempestiui reditus causam improbareret, serò falsi diſterij acumen agnouit. Notabat enim hac infamia Agesilaus patricios ciues, quòd obſectatione laudis suæ à Tissapherne Persa triginta milibus aureis sagittarijs corrupti, ipsum ab Asia reuocassent. Sed ne ineptus sim, Artoserxem describendum minime suscipiam, quum is qualis quantusque fuerit à Plutarcho scriptore luculentissimo memoriæ tradatur. Id vnum tamen quod in Principe summæ virtutis locum implet, & si quæ sint internatæ vitiorum labes egregiè contegit & obscurat, præstantissimæ scilicet liberalitatis specimen insigni præconio extulerim. In eo enim tanta in donando gratissimi animi magnitudo enituit, vt in referenda gratia pro agresti sæpe munusculo, tenuissimique officij ge-

nere, non ingentia modo auri pondera, sed vrbes & prouincias rependeret.

IANI VITALIS.

*Quem speculas chlamide ornatum Medâque thiarâ
Regem Artoxerxem pharetrata Persidis inter
Præclaros belli proceres, pacisque Magistros,
Quos Iouius posuit liquidi prope murmura Lari,
Hic vbi Afusaron exiit de nomine villam,
Æternum fama monumentum, cuique perennis:
Hic ille est, in quem natura exempla bonorum
Congessit, Regumque malorum inhumana facta.
Huius magna fuit laus exegisse tyrannos
Et claros meritis Reges, & munera parua
Muneribus pensasse urgentibus, & simul vrbes
Sponte dedisse sua passim, nec clarius inquam
Duxisse, insigni quam de virtute mereri.
Sol tamen hic proprias habuit quandoque tenebras
Dum nimis indulget vetito inconsultus amor,
Abrogat & leges naturæ, ardensque duarum
Iungitur amplexu naturarum: atque his super addit
Infandum nati cædem: sed splendida in illo
E tenebris vitiorum emerjit ad æthera virtus.*

Alexander Magnus.



ALEXANDRVM Macedoniæ regem, qui subactis Ori-
ente Magni cognomen adeptus imperium Indico Ocea-
no & Riphæis niuib. terminauit, hoc honore spectatæ
frontis, & rosei vultus decore præditum fuisse constar, ex
ipsa fide numismatum & statuarum, Græcorumque præfer-
tim testimonio, qui formam eius religiosissimè descripse-
runt. Tradunt enim (quod mirum videri possit) eum nonnunquam ex sere-
na atque pulcherrima facie, in truncem atque terrificam mutari solitum, &
tum maximè, quum in prælijs iracundia incensus Martium vigorem igneis
atque minacibus oculis euibraret. Is à prima statim adoleſcentia, vti lectissi-
mis moribus & literis ex Aristotelis præceptoris disciplina grauiter imbu-
tum decebat, vsque adeo generosi & laudis amore deflagrantis ingentij aciem
intendit, vt æmulatione decoris, paternæ gloria vehementer angeretur: Qua
si ille stratis vndique hostibus, & tot vrbibus manu captis, nihil iam sibi ma-
iora armis ausuro planè relinqueret, quo innata necdum spectata virtus enite-
scere posset. Sed Fortuna, vt plerunque accidit, ingentiū animorum prædara
adiutrix, inuictas interempti patris copias excipienti, multo ampliora quàm
tum cuperet regni & gloriæ spatia despondebat. Itaque maximarum virtutum
con-

concurſu inſcitus ex Europa tranſgreſſus in Aſiam fatali ſuæ gloriæ deſtina-
tum, poſt innumerabiles præliorum victorias cunctis gentibus iugum impo-
ſuit, tanta felicitate, ut ad Scytharum Indorumque ſolitudines, aras victoriæ



teſtes conſecraret. Verum qui ſupra mortales nominis famam extendiſſe cen-
ſetur, Dñs proximus exiſtimari potuit, ſi ſe ipſum, qui cuncta deuicerat, de-
mum viſiſſet, nec pro certo numine haberi adorarique vaniſſime concupiſſet.
Mirificam enim excelsi animi indolem aſſentantes Perſæ nimia adulatione
corruperant, quod eis Alexander regibus ſeruire aſſuetis, mortali ſpecie for-
moſior & auſtior appareret. Ipſe quoque reputatione fortune ſuæ, quæ
nuſquam aduerſa cœptis atque auſibus intemperanter aſpiraliſſet, ita gloriæ
ab admirandis operibus ſponte naſcentem inſtato animo ſentire cœperat: ut
iam planè ſe Philippo inuiſiſſimo rege genitum puderet, cum graui O-
lympiæ contumelia, poſtquam conſeſſo matris adulterio ſe Hammonæ
Iouæ editum mentiretur. Ideoque exuta penitus humanitate amicorum præ-
cipuos vanitatem ſuperbientis animi deteſtantes, temulenta crudelitate tru-
cidaret. At Græci authores, quod infinitæ gloriæ auido iuueni, totus or-

bis ad iustum triumphum minimè sufficeret: ita eum congestis laudibus supra mortales attollunt, vt cæteræ gentes illum seipso admirabiliorem extitisse arbitrentur, quod nondum alteram fortunam expertus, dum bella ex bellis fereret, in medio vitæ cursu ceciderit: non immitti hercle fato, auertere eum à Romanis armis, quæ facto virtutis & disciplinæ periculo, si in Italiam transisset, spoliare eum anteparta belli gloria, aut certe multum de fulgore tanti nominis detrahere potuissent.

ANTONII FRANCISCI Rainerij.

*Quid tua te Macedo inuit latè aucta per orbem
Gloria, Hyperboreo quæ riget aura gelu?
Quaque pharetrata surgunt inga Persidis, et quæ
Ebibit Eoas decolor Indus aquas?
Victorem cum te Populorum vicerit ira:
Noxiæque vndanti pocula sumpta mero,
Et tumidi fastus, Diuum queis poscis honores,
Cogis et ingenuos steldere colla viros.
Hæc procerum impulerunt fida olim pectora, regi
Miscere è saeva toxica Thessalia.
Fortunam reuerere: noua ò qui sceptrâ capeßus
Nam Dea, regna agili datque adimitque manu.*

Pyrrhus Epirotarum Rex.

INTER admiranda Romanæ antiquitatis monumenta Pyrrhi Epirotarum regis marmorea statua primam obtinet dignitatem. Hæc humana statura procerior, & tota quidem incolumis galeata thoracataque stantis, & sarissæ innocentis gestu, in Angeli Maximi honestissimi ciuis domo conspicitur: non sine admiratione ingentis eius viri vim ore atque oculis cum laude artificis spectantium ingenijs representans. Nemo enim ei maximorum Ducum, aut robusta atque habili corporis forma exercitatio neque, aut indomito vigore militaris animi, aut eximie laudis, quæ armis peteretur, cupiditate comparari potest. Quum inter pugnacissimos imperatores propè vnicus, inter magnanimos verò reges ad gloriam anhelantes omnium confessione præcelleret. Sed qui oblatum in acie hostem inuicta dextra sternere, castrametandique, & instruendæ aciei disciplina cæteros duces anteire, ac inter omnes bello indyotos veri decoris famam extendere didicerat, vel per ampla iam partæ, affectatæque gloriæ spatia terminare nescijt, utpote qui bella ex bellis ducendo prouocandoque sepe Fortunam, alias atque alias ex victorijs, nusquam confecto bello victorias sectaretur: quod volucri quodam igne ardentis animi concitatus ad Alexandri Magni decus aspiraret. Itaque dum ab Epiro in Italiam atque inde in Siciliam, & rursus è Sicilia

Sicilia in Græciam verteretur, vaga arma circumferenti Fortuna illudit: vsque adeo indigno tanti Herois exitu, vt cuius impetum & robur Romana arma vix sustinuerint, Argiuz mulieris manu deiecta in caput tegula perfregerit.



GABRIELIS FAERNI Cremonensis.

*Epirus mihi parua quidem, sed Martia tellus,
Et Patria, & Regnum, & generosa bellica menti
Materies fuit. Acacides mihi sanguinis author.
Et mea cognatum virtus exprefsit Achillem.
Ipse ego præfcripto docui munimine valli
Metari castra, & tutos ad bella receptus.
Romulæ me pubes certamine fufa cruento
Italica experta eft fub manibus Heracleæ.
Quo terrore truces animos atque afpera corda*

*Fregissem Aeneadum, & statuissem fœdera victis
 Nisi pacem infamem, cæci sententia discors
 Dissuasisset, & ad lituos atque arma vocasset.
 Sic ego re infecta Italo de littore cessi,
 Quò me fors grauis atque immitia fata trahebant,
 Ad clarum nece nostra Argos, vbi seua cientes.
 Prælia, ab excelsis Vltrix me tegula tectis
 (Indignum) de extra deiecta affixit anili.*

Annibal.



N VLLIVS vnquam verè indycti imperatoris virtus quàm
 Peni Annibalis clarior atque testatior fuit, quum admira-
 tione ingentis animi, qui Romano nomini dirus hostis ex-
 terat, honoris nomine statuum meruerit: scilicet vt media in
 Vrbe ad funestum & execrabile monumentum, truculenti
 hostis imago spectaretur: graui quidem ac apprime nobili
 decreto: Nam si Romani senatus iudicium estimare velimus, in expiabili pro-
 secto inuidia Carthaginenses ardebunt, qui summæ gloriæ imperatorum ci-
 uemque suum ab aduerso pugnae exitu solum vertere coegerint, vt in ho-
 stium urbem gloriosa quadam adoptione transfret. Quid enim ad diutur-
 nam laudem populo Romano honestius vel luculentius esse potuit, quàm
 tanti hostis nomen, postquam ille toto terrarum orbe, & cæl, & profu-
 gus, epoto demum veneno, miscrè necem sibi consciuiisset, erecto perenni
 simulacro, æternæ memoriæ consecrasset? Tantam enim vim esse prætan-
 tissimæ virtutis intelligi volebant, vt extra inuidiam vel in hoste celebra-
 da censeretur. Nec vllò hercle certiore testimonio indomita Romana vir-
 tus niti potuit: nisi eum vbique vindicatis iniurijs, à se planè deuictum osten-
 deret, qui paulo ante bellicosissimarum gentium legiones ex Africa, Hispa-
 nia, Galliaque, ad Italiæ vastitatem trahens, tot partis ad Trebiam, Tra-
 symenum, & Cannas victorjs, summum pauenti, sed inuictæ Vrbi terro-
 rem admouerat. Eius ex marmorea statua integrum caput penes Fabricium
 Peregrinum Parmensem vidimus, id cacuminato villosoque pileo prote-
 ctum erat, non ablimili ab eo qui visitur in argenteo numismate Iubæ re-
 gis, quem purpurei coloris fuisse constat ex Hircianis commentarijs, quum
 rex ille barbarus superbo fastu, vt solus duorum exercituum imperator vide-
 retur, Scipionem Magni Pompeij socerum interdicto vsu purpuræ ad album
 vestitum redegisset. Hac autem villosi & purpurei integumenti turbinata for-
 ma Sulthanis nuper in Aegypto Syriaq; regnantibus, prætorianorum equi-
 tum capita ad certum pro galea munimentum, & ad terrificam speciem orna-
 bantur. Alteram quoq; Annibalis imaginem ex vetustissimo ære Isabella Gon-
 zaga Herculis Cardinalis mater, nobilium antiquitatum sumptuosa cumula-
 trix, paulo ante Urbis cladem nobis ostendit. Et sedebat in elephanto cubita-
 lis magnitudinis turbinato pileo & orbitate oculi insignis. Cui vt ab exem-
 plo scitè picto deprehenditur, plurimum aridet id marmorcum dimidiatæ
 statuæ

statuæ caput, quod pro Annibale cum superioris Africani imagine apud
Messanam à Decurionibus religiosè custoditur.



FAERNI.

*Ferus ille, dominæ terror Urbis & pavor,
Clarissimorum pestis & strages Ducum,
Procella Italici vastitasque nominis
Delineatus hac tabella est Annibal
Quem & ipsa quondam (ô testimonium graue)
Statuarum honore Romula Vrbs impertit.
Quantum ille meritus est apud Patres suos?
Qui in hostium vrbe, ipso inquam in hostili foro,
Virtutis ergo, marmore effictus stetit.*

ELOGIORVM
Scipio Maior.



SCIPIO Maior, qui à deuictò Annibale atque subacta Carthagine Africani cognomen tulit, hoc excelso ore, & promissa caesarie, coronaq; insuper ciuica conspicuus incelsisse traditur, quum proconsul in Hispania debellatis Pœnorum ducibus, ac Hispanis admiratione virtutis atque iustitiæ in eius fidem se deditibus, patris patruiq; cœdem vindicasset. Prælio siquidem ad Ticinum nō ciuis modo, sed quod incomparabile fuit, & consulis, & patris seruati decus meruerat: quod non multo post noua atq; inusitata laude cumularet. Patricios enim in lugubri terrore Cannensis dadis despondentes animos, & turpissimè de patria deferenda cogitantes, vibrato super eorum capita gladio, ita à scædo cōsilio seuerè deterruit, vt eo die ipse vnus Vrbem præsentis animi magnitudine seruasse censeretur. Hac summæ virtutis indole florentem vsq; adeo Populus suspexit, vt arcano quodam religionis ostento,

ostento, ex Draconis fabula inter incunabula conspecto, eum diuinæ stirpis esse putaret, quod in Capitolio, cellaque Iouis cum numine colloqui, atque inde oracula excipere crederetur. Nulquam enim hac via vadenti ad gloriam, & triumphos cumulant, Dii immortales defuerunt, postquam vir omnibus integræ probitatis numeris vel apud barbaras gentes admirandus, non sine diuino numine cœlestique auspicio cuncta belli & pacis munia obiret. Verum in eo maximè mirum fuit, inter tot eximia naturæ & fortunæ dona quæ modum excesserant, quod illud atrox & summæ virtuti semper infestum inuidiæ monstrum, non modo non perculerit, sed sua insuperabili gloria nitentem supra ceteros mortales in immensum extulerit.

Quid enim ei vel speciosius vel gloriosius ad nominis eternitatem Dii immortales tribuere potuerunt, quam ut immanis inuidiæ domitor, de victore gentium omnium Romano populo triumpharet? Quum citatus ad dicendam causam peculatus, despectus elusisque Petilijs, ab eorum infami atque improbo tribunali recedens vniuersum populum in Capitolium secum abduxerit, quod priusquam profano iudicio vacarent, Ioui Optimo Max. gratiæ ingentes gratis pijsque animis agendæ censerentur, postquam eum esse diem fastum solennemque memoria repeteret, quo ipse Annibalem dirum Romani populi hostem, in Africa & prælio, & bello deuicisset. Contriuit liuidi Tribunorum animos, ab hac generosa voce obortus pudor, & populum repente circumflexit, quando hic ab iniqui iudicij spectaculo, ad iustissimi triumphi pompam traheretur: illi verò fracto erectoque insitiæ malignitatis atque sæuitiæ successu, deserti ab omnibus & irrisi, neque vocem impotenti magistratus imperio dignam edere, neque oculos contusæ ferociæ indices attollere possent. Verum Scipio optimi ciuis more, ut legibus parere videretur ad Linternum sponte secessit, satiæ gloriæ decus obuēnit, quod omni alio vel de Syphace atque Annibale triumphatis, grauius atque nobilius, prædones humani generis hostes contulerunt. Quum enim improuiso appulsis biremibus ad eius villam frequentes accessissent, & Scipionis familia repentino metu excita ad vim repellendam tuendumque aditum arma corripere: se non venisse hostes proiectis armis professi, id unum postularunt, ut sibi liceret Scipionem coram intueri, quem apud omnes gentes virtute & gloria celeberrimum, venerari adorareque percuperent. Prodiit ergo interritus Scipio, & procumbentibus ad pedes humaniter satisfecit, sic ut reputatione insperati casus, non sine ciuium suorum inuidia erubesceret, postquam extorris & penè ocul se ipso triumphatore maior ac admirabilior immanibus piratis quam seruatis ab se ciuibz extitisset. Mortuus est eodem anno quo clarissimi Græcorum & Pœnorum duces Philopomenes & ipse Annibal miserabilem vitæ exitum tulerunt.

*Panorum clades, domitor Carthaginiæ alæ
 Asdrubalis magni victor, & Annibalis,
 Depictum cuius veteri de marmore vultum
 In claris Iouim fixit imaginibus:
 Quam te magnanime Heroum: tuæque ista verenda
 Ora sacramque libens conspicio effigiem,
 Eminent in parua maiestas quanta tabella
 Quantum conspici floret honos capitis.
 Apparet leto grauitas coniuncta decori,
 Et datur excelsi cernere sensum animi.
 Conspiciare diu, & vim spernere temporis aude
 Diuini species imperiosa viri.*

Athila.

HÆC facies inhumano luridoque pallore, ac efferi oris
 monstroso ductu, & torua oculorum nictatione terribilis,
 inhumanem Hunnorum regis ATHILAE sequitatem spirat,
 sicuti ex ære artificis manu, & scriptorum stylo expressam
 videmus. Hic siquidem ille est, funesti seculi dira clades,
 vrbiumque & terrarum portentosus euastator, qui super-
 bo atque terribico nomine, Dei flagellum appellari voluit: scilicet vt to-
 tius truculentiae suæ inuidiam humanique generis odium, ab se in iratum
 Dei numen auerteret: quasi non alio lictore opus foret, quam ipso Athi-
 la, qui acerbius lege agere, & virgas, secures, ignes, validius exercere pos-
 set, vt damnatae tempestatis mortales extrema supplicia meriti grauissimè
 plecerentur. Is Manduci filius, Bleda germano fratre qui ad Budam Pan-
 noniae regnum sibi condiderat impiè trucidato, innumerabilem Hunno-
 rum variarumque gentium colluuiem secum trahens per Noricum & Vini-
 deliciam, Remorumque fines, in Galliam irrupit. Sed in Catalaunicis cam-
 pis edito longè omnium cruentissimo prælio, ita Aetij virtute repulsus est,
 vt in Pannoniam magna accepta clade redierit. Vnde demum post aliquot
 annos reparatis copijs, per Carnicas alpes in Italiam sese vastabundus effun-
 deret. Sed hæsit in limine aliquandiu obsessa per duos annos Aquileia, at-
 que eadem fame capta deletaque. Cæterum ab eius nobilissimæ vrbis exci-
 dio, nihil mitigata rabie deflexit in Euganeos & Venetos, Altino, Concor-
 dia, Opitergio, Taruizio, Patauioque eustatis aut euerfis: quum vndique
 tot oppidorum atque vrbium incolæ, metu mortis, in proximas Hadriati-
 ci maris paludes confugere cogerentur. Verum ab hac inusitata & planè mi-
 serabili incolarum calamitate, læto quodam maximeque felici auspicio, ad-
 miranda vrbis Venetæ primordia exorta sunt, insigni quidem magni nu-
 minis prouidentia, quum munitissimo inter paludes situ stupendæ eius vr-
 bis fundamenta iacerentur. Quæ vna serè omnium per mille annos inui-
 cta,

cta, cæteris non obscure seruiantibus, in Italia incorruptæ libertatis decus tuetur. Anhelabat Athila semper sæuus & furens ad Alarici prædonis famam, qui ante quadraginta annos Romam orbis dominam summiq; im-



perij caput immaniter deformarat, eoq; iam cum tota mole barbararum gentium cruoris & prædæ avidus ferebatur, inhumanique voto potitus foret, nisi Marcianus Cæsar viribus & belli fortuna inferior, à Deo maximo certam opem implorasset, diuino instinctu per quietem admonitus, vt positis armis Leonem Romanum pontificem venienti bellux obijceret. Suscepit itaque id munus alacriter Leo, nihil reformidato periculo quod veræ pietatis gloriam afferret. Is non dubia sanctitatis opinione, & senectæ venerabilis, cum simplici antistitum & patritiorum ordine in thïara, sacerdotalique amictu, & prælata argentea cruce, ad tyranni pedes proiectus, ita atrocem eius animum aliàs semper iratum & implacabilem, pijs precibus mitigauit & flexit, vt occulto perterrente numine attonitus & emollitus manus daret: Nec multo post qui cuncta obuia prostrauerat, nec vsquam sisti potuerat, modico contentus tributo in Pannoniam reuertèretur. Quid

enim maius & gloriosius armis peti potuit, quàm Romanos, qui à deus-
tatis toto orbe populis tributum exegissent, tanquam domitos alienæ vir-
tutis admiratione tributarios effecisse. Mirabantur Hunni proceres Roma-
næ præde auidi, quod Athila virtutis & fortunæ suæ penitus oblitus ex bel-
licolissimo imperatore, homuntionis sacrificuli oratione fracto vigore ani-
mi, repente alius & prorsus imbellis & timidus & extitisset. Verum is ad
ea respondens, tantæ commutationis causam in duos augustiore specie He-
roes referebat, qui à dextra læuaque supplicantis Leonis, vibratis gladijs
sibi necem, nisi prijs precibus annueret, minitari videbantur. Eos proculdu-
bio diuorum Petri & Pauli spectra fuisse Christiani existimant. Athila ve-
rò vel supra omnes barbaros ingenio maximè fero & agresti, vt suos itidem
conuicio quodam pacem Romanis datam improbantes eluderet, lepido
scommate vsus fertur, quum diceret, An non importunè miramini quod
ferarum regi quem cuncta animantia horrent, repente cesserim? facere ad
pontificis nomen alludens. Per hunc modum Romanis tributo imposito
in amicitiam receptis, quum in Pannoniam esset reuersus, Hildidem excel-
lenti forma vxorem duxit, sed maturè Dii prohibuerunt, ne ex eo feralt
connubio proles aliqua tanquam humani generis portentum ederetur: nu-
ptiali enim nocte temulento atque altè stertenti, tanta vis sanguinis per na-
res erupit, vt qui tot cædibus passim editis prouincias immanissimè cruen-
tarat, ad extremum subito expirans, coniugalem thorum largissimo sangui-
nis sui flumine inundarit. Memoriae autem proditum est, Martianum Cæ-
sarem per somnium ea nocte qua Athila fato cecidit, fractum eius tyranni-
arcum, comminutisque sagittas, Theodosio indicante conspexisse: quasi
Dij curæ esset, vt hostile quicquam ab ea terribili fera timere desineret.

ANTONII VVLPII Nouocomensis.

*Quid tot conspiciens, viator, altum
Erecta ad tumultum trophæa, totque
Victorum exuvias Ducum, vrbiumque
Tot cadauera, totque de subælis
Triumphos populus, stupet anhelus?
Rex ille Athila, Numinum flagellum,
Tu nosti reliqua: hic tacet: viator
Cerne vt nunc etiam cinis superbus
Spiret imperium, minas, furorem:
Hæc casus nisi narium soluta
Vena, dum thalamis nouæque nuptæ
Indulget nimis, abstulisset: orbis
Euersus, titulos, decusque, monstros
Fatali cummlaret, & trophæa.*

ADAMI FVMANI Veronensis.

*Fax orbis ille, incendium, pallor, paor,
Europa monstrum quem nouum genuit parens,
Matris feræ quod carnifex foret suæ,*

*Qui barbaro superbo ipse spiritu
 Dei Flagellum nomen vididit sibi
 Terris furens satelles irati Iouis,
 Per quem fuisse secula facta ferrea,
 Quon quaque mores usque fudit barbaros,
 Quo se ore viuens ferre suesset Athila
 Tabella Iouij hæc indicat planissimè.*

Totila.



TO T I L A s hoc roseo illustrique vultu, & statura corporis eximia multoque militaris animi vigore, Visigothicæ regię stirpis specimen referens, Taruisij Rex est appellatus: paulo post quàm Rex Vitiges Belisarij virtute fractis opibus sese atque Rhauennam victori dedit, vt ad Iustinianum triumphali spectaculo duceretur. Indignabantur enim reliqui Gothorum proceres, qui in Venetiæ Cisalpinæque Galliæ oppidis remanserant, quod inuicta antea Gothorum virtus, Græcis homunculis imperitia Vitigis, aut certè nimis celeri desperatione succubisset. Propterea hominem regia dignum corona animo atque oculis requirebant: qui afflictum, humique prostratum Gothicum decus erigeret. Nam paulo antè Theudebaldum Vitigi suffectum, quod Vraiam virum sua virtute & Vitigis propinquitate clarissimum, indignè occidisset, Bella Rogus inter epulas obtruncarat: successoremque huius Atharicum Gothi proceres, quod cum Iustiniano scdè pacifici, quàm armis contendere mallet: incertum an veneno, intra paucos menses sustulerant. Itaque Totilas ex Theudebaldi sorore genitus, insignique ob id procerum fretus studio, usque adeo animum sustulit, vt bonæ spei plenus & gerendi belli maximè cupidus, ad veteris imperij, Theodoricique regis amplitudinem aspiraret: sæpeque ad Gothos concionaretur magnifice suadendo, vt nihil animo se demitterent, & sibi secunda omnia, postquam Belisarius Italia decessisset, obuentura sperarent. Nec opinionem fauentis populi usquam fefellit, vt potest qui in omni obeundo munere mirificæ virtutis vim ad bellum afferret: & eo quidem rerum successu, vt maximorum regum famam rerum gestarum felicitate æquasse, nec immanissimi tyranni nomen à nostris impostum, merito tulisse censeatur: nisi in postremo vitæ actû, vt in Tragædijs videmus, illudente Fortuna corruisset. Primum eius operum victoria fuit de Bessa & Vitalio Bellisarij ducibus ad Veronam parta: læto quidem auspicio, quod profligatis copijs cuncta ad vnum militaria signa in eius potestatem venissent. Inde victor & ferox Italiam percurrrens, passimque præsidia confirmans, Spoletum cepit, Beneuentum mœnibus nudauit, Neapolim longa obsidione perdomuit. In ea autem victoria, tanta usus est clementia, lenitate, iustitia, vt Cononem præsidij præfectum, liberali inuitatum stipendio, & id munus renuentem, quod sacramenti religione obstrictus sine scelere fidem mutare non posset, incolumem datis comitibus Romam

dimiseric. Romanos item milites & ciues Neapolitanos inedia propè enectos, & passim ab immoderato auidèque sumpto cibo collabentes, distributis ad vitæ & valitudinis rationes alimentis, refouit atque seruauit. Ee



quum vndique maleficia militum puniret, armigerum suum, nobili ortum loco & apprimè strenuum, de vi illata ingenuæ virgini conuictum securi percussit, tanta seueritate, vt damnati bona quæ erant amplissima, nuptiæ virgini in dotem adheerere. Brutus denum, Lucanis, & Calabris admoto vndique terrore in fidem redire coactis, satis sibi bellicæ laudis, satisquæ imperij sibi partum existimare potuit, nisi Roma vrbium omnium domina ad summum gloriæ cumulum potiri cupiuisset. Nec impotentis barbari immani voto Dñi iam pridem Romanis infesti omnino defuerunt: semel enim vt in fatis erat, atque iterum vrbs Rōma Isauris, Cilicibus, custodiæ locum prædentibus, capta, direpta, euastataque est. Verum auso potius Totilas nequaquam barbaro ingenio ex tanta victoria nouæ laudis occasionem intellexit: generosoque consilio violentiæ atque superbiæ suæ modum imponens, omnes qui in templa confugissent, incolumes & liberos fore

fore pronunciauit: vsque adeo remissa animi feritate, vt Pelagio sacrorum Principi, & pro salute publica excidium deprecanti, religioso quodam pudore placatus obediret, & in moenia tantum grassaretur, vt certis in locis ingentium portarum instar adaperita, & potentiae suae vim, & moderationis lenitatem aeterno monumento testarentur, Romanorumque familiae in Campinae oppida relegate, patrij soli calamitatem diu lugerent. Ceterum miseris, vt plerunque in ipsa clade accidit, pie ritque ad placanda numina conuersis, non omnino serus ultor Narfes aduenit, vt commutata belli fortuna, qui a summo duce Bellisario superari nequiuerat, praualidus & ingens vir Totilas, a tripalme sene eunuchio vinceretur. Cum hoc enim Totilas postquam undecim regnasset annos, in Vmbria iuxta Calles oppidum viae Flaminiae impositum, ad aquam (vt dicunt) Alaniam, collatis signis conflixit. Eo quidem euentu, vt quum diu inter vtranque aciem phalerato equo, & auratis armis conspicuus, iaculo saepe in auras euibrato, itidemque excepto, equitanti artem ostentasset, conferta demum pugna profugeret, vulneratusque a persequentibus, intenta fuga ad vicum Capras cum tribus equitibus elaberetur, ibi dum vulnus obligaret, nec sanguis sisteretur, expirauit: Vna hac fortasse fatali sorte nequaquam infelix, quod tanti modo nominis rex, & inter strenuos milites longe fortissimus, nec vnquam antea victus, Eunuchi triumphum effugerit: quum sine villo funeris honore nullisque inferijs, iam inter vepra conderetur: vt inde post aliquot dies indicante mulierculacutus, & plane agnitus, vel ab ipso victore Fortunae ludibria graui animoreputante, miserationis & verecundiae mixtas gaudio lachrymas exprimeret.

ANTONII FRANC. RAINERII MEDIOL.

*Hec Totile effigies, quo iuncta leguntur in vno
Et decor, & robur, & pudor, & pietas.
Misceatur decori robur pudor emicat armis
Quam sorti apparet pectore, tam pius est.
Vrbem terrarum dominam capit attamen Vrbis
Seruat captivae templa, Deosque colit.
Semiur ast illum valido domat agmine Narfes
Infraetum bellis omnibus ante virum
Flebilior fors nulla fuit, nam contigit illi
(Hæu) prope saninea procubuisse manu.*

ADAMI FVMANI.

*Immanis ille pestis Vrbis, barbarus
Quæ barbararum gentium terror sui
Ad ortum ab occidente fines imperi
Olim feroci Marte dilatauerat,
Qui nostra vastitate cuncta perculit
Vicos, agrisque, ciuitates, oppida,
Ritu procelle, turbinisque acerrimi
Deo atque hominibus abominatus Totila*

Hæc

*Hac in tabella pictus hostes an vides
Vt seius, importunus, impotens, adhuc
Stragem minatur ore, eadem, sanguinem?*

Narfetes.



NARSETIS veram imaginem quam argenteis & aereis nummulis minimè eleganter expressam videmus, Græci scriptores, Procopius, Agathius & Suidas, ad perenne monumentum nobis ita repræsentant, vt eam non lætis modo oculis, verum maximè pio gratoque animo admirari & venerari fas sit. Quid enim ex omni annalium memoria admirabilius fuit, quàm Gothorum gentem, indomito immanium corporum, ingentiumque animorum robore terribilem, ipsumque inuictum antea regem Totilam, ab homulo gracili, pusillo, & quod maximè miserum & pudendum hostes putarunt, defectæ virilitatis eunuchō, omnibus ferè prælijs, ac vniuerso demum bello superari: Sicilia, totaque Italia depelli, & ad internitionem nominis passim deleri: Fuit hoc profectò incomparabile & verè summo amplissimè laudis decus, quum longè speciosissimum de re situta Vrbe liberataque Italia trophæum Narseti erectum conspiceretur: si cæcis sese sinibus immensæ virtutis gloria terminaret. Accessit enim ad ipsum excelsi trophæi cacumen, vt id noua specie nouisque exuijs exornaret, victoriâ de Francis ad Volturum parta. Irruperant in Italiam è Gallia Germani fratres Bulthinus & Leuthares, Francorum principes, non contenti opulenta ea regione, quam ipsi è Germania adueniē eiectionis indigenis occurrerent, vt post debellatos à Narsete Gothos, Italiæ imperium arripere. Diuisis itaque copijs Bulthinus à Tyrrheno, Leuthares ab Adriatico litore, totam Italiæ cuncta longitudinem cuncta obuia prostrauerant: iamque Bulthinus diues præda è Brutijs atque Lucanis rediens, quartam cladem afflictae adhuc Vrbi, & nondum planè munitæ proculdubio allaturus erat, nisi Narfes irruenti belluæ ad Casilinum occurrisset. Erant Franci inuicti, & formidabile hominum genus, hamatis atque mortiferis instructum telis: sano imperatori æquo in campo & iusta acie refutandum: nec oppugnandum quidem in castris, quum se lunata curuum serie depressis solo ad axem rotis vndique muniuisset. Verum Narfes vel parua manu tot barbarorum robora per moras & astus mirè ludificatus, ita perfregit, vt inusitata aciei forma circumuentos, cadente Bulthino ad vnum omnes trucidaret, & Volturum cruento alveo ingentia cadauera in Tyrrhenum voluerentur. Parem quoque profectionis & vitæ exitum, sed diuersa conditione Leuthares tulit. Nam è Salentinis per Apuliam, Picenum atque Flaminiam, quum in Venetiam esset reuersus, quod templa omnia passim sacris donarijs spoliasset, ultore magno Deo in horribilem incidit morbum, ex quo vesana rabie percitus suos artus dentibus laceratos, manantemque cruorem bibens deuorabas: & Franci ad vnum omnes seuiente pestilentia delerentur. Tantis rebus

rebus gestis Narſes quum per Italiam præcellenti pietate templa conderet, & paſſim illatas à Gothis iniurias magnificè reſarciret: ſummaque legum æquitate populis ius diceret, id vnum omnino contendeſcit, vt feſſa tot malis Italia: ſecura atque opulenta pace frueretur. Sed his artibus collecta gratia, auctis opibus, & inſigni gloria florenſem, quem immenſæ Gothorum vires & formidanda Francorum arma non fregerant, oborta inuidia humane felicitatis commune malum, inexpectatò ita perculit, vt incredibili dolore incenſus, animum omnibus antea iuſtitia, religionis, & patientiæ virtutibus exaggeratum, ad vindictæ libidinem indignanter verteret. Sophia nanque Auguſta muliebri liuore à delatoribus concitata, quum Narſeti ſuccellorem deſtinaret, ad eum contumelioſe ſcripſerat: vt iam tandem diuitijs expletus in Italia regnare deſineret: quando ei colus in Gynæceo Byzanti, quàm Romę ſceptrum aptius conueniret. Quæ verba vſque adeo profundè in pectus deſcenderunt, vt Sophiæ reſponderet, ſe nere quidem, ordiri, texereque ſolitum, maturè daturum operam, vt paratis iam filis eamſcitè telam ordiretur & texeret, quam nec ipſa nec vxorius imperator retexere poſſent. Accerſendum enim in Italiam è Pannonia Alboinum Longobardorum regem, qui nemo ex inuidis reſiſtere poſſet, exiſtimaui: vt inti-
ma Romani imperij viſcera, nouæ & bellicoſiſſimæ gentis irruptione quaerentur. Verùm omnibus magnitudine periculi terrefactis, Ioanne Romano pontifice iuſtam iracundiam prijs precibus demulcente, Narſes priſtinæ ſuæ pietatis & probitatis memor, perturbatam mentem ad clementiæ decus vſque adeo tempeſtiue reflexit, vt Alboinum iam intentum ad iter, ſubſiſtere, oppeririſque alia nondum maturæ occaſionis mandata iuberet. Paruerunt Longobardi, nec oblatum inuadendę Italię conſilium prius ad proſectionem explicarunt, quàm Narſes poſt aliquot annos cunctis quę ab imperatore deſerri poſſent honoribus functus, iam ſenex exceſſit è vita. Eius liquidem inclyta virtus in poſtremo vitę actu, quod ſummę felicitatis fuit, immane illud inuidiæ monſtrum magnitudine admirabilem operum, & illuſtri fulgore ſuo penitus obruerat. Imbelles enim liuidique aulae proceres non obſcuro ingruentis belli metu ſubacti, qui ad Narſetis præfecturam anhelare auſi fuerant, eum quem priuatim oderant, vt plerunque fit, publice miris laudibus extollebant: ita vt mihi Narſes ſupra omnes mortales maximè admirabilis fuiſſe cenſeatur, poſtquam è Perſide conditione ſeruus & eunuchus inter delicias muliebres nutritus in Regia, pretioſiorique demum gazæ fidelis cuſtos præpoſitus, è tanta ereptæ virilitatis calamitate vnicus prope cum virtute, tuum Fortuna imperator extiterit. Nemo enim eo peracuti atque habilis ingenij vim ſolertius ad conſilium flexit, nemo grauiſſimarum rerum negotia certius explicauit, nemo denique vtriuſque Fortune impetum conſtantius atque felicius ſuſtinuit & auertit. Verùm quod admirationis humane modum excedere videtur, nullo literarum fretus præſidio, quod ſophiſtæ ad parandam dicendi artem nunquam operam dediſſet: eloquentia militari tantum valuit, vt quum opus foret, repente ſummus orator, animos quò vellet facile impelleret. Cunctas liquidem humanarum rerum actiones ad religionem reuocabat, ex qua non dubia præſenſio diuinationeq; rerum bellicarum, & longa infracti animi patientia &

cuncta denique iustitiæ temperamenta profluerent. Nec intenui corpusculo supra ingentis animi vigorem expetita magnis ducibus, equitandi & iaculandi peritia deerat, qua vires in hoste ad impetum validiores mirè contemneret & eluderet. Nobilissimum eius operum Romæ visitur marmoreus pons, quem Totilas dissecerat, Anieni Salaria via impositus, in quo tale Epigramma incorruptis adhuc literis legimus, dignum utique ut non in ponte tantum, sed toto orbe ad Narsis gloriam celebretur.

*Quam bene curvati directæ est semita pontis
Atque interruptum continuatur iter,
Calcaneus rapidas subieci fluminis undas
Et libet irata cernere murmur aque,
Ite igitur faciles per gaudia vestra Quirites
Et Narsin resonans plausus ubique canat.
Qui potuit rigidas Gothorum subdere mentes
Hic docuit durum flumina ferre iugum.*

ANTONII FRANCISCI RAINERII.

*Non non hac tabula semivivum huic fingere parvula
Fus est, marmoribus quem decuit scalpier, arduo
Aut Ossia, aut Rhodope, aut aërio Caucasio in iugo,
Si spectes animum belligeri, sæclique fortia.
Hic Narses, regio quem peperit Persidis in chlyta
Byzantique abuit, quem domus olim aurea Caesaris
Eductum muliebri imperio & mollibus in iocis,
Acuto fuerant sæcla cui pondera forcipe.
Hic ille est valido consilio qui quatit agmina
Gothorum, & madidum sanguine regem Totilam Italo,
Francorumque acies, barbariemque Ausonia expulit.
Salve, o macte animo semiviv & clarior omnibus
Veris Arte viris. Nunc vitinam magne resurges.*

Carolus Magnus.



SALVE Heros bellica virtute, illustri iustitia, & Christiana pietate supra omnes Augustos maxime indyct. Salve imperator inuicte non MAGNI modo, quod consensu nostri orbis cum incomparabili gloria tibi obuenit, sed T E R M A X. cognomento dignissime. Tu enim gentes immanitate barbaras, & in vestigio mori potius quam vinci solitas, quoniam infans superstitionibus servirent, ita iustis armis & diuturna tua virtute domuisti, ut non opibus & libertate spoliatae victas manus ad servitium victori darent, sed conservatae incolumes à clementia pietateque tui nominis insigne beneficium acciperent: quum ad veræ religionis cultum, te hortatore, magistroque ducerentur. His nempe longe optimis belli & pacis artibus, non indonitos modò Saxones & perucaces

perulcaces Cantabros perpetuis victorijs deuictos, verum quod ad perennio-
riorem laudem nobilius fuit, Longobardos arroganter & impie sacrosancto
pontifici infestos, Deo vitore funditus excisos videmus. Salue itaque Chri-



stiani imperij propagator Augustissime, pontificij dignitatis assertor & vin-
dex, aureæque ætatis conditor. Te siquidem auspice Italia in primis, quæ
iam pridem à Gothis & Vandalis deformata prostrataque ferrei seculi in-
iurias pertulerat, sese usque adeo felici rerum omnium prouentu erexit, vt
pristinæ amplitudinis ornamenta reciperet, & religio ad firmiorem di-
gnitatem ritè instaurata, clariore iam nominis sui autoritate potiretur,
& singulæ prope vrbes tuæ eximie liberalitatis atque magnificentie mo-
numenta mirarentur. Verum Etrusci nullo vnquam æuo tuas laudes file-
bunt, quod Florentiam omnium vrbium longè pulcherrimam ad non du-
bium, si admirabile ædificiorum decus spectetur, totius Italiæ ornamen-
tum, in cineres à Gothis conuersam restitueris. Itaque magnanime Ca-
role, nihil nobis ex tui decoris memoria maius aut luculentius relinquit-
tur, quàm vt hanc generosæ frontis & probi vereque augusti oris speciem

contemplando sanctissimè veneremur. Neque enim dubitare fas est, quin inter praece ætatis Heroes munifica pietate in cælo beatas sedes meritos, æterna felicitate perfruare. Vel ob id te ipso in terris maior & venerabilior, quod plerique Romani imperij successores nequaquam æmulatione gloriæ tue ducti, & impiè & turpiter ad certum dedecus ac ignominiam neglectæ religionis imperarint. Acream Caroli effigiem nobis dono dedit Altonsinæ, Magni Laurentij Medicis nurus.

IOANNIS BELLAI Cardinalis Parisiensis.

*Carole dum monstras aditus quibus itala posset
Externum virtus ferre subacta iugum,
Lene tamen ferre illa iugum sub principe leni,
(Quale fuisse tibi vidimus ingenium)
Extincti penè vnus opes Latiaque, tuasque,
Nec laus in lucro vt debuit esse, fuit:
Regnandi neque enim est, vt regni exempla secutus
Amulusheu capti qui fuit ille tui,
Amulus ille quidem, captique & nominis heres
Sed tibi tam, victo quam nocuus Latio,
Nam Latio est vsus sic in tua viscera victo,
Vt sit in authorem pena retorta suum:
Si nescis, procures casus animasque nepotum
Errantes toto consule in Elysio.*

HONORATI Fastelij.

*Andisti ne olim magni post Hærculis arma
Extremam paribus Calpen qui terruit ausis
Luietum virtute animi, dextraque Rolandum?
Andisti non robusta senis tot pignora Amonis,
Ac teneram roseo cum primus ore puellam
Casside sub dura solitam se credere campo,
Congressamque viru victricem excedere pugna?
Atque alios, aliosque omnes fortissima bello
Pectora, bis senos ex ordine Palatinos?
Quos magnis longum spectator Gallia rebus
Enexit cælo, & fulgentibus intulit aëtris,
Istignes scilicet spolys Heroas optimis
Istignes raptis immani ex hoste trophæis?
Hoc duce, quem multo trabecatum cernis in auro,
Nunc etiam aspectu ipso, & maiestate verendum,
Hoc meruere olli, & tantum exhaussere laborum.
CAROLVS hic ille est, quem nec secula vlla, nec ætas
Non canet eximio Magnum cognomine regem:
Cuius ab auspicijs tum primum Gallica signa
Bætis, & infraclus victricia sensit Iberus.
Intromerere Asia reges, iacuitque subacta*

*Punica terribili tellus concussa duello.
Cetera ab angustæ spatij exclusa tabellæ
Te magni diuina IOVI monumenta doceunt.*

PARTHENII PARAVICINI NOVOCOMEN.

*Hæc verò longè ante alias quæ fulget imago
Quam circum densa mediani cinxere corona
Egregij bello reges, tibi maximè regum
Sacratur, priscum reparas qui Martis honorem.
Nam vix Pipini imperio sceptrisque potitus
Francorum iusta arma moues, atque hoste subactò
Ducis Aquitana celebrem de gente triumphum.
Nec mora quanquam ingens immensi à Saxone bellum
Ingrueret, patrios fines transgressus & Alpes
Vixdum victrices aliquas angustaque signa
Expandis, cecidere hostes rex captus, ab illo
Italia amissos primum speravit honores,
Et caput erexere arces, collesque Latini,
Religio, Petriqueratis iam fessa procellis
Per te exoptatos subijt tutissima portus,
Te ne adeo Ausonij pietas laudumque cupido
In lituos, aræ, Romanæque sacra traherent?
Quid Longobardum strages, & Betica dicam
Agmina? perfractos Maurortia pectora Iberos
Est totum auspicijs domitum felicibus orbem
Post obitos, quem tot exultatòsque labores
Iuppiter emeritum cæli super arce locauit
Heroes inter claros, sanctumque senatum.
Ausonia infelix, ecquem nunc æmula virtus
Excierit, quis iam pro religione tuenda
Sollicitus, sacrisque Deum pia ceperit arma?
Vos ò qui socias odijs civilibus vrbes
Vertitis infandisque decus speratis ab ausis,
Si famæ vos tangit amor, laudumque cupido,
Hoc agite, hinc iustus querenda est gloria bellis.*

Gotifredus Bolionius.



ACRO bello quod ante quadringentos annos indicente
Vrbano pontifice, ab illustribus Europæ Regulis pro glo-
ria Christiani nominis, incredibili pietate susceptum, inusi-
tata gestum virtute ac admirabili felicitate confectum est,
GOTIFREDVS Bolionius supremum decus tulit. Is sum
in Belgico Oceani litore vrbi Bononię dominabatur, præ-
que se ferebat antiquissimam Lotharingæ stirpis nobilitatem, quum pon-

tifex ad Claromontem Aruernorum oppidum in Asiaticam expeditionem ad recuperandas Hierosolymas nomen dantibus, dextro humero rubra cruce religiose obfignato, cœlestibus vitæ præmia promittebat. Om-



nium itaque princeps Gothifredus Christi se militem professus, eam crucem, & belli tesseram de manu sacrosancti pontificis accepit: Ea vero apud vniuersos erat, **DEI VOLENTIS**. Inerat ei præcipuum naturæ donum proceri corporis & grauisimi oris eximia dignitas, quam excellens bellica virtus, & sancta promissi fides, incorruptique mores adornabant. Nauaræ Cæsari in Italia bellum gerenti fortem fidelemque operam: unde trium singularum peritiam & singularis industrie famam bello & pace retulerat: Incredibile dictu est quo militum concursu, quo ardore procerum, quo diuitiarum, penatium, vxorum, & vitæ denique contemptu rubræ cruces percerentur. Diuino enim quodam furore concitatis animis, deuotisque corporibus generosissimi quique non caducum sed immortale decus quærebant; quum pia fortiaque pectora occupante religione, periculorum omnium metam, spes vna perennis inter cœlites gloriæ discuteret: propter quam

quam suscepto voto, cunctis domesticæ pacis delictis, cunctisque opulenti
oci voluptatibus facile renuntiarent. Id verè pium, verèque decorum præ-
sentium animorum decretum, non Gallos modò, sed Germanos, Anglos,
Scotos, & Danos, & denique Hungaros æmulatione pietatis & gloriæ in id
bellum traxit. Non defuere Itali principes externæ pietatis æmuli, qui expe-
dita arma consociarent, mariaque traicientes cupidissimè sequerentur. In
his fuisse è Transpadanis Gulielmus Longaspatha, & Otho Vicecomes, &
ex Apulia Boemundus atque Tancredus illustres Reguli, qui supra trigin-
ta milia armatorum peditum & equitum sub signis habuerunt. Iere diuer-
sis itineribus, diuersisque classibus, quòd tantæ alendæ multitudinì, neque
expositæ passim, aut reconditæ fruges, neque contracta vndique nauigia
ad traiciendum sufficerent. Petrus Eremita huius belli præcipuus adhorta-
tor, ab Hungaris ex itinere multis affectus detrimentis, cum primo agmi-
ne Byzantium peruenit. Hugo Magnus Francorum Regis frater, qui au-
thoritate nominis cunctos anteibat, è Bario Dyrrhacium traiecit, & per
Macedoniam in Thraciam iter habuit. A Brundisio autem atque Hidrun-
te Boemundus cum Italicis copijs Ionium emensus Corinthum appulit,
atque inde per Aetoliam & Phocidem atque Thessaliam, Byzantium est
profectus. Alexio Græcorum Imperatore vsque adeo ad tantæ multitudi-
nis conspectum metu consternato, vt postquam iusta petentibus, & inui-
cta tenentibus arma, nihil negare poterat, dubio astutoque ingenio certa
pactione cuncta concederet: scilicet vt graui ea periculosaque Thraciæ tot
forsissimarum gentium multitudine exoneratus, belli ipse spectator omni
prorsus timore atque incommodo leuaretur. Traiecerunt è Byzantio Chal-
cedonem trecenta milia descriptorum peditum, & centum milia galeato-
rum equitum: quia multitudine vadentium ad insolitum decus, nusquam ir-
rito conatu tota penè Asia quateretur. Nam sicuti ab Europa terribiles tot
nationum copiæ totque inuicti duces suscepto semel voto, aut honesta mor-
te, aut insigni victoria satisfacere, perumpereque omnino in Syriam ad
Christi sepulchrum decreuerant: ita excitate ad arma toto Oriente Mahome-
tanæ gentes, Asiæ possessionem ante trecentos annos bellica virtute partam
pertinacissimè tuebantur. Sed ea nostrorum vis religiosique & indomiti co-
natus felicitas fuit, vt quum centies varijs cruentisque successibus esset dimi-
catum, nec ingentia flumina, nec inaccessible Tauri, Amanique rupes, nec ob-
late passim immensæ Barbarorum acies, nec sitis, nec diræ famis, incidentes-
que viris & iumentis morbi properantia agmina retardarint. Scriptores
nempe eius ætatis, & in primis Tyrius antistes, qui earum rerum historiam
in corrupte condidit, varietate incredibili casuum & magnitudine præ-
liorum obruuntur. Hæc enim humanæ memoriæ captum exuperant, & o-
mnem annalium fidem antecedunt. Nec mirum quum totius ferè commoti
terrarum orbis, bellicosissimæ gentes non de fortunis modò ac imperijs:
sed quod maximè animos excitat & incendit, de religione sacrorumque au-
thoritate inter se manus contulerint. Ad Nicæam primo Solymanus Tur-
carum Satrapes & clarissimus imperator ingenti prælio victus, & latè pro-
fligatus est. Ad Antiochiam deinde in Syria Corbanam Parthorum Me-
dorumque & Assyriorum innumerabiles ducentem copias, nostri heroes

incipiti praelio dimicantes, ad Orontem prostrauerunt. Aegyptius vero Rex Caliphas memorabili acie victus Christianæ virtuti succubuit: Hierosolymæque demum diu oppugnata, acerrimeque defensa, magna cum caede Barbarorum capta sunt: quum ante omnes Gothifredus admota turri lignea, ex eaque in hostilem murum demisso ponte, ipse cristata galea conspicuus, & pedestri protectus scuto, trucidatis depullisque Barbaris primus in urbem peruasisset. Eo celeberrimo facinore edito, tot Procerum consensu Hierosolymarum Rex est appellatus. Sed vir sanctitate pariter atque vir tute singularis, decorum fortasse alijs, sibi vero superbum regis nomen, pio inuictoque aduersus fastum animo repudiavit: quod nefas esse diceret, ea in vrbe auream coronam ferre, in qua Christus spineam tulisset. Quo habitu delatum diadema renuentis, eius effigies iubente Leone pontifice, ex vero numismate excepta, in cornaculo Vaticani picta est. At Gothifredus suscepto imperio nihil antiquius duxit, quam sacrosanctæ urbis delubra ritè expiare: quassata arietibus moenia instaurare, ac ingenti cura Ioppem expugnare, vt Christianis classibus in proximo litore portus pareretur. Nam Veneri Ligurisque, tam pia quam decora contentione nouas semper copias, nouosque commeatus & bellica instrumenta nostris prædare vincentibus contuebantur: vigente & crescente ad victoriæ famam studio piorum fortiumque hominum, qui ad inuisendum Christi sepulchrum, urbemque antiqua religionis claritate famosissimam, certatim transfretabant. Victores nanque proceres sacræ militiæ, voto ad Christi sepulchrum ritè soluto, persusi incredibili lætitia, tanquam victoriæ compotes, ad vxores & propinquos in Europam redibant, hortabanturque obuios, vt in supplementa gloriosæ militiæ defunctorum, arma atque animos expedirent, & reliquum integræ adhuc laudis decus, deletis ad internitionem impijs mererentur. Cæterum Gothifredus Ioppe Ascaloneque expugnatis, fusisque non vna acie passim hostibus, mediterraneisque aliquot oppidis in fidem receptis: quum integrum regnasset annum, pestilenti morbo surreptus excessit è vita: tanto Christianorum, Syrorumque omnium luctu ac desiderio, vt qui viuens multos dignitate æquales, commendatione pietatis atque virtutis anteisset: post mortem quoque in terris felix haberetur, quod relicta posteris gloriosa hæreditate, Balduinus frater, qui ad Edessam Mesopotamiæ urbem Tetrarcha regnabat, fraternæ amplitudinis atque fortunæ æmulus, consensu Procerum regnum sit consecutus.

ANTONII FRANCISCI RAINERII.

*Gothifrede pijs Solymos dum subijcis armis,
Et renuis capiti regia ferta tuo:
Nil vnuquam humano diuinum exijt ore
Regali quàm quod exijt ore tibi,
Laurea non hominem gestare, nec aurea regem
Fas, vbi rex Diuum spinea ferta tulit.
Macte beros tam voce hac quàm victricibus armis
Qua Babylon, omnisque horruit Assyria.*

SALA.

Saladinus Sulthanus.



SALADINVM Sarraconis Medi, qui nefario scelere summa-
 que perfidia interfecto Califfa Memphitico Sulthano, cuius
 mercenarius dux fuerat, Aegypti regnum occupauit, filium
 fuisse authores tradunt: tantaque animi magnitudine & vir-
 tute praeditum, vt inuicto spiritu, altitudinēque solertis in-
 genij, & vi eximia corporis, peritia & fortuna belli, maxi-
 morum imperatorum gloriam aequalle censeretur. Is ab incunte aetate cun-
 ctis belli artibus instructus, vt erat praecipuus pecuniae contemptor, viros
 fortes liberalitate vndique sibi asciscere, magno sumptu explorare hostium
 facta dictaque, induciarum bellicque gerendi occasiones praesentire, iustitiam
 fidemque religiose colere, victorijs modum imponere, fortuita incidentium
 casuum praesenti semper ingenio ad consilium rationemque flectere, probe
 didicerat. Vt non mirum videri possit, si Ioannes Boccacius in fabulis mi-

rus, vel in Barbaro virtutis æstimator, cum explorandis Christianorum opibus acque consilijs, mercatoris habitu Italiam & Galliam peragrassè tradiderit. Tum enim Aenobarbus imperator, & secundum cum Philippus Gallie & Ricardus Angliæ reges: Venetique item, Ligures, & Pisani ingentes copias & classes parabant, ut accisis Syriæ rebus opem ferrent. Verum tantum paratus vel incredibilis conatus, æmulatione, inuidia, infamique dissidio nostrorum fractus, cum tulit exitum, ut Saladinus expugnatis Hierosolymis post octogesium & septimum annum, ex quo eas Gothifredus manu cum insigni gloria ceperat, & Guidone demum Lusignano Hierosolymitano rege ad Tiberiadem acie superato captoque, in Syria & Iudæa Christianorum opes euerterit. Vfus est autem ea victoria magno ferocis humanitatisque temperamento, quum Hierosolymis Christianos incolas sua in sedem relinqueret, campanique tantum æris sonitum è sacris turribus tolleret, colendumque Christi sepulchrum, Gothifredi etiam tumulo admiratione virtutis inuiolato, pñs hominibus concederetur. Sed ea inuictæ virtutis vtemem fortuna occasioneque, dissensionis & fœcordiæ nostræ cuncta ad Ioppen, Gazam, Ascalonem, Tolemaidem, Berytum, & Tripolim absiduis cladibus proterentem, fatalis hora non planè senem eripuit, quum sedecim regnasset annos, scilicet ut debellandis Christianorum reliquis Saphandino filio novæ parandæ laudis materia præberetur. Moriens vti humanæ conditionis atque miseriæ memor condito testamento, omnem funeris pompam abdicauit, iussitque tantum in lancea præferri atrii coloris obsoletam tunicam, præcinente ad populum sacrificulo huius sententiæ carmen, quod à Bocaccio memoria proditum est.

VIXI diuitijs, regno, tumidisque trophæis

Sed paruum heu nigrum nil nisi morte tuli.

Huic Saladino aut certè (quod potius crediderim) Saphandino filio de Ludouico Francorum rege capto, cessit victoria: quum ad Damiatam urbem Pelusiaco Nili ostio in Christiana castra effuso, miserabilem eadem accepisset. Ferunt Ludouicum, ut se redimeret, in pactionis fidem Christianam hostiam victori impio tradidisse: non minore accipientis quàm tradentis gloria, quando barbarus pro sua superstitione inane externæ fidei pignus acciperet, in eam spem, ut ad perpetuum dedecus, si rex indyctus in exoluenda pecunia impiè fidem falleret, inexpiabilis inuidia maxime pio regi conflaretur. Viuens Saladinus ex lintheo more gentis conuolutò cornutum capitis integumentum gestare erat solitus, ut cotidem regna virtute parata nobili argumento spectantibus exprimeret: quod postea diadematis genus à successoribus Sulthanis vsurpatum fuisse videmus. In hanc autem habitus speciem Saladini formam nobis communicauit Donatus Lectius patritij ordinis Venetus, diu in Cypro, Syriaque gestis magistratibus, historiæ & omnis antiquitatis studio clarus.

MARVLLI TARCHANIOTAE Constantinop.

Littore dum Phario prima Saladinus in alga

Barbara deuictò castra oriente locat,

Venit adulatrix regum comes vnica turba

E quibus ut lingua promptior vnus erat,

Nunc

*Nunc domitum Aegyptum iaculat, nunc littora rubra
Fractaque pugnaci Gallica sceptrum manu,
Ostentaque virum duris tot milia in armis
Et iubet hinc vires aestimet ipse suas,
Scilicet hinc ille, atque adeo ex hac inquit arena
Quae te semivivum littore Magne tenet.*

I A N I Vitalis Panhormitani.

*Accepit pignus victor Saladinus Iesu
Redderet ut regnis te Ludouice tuis,
Tu pignus redimis multo pretiosius auro,
Vtra fides maior, illa vel ista fuit?*

Fridericus primus Imp.

NULLI Caesarum ex his qui Romani imperij dignitatem illustri rerum gestarum fama protulerit, nomen suum minus ad naturae genium respondit quam FRIDERICO primo, qui à colore Aenobarbi cognomen adeptus est. Vetere siquidem Germanorum lingua Fridericus pacis diuitem exprimit: contrario scilicet euentu, quum ingenio, ferox, armorum & belli cupidus, nihil magis oderit quam pacis nomen. Nam ab ineunte aetate in contubernio Conradi Caesaris patruum, in Asia militarat. Vbi verò in defuncti locum Imperator est appellatus, eo animi decreto arma induit, ut ea non prius se exuturum iuraret, quam Romani imperij diademate ornaretur: cuius voti Conradus minime compos factus, graui cum dolore animi excessisset è vita. Id verò vnum Fridericus praetexto ingenio supra coronae decus spectabat, ut quum ea potitus foret, cuncta iura imperatoriae maiestatis ad antiquam dominatus authoritatem reuocaret: quod superiorum Imperatorum beneficiarum ciuitates perampla immunitatum priuilegia consecutae, obsoletis iam tributis aut intermissis, ingratis & contumaces ad parendum viderentur. Excitabant autem mirum in modum ad extendendam famam virum integra aetate florentem Sueuigenae illustre & verè Martium nomen, antiqua maiorum decora, & recens vel infelicis patruum Caesaris exemplum, sub quo varijs vtriusque fortunae documentis probe obseruatam & exercitam militarium operum disciplinam hausisset. Itaque Fridericus coacto exercitu in Italiam descendit, expugnataque in limine, & deleta Derthona, ac Spoletum demum in Umbria ex itinere funditis exciso, Romam profectus tantum terrorem Hadriano pontifici intulit, ut ad mare se proriperet. Formidandis enim stipatus copijs aduentabat, minaci ingenio aliquam lenitatis speciem ferens, ita ut se pacato agmine pontificem veneraturum polliceretur. Clauserant Romani portas, Aelioque ponte erumpentes, cum Germanis ad Neroniana prata tendentibus, tumultuario cruentoque praelio dimicauerunt.

Verum aduentu pontificis placatus Cæsar in Vaticano more maiorum Romani imperij insignia accepit. Nec multo post in Cisalpinam Galliam regressus, Mediolanensibus bellum indixit, quod finitimis superba sæuæque



arma intulissent, ut latè imperarent, Laude Pompeia crudeliter euastata, Como graui obsidione subacta crematoque, & Papiæ omnibus belli detrimentis affecta, magnam sibi iniquæ atque intolerandæ potentie inuidiam conflauerant. Cæterum eo euentu inchoatum bellum, sæpeque renouatum Acnobarbus confecit, ut multis victor prælijs, semel victus ad Calcanum vicum iuxta lacum Eupilim, laboriosa difficilique obsidione perdomitos acerbissima lege imposita subegerit, Mediolanenses ad vnum omnes patrium solum verterent, vtraque centum stadiorum spatium ad vicina oppida migrantes, relegatique, corruentis superbiæ patriæ excidium ex propinquo spectarent: tanta quidem victoris inumanitate, ut vrbs totius Italiæ amplissima ac opulentissima, inexorabili diri Cæsaris edicto, vix seruatis ab iniuria templis, solo æquaretur: turritaque mœnia cum ædificijs priuatis omnibus & publicis, Circo, Arena, Theatroque conciderent.

Acerbis

Acerbissimo quidem luctu tanti populi penatibus excedere coacti: sed ingenti nec iniquo finitimorum solatio, qui suas iniurias conspecta hostium calamitate vindicassent. Id verò maxime crudele & contumeliosum fuit, quum vrbs euerfa funditus aratris proscinderetur in agri speciem, vt non frugis, sed ad ludibrium, salis semen acciperet. Pari propè clade etiam hostiliter incumbens Cæsar Cremonenses, Soncinates afflixerat: quibus excitandis incendijs, exortum schisma suas faces admouisse videbatur. Hadriano namque defuncto quum Alexander Senensis esset suffectus, nec Cæsari impotenter inusitata indignaque iusto pontifice postulanti quicquam concederet: vsque adeo in eum iracundus & sæuus Cæsar concitatus est, vt vrbe Roma depelleret, & Victorem pseudopontificem crearet: conuentus Antistitum indiceret haberetque, vt Alexandro tanquam adulterino, sacrosancti iuris potestas abrogaretur. Ea dissensione diuina humanaque Fridericus impiè perturbauit: tantaque vi tueri suam causam adnixus est, vt moriente Victore, nihil imminuta pertinacia Paschalem sufficeret. & in huius defuncti tertius nomine Calistus, denumque Innocentius quarto loco subrogarentur: quum interim Alexander tantis iactatus fluctibus exul & inops, sed integra semper autoritate, ab Italia in Galliam, atque inde in Siciliam, & è Sicilia Venetias confugisset: imploratis passim auxilijs à prijs regibus, vt Reipublicæ Christianæ immaniter dilaceratæ, pereuntique maturè opem ferrent. Ea autem constantis & infracti pontificis felicitas fuit, vt Cæsariani pseudopontifices ab se legitimo iure execrati atque damnati, quanquam robusto integræ ætatis habitu valerent, Deo magno vindicante noxam, agri senis fatum anteierint. Fauebant Alexandro duo reges Ludouicus Galliarum suo Patre cognomento dignus, & Gulielmus Siciliæ, ea Christianæ reipublicæ fœda labe commotus. Idem quoque pietatis studium inerat Venetis, quibus multo maxima Italiæ pars accesserat. isque demum detestandæ dissensionis finis fuit, vt Otho Cæsaris filius in Hadriatico aduersa nauali pugna à Venetis captus occasionem præberet parandæ pacis. Friderico namque multis defatigato bellis, filij desiderium, & victoris Dei metus incesserat. Itaque pacificatore Ziano Venetorum principe, imperatorem ad pedes suppliciter proiecctum, pontifex pro foribus Marciani templi ricè expiauit, in gratiamque recepit: ea conditione, vt sacro bello se deuoueret: quod tum Saladinus Aegypti Sulthanus Hierosolymitano regi graue bellum moliretur. Tradunt scriptores, pontificem antea clæ calamitatis suæ memorem, osculanti pedem, contracta fronte, hoc Davidicum carmen protulisse: Super aspidem & basiliscum ambulabis, & conculcabis leonem & draconem: vt domitæ superbi animi ferociæ nequaquam humaniter illuderet: Ad quod Cæsar tam piè quam grauitè residentem vultu responderit, Non tibi, sed Petro: tanquam hominem facile contemnere, personæ verò dignitatem probè venerari videretur. Ceterum Cæsar Venetis summis affectus honoribus, quum in Germaniam redisset, pio generosoque animo, lectissimum ex veteranis copijs exercitum coegit, & quum Henricus filius consensu procerum Cæsar esset appellatus, & per Pannoniam & Triballum Byzantium contendit. Inde verò recreatis copijs, Emanuele Græcorum imperatore propinquo suo liberaliter commeatum

præbente, præter Mæandrum amnem profectus, cum Turcis acerrimè bel-
lum gessit. Supremum verò eius operum fuit Philomela vrbs manu capta.
Nam paulò post ad Iconium Lycaoniæ urbem, quum Ferrei amnis perspi-
cuis vndis per æstum inuitatus lauandi gratia aluèum intrasset, cæco ab-
sorptus gurgite interijt: insigni quidem illudentium Parcarum iniuria,
quum vir fortissimus, & supra reges omnes bello indytus, quem millè a-
cies strenuè dimicantem non absumpserant, natantem ignobilis torrentis
vortex abstulerit. pergrauì vtique nostrorum luctu, iacturaque, & singu-
lari Barbarorum commodo atque lætitia. Delatum in Syriam cadauer
Guido rex apud Tyrum exquisito apparatu funeris, & marmoreo sepul-
chro honestauit. Effigiem Aenobarbi Cæsaris Mediolanenses in cœrscam
patriam remigrantes, marinoreo in arcu supra Romanam portam sculpsè-
runt dracone stantis cruribus inuoluto, vt virosi dirique hominis simula-
crum perpetuò spectaretur. Ad eundem quoque oris & barbæ habitum
altera ipsius effigies plurimum arridet, quæ in aurea bulla scitè expressa,
appensaque membranis priuilegiorum Pisanae ciuitatis conspicitur: ea fide
collata, vt tertiam quoque eius statuum ad Volturri pontem proximo Lo-
trechij bello base deiectam viderimus: quum sumptuosissimi operis turri-
tus pons, à Friderico iuniore, huius Aenobarbi nepote, Sueuæ gentis re-
gum imaginibus ornaretur.

ANTONII Vulpj.

*Excise Italia cupiens pensare ruinas
Vel saltem in pulchra querere morte decus,
Aenobarbe, Asia fines irrumpis, & hosti
Eripis auectas religionis opes.
Inuidie captis Fortuna inimica secundis,
Nam dum te in nitido prolus amne, cadis.
Macte animis ingens Asia dignissime campis
In quibus illustres tot cecidere viri:
Hinc vatum calamos & marmora & ara fatigas,
Hinc meritis clavis annuere viris.*

GEORGII IODOCI Bergani.

*Sueuus eram mea me bellæ audacia celo
Sustulit asfrigero,
Norica Pannonijs coniunxi saxa colentes
Fœdere pacifico,
Infubres domui, & Danum parere coegi
Legibus Imperij,
Europæ imposui frenos, Asiæque superba,
Africa me timuit.
Ipse tamen cuius vires animosque feroces
Sensit vterque Polus:
Captius tenero nati deuinctus amore
(Ceperat hunc Venetus)*

Non

Non assueta iugo submissi colla supremi
Pontificis pedibus.
Et tandem Armeniæmersantem flumine membra
Me tulit vnda rapax.
Indulgens nunc mater erat, nunc seua nouerca
Sors mihi non stabilis.
Dic tu igitur felix, miser an, tibi iudicer hospes
Qui mea gesta legis.

PARTHENII Parauicini Nouocomensis.

Te quoque bellorum decus, & noua gloria Martis,
Armatis inter Proceres, & Numina belli
Seruant venturis Musea palatia seclis,
Et Ionius fame quæ docta volunina mandat.
Nam, licet egregiæ vires, & maxima regna
Ceperis, & validum toties subieceris hostem,
Atque etiam procul, inque orbem tua signa remotum
Protuleris: tamen hæc olim inuidiosa vetustas
Prefferat, & tecum rapidis immerferat vndis,
Vt vix vlla tui superesset nominis umbra:
Ni clare Ionius donasset munere lucis.
Sic visum est Superis iustos pensare labores:
Tu patriæ illius clades, ac diruta bello
Mœnia, & euersas reparasti funditus arces:
Ille tibi meritiq; memor, gratusque laborum
Extinctum decus, & lapsum instaurauit honorem,
Digna quidem atque æquanda tuis hæc præmia facilis.

Farinata Vbertus.



FARINATA ex antiquissima Vbertorum familia, inter Florentinos optimates equestri dignitate, eximiaque virtute generosi animi Florentiæ illustis, ab insigni erga patriam pietate, æterno Dantis poetæ præconio celebratur. Is per omnem ætatem sese ciuilibus bellis exercuit, quum Florentiam, sicuti & cæteras ferè omnes Italiæ ciuitates, idem pestilens factionum morbus inuasisset. Ab aduentu enim Aenobarbi Cæsaris, supra tot acceptas bellorum clades, inducta erant Gibellinorum & Guelphorum funesta nomina, quæ horribili & diuturno quodam terræmotu, humana diuinaque omnia concusserunt. Diductæ siquidem in partes insana & crudeli dissensione ciuitates, Guelphi pro Pontificibus, Gibellini pro Cæsaribus, de potentia, dignitate, vitaque dimicabant: sed longè omnium pertinacissimè Florentini. Gibellinarum autem partium Vberti ante alios nobilitate, opibus, virisque præstabant. Inter Vbertos autem vnus ma-

ximè excellēbat Farinata, militarium ciuiliūque artium peritus, grauitate consilij, & robore virium Guelphis metuendus. Pugnabatur in vrbe singulis in regionibus, tanta vtrinq̃ue per mutuas cēdes rabie, vt multæ ma-



gnificētissimæ turrīque Procerum domus, alternante vices Fortuna, miserabili scruitia deleterentur. In ea contentione Florentiæ in primis & singulis Italię vrbibus Gibellino cēsit Guelphus. Nam ea tempestate Fridericus secundus imperator Aenobarbi nepos Guelpharum partium opes, impotentibus armis proterebat. Itaque Vberti egregiē vincentes, aduersarum partium principes Adimarios, Bondelmontes, & Pactus ciuitate expulerunt. Sed Friderico demum in Apulia mortuo, vigenteque rursus auctoritate Pontificis, Guelphi aucti viribus, post deuictos fugatosque hostes, Florentiam redire, dignitati pristinæ restituti. Exulauit aliquandū apud Senas Farinata, nihil sua spe deiectus, quin moliendo satagendoque hostibus quidem exitium, sibi verò maturum in patriam reditum pararet: longē intentiore infracti animi cura, quàm ceteri exules, quòd audisset suas, totiusque Vbertę gentis magnificas ædes, non deformatas modò repenti-

na ciuili iracundia, sed publico decreto 'afundamentis excisas, translatis marmoribus ad publicum opus, quo vrbs trans Arnun admeridiem nouis mœnibus muniretur. In area porro æquatis ruinis, ædificatum est & subrufo marmore præcellenti structura, id quod adhuc admiramur insigne Palatium Octouiralis & summi Magistratus sedes. Infesti erant Senensibus Florentini Guelphi, quod apud Senenses Cæsariani nominis studiosos, Gibellinis omnibus tutissimus esset receptus. Quamobrem Guelphi eorum agrum omnem, expugnatis aliquot Castellis, effusè impuneque populabantur, quod exiguae omninoque valido hosti impares Senensium essent copiae. Tum vero Farinata peracri vir ingenio, ut qui consilij eorum admisceretur, graui eloquentia Decurionibus persuasit, ut à Manfredi rege propulsandis hostibus & vindicandis iniurijs, Germanorum equitum auxilia postulerent. Manfredus ex concubina genitus ut Conrado fratri legitimo adhuc impuberi Apuliæ regnum præriperet (ut authores tradunt) ægrotantem patrem Fridericum, puluino in os coniecto inhumaniter suffocarat: dabatque enixè operam vel per scelus, ut sese aduersus propinquos præmuniret. In legatione Senensium atque exulum eminebat Farinata, secundis ac aduersis rebus in Italia clarus. Postulatis autem ita annuebat Manfredus, ut se non plus quam centum galeatorum equitum alam, sed eam inuictæ virtutis daturum polliceretur. Tum vero Senenses, quod ea manus exigua & nihil omnino profutura videretur, id auxilium tanquam inane & sumptuosum repudiare cogitabant: indignati scilicet quod rex nouus nequaquam paterni spiritus æmulus, partes suas adeo negligenter tuendas existimaret: nisi Farinata imperiti regis incuriam stomachatus, astutè & grauius nihil omnino opis quod rex offerret, spernendum censuisset: modò regium vexillum cum suo insigni furuæ aquilæ argenteo in campo alas extendentis, quod esset amicitiae pignus ad terrendos Guelphos ab alæ signifero gestandum daret. Hac inquit Farinata viri Senenses parua manu si sapiamus, Manfredus vel nolens in partes trahetur, si, uti bene ominari licet, à numerofo insolentique hoste, pauci atque præcipites Germani concidantur. Tunc enim negligentiae suæ agnosceret culpam, & pro sua dignitate causam tueri, iustique roboris auxilia mittere cogetur. Dedit non alacriter modò, sed cum fastu vexillum Manfredus: Germani autem ubi cum legatis Senas peruenerunt, Florentinos ad Petronellam habentes castra non semel adorti sunt: sed intra paucos dies, uti diuinabat Farinata, vsu euenit: ut quum Florentini ad Camoleam vsque portam excurrentes, Senensium iuuentutem ad erumpendum irritarent, canente tuba Germani ad arma excitati effusique porta, hostes conuersos in fugam vsque ad castra persequerentur, in eaque vehementi impetu multis cæcis perirent. Erant bene pransi meroque & victoria calentes Germani, ob idque adeo intemperanter terga vertentibus instabant, ut cruento grauique tumultu edito in media castra ad Carrocium vsque penetrarent: funesto quidem audaciae exitu quum à circumfusi vndique copijs reiecti primò, mox ad vnum omnes trucidati sint. Vexillum autem Florentiam cum magno plausu relatum populus victoria ferox, tanto ludibrio habuit, ut inuersa hasta per urbem euerrendis regionibus traheretur. Farinata itaque

voti compos, solerter egit, vt Decuriones Manfredi perferberent, quæ virtute Germani vel inconsultè erumpentes in hostium castra peruaserint: quo terrore atque periculo & cede Guelphorum medijs in castris dimicarent: & quanto denique inmoderatè fortitudinis conatu vt Aquilam defenderent, circumfusa multitudine hostium non inulti occubuerint. Illud verò Gibellinis omnibus supra lectissimæ alæ iacturam, miserrimum fuisse, quod Aquilæ vexillum à Guelphis fœdissimo ludibrio habitum, suspensumque celebri in loco ad inuersi trophæi imaginem Florentiæ spectetur. Quod proculdubio si maiore Germanorum numero res gesta esset, ex pulcherrima victoria Florentino in foro eiectis Guelphis fuerit erigendum. Sensit acceptum vulnus contumelia atque dedecore cumulatam Manfredus, accensusque dolore & vindictæ cupidine Iordanem propinquum suum bellica virtute illustrem cum octingentis cataphractis equitibus in Etruriam misit: quorum aduentu cognito Guelphi Senensi agro protinus excefferunt: eamque vnam renouando bello occasionem expectabant, vt Senenses stipendiorum graui sumptu exhausti Germanos dimitterent, quibus cum propter eximiam virtutis opinionem manus minimè conferendas putarent. Angebatur proinde animo Farinata, providebatque Germanos exacto iam bimestri stipendio Neapolim breui redituros, quum ad suas regressus artes, nouo alitu viam inuenit, qua Florentini ad renouandum bellum elicerentur. Simulata enim perfidia suasit cucullato sacerdoti, vt rem longè gratissimam, ipsique magno futuram lucro Florentinis optimatibus suo nomine deferret: se diuturno exilijs tædio, amoreque & desiderio patriæ adductum, alieno esse animo à Senensibus, quod imperij turbulenti que homines Rempublicam peruersissimè regerent: propterea paratum esse cum exulum manu eam portam quæ Aretium duceret occupare, Florentinisque prodere, si coacto exercitu, instaurato bello in conspectum vrbs deuenirent. Nec mora octouiri re ingenti silentio suppressa, vt cucullatus Farinata nomine deposcebat, conscribendas copias, euocandaque sociorum auxilia, & Carroccium educendum decernunt. Tanta autem animorum ferocia cupiditateque arma parata sunt, vt nonnulli viri graues peritique militiæ, & in his Tegaius, & Aldobrandus, tanquam nimio plus Germanorum impetum metuentes, ab audaculis vanissimisque popularium è consilio strepitu & vocibus exploderentur, quum differendum bellum in id tempus censerent, quo Germani ab hoste inopia pecuniæ grauiter oppresso, exclusi stipendijs dimissi forent, quod eorum vim Italicus equitatus non nisi magno cum discrimine laturus esse videretur. Arrisit Fortuna Farinatæ dolis vt Guelphorum insolentiam eluderet. Nam quum Florentini ad Montem apertum, quinto à Senis lapide supra flumen Arbia castra posuissent, prodicionis euentum expectantes, in eos vel numero superiores e ductis copijs Iordanes impetum fecit, consertaque longè omnium eius ætatis cruentissima pugna vsque adeo crudeliter lateque tusos hostes cecidit, vt Arbia innumerabilium cadaverum tinctas cruore vndas traheret. Steterant enim ea in acie à Florentinis triginta milia pedum & quinque equitum milia. Sed eius pugnae mala fors vehementer iniecit Lincium, Præfensium, Orbitanorum, & Bononiensium auxilijs: quum

quum Germanis, qui caesæ ad Petronellam alæ parentare cupiebant, vel in deditos & captos seuientibus, occurrissent. Pugnatum est propè ad internitionem Guelphi nominis, pridie Nonas Septembris anno à partu Virginis Sexagesimo supra mille & ducentos. Nulla omnino Florentiæ domus cladis & luctus expertus fuit: corruisseque ciuitas videbatur, quum miserabili ciuitatu planctuque omnis sexus, ætatis, atque ordinis cuncta complerentur. Optimates itaque & plebei Guelphæ factionis desperatis rebus ante victoris aduentum vrbe profugerunt: Iordanes verò intra paucos dies Farinatam cæterosque Gibellinos in patriam reduxit. Constituta autem Republica, Guidoneque Nouello Iordani suffecto, quod is reuocatus à Rege Neapolim redibat, Florentini Lucentibus bellum intulerunt, quod apud eos Guelphorum reliquiæ Tegiaio Aldobrando auctore & duce arma rescumerent. Cæterum Nouellus expugnatis aliquot castellis, cum Lucensium exulumque exercitu prosperè confluxit. Eo in prælio Bondelmno cognomento Cicer Guelphorum princeps, crudeli casu interfectus est. Hunc creptum è media cæde Farinata in equi clunes sustulerat, vt humaniter conseruaret, parcebantque ei vel esseri hostes dignitate Farinatæ per moti: sed Petrus Farinatæ germanus frater, cui Asinus cognomen fuit, vir atrox & sanguinarius captiuo non pepercit, vt qui eum clauæ ferreæ ictu in tergo fratris occiderit: detestante id scædum scelus Farinata & plurimum indignante, quod sibi clementiæ laus inumanitate fratris eriperetur. Nec Guelphi vel duabus attriti cladibus animis se demiserunt: Commoueabant enim se in Aemilia, & missis legationibus ad Conradum puerum in Germaniam, & in Galliam ad Carolum Andegauensem, vndique Gibellinis & Manfredum bellum concitabant. Quibus cognitis rebus Gibellini ad Emporium oppidum Pisanæ viæ impositum, vt de summa sustinendi inferendique belli consultarent, concilium indixerunt. Conuenere Aretinorum, Senensium, Pisanorum & Pistoriensium legationes, itemque Vbaldini & Alberti in Apennino prepotentes, & sanctæ Floræ reguli Senensibus contributi. Præerat concilio Guido Nouellus Murilianæ Comes, è Guidonum Comitum gente: disputabatur varijs sententijs de ratione confirmandæ potentiæ, quod magnæ rerum difficultates deliberantibus occurrerent: cum propter rumores Gallici apparatus & Germanos in Manfredum concitatos, tum propter Turrianos Principes in Cisalpina Gallia aliquot iam partis victoris, Gibellinos acerrimè persequentes, Romanumque Pontificem ex professo Guelphos mirificè subleuantem. Verum supra hæc consultantium mentes grauiore metu perturbabant minores populi Florentini classes, qui ab insito studio Guelphum colerent nomen, & Gibellinum vel subactæ armis, pertinacissimè odissent. Iamque in id consilium dictu ignobile, conceptuque summe seuum ac turpe sententiæ inclinabant, vt diruenda Florentiæ mœnia, urbemque nudatam munimento in vicos diducendam censerent. Non tulit diræ sententiæ nomen vnus Farinata, proflitensque in medium generosa pietate peracrique sacundia contradixit: ex cratus degeneres, crudelesque eorum animos, qui nobilissimæ vrbs scædo interitu laturi viderentur. Habeant, inquit, campotius incolumen Guelphi atque in ea dominantur, si ita fuerit in fatis vt victores euadant,

quàm vt scelesti confilij hoc immane decretum ferri patiar. Si veræ virtutis præmium incolumis patria, vt decet, ex æquo omnium parens, cui nemo nisi degener atque impius manus intulerit: quando ipse vnus ante alios vel exul, dum spiritus hos reget artus, acerrimè sim defensusus. Erat Farinata corpore atque animo ingens, elato supercilio, eloquentia adeo graui vehementique, vt pudorem fœderatis inijceret: Florentinis verò ciuibus, qui aderant, præ gaudio lachrymas excuteret. Atque ita ciuitas aduersus inuidiam & rabiem execrabilis decreti, ab vno, vt decuit, optimo ciue seruata est. Sed Farinata ingruentibus demum Gallis, & Manfredo ad Beneuentum acie victo caesoque, & Guelphis ex ea victoria Florentiæ restitutis: ab ingrata patria, quam seruarat, id præmium tulit, vt extorris Africani Scipionis exemplo in exilio moreretur: sua quidem virtute non modò non infelix, verùm æstimata laude maximè gloriosus. Contra Asinus Frater ad Beneuentum cum Iordane captus, iussuque victoris Caroli ad Nicaeam Prouinciæ in carcerem ductus, diu miser, necatusque demum meritas sæuitiæ suæ poenas luit. Farinata effigies in Porticu Pandulphing Villæ ad primum lapidem extra Fridianam portam, hoc cultu atque armatura, inter Florentinos antiquos proceres Florentiæ eleganter depicta spectatur.

HONORATI FASITELII.

*Servata per te patria quod tui maxime,
Sic quum misera casura fuerat maxime:
Nunc optimo tu iure præter cæteros
O belli, & idem pacis artibus inlyte
VBERTE, patria viuis in superstitè,
Viuesque, dum viuunt sacri annales IOVI.*

ANTONII Francisci Rainerij.

*Tu præstans Vberte animo, tibi Dædala sandi
Vis fuit, herouique Itaci sub pectore sensus.
Nam seu dextra hostem quateres, seu fulmine lingua,
Sine astus Marti misceres, fulmina fando
Præcorumque artes & robora Romanorum.
Aequiparas, vario dum nutat Etruria motu,
Et patria infans dum fluctibus iëta labascit.
At pietas laudumque cupido, & viuenda virtus
Reddidit æternum, celsoque euexit Olympo:
Cum seruas lacerandam urbem, qua nil ab Eois
Pulchrius Hesperias oriens Sol cernit ad vndas.
Iure igitur Latine Iouis noua gloria lingua
Dat laudes, poterit quas nulla abolere vetustas:
Debet & ingenti Florentia Farinate:
Qui miseram vultu patriam tutatus aperto est.*

ACTIO-

Actiolinus Tyrannus.



ACTIOLINVS Patauīnorum Tyrannus, portentum humani generis, hac obducta feralique fronte; hoc atroci pallore, hisque vipereis oculis, suam indomitæ naturæ toruitatem spirans, in Prætorio Patauī pictus spectatur: vnde nobis exempli tabula hæc in Musæum relata est. Fuit is Saxonici sanguinis à proauo Alberico auoque & patre Actiolinis, Italicæ stirpi ad horribilem sæculi pestem insertus, ea tempestate qua Otho tertius Cæsar in Italiam venit: eo susceptæ coronæ exitu, vt suburbanas Romanorum delicias barbaro more ferro & flammis excinderet, Nauabat operam incendiario Cæsari superior Actiolinus, magisterio equitum insignis: tuleratque ab eo militiæ donum in Euganeis oppidum nomine Romanum, vt inde nouus incola, hoc horrendum

immaneq̃ue monſtrum progigneret : quod maximè funeſtam regiōi cladem eſſet allaturum. Nihil enim hic diri nōminis pronepos à progenie virulentò ſanguine infecta degenerauit, vt pote quem nulla humanioris vitæ conſuetudo, nullus auiti materniq̃ue lactis affectus, nullaq̃ue benignioris eius cœli clementia ab ingeniſta rabie furentem mitigare potuerint. Quamquam ab adoleſcentia honeſtè ac liberaliter educatus, bonæ maturæq̃ue ſurgis ſpem præberet, virq̃ue deinde factus ſecunda virtutis fama militiæ verſaretur. Adhæſerat Friderico ſecundo Romani Pontificis opes oppugnanti, & Guelphorum nomen in Italia proterenti. Sed imperator à Parmenſibus graui dignitatis incommodo ſordè fugatus, & caſtris exutus, ægrè Cremonam è manibus hoſtium ſe receperat: quum fortè in ſegni & longa obſidione munitis exiens caſtris intenſeſtiuum ex Falconum aucupio ad Buxetum oppidum voluptatem quaſiuiſſet. Fuit Actiolinus ingenio peracuto, conſtanti, verſutoq̃ue apprime validus, corpori autem quanquam mediocri, ſingulisq̃ue membris habilis inerat vigor, adeo firma explicataq̃ue neruorum compage, vt eques pariter & pedes armorum exercitatione, cum cœtos æquales anticeret, nec vnquam inedia, vigilijs, algore, aut æſtu frangeretur. Id verò in eo homine peculiare maximeq̃ue mirum fuit, momento temporis diuerſos commutati animi habitus quum uſus poſceret, geſtu, voce, oculis ementiri, alieni porrò animi latebras ſagaciſſimè perſcrutari, in credibiliq̃ue ſimulationis artificio, vel penitiſſimos aſtutorum hominum ſenſus explorare. Vir enim ſuſpicioſus, vaſer, inuidus, ſæuus & ſemper ad imperium anhelans, modò hanc, modò illam perſonam induere hiſtrionum more didicerat. Hos tradiderant mores auus & pater, vtpote qui antea graues inimicitias cum finitimis & potentibus Patauinorum optimatium familijs ſuſcepſas, per cædes, caſtellarumq̃ue incendia, aliquot annis exercuiſſent, ſimultate orta ex nuptijs adulterioq̃; Cæcilie Baoniæ, quam auus Actiolinus cognomento Balbus impudenti aſtu præreptam ſecundo Actiolino filio, cui Monacho cognomen fuit, in matrimonium dederat, quum Gerardo Campoſampetrio Patauina iuuentutis Principi deſponderetur. Trahebat enim ſecum dotali iure opulentam hæreditatem, qua Balbi animus auaritia repente captus, turpiter adduci potuit, vt Gerardum contra ius artæ propinquitatis inexpiabili iniuria offendere minimè vereretur. Erat enim Gerardus ex ſorore Balbi genitus, & de Cæcilie ſponſalibus (vt decebat) auunculum conſulucrat. Itaque iuuenis inhumaniter perfidioſeq̃ue deceptus, ab iuſto dolore ad vindictam præceps, ita contumeliā vindicauit, vt ſordo facinore concepto patratoq̃ue, Cæciliam poſt celebratas cum Monacho nuptias fortè ad Aponenſes aquas euntem interceperit, mediaq̃ue in via intentato ad iugulum pugione ſi reluctaretur, vi illata conſuprarit, non ad libidinem, ſed ſuperbo vitoreq̃ue animo, ad perennem Actiolinorum ignominiam. Eius abhominabilis facti indignitas Actiolinos repente armauit in Patauinos, quòd tanti flagitij iniuriā impunito Gerardo neglexiſſent, deditq̃ue initium diuturnis inuſitatisq̃ue cladibus: quibus præter nobiliſſimas totius Venetiæ vrbes, ſupra centum oppida caſtellaq̃ue diu vexata, & late vaſtata à ſtirpe prope interierunt. Cæterum Cæcilia quanquam incorrupta animo, vt tamen polluta corpore repudij poenam tulit, eaq̃; propinquis re-

miſſa,

missa. Monachus nouas nuptias fecit cum Aldeida Etruscæ nobilitatis ex Man-
 gania domo in Alpibus illustri. Hoc ventre infausto, hocque diro semine e-
 ditus est tertius eiusdem nominis Actiolinus de quo loquimur: ab aliquo (vt
 credi par est) prodigioso malignorum syderum concursu, animi sæuitia ty-
 rannus Phalari, Dionysijs, atque Neronibus antefendus. Balbo auo mor-
 te erepro, & patre Monacho ad quietiorem vitam secedente: Actiolinus ex
 ea cruenta simultate armis vehementer exercitus, integrum bellum priore
 acrius atque crudelius renouauit, tantaque vi quum in omnibus oppidis
 atque vrbibus factiones excitaret atque aleret, vt Patauio, Vicentia, Ve-
 rona, Taruisio, ex ciuili discordia potiretur. Erant ei copię equitum & pe-
 ditum perpetuis inueteratę bellis, & quod magno vsui fuit fide, studioque
 partium sibi addictę: quibus accefferant Saracenorum alę formidabiles,
 Germanorumque cohortes, & turmae eximie virtutis quas Fridericus im-
 perator ei attribuerat, tanquam Gibellinę factionis Principi, atque im-
 pigrę tuenti Cæsaris nomen. Has vt aleret vniuersas ciuitatum fortunas
 in fiscum redigere: opulentos ciues damnare atque proscribere: sana do-
 narijs spoliare: sacros templorum redditus intercipere: & neminem deni-
 que qui pecunia, autoritate, clientelisque valeret incolumem pati erat so-
 litus. Ingenio siquidem audaci, auaro, impenseque impio, & nunquam cæ-
 dibus saturato, dum odium letale omnibus latę extenderet, ita euastarat flo-
 rentissimas vrbes, vt quum aduersarum partium sibi suspectos sustulisset:
 in Gibellinos demum amicorumque præcipuos ac intimos familiares im-
 manissimę grassaretur. Aedificarat singulis in vrbibus atque oppidis carce-
 res tenebris horribiles, in quos inuisorum agmina contruderet, vt inedia
 miserabilique illuue, tetro odore & lurido squalore enecti, in compedibus
 & robore crudeliter interirent: putrescentiumque cadauerum immenso fe-
 tore cæteris pallentibus exoptata mors contagione & metu accerferetur.
 Nam ea truculentia erant custodes, vt nisi ex mensium interuallo carceres
 stercore præalto, & multa putidorum cadauerum sanie redundantes, repur-
 garent, & cumulata inter semianimes eneçtorum corpora, vncis extrahe-
 rentur. Nusquam vel spatiosissimi carceres accumulatos etiam in strues ca-
 ptiuos capiebant, non tortorum atque carnificum numerosę manus e-
 dendis cruciatibus, expediendisque laqueis atque securibus sufficebant. Vi-
 ui homines in frustra laniorum cultris secabantur. Cateruatim alij longa serie
 deligati ad palos, circumuentique flamma torrebantur. Quod verò inaudite
 crudelitatis fuit, capitale erat tortori atque carnifici maturasse supplicia, vt
 vita per articulos, momentaque temporis, ad longos cruciatus extendere-
 tur. In eos autem vel infantes, quos neci destinasset, tanquam minoris crimi-
 nis delatos, ita ex summa sæuitia fictę clementię laudem quærebat, vt mo-
 noculos, vnipedes, & vnimanos dimitteret: postremo lugentibus suorum
 funera vt lugere desinerent, oculos eruebat: ex pauore circumspèctantibus
 fugam, vt viæ labore liberaret, amputabat pedes: alienę porro calamitati
 libera voce indolentibus, ne diu vociferarentur linguam præcidebat. De-
 latores quoque ipsos negligentię incuriæque damnatos, quum damnan-
 dorum nomina deficerent, ductos in præaltam turrim vt certius spe-
 cularentur, atroci ludibrio, sed merita pœna, in fossam præcipientes da-

bat. Immenſæ autem humanitatis arbitrabatur, damnatorum atque exulum vxoribus & liberis ea conditione vitam condonaſſe, vt ſeminis decideretur matrem, mares verò ad non dubium inimici ſobolis interitum caſtrarentur. Per hunc modum nuſquam remiſſa atrocis animi ſeuitia, ſed indies rediuiua ſeritate debacchantem, ſupra triginta millia omnis generis ſexus, ætatisque hominum, teterrimo ſupplicio ſuſtulſiſſe, eorum temporum ſcriptores tradunt. Iamque immanis bellua inſatiabili ingluuiæ vorax, humanique ſanguinis ſitibunda, Mantuæ, Brixie, Mediolano, & cunctis Italiæ vrbibus inhiabat, deuoraſſetque proculdubio, niſi Romani pontificis legatus, Aetiſque Ateſtinus, indomitam feri monſtri rabiem vlttricibus armis inſre-giſſent. Innocentius enim Pontifex Aetioliſinum antea Friderico Cæſari, impiè operam nauantem, ob idque ſacris interdictum, tanquam Dei diuorumque numina contemnentem, furis infernalibus deuouerat. Itaque numeroſo coaſto exercitu, & poſitis ad Patauium caſtris, urbem munitiſſimam Anſeſiſio præſecto fruſtra propugnante fortiter atque feliciter expugnant, captiuoſque innumerabiles eſtractis tot carceribus propinquæ neci ereptos, libertati, patriæque reſtituunt, incomparabili Patauinorum lætitiâ, acerbifiſi moque dolore tyranni qui tum aberat, capiundæ Brixie intentus: adeo pertinaciter hærens, vt Patauio tantis obſeſſo copiis vehementiſſimeque oppug-nato nihil omnino timendum, nec ferendam opem decerneret: ne irritoincepto abſceſſiſſe videretur. Verum eo nuncio percuſus percitufque ira, motis caſtris incredibili celeritate Patauium aduolat, exultantem victoriâ imparatumque hoſtem oppreſſurus. Sed Aetius perinus belli, & naturæ hoſtium gnarus, irruenti prouocantique ad prælium tyranno, obſtructas portas, munitaque deſenſoribus moenia obijciens, ſalubri patientiâ, furentis inipetum fregit & eluſit. Deiectus itaque ſpe eliciendi ad pugnam hoſtis, gemens & fremens retro vertit iter ad Vicentiam atque Veronam, quibus in locis Patauinos omnes cuſtodia eduſtos, reliquum ſeuitiae ſuæ venenum effundens, varijs tormentis excruciat & interficit. Nec multo poſt initis ſcederibus cum Vberto Pallauicino, Cremonenſium, & Placentinorum domi-natu potente, iterum Brixie caſtra admouet: nec in eo terrore imploranti-bus opem Brixianis legatus deeſt. Verum Fortuna optimæ cauſæ ita inui-dit, vt legatus ad Marciam vicum circumuentus inſidijs & tumultuaria pugna proſtigatus à tyranno caperetur, & Brixiani ab ea clade metu conſternati portas aperirent, Guelpique Pontificio nomini fauentes, aut ſup-plicio aut exilio mulctarentur. Aetioliſinus tanto ſucceſſu elatus Vbertum victoriæ ſocium (vti in ſagis erat) dominatu conſortem non diu tulit, eumque ſuperbus & inſolens contra ius inite paſſionis Brixia excedere coegit. Is contumelia incenſus cum Boſio à Douaria vetere inimico, quod opibus potens in vrbe Cremona principatus eſſet æmulus, ad Aetioliſini perniciem vires ſenſuſque coniungit. Diſceſſerat enim ab amicitia tyranni Boſius pari-bus iniurijs iniquiſſime laceſſitus. Nec mora ſyncera fide coniuncti Aetium Ateſtinum è Ferraria euocant Brixellum, & cum eo in Aetioliſinum coniu-rant: Martinumque Turrianum Mediolani regnantem admonent, vt dili-genter ab Aetioliſino caueat, atque arma parate enim nulli occaſioni deſuturos, vt communem hoſtem cunctis inſidias molientem, coniunctis copiis cir-cunſtant

cunsistant & opprimant. Actiolinus per eos dies conspirantibus secum Infubrum patritijs, quos Turrianus in ducto popularium dominatu in exilium egerat, in id consilium totus incumbere, ut Mediolanum improviso adortus inuaderet: reductisque patritijs, & pulso Turriano Pontificij nominis studio, debilitatas iam pridem iacentesque Cæsarianas partes erigeret. Oppugnabat tum Vrceos oppidum, & coniurati hostes de Vrceanorum salute solliciti coniunctis copijs à Soncino ad eum ferebantur. Turrianus quoque Carrocio cum legionibus vrbe educto, Abduam ponte constrauerat, ut mutua transeundi amnis facultate proposita, ad socios transire, aut eos (sicuti usus ferret) ad se recipere commodè posset. Quo hostium consilio cognito tyrannus inuitatus ab exulibus, & vadum in amne monstrantibus, nouum fataleque sibi consilium arripit transiendi amnis, ut improviso Turriani pontem inuadat & occupet. Adiuuat vim repentini impetus Fortuna, Turriani quoque praesidium prima irruptione deijcitur, quod Infubres nihil hostile in sua ripa timendum putassent: ut pote qui vltioris ripae propugnaculum ponti impositum, maiore cura & vigilantia tuerentur. Repentino itaque terrore perturbati à fronte primo & mox à tergo tumultuosissime profligantur, victorique pontem relinquunt. Is subito aggere nouoque praesidio vtrunque pontis caput firmat, effususque per agrum ferro ac flammis cuncta peruastrat: frustra quoque tentata Modoetia, ac incensis suburbanis tectis, ad Sextum usque vicum occurrit: praemissis Saracenis qui ab inusitato cultu genereque armorum & barbaro clamore terribiles Mediolani portis terrorem admovent: eo quidem astu ut Martinum longius ab vrbe abstraheret, ipse autem diuerso itineris flexu Mediolanum aduolans, Cæsarianis introrsus prodendae portae ex suo aduentu occasionem aperiret. Sed Martinus nequaquam temere progressus suspectansque insidias, & vim propugnaculissimi furentisque hostis deuotans, militum suorum audaciam atque auiditatem conferendae pugnae grauissima obtestatione cohibebat: munitionesque castris intentus hosti pariter atque vrbi cuncta circum explorando, cunctabatur. Nec oblatae occasione ad rem bene gerendam defuit Actius, Vberius, & Bosius Mantuanorum auxilijs confirmati: extemplo enim conuolantes ad pontem, cum magna vi, & pari celeritate successu quo amissus fuerat, trucidato Actiolini praesidio recuperant. De eare fortiter atque feliciter parata, per nuncios Martinum docent, hortanturque ut praelio tantisper abstineat, ne explorata de intercluso hoste victoria militum temeritate corrumpatur, quando tyrannus sine vulnere debellandus, offerri certo exitio videatur. At Actiolinus ad primum amissi pontis nuntium, vertentis se Fortunae vultum agnoscens, nequaquam animum despondit, aduolatque ingenti cursu ad pontem, ut eadem vi celeritateque bis caput recuperet. Sed peritissimi rei bellicae hostium duces lunatam munitionem, vbi singulari studio laboreque militum ad pontis caput erexerant. Eam vehementi cruentoque certamine edito, quum tyrannus acerrime dimicans percurrere conaretur, ei verutum scorpione adactum in imo crure pedem transigit. Saraceni Germanique in primis & reliquae copiae, multis acceptis vulneribus repelluntur. Nec tamen sese deserit tyrannus, nec dolore vulneris nec supremi discriminis metu superatur: indeque conuersis signis, ad vadum

quo transierat, instante iam tergis Turriano se proripit. Multi suorum profluentis vorticibus abrepti perierunt: ipse alto generosoque vectus equo, ita in ripam euasit, made facto vulnere septuagenarius senex exorto intolerabili rigore quateretur, & quod indomiti spiritus virum pervincere poterat, hostium antecursores ad se opprimendum prouolantes conspiceret. Per hunc modum à tergo premente Turriano, & à fronte noui hostis occursum pulsus & latè profligatus, cum paucis se fugæ mandat Brixiana via. Sed euadentem Vbertus & Actius cum expedita equitum manu consequuntur & capiunt. Is Vberto non multum antea amico atque eiusdem factionis, quàm Actio veteri & implacabili hosti se dedere maluit. Eo modo exutus armis, ignobilique equo impositus ad Bosij tabernaculum perducitur, à quo humaniter reputatione tantæ calamitatis susceptus est. Sed quum ferox animus obligandi vulneris fascias, & cuncta vitæ alimenta obstinata feritate repudiaret: nec ullas vi bene sperare vellet preces admitteret, dentibus infrendens contumaciæ ore defixis solo oculis spectabatur. Tantus autem erat militum concursus, ut magno ludibrio singulis prope incessentibus, latro impius, & tortor, & carnifex crebro appellatus, incondito circumfusum ad tabernaculum turbæ, clamore & fremitu ad supplicium deposceretur. Itaque Duces urgentis iam coronæ violentiam veriti, cum spectaculo repente subtrahunt, intempestaque nocte lecticæ indusum sub custodia Soncinum deuehi iubent. Nec multo post in eodem pertinaci obdurantis animi decreto execrabilem animam exhalans, meritis cruciatus, quos feruida ira exulmi struebat, indignabundus effugit. Verum Albericus Taruisinorum tyrannus nequaquam virtute bellica, sed naturæ immanitate Actiolino fratri comparandus, pro se fratresque cumulas scelorum penas persoluisse visus est, quum Taruisio pulsus & in Zenonis arce obsessus, & captus, uxores filiasque in oculis vias comburi, filios membratim dissecari, sese demum diu tortum, attractumque pedibus equorum iugis, per salebras & veprea, ad necem raptari, laniataque membra feris atque volucris destinari, omnium miserrimus spectari.

ANTONII FRANCISCI RAINERII.

*Sylla, Nero, Caim, Marius, Mezentius: bistu
Azolus, ipso & senior et Phalari.*

Martinus Turrianus.



VRRIANÆ familiæ nomen Belgicæ stirpis fuisse annales tradunt, quod Tacius Regulus opibus potens in Saxina valle quæ est supra Larium lacum, argentifodinis clara, geminos externos fratres sibi generos alciuerit: datis in matrimonium geminis filiabus, quibus totius patrimonij hæreditas nomine dotis obueniret. Erant Belgæ iuvenes bellicæ indolis honestisque moribus & gentis prosapia clari. Cæsarem enim sequentes castra, pro insigni gentilitio, Turrem in scutis depictam gestabant,

ex cu-

ex cuius fenestris hastæ geminæ singulis aureis lilijs ferreæ cuspidis modo præfixæ ad vexilli speciem protenduntur. Ab eo scutorum argumento Turriani sunt appellati. Hoc sanguine progenitum ferunt Martinum superiorem, quem ab inusitata corporis atque animi magnitudine, Gigantem appellabant. Huius eximia virtus Sacro bello sæpius spectata, cum habuit vitæ exitum, ut ad Antiochiam à Barbaris captus, omnibusque exercitatus tormentis beatorum martyrum exemplo, cælestis vitæ felicitatem sit consecutus, relicto Iacobo filio, qui numerosa prole præstantissimorum iuuenum felix, Paganum & hunc de quo scribimus MARTINUM gloriosi aui referentem nomen genuit. Paganum paulo antea virum excellenti virtute prudentiæque Mediolanenses ciuitate donauerant, honoreque præturæ auctum publicis consilijs præfecerant: quod multa cum laude liberalitatis & pietatis ipsorum copias à Friderico secundo Cæsare cruenta acie profligatas ad se recepisset, singularique benignitate omni humana ope adiutas fouisset. Is autem ita gessit Magistratum, ut nemo temperantia, æquitate, atque industria potior videretur. Hoc tenore consilij moriens Paganus, Martino fratri ad summam potentiam iter muniuit. Erat maxime potentium per spicaci cunctoque ad laudem, & imperij maximè cupido, & (quæ erant ad id opportune artes) multa ciuili prudentia & astuta lenitate temperato. Volebat enim existimari popularis, dum suscepto medicæ ciuium clâssis & infirmæ plebis patrocinio, nobilitatis superbiam, specie liberalitatis atque superbie contunderet. Paulum siquidem Sorecinam Optimatum principem, eiusque sectæ aliquot ciues opulentos, quod immodici prægrauæque essent populo, vrbe eiecerat, bonisque multarat: & quod maxime potentium fregerat spiritus, Leoni Perego Mediolani Archiepiscopo, quod is è Patriijs ad eum honorem esset euectus, alterum è Septaria familia commendatione plebis opposuerat: persequēbaturque iam apertè nobilissimos quosque, & præsertim Gibellinos: verum id dissimulante: nam eorum magnus erat concursus ad Othonem Vicecomitem, qui Pontificia autoritate creatus Archiepiscopus, aduersus duos pseudo Archipresules sacri imperij sui sedem & patriam armis repetebat, ea infracti animi perseverantia, ut sæpe acie victus tanquam optimæ confusus causæ bellum singulari alacritate renouaret. Cæterum Martinus cum occupata ad Verbanum Arona, copias promouentem, comimissa pugna profligauit: magno quidem detrimento Patriijs exulibus illato. Hic est ille Otho qui ex sacerdotij contentione quinquies à Turrianis repulsus, post viginti annos victis acie, captisque eius familiaræ principibus ad Decimum vicum, in Vicecomitis domo Mediolanensis imperij fundamenta iecit. Exinde Martinus prostrata, aut redacta in ordinem Insubrum nobilitate, ita principis munia usurpabat, ut prætoria potestas ad non obscurum tyranni nomen transiret. Idcirco vitandam sibi inuidiam ratus, egregiè simulando patritiorum ordines æquioris & tranquillioris status spe sustentabat. Ne verò insensus optimatibus videri posset, vetustissimæ stirpis familias per connubia Turriano sanguini inferuit: Ex Castellionca scilicet gente, Biragaque, & Pusterlea delectis vxoribus. Callebat enim artes confirmandi principatus, & caprandæ popularis auræ: Nam ad has opportunè quæstas assinitates accesserant faciles aditus, mi-

raque patientia in audiendis dissoluendisque improbae & semper ineptae plebis querelis: & Turriana domus cuique expositis penuarijs copijs liberaliter adaptata. Quod verò tuendae popularitatis intererat, publicè etiam epulum dare, & spectacula decurrentium equitum, honestaque exercendae iuventuti certamina propositis praemijs, & magnifico apparatu edere erat solitus. Quibus etiam ludis per solennes festos dies, ut populi mentes ad religionem reuocaret, Christianae historiae actiones intermiscebat, diuorumque Martyrum exempla personis Comico & Tragico more decentissimè representatis. Quo simulationis artificio collecta sensim gratia, confirmataque auctoritate, non obscurè ad principatum euectus est: tanto omnium ordinum studio, ut Populi defensor, Pater patriae, Praetoriaeque potestatis Dictator perpetuus vocaretur. Sub id tempus nobilitas ferè omnis, in primisque proceres Gibellinae factionis extorres & profugi ad Aetiolinum confugerant, Caesarianarum partium principem, impotentemque execrabili fræuitigè tyrannum, ut eius ope reducti in patriam aduersarios Mediolano pellerent. Itaque Martinus exploratis hostium consilijs, socijs ad capiendam arma excitatis, & populo multis concionibus ad tuendam libertatem concitato, Carrocium & legiones, equitatumque omnem sub signis eduxit. Aetiolinus autem qui superato Abdua igne ferroque obuia vastabundus, incenso Tritio, Vicomercatoque direpto ad Sextum oppidum excursions fecerat, ubi Carrocium educi, secus ac putarat, nec longè abesse Martinum didicit: retro vertit iter ad Calsianum. nam in tergo aduentare nouos hostes audiebat. In vnum enim coierant Actius Aetius à Ferraria, Vbertus Pallauicinus à Placentia, Bostiufque Douariensis à Cremona, qui praemisso equitatu, pontem quo tyrannus transierat ad Ripaltam occuparant. Itaque premente Martino, duplici terrore ancipitiq; periculo circumuentus, supremum temeritatis suae consilium sumpsit tranandi amnis, ut in aduersam ripam, quod vadum ibi reperiretur, cum equitatu se proriperet. Sed dum tran sit verutum scorpione adactum pedi incidit, grauatusq; co vulnere septuagennarius senex vltro citroque Abduam trucidatis eius copijs, viuis in hostium potestatem venit. Nec multo post truculenta obstinatione repudiatis remedijs atque alimentis ferino cum gemitu accersita morte, meritos ad poenam suae immanitatis cruciatus effugit. Ab hac victoria Martinus clarus magnusque habitus, cuncta ad arbitrium Mediolani moderari, & Principem agere coepit. Ita ut magnificentiae operum ad alendam plebem plurimum studeret, aedificatis amplissimis aedibus in regione Nouae portae, & ad publicam commoditatem excepta Ticini amnis parte, quae iuxta Abiatum oppidum nauigia ad Ticinensem portam perducit. Id emissarium sumptu cum antiquis operibus comparandum, ingentium lintrium est capax: incredibilisq; importandorum ex agris fructuum facultatem, cum voluptate hibernae ac aestivae nauigationis, ad perennem Martini gloriam hodie praebet. Sed Turrianas aedes laxitate, viridarijs, & praecellenti structura pulcherrimas, Otho victor, iusto (ut ille putabat) dolore compulsus solo aequauit: tanta exacerbat animi rabie, ut in ruinis diuo Ioanni decollato templum conderet, dicaretque ad ignominiam damnati soli, sepulturae ac inferijs noxiorum hominum, qui tetro affecti supplicio, è furtis ad id infame sepulchrum

chretum perpetuo deferrentur. Inexpiale siquidem odium sibi concitarent, dum superbe rerum potirentur. Napus, atque Franciscus fratres, quod acie ad Angliam victores, captis viginti duobus Patritijs, & in his Theobaldo Magni Marthæi patre, Othonis fratre genito, capita attracta crinibus, ad plautri temonem rustica secure crudelissimè detruncassent. Regnavit Mediolani Martinus annos quatuor post partam de Actiolino victoriam sua virtute, ac immenso populi favore gloriosus. Obijt non planè senex, elatusque civium humeris ad Clareaullis Cornobium, sepulchro maiorum illatus est. In quo eius effigies, sub abside marmorei fornici depicta, hodie etiam incolumis spectatur, in purpura & pileo armelinis pellibus suffulto, ut tum erant summi Magistratus insignia. Sed Martinum illustri prudentia insignem non multo post longe clarissimum fecere Philippus & Napus successores, quum ille fraternæ potentie hæres, immodico principi tyrannoque, quam prætori propior esse maluerit: hic vero bello acer paceque intolerandus & atrox, sese & familiæ fortunas omnes Decumana acie victus euerterit.

ADAMI FVMANI.

Ruebat Eccelinus acer Italus
Fretus tremenda militum ferocia
Tremendus ipse duritate barbara
Vrbem superbam, maximam, perlucidum
Sydus, togata ut perdominaret Gallie
Tyrannus Eccelinus ille pessimus,
Illud Deo atque hominibus infestum caput,
Quotquot fuere, quotque sunt, quotque vniquam erunt
Longe tyrannus omnium teterrimus:
Ab corde cuius exularat fuditus
Fas, ius, pius, rectum, pudorque, æquum, & bonum,
Qui tenera membra paruulorum ab vberibus
Matrum remulsa, dissecare per scelus
Atrocione duro, fuerat ipse durior.
Quin (proh nefas) & mulierum prægnantium
Exenterare amabat (ô durum nefas)
Exenterare amabat alius impius
Horrente scalp:ro: tembul mater verens
Lucina, iustis quæ vocata partibus
Nuentium audis pia lacrymosas preces.
Quæ sæpe sæpiusque repetita, illius
Numquam feroces spiritus, numquam feri
Durissimum mollire pedibus quiverunt.
Et hoc Patavi noui alma ciuitas
Viciniæque illi fertilis Vicetis
Tuncque vrbs frequens, vetusta, magna, nobilis,
Verona mater urbium pulcherrima
Novi, & ante in beata Brixia,

Tum facta ab illo vrbs oninium miserrima.
 Ruebat Eccelinus acer Italus
 Qualis sonantis vis cornica fulminis,
 Cum Turrianus ecce vir fortissimus
 Martinus, indignatus ut spumans aper
 Lucanus, aut Sabellus, aut Libijs Leo
 Getula pubes quem veruta perpulit
 Exire notis saltum recessibus
 Clamosa pubes, & Numidicorum canan
 Animosa vis latratibus seuis ferit,
 Cum colla & armos vestientibus iubia
 Cauda flagello identidem graues sibi
 Villosa terga verberans iras ciet,
 Secumque ceco murmure dubitat ferus,
 Quae prima mordens obterat venabula:
 Sic ille, acerba ut seruitutis imminens
 A ciuibus propelleret ingum suis,
 Formidoloso & ipse cinctus agmine,
 Virtute fretus exilit mirabili
 Seni incitatus obuiam acerrimo,
 Primaque pugna vulnerat, viuum capit,
 Asportat, inque claustra caci carceris
 Contrudit, vbi post dirus is, diris modis
 Squalloreque ac pedore tetra, pessimis
 Suis sceleribus debitas poenas luit.
 Quo peruagante tam beato nuncio
 Late per agros Italum, perque oppida,
 Passum puellae virgines ductis choris
 Late caneant voce tinnula simul,
 Martine Turriane, Martine inchoyte,
 Tu liberator vrbiuum, tu Patriae
 Seruator extitisti, & omnes omnium
 Laudes tulisti: nempe nostra tu omnibus
 Nobis dedisti habenda, cum nefarios
 Latronis ausus contudisti, & omnibus
 Mentem addidisti ciuibus trepidis tuis:
 Tibi & mariti coniuges, & coniuges
 Debent maritos, atque vtrique liberos,
 Debent parentes liberi tibi quoque,
 Tibi nos pudicitiam, tibi decus, tibi
 Nostram incolumitatem, tibi iam denique
 Nos nostraque en debemus haec tibi omnia.

LIBER I
Sarra Columna.

51



Hoc toruo subagrestique vultu SARRA Columna præclarum maxime generosi infractique animi specimen prætulisse videri posset, quum Bonifacium Pontificem probe ultus, peracris iniuriæ contumeliam, vel nefario ausu vindicauit: nisi merito secundoque euentu patrati tantifacino-
ris integra laus, spretæ ac immaniter violatæ religionis infamia premeretur. Quid enim æquo iure vel atrocius admitti, vel selestius cogitari potuit, quam sacrorum principem diuinitatis opinione vniuersis gentibus religiosissimè venerandum insidiosis oppugnare armis, sacrilega manu capere, & dila crudelitate ad mortem adigere? Nulla siquidem dicta factæue in pontifice quantumlibet factioso, impotente, avaroque, diuini iuris authoritatem, & vim sacrosanctæ potestatis elidunt, & eleuant. Nam vbi semel consecratus, & nouo desumpto nomine lustratus est, pasto-
ralemque lituum præfert, ac in eius derafo atque sacro capite gemmatas

apex refulget, tanquam exuta humanitate, augustus & planè diuinus efficitur. Inuaserat Pontificatum Bonifacius peruerſa ambitione præceps, Cæleſti no miris vſque adeò artibus infatuato deceptoque, vt vir ille ingenij captu ſimpliciſſimus, humanarumque imperitus rerum, & religioni impenſe deditus, Pontificatu ſe abdicaret, priuatæ (vt aiebat) tanquam ſanctioris vitæ deſiderio, poſtquam tanti principatus ferendo oneri ſe imparem fateretur: & re ſumpta cuculla ad ſylvas & ſpecus Gargani montis, ad contemplationem diuinorum operum contenderet. Itaque voto ſuo poſitus Bonifacius intra pauciſſimos dies, præſando largiendoque in vacuam ſedem irrepiſit, renuntiatusque Neapoli Pontifex, Romam ſe contulit. Quum verò diadema triplis thiaræ ſuſcepſiſſet, ante omnia atroci concilio operam dedit, vt Cæleſtinus ſacro ſecellu educus, in carcere Fumonij arcis necaretur. Integer enim vitæ, ac omnis ſcleris impollutus, quòd è tanto faſtigio religionis amore in eremum ſe demiſſiſſet, admirantibus cunctis pſj animi decretum, tantam conceptæ diuinitatis opinionem fuerat conſecutus, vt à vicinis primò, & à remotioribus demum populis inuiſeretur, & plerique ab eo vel occuſus & colloquia deuſitante, delictorum expiationes, & rerum futurarum oracula depoſcerent, & iam pro ſancto gloriſcente diuinitatis fama coleretur, Veſtini que nonnulli primores reducendum in ſuam ſedem cenſerent, quam impudenti ambitu verſutus impoſtor pro optimo atque innocentifſimo dam natis artibus inuaſiſſet. Emanarat enim in vulgus qua malignitate aſtute ſimulationis, quo nefario ambitu, cum Carolo Rege & Senatoribus eſſet tranſactum, vt Cæleſtinus deceptus & proditus Pontificatu deiiceretur. Per hunc rhodum Bonifacius acri cura & vehementi metu liberatus, vſque adeò ſuperbè ſuſtulit animum, vt quum genere illuſtris, & erecto præſtanti que ingenio pollens, & diuini iuris intelligentia clarus haberetur: in adminiſtranda Republica imperioſo & factioſo principi, quàm æquo, & temperato Pontifici propior euaderet. Metui ſiquidem quàm amari, ac adorari potius quàm coli & ſuſpici malebat. His moribus Pontificatum gerens, grauem primò ſimulacram, & mox aſperrimum bellum cum Columnenſibus Romanæ nobilitatis principibus contraxit, quòd eius familiæ duo Cardinales Petrus atque Iacobus, Ioanne ſummo ciue geniti ſæpe in ſenatu libero Romanoque ore loquentes ab eo grauifſimis in rebus ſententia diſſentirent, vt priuati nominis ſui decus, & totius familiæ clientelas tuerentur, aduerſus eum Pontificem qui Chriſtianæ equitatis oblitus, & Guelphi generis memor, quòd ita firmando imperio expedire videretur, Gibellinorum acerbifſimus hoſtis exiſtiſſet. Itaque Bonifacius dicto non audientes, ſecedentesque in paterna oppida ad Præneste, hoſtes iudicat in eos anathematis tela contorquet: purpurei galeri honore ſpoliat: cæteroſque eius familiæ proceres aqua & igni interdicit, & quod ea religionis arma tanquam ab iniurioſo factioſoque Pontifice profecta, contemnerentur, conſtato valido exercitu eos iuſto bello perſequitur. Cardinales maturè fuga ſe eripiunt, è duobus verò patris Stephani Petrarchè carminibus celebratus, in Galliam ad Philippum Regem conſugit alter hic de quo loquimur SARRA in Ardeatinis ſyluis erepta ſpe fugæ ſe occultat. Oppida autem ſeptem, Prænesteque in primis, & ſub Algidò Columna expugnantur, inexorabili que Pontificis rabie ſtammis abluuntur

muntur. Nec eadem iracundia Vrbanis Columntensium domibus peper-
 cie, quæ sunt sub Quirinali & in via Lata: sic vt eorum etiam Turres in
 Foro Romano perfossæ deformatæque sint. Errabat in nemore Sarra ve-
 stigia hominum deuitans, agrestibusque pomis vescabatur, quum magno ca-
 su à prædonibus Malsilienium qui biremes aquandi causâ, ad Antiatae li-
 tus appulerant, interceptus est: catenatusque in transstro ad remum adigitur,
 & post durissimos maritimi cursus errores Malsilium est deuectus. Is ino-
 pinato oppressus infortunio, tanta infracti animi patientia, indignam æ-
 rumnosamque seruitutem aliquandiu pertulit, vt nomen suum non prode-
 ret, & se pascentium bubalorum gregi à Priuernate ciue præpositum men-
 tiretur: Archipiratæ scilicet auaritiæ veritus, à quo ingenti precio Ponti-
 fici diuendi & ad supplicium tradi facile posset. Sub id quoque tempus Bo-
 nifacius Philippum Gallie Regem profano iure inducto pontificiam exi-
 stimationem in adiudicandis sacerdotijs insolenter offendentem, & Im-
 pium & Regno indignum iudicarat: concitabatque in eum Albertum Cæ-
 sarem & Germanos & Belgas: ad id rerum discrimen magnopere tumul-
 tuantibus Gallie populis. Vtebatur tum Philippus Stephani Columnæ
 consilio, viri prudentia autoritateque præstantissimi: iamque eò simultas
 processerat, vt Pontifex grauissimorum criminum infamia notatus, ad di-
 cendam causam vocandus in concilium, exauthorandusque Christiana fe-
 ueritate censeretur. Sed retundendæ superbiæ expeditiorem viam mon-
 strantibus satis Sarra vel exul adinuenit. Is enim quum è portu Malsilien-
 si Stephanum fratrem de sua calamitate docuisset, ex templo redemptus ad
 Regiam contenderat, initisque cum fratre consilijs, & cum Rege commu-
 nicatis, accuratè persuaserat, vt ad paranda arma in Italiam mitteretur. Mu-
 factus verò Franciscus nobilis eques Florentinus, multis fidelis industriæ
 & bellicæ virtutis experimentis Regi carus in Etruriam præcederet, mo-
 lientique arma Sarra pecuniam qua abundè instructus aduenerat, oppor-
 tunè suppeditaret. Conuenère igitur noctu in oppido Stagia quod erat di-
 tionis Musacti in Senensium finibus Romanæ viæ impositum, deprom-
 ptaque pecunia conductus est Nogaretus Gallus vir impiger cum ala Gal-
 lorum equitum, ex his qui stipendia sub Carolo Valeio Philippi Regis
 fratre in Italia meruerant. Hac expedita manu veteranis suis & clientibus
 adiuncta, nocturnis ausisque vsus itineribus Sarra ad opprimendum Boni-
 facium Anagninam contendit. Aestiuabat libenter patrio in solo quotan-
 nis Bonifacius, & quod ei ad voluptatem iocundissimum erat, in ipsa e-
 riam paterna domo, metu vacuus tenuique septus custodia, & tum rumo-
 res fatali fastu contemnens, qui nequaquam ex vano de exilibus affereban-
 tur. Nec desuere neminem timent, domestici hostes, qui ex composito per-
 fidiose portam aperirent. Diluulo itaque Sarra urbem irrumpit, Galli e-
 quites sui regis nomen ingeminant, Columnij atrocem clamorem tollunt:
 Cardinales cum imbelli totius aulae comitatu repentino terrore perculsi
 vndique in fugam se proripiunt: terribilis tumultus tota vrbe excitatur:
 Pontificem hostilis turba domi obsidet, & pro Benedicto Maledictum, pro
 Bonifacio Malefacium appellat: & quod Cælestinum occiderit, truculentis

vocibus ad supplicium deposcit. At ille quanquam supremo metu doloreque perculsus, seipsum tamen presenti animo non deserit, constantique vultu Pontificatus insignia deposcit, aurataque in sella irrumpentes expectat, adeoque se cum sacro cultu, tum maiestate oris venerabilem præbet, ut mirabundus Sarra vel iusta ira turgidus, interneciuoque incensus odio, à contactu manus abstineret. Sed Nogaretus Gallicam effundens bilem insultanti similis, ita acerbe in eum est inuectus, ut se eum in catenis ad Lugdunense concilium perducturum minaretur, ut ibi arrogantie pœnas daret, qui Christianissimum Regem summa iniuria lacessisset. Ceterum direpta domo eum non multo post arctè custoditum Sarra Romam perduxit: ubi intra paucos dies ex dolore animi actus in furorem, inusitataque inflammatus rabie excelsit è vita. Illatus autem est sepulchro marmoreo ab se condito iuxta potam Argenteam Basilicæ Petri. Ingens enim ei viuo omnis honoris & gloriæ cupido, & sumptuosa quidem fuerat ornatissimi sepulchri cura; in quo mitrata eius effigies supra aram sculpta marmore & tessellato opere picta spectatur. Benedictus autem eius nominis Vndecimus in defuncti locum suffectus est, qui Sarram & Nogaretum tanquam detestandi facinoris nota conspersos exilio multauit. Sed Sarra vel iterum exul nominis fama clarus, & pulcherrimi facti conscientia felix fuit, quum multum antequam plañe senex apud Præneste fato concederet, Petrum & Iacobum Cardinales Senatorio ordini restitutos, & Cælestinum grauissimo atque æterno Bonifacii probro inter diuos relatum viderit. Formam Sarrae in vetere tabula pictam exceptamque per manus à maioribus & religiose custoditam, Martius Columna nobis ostendit, ut ex ea æmulante pictore, exemplum exactæ similitudinis duceretur.

PARTHENII PARAVICINI.

*Hos ne animos pulsi Reges seuæque securis
Gloria & imbuti natorum sanguine fasces,
Aeternumque decus, Brutique vltoris honores
Hunc acuerè tuo tam cæcum in corde furorem?
Vt dirum vsque adeò in facinus crudeliæque orsa
Irrueres præceptis: prob te non perculit horror
Attonitum: non maiestas veneranda vel ipsis
Cæticolis, illa & triplici redimta corona
Insula, tam sacris tremefactum absterruit ausus?
Si qua tamen scelere immani atque è crimine tanto
Surgere fama potest, illud te forte leuabit
Inuidia, quod non Regni vesana cupido,
Sed patriæ pietas, ad factum hoc impulit atrox,
Pro te Romana, pro libertate tuorum*

Vguccio Fagiolanus.



FORTUNA per se inconstans & sæpe ludibunda, in attollendo premendoque VGVCCIONE Fagiolano mirabiles ludos fecit. Is Massa Trebaria Togata Gallia oriundus, in eo Apennini tractu qui ad Aretinas alpes extenditur, quum nobiles agrestesque familiae ob factiones inter se contenderent, apud Gibellinos per totam ferè ætatem arma tractauit, insigni quidem cum laude, quod per cædes, incendia, vastationesque pagorum, vbique violentus & maxime pugnax eniuisset. Nam robusto ingentique corpore firmissimus, validisque ideo & pregrandibus utens armis, sicuti ingenio vigilanti acutoque maxime prestabat, ita ante alios aspera audacter aggredi, & pugnam impigrè ciere erat solitus: vsque adeo enim in omni discrimine & ferox & pertinax, ut qua-

dam in pugna ad Cæronium pagum à suis desertus, & ab hostibus prope circumuentus, quum sese fortiter reciperet, vulnerato altero crure, & collisà vehementer galea, in oblongo pedestri scuto quatuor tragulas, & tredecim veruta ex minoribus balistis infixæ ad suos retulerit. Exinde multis facinoribus clarum Guelphisque terribilem Tarlati Aretij principes oppugnati à Florentinis liberali stipendio conduxerunt, cuius ductu secundis aliquot prælijs hostes ita represi sunt, vt agro excedere cogerentur. Sub id verò tempus quo Henricus Cæsar frustra obsessa Florentia ad Bonconuentum fato celsit, Pisani Cæsare ciuitatis patrono defensoreque orbat, quòd Lucenses infesta arma intulissent, neminem Vguccione gerendo bello potiorè rati, cum qui copijs præfesset ab Aretinis impetrarunt. Eius aduentu Pisani quòd veteranum militem, & Germanorum alas adduxerat, ita sunt confirmati, vt latè summotis hostibus, non modò amissa paulò antè oppida reciperent, sed expugnatis etiam aliquot castellis ad portas vsque Lucensium delicias popularentur. Itaque exultans victoria Pisanus, nec studio suo modum imponens, ne parum gratus in referenda gratia videatur, Vguccionem ex duce dominum creat, honesto quidem merito, nisi vir immodicus ex moderato dominio suam tyrannidem inuexisset. Cuncta enim sibi licere fortunisque omnium pro libidine sibi vtendum ratus, ante omnia Boncontem summæ nobilitatis patritium, nec immemorem pristinae libertatis, idcoque nefarijs decretis aduersari ausum interficit, alios spiritu opibusque valentes detrudit in carcerem, multoque plures exutos bonis proscribit. Hoc terrore ciuitati illato, auctisque viribus Lucenses intestino laborante morbo repentinus aggreditur. Gerardum Lupidium Picentem militiæ peritum, qui Lucensibus copijs præerat, tumultuario prælio profligat, factioforumque prodicione adiutus in urbem irrumpit, cede, luctu, terrore, cuncta complentur, nec sacrosanctis templorum thesauris Germanus miles parcat, pulsisque Guelphis, Gibellini qui diu exularent, patria potiuntur. In his eminebat Castrucci animi magnitudine armorumque peritia, antiquis ducibus æquatus. Tanta re patrata Vguccio Lucae princeps effectus Guelphis omnibus Florentinisque præsertim terrori esse cœpit, quòd eo duce Gibellini ab Henrici morte deiectione spe, debilitatique viribus animos rursus attollere viderentur. Itaque Florentini sociorum Robertique regis auxilia in vnum cogunt. Vguccionem occupandi Pistorni auidum & Montecatini oppidum magno apparatu oppugnantem, collatis castris adoriuntur. Ille belli peritus loci & temporis occasionem excipit, editoque memorabili prælio, victor hostium castris potitur. Eius diei cædem vsque adeo latam scriptores tradunt, vt Nebulam fluuium cadaueribus stratum longè cruento alueo decurrissè affirmant. Ea insigni victoria Vguccio non multum lætatus est, nam in ea Franciscum ex filijs natu maiorem, summæ spei iuuenem amisit, & Luchinus Vicecomes qui Magni Matthæi patris auxilijs præerat, Castrucciisque grauiter sauciati sunt. Dux verò hostium Petrus cognomento Tempesta, Roberti regis frater in flumine perijt, & Carolus cui Robertus erat patruus, inter cadauera repertus est. Hæc est illa infausta Guelphis pugna, propter quam Florentiæ, Bononiæ, Senis, Perusiæ atq; Neapoli, ex luctu amissorum

amissorum ciuium populus vestem mutauit. Hac victoria subnixus Vguccio, vt Nerio filio Lucæ principatum confirmaret, suspicacis tyranni more, Castruccium gratia autoritateque pollentem tanquam Nerij æmulum tollere constituit: Ita compositis insidijs eum Nerius ad cœnam vocat, & nil tale veritum comprehendit, reumque mox homicidij factum capitis poena condemnat. Nec tamen ad tanti viri supplicium descendere audet, indignantis & frementis populi tumultum timens. Ob id accitus Vguccio, maturandæ necis auidus, cum militari præsidio Lucam aduolat. Tum verò Pisani tyranno discedente arma corripunt, Vguccionis familiam trucidant, domumque diripiunt, ac eo impetu vrbs portas occupant. Iam Lucam peruenerat tyrannus, & à filio maturè instructis mensis pransurus discubuerat, quum Pisis excitari ad arma populum nunciatur. At ille nihilo secius tanquam primo nuncio parum credens, nihil se commouet, & vti erat cibi capacissimus, & maxime vorax, per singulas tempestiui eius conuiuij dapes vsque ad bellaria conuesci pergit, eo quidem atrocis animi decreto, vt remotis demum mensis Castruccium securi percuti iuberet, atque inde Pisas ad seditiosos opprimendos properanti agmine reuenteretur. Sed quum à secundis mox tertijsque nuncijs increbrescente fama, Pisis res perditas esse, ciuitatemque miro consensu rebellasse renunciaretur: Lucenses ad tanti exempli nomen, pari studio recuperandæ libertatis, liberandique Castrucci ad arma concitantur. Carcerem refringunt: vincitum adhuc compedibus Castruccium educunt, & quod eius fato debebatur, principem ciuitatis saluant. Tum verò Vguccio, quanquam aliàs egregie fortis duplici malo circumuentus animum despondet, & cum prætorianorum satellitum manu, incertus an Pisas contenderet, desperatis rebus vrbe profugit, nec vsquam ex ea fuge deformitate prius constitit, quam à Spineta Malespina Gibellino ad Follas nouas, quæ Papirianæ olim fuerunt, supra Macram anem receptus est. Ibi labore fessus & dolore propè exanimatus paululum se recreauit, atque inde quum atrociora à persequentibus sibi timeret, ad Canem Scaligerum Veronam est profectus. Ea enim tempestate Scaligeri domus exulum omnium insigniumque virorum liberalis erat receptrix. Fuit apud Canem summo in honore Vguccio, spectabaturque procerus & ventricosus senex tyrannico vultu ferociam retinens, tanquam admirabile insolentis Fortunæ documentum, quum paulò antè rerum bello gestarum fama illustris, semihoræ momento geminati principatus fastigio præceps datus, & miserabilis & ridendus euasisset. Ad eam enim calamitatem Fortuna immitis id quoque adiecerat, vt contemptus, mordacibus diçterijs incesceretur: Vt tum accidit quum in conuiuio Canis de edacibus illato sermone loqueretur, & Vguccio se iuuenem quaternos atiles capos, & totidem perdoes, allos item hædi clunes, & elixum vitulæ infarctum pectus, præter salsamenta, recta in cœna exedere solitum narraret, Petrus Nauus è conuiuio vir falsus: non est inquit, Vguccio cur hæc à te iuvene comesta multum admiremur, postquam senex, nec planè dentibus instructus, duas vrbes integras vno prandio absumpseris. Erat enim fama Vguccionem, si ab inchoato prandio temperasset, satis in tempore ad sedanda nascentis tumultus initia Pisas regredi, & vtrunque urbem sibi incolumem seruare

potuisse. Sub id verò tempus quo Canis comparato exercitu Patavium obsidebat, quum Vguccio dux vetus eo bello mirificam operam nauaret, ad paludes Medoaci amnis correptus morbo, Veronamque delatus, excessit è vita, non omnino miser, quòd vel Vicario nomine militari imperio honestatus, splendidissimam funeris & sepulchri pompam retulerit. Effigies eius equestris adstante ei Castruccio & falconem ad aucupium leua gestante, Pisis in sepulchro cui Campofancto nomen est, preciosis ex vero picta coloribus conspicitur.

ANGELI PEROTII Cameracis.

*Quem latis humeris, quem lato pectore spectas,
Quem Martem dicas ore referre truci:
Ille olim emergens obscuro ac paupere tecto
Militiæ primum munera dura tulit:
Fortibus inde ausis Fortunæque auspice: summum
Littoris Etrusci est vectus ad imperium.
Illum eadem geminas vrbes ditione tenentem
Præcipitem subito Sors inopina dedit.
Scilicet haud quengquam dubie fas fidere Sorti,
Quando ea, Regna vno datque adinutque die.*

Castruccius Castracanis.



POST conuulsas, secordia Græcorum Cæsarum, Romani imperij opes, quum Gothorum impotentes impetus ne mo tulisset: egregiæque artes & literæ cum Vrbe rerum domina concidissent, disciplinam militarem interijisse constat, qua vna coaluerat imperium & sese ad omnes gentes perpetuis victorijs extenderat. Nam per mille ferme annos, quibus Italia externis gentibus seruiuit, multitudine potius, inconditisque viribus, quàm ingenio & ratione certabatur, quando omnia diuersis Barbarorum irruptionibus terribili motu quaterentur. Sed ita Populi Romani fortuna demum tulit, vt bellicæ artis decus non diu modò neglectum, sed planè sepultum, à nouo homine tanquam ab inferis excitaretur. Is fuit Castruccius Castracanis ex Antelminella nobili familia Lucensis ciuis, qui ex mercatoris institore miles, ex milite dux insignis factus, pertinaci virtute ad principatum contendit, nusquam eius vestigia vadentis ad præclarum decus fallente Fortuna. Adolescens cum Gerio patre & matre Puccia, ob Gibellinæ factionis nomen patria pulsus & breui apud Anconam parentibus orbatus, in Galliam vltiorem eo animi decreto transiuit, vt alieno sub cælo Fortunæ vim experiretur. Quum aliquandiu Lugduni apud negotiatorem Lucensem subsedisset, equo, veste, viatico, honeste adiutus in Britanniam ad Aldericum gentilem propinquum suum, Londini ex mercatura diuitijs affluentem, traiecit. Is iuuenem decore formæ,
morum

morum elegantia. & corporis dignitate præstantem, non modò benigne complexus est, sed cum non multò post Odoardo regi, parvæ pilæ lusu oblectari solito insinuavit. Erat enim Castrucci in eo ludo usque adeo



habilis & mirus, ut nemo iam ei ex regia aula conferretur, ac ideo regi iocundissimus euaderet. Sed id totum quod à benevolentissimo rege promereri posse sperabat, inopinatæ fortis casus eripuit. Quum enim in ludo ex altercatione, à superbo quodam Regulo alapam sustulisset, contineri non potuit, quin vel spectante rege contumeliam districto pugione, percussoreque trajecto vindicaret: Eo felici euentu, ut statim seminudus scapham insiliret, & per Tamesim amnem imminentium manus effugiens, in Belgicam oram adueheretur. Ardebat tum crudele bellum inter Gallos & Flandros quibus Britanni se consociarant: apud Philippum autem Galliarum regem secunda fama militabat Albertus Scotus nobilis Placentinus, qui ab Italia quingentorum equitum ornatissimam alam, & peditum veteranorum legionem adduxerat. Sub hoc Scoto Castrucci ordines ducit, tanq; vigilantia, consilio, & vi corporis nomen optimi ducis promeruit, ut eo

bello contentientis famæ nomine esset clarissimus & à Gallis scriptoribus postea celebraretur. Verùm confectis bellis, à Philippo optimis excultus muneribus rediit in Italiam, armis & equis optime instructus, destinatum sibi fato repetendæ patriæ occasionem quærens. Euaserat tum Pisis princeps Vguccio Fagiolanus, & cum Lucensibus bello contendebat. Huic igitur parante aditum Fortuna adhaesit, ab eoque post debellatos Lucenses, & fractas ciuitatis opes, patriæ restituitur: ea tamen sorte, vt qui virtute inter ciues princeps erat ad summum dignitatis gradum tacite atque ægrè prorsus aspiraret. Nam Vguccio Nerium filium prætoris potestatis simulatione dictatorem Lucæ præfecerat: vt pote qui post eadem ad Montecatini Guelphis illatam, & ferox & validus Pistorium & Volaterras, Pisis, Lucæque finitimas vrbes, occupandas animo ageretur: vt principatus in Etruria viribus potens contra Florentinos conderetur. Hoc innixus consilio Castruccium confirmata authoritate & populari gratia Lucæ prepotentem, ideoque formidatum, tollere constituit. Verùm Fortuna (vt in Vgucione diximus) alternis suo more lulibus iocabunda, ita Castruccium è summo turpissimæ necis periculo eripuit, vt miserum ex damnato & seua securi propè percusso, ad vrbis dominatum admirabili sorte prouheret, & diri obiter infortunij grauis ictus ad Vgucionem verteretur. Suscepto in patria dominatu atque inde vrbe Pistorio in potestatem redacta, statim se Gibellinæ factionis principem professus, ideoque in omnem rerum occasionem aduersus Guelphos expedita arma conuertens, ita Fortunam innasce crescentique virtuti suæ, bonis & malis artibus conciliauit: vt nemo eodomi consultius princeps, nemo dux in castris exactæ disciplinæ præceptis instructior in Italia censeretur. Inierat fœdus cum Guido Tarlato, Galeacio Vicecomite, Scaligero Veronense, Passarinoque Mantuano, qui Cesarum partes in Italia tuebantur. Contra autem Florentini cum Romano pontifice Robertoque rege confociatis viribus, grauissima bella in Insulribus, in Liguria, in Bononiensi, & Togata Gallia gerebant. Sed cruenta diuturnæque contentionis is exitus fuit, vt Guelphi ad Altopassum memorabili pugna vincerentur, victoresque inde Castruccius atque Aëtius Vicecomes, ad Florentiæ statim portas vsque, infesta populatione percurrerent. Fuit ea clades si caesorum numerum spectes. Montecatiniensi aliquanto minor, sed fortissimarum gentium externorumque ducum captiuitate nobilior. Inusitati enim spectaculi celeberrimum ab ea victoria triumphum Castruccius duxit, tanto rerum omnium ordine apparatuque, vt priscorum temporum, & Romanæ superbiæ felicitatem amulatus, è tota Italia splendidissimi quique ad tantæ famæ spectaculum liberaliter inuitati Lucam confluerent. Inuectus est urbem quadriugo curru in Trabea lauræque antecessant agrestes gregariique milites nudo capite nudisque pedibus incertam libertatis spem præferentes: sequebatur Carrociū hostilis prætorij insigne, bubalis prætextatis tractum, in quo antenna præalto in malo suspensa vexillum populi Florentini inuersum expandens, superstantes campani aris tintinabulo maximè sonoro: sed cui ad ignominiam victores, vt mutum esset, ferream linguam detraxerant. Exinde verò Guelpharum partium vexilla Draco scilicet aquilæ vnguibus constrictus, lili-

umque

umque ingens puniceum, aureaque item lilia cianeo in campo, & rubentia Roberti regis rastrella inuersis hastis solum verrentia trahebantur. Succedebant ductores ordinum hostilium, præfectique equitum, sed hi sine calcaribus, illi sine gladijs discincti. His coniunctum erat nobile militarium equorum agmen, armigeris pueris cristatas cassides, versicolorésque lacinias captorum aut occisorum hostium gestantibus. Sed ante alios tres grauissimi viri Florentinorum Legati & secundum eos traducti duces supraque ceteros maximè conspicui Gulielmus Narseius Gallorum, Vrimbaca Sueuus Germanorum, atque ipse demum cum adolescente filio Raimondus Cardonius imperator captiuam Hispanorum procerum turmam calamitatis consortem trahens, ita pompam tristi aspectu, & suis insignibus nobilitabant; vt multis ex eo præcipitis Fortunæ ludo lachrymæ manarent. Dum eo modo Castruccio virtutis & gloriæ suæ meritum fructum ferret, Florentini socijque eorum Pontifex & Robertus, nihil vel à tanta clade demissis animis vel attritis opibus, bellum priore vehementius repararunt, vsque adeò ardenti vel insano Florentinorum studio, vt pro tuenda libertate externum sibi dominum Roberti regis filium recipere minimè recusarint. Huius aduentus quòd amplissimum equitatum in Etruriam adduxerat, ita afflictas spes Florentiæ crexit, Gibellinosque conterruit, vt Castruccio & Galeacio Insuorum virtutis præcipuis authoribus, Ludouicus Bauarus Cæsar designatus in Italiam accerferetur: qui insigni autoritate potentiaque partium opes confirmaret. Sed vir rapaci ferroque ingenio nullo pudore inita consilia præuertens, vbi per amplius excultus muneribus Mediolani ferreo diademate coronatus est; ex defensore patronoque crudelis oppugnator, & truculentus hostis euasit; quum Galeacium fratresque eius tantæ dignitatis principes, & nihil tale meritos, in carcerem detruderet. Inde verò expilata ciuitate, quam liberam reliquissè videri volebat, Lucam profectus Pisanos obsedit, quòd portas ingressuro clausissent, & ab vrbe auari seuique hominis pestem auerterent. Sed Pisanae consternationis is exitus fuit, vt Castruccio copias, pecuniam, com meatus ad id bellum conferente, & diuersis castris citra Auferim amnem positis, Pisani multis exuti oppidis Cæsari portas aperirent, & prægrandi pecunia mulctarentur. Ab hoc insigni studio apprimeque forti & fideli opera Castruccius à Cæsare Lucentium & Lunensium dux est appellatus; prætulitque demum decora insignia & ornamenta nouæ dignitatis, atque inde Pisanos recenti factionum æstu iactatos, nec idem in Republica sentientes varijs occultæ largitionis artificijs aggressus, ita eorum decuriones circumegit, vt fauente Cæsare nec abnuente populo ciuitatis princeps saluaretur. Ludouico autem Romam contendenti, ad id solenne officium suscipiendi diadematis inuitatus, cum delecto equitatu & sagittariorum cohortibus comes fuit. Eo autem in urbem nonis Ianuarijs recepto, insigniq; demum studio Sarræ Columnæ, Iacobiq; Sabelli ad Vaticani templum coronato, creatus est Pseudopontifex Petrus Corbarius, vt Diadema Romani imperij saluis auspicijs traditum atq; susceptum videri posset. Id enim vnum Cæsar contendebat, vt Ioannis legitimi Pontificis autho-

ritas, tanquam omni iure exstimationeq; spoliati, in vrbe aboleretur, imperatq; & exacto vndiq; auro aduersus Robertum regem Guelphorum tuentem partes, graue bellum pararet. His comparandis rebus intentum GIBELLINI procures Sabellus, & Sarra, ipseque ante alios Castruccijs vehementer orabant, vt Vicecomites Regulos importunè principatu fortunisq; deiectos custodia educere vellent, neq; diutius Guelphos eorum calamitate lætari pateretur. Verùm Cæsar dum in explicando consilio, vt rerum imperitis plerunq; accidit, & durus & pertinax, neq; id concedit, neq; omnino negat; vt inanis constantiæ nomen paret, amicorum omnium animos grauius offendit. Interea Castruccijs tot accumulatis honoribus clarum & cuncta prope apud Cæsarem præstanti ingenio administrantem, atrox ab Etruria nuncius magnopere perturbauit. Is mari delatus afferebat Pistorium Guelphorum proditione in Florētinorum potestatem deuenisse; delectum fuisse præsidium, sed adolēcentes filios magno ausu euasisse incolumes, quum à præsidio acerrimè repugnanti, vsq; ad lucem nocturno prælio certaretur. Itaq; subitatus Cæsari qui maiore Guelphorum quàm GIBELLINORUM emolumento in Italiam venisset, comæatu vix impetrato Pisas per Aureliam viam magnis itineribus contendit; tanta celeritate, vt Vmbone fluuio fortè à pluuiâ prætumido transitu morante, dum male fidum alueum properè tentaret, penè mergeretur, & cum paucissimis equitibus inexpectatis portas intraret. Ea celeritate Pisanos quod essent ambigua voluntate repente oppressos, & præsentis principis vim, & subsequētis præsidij robora timentes in fide continuit, confirmatoq; dominatu, ac imperata pecunia, quantas potuit copias, accitis vndique auxilijs coegit, & ad obsidendum Pistorium est profectus. Florentini Simonem Tolam militaris industriæ ciuem, præsidio vrbisq; præfecerant, nouas munitiones veteribus addecerant, singulisq; diligentia ædificatis ligneis propugnaculis, murum omni telorum genere compleuerant. At Castruccijs priusquam succidi frumenta possent, indulos obsidere constituit, quod non magnam comæatus copiam vix per duos menses suffecturam intus paratam esse didicerat. Itaq; inusitata eo seculo belli ratione, duplici vallo dupliciq; fossa urbem circumvallare pergit, vt omnē vel erumpendi vel importandi comæatus hosti spem præcideret. Erexerat in vtraq; munitione ligneas turres maiori bus balistis & catapultis instructas; suburbani agri arbores succiderat, vt aduentantibus Florentinis ad opem ferendam inaccessa pediti atq; equiti munimenta obijcerentur. Venerat Mediolano Galeacius Vicecomes, à Cæsare post Castruccijs discessum certa cōditione carcere emissus. Is ingentium præliorum victor peritissimi ducis nomen assecutus amicissimo principi, & præclaro suæ libertatis auctori eo bello operam præstabat, qui interiores munitiones defendendas suscepisset, Castruccijs in exterioribus versabatur. Nam fama erat Florentinos ad soluendam obsidionem aduentare, ingenti coacto exercitu ex Pontificijs copijs, quæ è Bononia submittente Legato in Etruriam descenderant, cæterisq; fœderatis ciuitatibus quæ publicæ Guelphorum causæ nunquam antea defuissent. Præerat omnibus Philippus Sanguinettus Gallus, cuius opera Pistorium noctu captum fuerat. Censebantur autem sub eius signis ad tria millia galeatorum equitum, & ad

triginta

triginta millia pedum. Sed Philippo in conspectum se dante, nec tamen subire aggeres auso, Castrucius nihil se commouit, & per Galeacium erumpentes hostes multis illatis vulneribus retro in urbem compulit. Itaque Philippus tantos aggeres, tantique artificij, & nouæ disciplinæ munitiones admiratus, frustra ad pugnam Castrucium magnis tubarum clangoribus compellans, alio quam statuerat suscepto consilio, castra inde mouit in Pisanum & Lucensem agrum populabundus ire pergens, ut hostis rerum suarum calamitate & villarum incendijs permotus, incepto abscedere, sua tueri, & viribus inferior prælio decertare cogeretur. Sed ille tot detrimenta, quanquam suis luctuosa contemnens, in obsidione constantissimè permansit. Nec multo post Simon Tosa desperatis auxilijs, uti erat ad extremam commeatu inopiam reductus, ea conditione post tres menses deditionem fecit, ut cum praesidio incolumis emitteretur: magna quidè cum ignominia tanti exercitus, & singulari Castrucij gloria, qui eo bello priscorum Romanorum magnitudinem, & bellicæ rationis ingenia diligenter æmulatus, tantarum virum impetum elusisset. Sed quum supremo inuictæ virtutis opere edito, ac ob id incredibili affectus læticia, ad triumphum Lucam reuerteretur, pestilens eum inuasit morbus, & paucissimis diebus eripuit, pari fato præeunte Galeacio, qui eadem autumnalis cœli inclementia correptus, ad Pisciariam oppidum à vita migrarat. Itatorum enim omnium duo maximi duces, ætate, forma & magnitudine animi pares, ita corpora atque animos in hisdem castris longo & pertinaci labore defatigarant, ut in magnis Augusti mensis feruoribus, cuncta ad accersendam valetudinè incommoda perpessi, victoriæ decus ante salutem posuisse censerentur. Moriens Henricus filium testamento imperij reliquit hæredem, quod nequaquā paternis artibus postea tutatus est. Pater enim admirabili naturæ munere ferreum corpus, inuictum animum, expeditamq; præsentis ingenij vim, & certum infinitæ prudentiæ robur, ad condendum principatum attulerat. Quarum virtutum imbecillus adolescens vertente se Fortuna ætulus esse non potuit. Pater quoq; (quod difficillimum fuit) vitia insolentis avaritiæ & effræ crudelitatis, aut congenita tyrannis, aut necessitate inducæ, usq; adeo liberalitate, magnificentia operum, eloquētia, & multâ religionis simulatione temperabat, ut optimo principi quam impotenti domino propior atq; similior haberetur. Castrucij effigies (ut in Ugucione diximus) Pisis elegantissimè picta conspicitur. cui similem ex candido marmore nobis ostēdit Nicolaus Tegrimius Lucensis patritius, à quo Castrucij vita Latine atq; integerri-me scripta, ac impressa extat; ut hinc quoq; liuorem & petulantiam Nicolai Machiavelli magnopere detestemur; qui dum commentitiam Castrucij tanquam patriæ suæ hostis, extra rerum fidem impudenti libidine vitam describeret; reliquæ quoque historiæ dignitatem improbè defecit.

GABRIELIS FAERNI CREMONENSIS.

Qui iam obsoletam bellicæ artis gloriam

Castrucius Lucensem dux, Italia

Restituit, et pro sacione Cesarum

Estruriam quatefecit armorum sono:

Nunc hic quiescit parvus è tanto dux

Pulsis, cinisque, et nudula umbra mortui.

Canis Scaliger.



INTER Scaligeros Veronæ dominos, qui fuere oriundi è Vindelicia CANIS superior bellica virtute clarissimus constanti merito Grandis cognomen tulit; non à proceri quidem corporis statura, quæ vix in eo erat mediocris, sed a magnitudine inuicti liberalisque animi, & perpetuo illustri vitæ splendore, quo vel opulentissimos eius ætatis principes antecessit. Canis autem nomine non latratu insigne animal, sed Tartarorum lingua Imperator exprimitur. Ea siquidem tempestate Sacro bello spectatæ virtutis proceres Barbarorum captorum, aut ab se occisorum nomina ad testimonium honestissimæ laudis defumebant; quippe qui Gothifredum Bolonium, aut maximos postea Europæ Reges æmulatione gloriæ in Syriam transfretantes secuti sunt, nullum omnino opimius & speciosius trophæum referri domum posse arbitrabantur, quàm vti impiorum hostium nomina, ad perenne decus familijs suis infererent, sicuti in Vicecomitum

cecomitum & Turrianorum domo usurpatum videmus, quum sapius Sulthani, Mustæ, Cassoni, Anturathis, & in forminis quoque Antiochiæ nomina repetantur. Canis acceptum ab Alberto patre dominiatum, tantam nitum moderatione, iustitia, humanitate, tantoque exactæ disciplinæ ordine, cum domi, tum militiæ exercuit; ut gratia, autoritate, clientelis & apparatu armorum pollens, suo prorsus nomine & maiore imperio dignus haberetur, utpote qui admirabili iudicio clementiam & severitatem procul ab invidia atque odio commiscere, sine furo pietatem colere, comitatem sine dedecore, sine fastu dignitatem tueri consueffet. Eum enim recti constantisque animi habitum ad expeditam commutationem vti oporteret, ita paratam &abilem præferebat, ut domi remisso ad lenitatem ingenio semper placatus, in castris autem elato, feroci, acerbò in puniendis præsertim milicum delictis, inexorabilis & fere sævus euaderet. Quibus institutis & moribus, neque domi consiliorum intestinaque mala, neque in castris seditiones militum, aut aduersos nomini suo humores sensit. Sæpissimè prælio victor, semel tantum aduersæ pugnæ euentum expertus est; quum gravi & diuturna obsidione Patauinos premeret, & insignem eius stationem Illyrii & Norici equites, qui Patauini auxilio venerat, subita eruptione facta, oppressis & fugatis custodibus in castra penetrassent. In ea rerum perturbatione Canis acerrimè resistens atque dimicans, vulneratus & equo deturbatus, maximum vitæ adiut discriminem; sic ut eum prætorianæ turmæ magna vi depulsis hostibus vix seruarent. Tanto accepto incommodo custodiæ cohortem, quæ irruente hoste trepidè locum deseruerat, exutam armis ignominiaque notatam præfecto capitali poena damnato, integram dimisit. Nec multo post renouato bello Patauini magnis affecti detrimentis, pertinacissimeque machinis oppugnati, ad clementiæ famam victori se dediderunt. Tanta vrbe in potestatem redacta, & Vicentini ditioni suæ adiectis, ad opulentius & maius imperium aspirans, in spem veniit occupandæ Brixiae, quod ea vrbs cruentis factionibus laboraret; potiusdique inde Mediolanensis imperij, quum Ludouicus Baiarus Cæsar, tum forte Galerium Vicecomitem nihil tale veritum custodiæ tradidisset. Erat enim Cæsar auri cupidissimus, ideoque paratus ad omne venalis ingenij facinus obcundum. Hunc Canis, officij atque honoris causa Mediolani ferrei diadematis insignia suscipientem, cum nobilissima ala equitum fuerat comitatus, consiliariosque eius opulentis muneribus & presenti pecunia sibi conciliarat. Sed utrobique conatus successu caruit, Cæsare scilicet in Etruriam profecto, & Brixianis prosperò ad Benacum nauali & terrestri prælio, libertatem suam egregiè tuentibus. Mutato itaque consilio Canis ad expugnandum Taruisium se conuertit, cupiditate proferendi imperij Actiolinum æmulatus; nisi diuersissima progressus via pro immanitate atque perfidia, pietatem & fidem; pro seuitia lenitatem; ac in omni re cum publica, tum priuata, honestissimi decoris nomen pro turpissima & execrabili fama tot scelerum ostendisset. At Taruisini asperimo fatigati bello quum auxilia desperarent, affectu eneruataque libertati, quam difficillimè tueri poterant, potentem armis & consilio clementique laude illustrem dominum præzulerunt. Sed Canis victor accessione opportunæ vrbs diu latari non po-

tuit;concepto enim supremo morbo,quod armatus & æstuans ex frigidissimo fonte avidius bibisset,Iulio mense non planè senex excessit è vita,celebranteq;funus toto exercitu è Taruisio Veronam delatus est,quem postmodum Mastinus fratris filius ac imperij heres,marmoreo sepulchro quod visitur honestauit.Regiam Canis cunctis hospitibus qui ingenio valerent,hisque præsertim qui domo pulsi ab infesta Fortuna iactarentur,liberale atque illustre domicilium fuisse scriptores tradunt:& ante alios Gazadius è Regiolepidi,qui vti erat eius familiaris adeo distinctè totius hospitalis disci plinæ rationes,diuersorumque cornaculorum & cubilium sumptus institutaque ornamenta descripsit,vt peculiarem dispensatorum cultum,& variorum ministrorum officia,titulosque singulis januis præscriptos,& argumenta vtriusque Fortunæ,auleis & picturis expressâ persequeretur.Diuersæ siquidem ædium partes conditione dispari oblatos hospites sic accipiebant,vt magnanimos & victores triumphis;exules bonæ spei;profugos securæ confidentiæ;Poetas musarum umbraculis;præcellentes artifices Mercurio;sacrosatos verò concionatores terrestri Paradiso assignaret.Hæc autem tanta diligentia,iocunditate,nitoreque administrabantur,vt cuncta aptissimè ad genium hospitum responderent.Nam præter Musicos concentus,sestiuui etiam sanniones,& plani,& non infusi moriones,alterna varietate cecernacula circubant. Ipse quoque interdum quos committere volebat,grauè iocundoque delectu mentis suæ adhibere erat solitus,in quibus sæpius erat Danthes exul,eruditus quidem, sed nimis aculeati sermonis libertate admirabilis potius quam iocundus,& Vguccio Fagiolanus ex tanta principatus fortuna deiectus,quem summo in honore habebat;quanquam ingentis onerariæ navis fluctibus in litus eiecitur admirandum cadaver præ se ferret.Nihil enim Canis in hac vita nobilius atque beatius esse prædicabat,quam inuicto animo suæ pariter atque alienæ fortunæ obuiam ire,perpetuisque beneficentiæ & liberalitatis operibus,infixæ virtutis famam extendisse.Eius imaginem in tabula egregiè pictam,Achillinus Bononiensis rerum antiquarum studiosus,viris elegantibus ostendit.

AD AMY FVMANI.

Scaliger, an ne tua isthac Canis in chlyte imago est?

O cari capitis,cara mihi effigies.

Illene tu profugis quondam qui vatibus vnus

Portus eras,arx,spes,prasidium,columen?

Gaude Heros rediit,heros bellique,domique

Illustis,iuncto viribus ingenio,

Ecce tibi vt veteres Ionius renouauit honores,

En te vt honoratis iunxit imaginibus,

Maeste tuum tersa nitidum rubigine nomen

Factum,iam poterit nulla abolere dies.

PAVLI IOVII EPI

SCOPI NVGERINI IN SECVNDVM

LIBRVM ELOGIORVM SVORVM

P R A E F A T I O

Ad COSMVM MEDICVM Florent. Ducem.



SECUNDVS Hic liber Elogiorum meorum nominatus dicatus Magnanime COSME, ut instituti ordinis series postulat, rectè & appositè initium cepit à Roberto Neapolitano rege. Eius namque optimi Regis memoria grata multis, tibi verò præcipuè iocundissima esse debet. Nam amore quodam mirifico, & partium studio incredibili Florentino nomini coniunctissimus fuit; utpote qui civitatem aduersus imminentes tyrannos inuictis armis defenderit, pulcherrimisque belli & pacis artibus exornarit; tanta gratissimi populi propensione, ut abdicato libertatis nomine, ei & Carolo filio dominationem Etruriæ deferret; quoniam ea clementia, moderatione, atque iustitia summi imperij potestate vsurus existimabatur, ut minime dispuderet, eum in libera patria dominum appellare venerarique; sub quo vera libertas reiecto inani titulo, ad tranquillitatem atque opulentiam ciuium pararetur. Hæc eadem benigni & longè æquissimi principatus iura, in te hodie ciues agnoscunt; eoque præclarus atque felicius, quod pro externæ stirpis Rege, te eundem & perhumanum ciuem, & sanctissimum principem intuentur. Sed hunc profectò Regem, quem dissimulanter amularis, ita omnibus numeris absolutè refert & effingis, ut augustius etiam excuperet, quando id totum optimarum literarum atque artium decus, quod in eo Rege præclarum spectabatur, tot editis eruditæ liberalitatis monumentis, ad vberiorē laudem completaris. Vale.

f 4

ELOGIORVM LI

BER SECVNDVS.

Robertus Neap. rex.



IN ROBERTO Neapolitano Rege bellici spiritus infessa vis, quæ in Carolo aucto summa fuisse traditur, plurimum enituit. Sed Carolum inimicorum cedibus gaudentem, sæpeque feruum & inexorabilem, moderatione, clementia, lenitateque animi, Robertus omnino superavit; quum ille enormi rubenteque naso terribilis, bello captis vel supplicibus nunquam parcere didicisset, essetque adeo in exercenda crudelitate inhumanus & peruicax, ut non modo Manfredi regi ad Beneuentum acie interfecto, supremum funeris & sepulchri honorem, tanquam Pontificis hosti denegarit; sed Conradinum duorum imperato-
rum

rum sanguine progenitum, dum is regnum, quod suum iure putat, armis repetit; ex aduersa pugna captum, cum regulo Austriæ, in foro securi percussisset. Patrem quoque Carolum Robertus pari virtutum temperamento, cum magnitudine animi, tum munificentia & splendore vite antecessit; quando & eum continentia, grauitate, & regij cultus ornatu, maiestatemque oris supergrederetur. Pater enim per omnem ætatem intemperanter mulierosus, corpore deformi distortoque, cultu adeo breui subductoque vti solebat, ut vix pudenda natesque contegeret, indeque spectantibus moueret risum; quum alioqui magnis virtutibus esset admirabilis. Cæterum Robertus auo patreque illustrior extitit, cum nobilitate ingenij, studio literarum, singularique memoria; tum incomparabili Christianæ pietatis præconio: in hoc Ludouicum Gallie regem maiorem patrum æmulatus, qui in Africa in obsidione Tuneti quum morbo absumptus interisisset, inter diuos referri spectatæ sanctitatis ergo promeruit. Hoc certe de Roberto dici potest, neminem ex his qui antea Neapoli regnarint, aut postea per ducentos annos regnauerunt, maiora prædarioque exactæ religionis monumenta reliquisse. Non petebat enim ex templis magnificè ab se conditis inanem famam, sed Christianæ virtutis exempla imitanda posteris relinquebat; quanquam ex publicis operibus quæ ciuitatis commoditatem decusque respicerent, laudem non respuerit. Vt pote qui munimenta mœnium & turres educere; curare portum, molemque eius proficere; instaurare aquæ ductus; annonæ liberaliter studere; tollere lagrocinia; & iustissimi atque sanctissimi regis munia obire esset solitus. Benignus namque amantisque patriæ, quàm pecuniosus, populoque prægrauis, & imperiosi regis nomen malebat. Nec enim laudem aut gratiam alicunde expectandam arbitrabatur, nisi in ea pietatis atque iustitiæ studium emineret. Gessit perpetuò bellum aduersus Gibellinos, quum autoritatem Romani Pontificis contra infestos Cæsares tueretur, Florentinorumque libertatem enixè defenderet. Ab hoc suscepto studio dum in Etruria prostratas Guelforum opes erigere conaretur, cruento Montecatinesi prælio Petrum fratrem, duosque item fratrum filios summæ spei iuuenes amisit. In Gallia porro Cisalpina quum Vicecomites Mediolani principes validis vrgeret armis, duplex inigne vulnus accepit; alterum ad Alexandriam, ubi Vgo Baucius equitum magister fusus atque interfectus est; alterum ad Abduam non longè à Mediolano, ubi fractis aduersa acie partium copiis, vexilla regia ducesque cum magno numero insignium equitum in potestate Galeacij victoris deuenerunt. In Liguria verò Genuam acerrimè defendit, quam Marcus Vicecomes obsidendo atque oppugnando propè ad rerum desperationem adduxerat. Eo enim bello quum hostis mœnia perfregisset, vnus ante alios Robertus egregiè dimicans, ita locum tutatus est, ut magno suo periculo & multa cum cede hostes repulerit. Ludouicum verò Bauarum Cæsarem, qui Nicolaum Pseudopontificem in Iohannis contumeliam Romæ creauerat, terrore præmissi ab Aquila exercitus & vrbi per Latium admoti, Roma excedere coegit. His rebus gestis, Iohannem Pontificem apud Auinionem adiit; initisque sedibus, tantam consecutus est hominis autoritatem, ut Florentini ab eo

Carolus filium in domum postulerent, & acciperent. Ea enim tempestate Florentini acerrimi hostis Castrucci armis vexabantur. Itaque Carolus optima stipendia accepit, suscepitque liberæ ciuitatis dominatum; tanto Guelphorum studio, ut omnes magistratus ætarijque opes, cum etæque copiæ ad eius auctoritatem decreto publico conferrentur. Sed iuuenis eo inito principatu, nihil quidem memorabile in Etruria gessit. Illud tantum cum magna nominis sui inuidia admisit, quod Ciccum Asculanum acutissimum philosophum, eundemque Etrusco carmine Empedoclis æmulum; quum magicæ artis peritissimus famosus, coniuratione cuculorum hæreseos accusaretur, damnari, & in foro comburi iusserit. Exinde regressus Neapolim morbo surreptus Robertum patrem orbitatis dolore percussus perpetuis in lacrymis reliquit. Quanquam is mira animi firmitate vnici filij casum ferret, consolatus seipsum numerosa nepotum sobole, & optimarum literarum præsidij, in quibus tantus euasit, ut sibi literas regni possessione cariores esse prædicaret. Fauebat ardentissime optimorum studiorum professoribus, oblectabaturque ætatis ætatis Musis, adeo liberaliter, ut Franciscum Petrarcham multis ab se ornatum muneribus, quod Africam nobile (ut ætas illa ferebat) poema, regio iudicio subiecisset; laurea ornare cupiuerit, quam ille postea Romæ in Capitolio accipere maluit. Obijt Robertus planè senex, quum regnasset annos xxiii. Visitur eius sepulchrum cum effigie marmorea in templo Diuæ Claræ ab se dicato, cum hoc titulo: *Asspice Robertum multa virtute refertum.*

ANTONII FRANCISCI RAINERII.

*Aditis teneræ Parthenopes decus
Syrænes, sacer & Pieridum chorus,
Et Tuscæ Charites, &
Flaua numina Tybridis.
Dum Regem tunica tectum adamantina
Robertum canimus, Caesaris impij
Pellentem agmina, ut alto
Nimbos exiliens Notus.
Ille ille horrifono barbarus impetu
Terrarum dominam banc & superum domum
Ferro perdere, & igni
Tentabat (facinus ferum)
At illum impauido Rex pius agmine
Sistens indomita frema licentiæ
Inuicit, trepidam urbem, &
Seruans purpureos patres.
Quin & præcipiti plenum opus aleæ
Civilesque acies scissâque Fletruria
Sedans pectora, dictus
Dux est, & Patriæ pater.
Vnde bis pro meritis impatiens iugi*

Quæque

Quæque alte innumeris intra dat urbibus

Gens Etrusca, secures

Nato, atque imperium dedit.

Salve ô bellipotens, progenies Deum

Templa immania qui marmoribus sacris

Condiditburicrema, alti

Aequent quæ inga Caucaſi.

Tu Pindi auricomum è vertice Apollinem

Sebethi irrigua ad murmura vitrei

Ducis Parthenope alma ve

Discat Pierium melos.

Cum vatem cythara nobilem eburnea

Petrarcham, thalamo ſuſcipis aureo,

Quem mox Delphica laurus

Cinxit Romuleo in foro.

Hæc illi, auſpice te, munera contulit

Romaatrix ſtudioſorum, & Latinæ ſerox

Vnde Aruus vaga claro

Lambit ſydæra vertice.

CUM hoc Roberto rege, Vicecomites Mediolani principes continen-
ter bella geſſerunt, quum ij pro Gibellinæ factionis dignitate, ille de
Guelphorum ſalute atque potentia dimicarent. Horum itaque principum
veras imagines ſuo ordine libuit collocare, vt tot formarum varietas ſub
vnum aſpectum expoſita, iucundiorem ſpectantibus afferat voluptatem.
Nullis alijs ex ipſa temporum ſerie permiſtis, ſcilicet vt æſtimatione inge-
niorum, rerumque à ſingulis geſtarum quid Phyſiognomius ex lineamen-
tis indiceret atque promitteret, viri elegantes ex tanta vultuum diuerſitate
conieſtando deprehendant. Ob id verò imagines breuiſſimis elogijs de-
monſtrabuntur: quoniam ſingulorum vitæ peculiari volumine iam pri-
dem à nobis perſcriptæ edicteque ſunt. Ab Othone, ſiquidem qui huius
imperij fundamenta iecit, vſque ad Philippum, in quo familiæ legitima
progenies defecit, enarratis rebus geſtis expreſſisque moribus, nihil inter-
ciſo temporum tractu, accuratè descendimus.

Otho Archiepiſcopus.

Hic vir præalto ingenio & incredibili conſtantia ad nullas
aduerſæ inſeſtæque fortunæ contumelias infraſti animi
vigorem vnquam dimiſit; quum inimicorum atque ho-
ſtium inſolenti am longa patientia ſuperaret; ſæpeque bel-
lo victus, & diu exul & inops, vna indomiti animi ma-
gnitudine ſpēs ſuas vel maximè proſtratas erigeret. Poſt
ſummæ autem ærumnæ victoriæ compoſ factus felix videri potuit, quum

aduersarum partium duces bello captos in potestatem redegerit; & condito atque egregie confirmato in nobilissima ciuitate principatu, Mathurum ab insigni virtute Magni cognomen meritum, numerosa milita-



rium iuuenum prole florentem, successorem reliquerit. Vistitur eius imago sumptuose depicta in magno conclauī Anglerianæ arcis, vbi Decumana victoria de Turrianis parta, picturis adhuc incorruptis expressa hodie spectatur.

IANI VITALIS.

*Magnanimi Heroes Latiꝝ armipotentis Othonem
 Illustre sꝑdus Infubrum
 Accipite inter vos cristisqꝛue comantibus vmbret
 Augusta cassis tempora,
 Et dextram diuis operatam armate superbi
 Ensis corrusco fulmine.*

Fortibus

*Fortibus vi Fabijs mixtus, magnisque Camillis
Stet inter alta sidera.
Ille quidem summis decorauit honoribus orbem
Dux fortium fortissimus.*

Matthæus Magnus.



ATTHÆVS cognomento Magnus, summam ingenij grauitatem, indomitum præstantis animi vigorem, & prudentiam in explicandis cum civilium tum bellicarum rerum difficultatibus incomparabilem prætulit, per omnem ætatem Othonis maioris patrum virtutes æmulatus. Hic multo plura consilio quàm vi aut armis feliciter gessit. Sed qui inuictus erat aduersus omnes auaritiæ & voluptatis morbos, vni inuidiæ vir fortissimus ita succubuit, vt occultorum inimicorum dolos & propinquorum insidias non effugerit. Eiectus enim patria & principatu ad Benacum lacum egestate quidem miser, sed rediuiua spe & recte factorum conscientia beatus, expectauit Henrici Cæsaris aduentum, à quo reductus in patriam, eiectis Turrianis, dolo an casu incertum, pristinam principatus atque potentie fortunam recuperauit. Cæterum prolatis imperij finibus, partoque spectata virtute Magni cognomento, in extremo vite actu senex, oppressus ingenti cura atque periculo, elurauit imperium, idque liberorum virtuti regendum reliquit. Ingruebant enim tum arma Roberti Regis, Iohannisque Pontificis maxime metuenta. Inde secessit in suburbanum dolore consumeliæ, quod eum Pontifex sacris interdixisset, quum alioqui Christianæ pietatis obseruantissimus haberetur. Decessit ibi integris sensibus, claudentibus illi oculis quinque liberis, quod migrans e vita incomparabili solatio fuit. Caruit tamen honore funeris & sepulchri; quia nefas esset damnatum à Pontifice palam sacro in loco porrigere. Eius effigies Modociæ in templo maximo spectatur, habitu porrigentis templi imaginem, quod Diuo Iohanni Baptistæ vouerat.

IANI VITALIS.

*Tu iure optaris fortissime uiuere felix
Nostris venenis pharmacum,
Cur Matthæe negant te fata ingrata renasci
Coruscus ensis Infubrum?
Consilijs fudisti hostes victoræque sedendo
Fuinisti dura prælia.
Te Mediolani turres te mœnia mactæ
Virtute, te Respublica
Cum desiderio memorant, qui ferrea fuluo
Mutaris auro secula,*

*Fortuna cedens mox tempestatibus atris
 Granis senectæ pondere.
 Imperium natis liquisti, atque otia natus*



*Et Tempe amana fontibus;
 Scipiadæ longos superasti inuictus honores,
 Syllanam et abilitiam.
 Ergo te meritò Magni cognomen adeptum
 Magnus celebrat Iouius.*

Galeaciu.

LIBER II
Galeacius Primus.

69



GALEACIUS Magni Matthæi filius hoc roseo & corusco ore spectabilis, staturæ dignitate, illustri facundia, liberaliq; vitæ splendore, suæ ætatis principum famam obscuravit; militariq; laude hand vsque adeo floruit, vt post egregias victorias, profligatis sæpe hostibus, dux bello strenuus & fortunatus haberetur. Ab hoc Placentiam, Cremonam atque Vercellas paterno regno adiectas constat. Quum verò Roberti regis, atque Pontificis & Florentinorum copias, captis eorum ducibus & signis ad Abduam, deleuisset; magno consilio ita victoriæ modum imposuit; vt pacem æquisimam, singulari artificio à potentissimis hostibus expresserit. Verum partæ pacis fructu diu non est latusus: nam Marci fratris & Leodrisii propinqui sui malignitate atque perfidia Ludouico Bauaro delatus, grauisimisque oneratus calumnijs, extremum propè subiit infortu-

Actius.



ACTIVS Galeacio genitus à prima iuuentute gemina victoria nobilitatus, quum egregij ducis atque optimi principis indolem præferret, paternæ calamitatis confors fuit. Sed eam demum iniuriam Cæsar magna vi pecuniæ expugnatus, ingenti beneficio ita rependit, ut Actius Gibelinorum principum anticiua atque auxilij confirmatus, consuultæ domus, ac euerſi principatus fortunam restituerit. Is primus suæ gentis a magnificentia nobilium operum laudem quæsiuit. Mediolano turriculis & lateritijs mœnibus circumdato, extructaque amplissima curia cum templo & sacra turri ad fastigium coronata marmoreo peristyllo summæ pulchritudinis, iuxta arenam antiquorum spectaculis dicatam. Verum Actius omnibus insignium virtutum numeris felix videri potuit, nisi Marcum patrum, qui immani vecordia Galeacium cum vniuersa sa-

milia in extremas calamitates præcipitem dederat, vi illata necauisset. Receptum enim in gratiam, & mox pari insania atque perfidia res nouas mouentem, Luchinus & Ioannes patrui, tanquam ipsis totique familiæ pestilentem omnino opprimendum censuerant. Leodrisius quoque eodem liuore atque odio quo patrem auumque Marthæum fuerat persecutus, Actium conductis Barbarorum auxilijs in magnum discrimen amittendi principatus adduxit. Verum ille cruento prælio fusus ad Neruiantum diuturno carcere cum liberis malignitatis suæ pœnas dedit. Sed Actium, quem nulla aduersæ fortunæ vis vnquam fregit, articularis morbi dolores iuuenem ætate florentem miserabili cruciatu ita fregerunt, vt singulis captus membris, ante quadragesimum annum vitæ excedere cogeretur. Visitur eius effigies elegantissimè depicta ad leuam diui Gothardi templum intrantibus.

PTOLOMEI GALLII COMENSIS.

*Vna hic podagra victus in pace occidit
Qui victor omnium Actius bello fuit.*

Luchinus.

ACTIO successere duo patrui, Luchinus atque Ioannes, ea conditione, vt hic quod esset Mediolanensis Archiepiscopus, sacra procuraret; ille verò integris belli & pacis muneribus vteretur. Cæterum qui antea omnibus bellis pugnacissimus imperator extiterat, principatum adeptus per legatos bella semper gessit, insigni prudentia fortunæ aliam deuitans, quam septem maximè cruentis prælijs, vel parta victoria grauissimè vulneratus discessisset. Sed qui iustissimi indulgentis, & nunquam factiosi principis laudem ferens à populo Pater patriæ & Pacis conditor appellabatur (vti maioribus acciderat) propinquorum ac inimicorum coniuratione summum vitæ discrimen adiit. Detectis autem insidijs, coniuratos meritis affecit pœnis, fratrisque filios Galeacium & Barnabam eius concepti sceleris conscios, in vrbes Belgici Oceani relegauit; tanta indignantis animi acerbitate, vt eorum nomen per epistolas euulgata conspiratione, apud principes Christianos perfidiæ nota suggillaret. Parmam auro coemptam imperio adiecit. Regnavit annos octo, corpore æger, atque animo maximè seuerus & tristis, quandoquidem amicis necatis, relegatisque propinquis, & vxore adulterijs atque incestu suspecta, inter podagræ cruciatu vitam sibi tædio atque oneri esse fateretur. Sed impudica vxor pœnam flagitij verita, non matura adhuc fata, misto poculis veneno, facile præcipitauit. Effigies eius in Actij sepulchro marmore sculpta profpicitur.

IULII FEROLDI CREMONENSIS.

*Tecum fleure tui Lucine peremptum,
Quòd tecum extincta est iustitia & pietas.*



*Talibus exequijs, partisq; tot ante trophæis
Vixus eras felix, quon morerere, mori;
Si non crudeli miscente aconita Mezera
Mæstam extalasses (heu miserande) animam.*

Ioannes Archiepiscop.

UVCHINO crepto Ioannes Sacri & Profani iuris potestatem cōplexus, incomparabili magnitudine animi principem egit, pietate, iustitia, splendore vitæ, & clementia, antiquis Heroibus comparandum. Ore probo semperq; hilari cum maiestate grauitatis, sinceri animi candorem, iustæ liberalitatis spem, & facilitatem cunctis aduentibus

pollicebatur. Inimicorum voluntates beneficijs ac humanitate flexit, hostium verò spiritus summa virtute contriuit. Fratrum filijs quos Luchinus relegarat humaniter pepercit, totiusque imperij designauit hæredes. Ge-



nuescentes cum vniuersa Liguria huius imperio paruerunt, is quoque Florentinos quum ipsorum vrbi immisis per Apenninum ingentibus copijs, magnum terrorem admouisset, pacem ea lege petere coegit, vt Lucensibus, Pisanis & Senensibus bellum inferre desinerent. Actianæ verò magnificentiæ studium æmulatus, luculentissimam domum contra templum maximum iuxta Accij curiam condidit, & Abdum amnem, qua desinente Lario ad Leucum coarctato exitu emittitur, sumptuosissimi operis lapideo ponte iunxit. Singularem denuim animi moderationem tum maximè ostendit, quum apud Pisas à Iacobo Corbario Pseudopontifice Senatorio galero honestatus totum id purpuræ decus, vel cohortante Cesare, vt beneficio vti vellet, constantissimè renuit, ne his susceptis insignibus, legitimi Pontificis maiestas lædi videretur. Obijt scalari anno, natus annos LXII. Effigies eius nullo vitata situ, in superiore conclau Pontificiæ domus, in cyanea

cyanea chlamyde egregiè picta conspicitur; ante Deiparæ Virginis imaginem habitu supplicantis.

ANTONII FRANCISCI
RAINERII

*Cerulea chlamyde insignem, niveisque nitentem
Pellibus, & Scythico maculis subtegmine fustis,
Stellanti Regum ornatu, Heroiumque, Deumque
Insubrion venerare ducem, Liguriumque potentem.
Hic vir hic est, videri vi generoso effulgeat ore
Maiestas? videri aethereas elapsa per auras
Pulsa Aistrea olim, fronti ut confederit alta,
Divinósque oculis Venus alma afflarit honores?
Olli qua tenero nimboſa per aua lapsu
Serpit humi Eridani, quaque altior exit, & auſtus
Centum fluminibus, gemino sternit ſata cornu.
Quaque affucta malo, veterumque exercita bellis
Romulidum, gens dura, animisque elata ſuperbis
Auro inbians Tyrrhena agili verrit vada puppe,
Olli alacres ceſſere omnes; quaque arduus alman
Principio Auſoniam ſecat Apenninus, utrunque
Cum mare proſpectat, ſubiectisque intonat undis.
Ille ille imperij fortunariumque ſuarum
Conſortes mira amplexus pietate nepotes
Conſtituit pulſos, ſoliſque locavit amictis,
Marmoreis que ades, Phrygiſque innixa columnis
Atria, regalemque aulam laquearibus aureis
Condidit, & patriæ æternum decus addidit urbi.
Iunctus & ante tuos operoſo eſt Abdua pontis
Maxime Lari oculos, violenta ut flumina diſcant
Ferre iugum, fremitu neu quiſquam aſſurgat iniquo.
Purpureum ille etiam decus, atque inſignia dona
Coralio è fragili, trabeam, ſaſceſque ſuperbos
Reſpuit, & quæ quiſque ambit, pede reppulit alto.
Ergo iterum venerare, ducemque patriem que ſacrorum
Et gladio, & lituo, ſceptriſque, animiſque potentem.*

ELOGIORVM
Galeacius Secundus.



HIC est ille Galeacius Stephano Matthæi magni liberorum ultimo genitus, qui decore formæ cunctos suæ ætatis mortales antecessit. Is defuncto Ioanne patruo, sicuti in testamenti tabulis erat præscriptum, Mediolanum, & vniuersas principatus vrbes, cum Bærnaba Matthæoque fratribus trifariam diuisit. Sublato autem Matthæo mira concordia cum Bærnaba duos & viginti regnavit annos, sic vt per omnem ætatem communibus copijs atque consilijs imperij fines tuerentur. Magnificentiâ autem operum cum fratre certabat; quo nobilissimo ædificandi studio, quàm maximos Europæ Reges constitutis admirandis ædificijs æquasset; authore Petrarcha, seipsum condita Ticinensi arce facile superauit, quod Ticino vrbs moenia præter luenti lapideum pontem imposuisset, perpetua protectum contignatione, munitumque

tumque propugnaculis ad vtrunque caput excitatis. Quo opere ornantibus peristylijs nullum præstantius aut iocundius in Italia videmus. Ad nobilitandam quoque urbem cæli clementia, vbertate agri, duorumque annuum omnis generis fructus admirabilem copiam inuehentiũ, opportunitate clarissimam, quæ Longobardorum Regum sedes olim fuerat, Gymnasium condidit, ex autoritate Caroli IIII Imperatoris, accitis vberissimo stipendio disciplinarum omnium professoribus, cui permagno eruditæque munere accessit bibliotheca adhortante Petrarcha, quam nos nobilissimis codicibus refertam, & demum ingruente bello, immaniter spoliatam in arce vidimus; pari militum externorum licentia euastatis viridarijs, quæ septa ferarum à parcendo Parcos vulgus appellat. Ea lateritijs mœnibus cincta viginti miliarium spacium complectuntur; paratis semper ad principum voluptates omnis generis venationibus & aucupijs. Ab hac opulentia, ambitiosa sumptuosaque libidine, cum magnis regibus affinitates quæsiuit, regis Galliæ filia Ioanni Galeacio filio nuptui data, & Leonato Britannici regis filio in generum adscito. Summis autem podagræ cruciatibus affectus, quinquagesimo nono ætatis anno excessit è vita. Effigies eius pluribus, in locis in arce elegantissimè depicta; hoc verò habitu conspicitur in inferiore porticu, quæ ad leuam intrantibus occurrit.

I V L I I F E R O L D I .

Musus hic Galeacius beatus

*Angusta atria, nobilemque sedem
Ticini ad liquidum dicauit amnem,
Illic ut coalesceret iuuentus,
Bonisque imbueretur artibus, quas
Mox diffunderet vsquequaque in orbem.
Musus est Louius senex beatus
Ticini ad liquidum institutus amnem,
Angusta atria, nobilemque sedem
Vdo in margine Larij dicauit.
Hic armis Galeacium nitentem,
Virtutis memor incluta locauit,
Ut fortissimus, optimusque princeps
Formosissimus omnium virorum
In Heroibus emicet, viròsque
Inter fulgeat ille bellicosos.*

Barnabas.



NARTII spiritus vis ingens, & ea semper indomita, crudelis, maximeque superba, in hoc principe usque adeo viguit, ut innata immodico eius animo, proferendi imperij libido, neque secundis, neque aduersis praelijs frangeretur. Is enim natura pugnae & intrepidus, dum Fortunae alea plurimum gauderet, nec vectigalia bellicis sumptibus sufficerent, populos imperio subditos in cogenda pecunia acerbissime vexare expilareque erat solitus. Quanquam per idem tempus infano prope studio aedificandi teneretur, imperatilisque operis apprime iniuriolus, & supra quam dici potest, aduersus agricolas immittis euaderet. Venationi siquidem perditissime deditus, totum eius voluptatis instrumentum, quod duobus insignium canum milibus constabat, custodiendum alendumque per familias vicatim distribu-

rat;

rat; graui miserorum agrē tium detrimento, metusque solitudine, quum poenas atrociter exigeret vel minimæ negligentia; integramque aliquando familiam quæ aprum occisum sale conditum comedisset, suspendio punire non vereretur. Ab hoc fastu sedē prodigus & rapax, eo maxime avaritiam ostendit, quod decem filiabus per omnem Europam nobilissimis regulis nuptui datis, innumerabiles pecunias in earum dotes contulisset. Ab vltima enim Britannia & Cypro regiae stirpis generos ambitiose sibi afciuerat. Sed in dies magis ac magis ararium exhaurebant, septem liberorum ætate florentium inconditus luxus, & paterno exemplo nihil intermissæ voluprates. Hinc Barnabas prolem suam modico imperio, si per partes diuideretur minimè contentam fore existimans, circumspicere fortunæ suæ modum qui erat exiguus si in singulos diuidendus foret, & fratris filio tantæ opulentia; dominatum inuidere cepit. Ioannes enim Galeacius sopito atque inerti ingenio putabatur, quod literis potius quàm armis vacaret, deditusque religioni, nulla prope contra ac illa ætas ferret, voluptatum intemperie caperetur. Idcirco patrelibus luxu diffluentibus facile erat contemptui atque odio; sic ut de eo inreperanter obloquerentur, atque ei vitam inuiderent, nefarii consilij cogitationes cum patre miscentes; usque adeo atrociter, ut eum quoquomodo tollendum decernerent. At Ioannes Galeacius explorata per speculatores propinquorum malignitate, anteuertere vitæ discrimen statuit, magnaue simulatione contento consilio, quum profiteretur se iturum religionis causa ad Deiparæ Virginis templum quod in montanis est; exeuntem sibi obuiam extra Ticinensem portant Barnabam patrum nihil tale timentem comprehendit, statimque cum globo armatorum urbem irrumpens patris domum atque arcem populo diripiendam præbuit; sic ut puncto temporis, & principatus, & tantæ opes considerent, nec quisquam capto opem ferre auderet. Paucos vero post dies eum in carcerem Tritianæ arcis coiecit, ubi vir omnium miserrimus, qui armis totam prope Italiam concusserat, acerbitateque morum magnum sibi vndique odium concuierat, sexagesimo sexto ætatis anno Fato cessit, paremque prope exitus sortem tulerunt eius liberi, magnis exilij & egestatis iactati fluctibus. Effigies Barnabæ in Concano templo picta spectatur, quum adhuc extet marmorea statua equestris, qua sepulchro eius superposita Ioannes Galeacius, ut tanti admissi facinoris atrocitatem leniret, eundem & patrum & socerum honestauit.

FRANCISCI MANFRE-

di Cremonensis.

*Quenam te in medio gravis senectus
Vexauit mala Barnabas libido?
Quis dirus furor, aut cruenta Erymus
Egit præcipitem, seroque corde
Tantas protinus excitauit vndas?
At non hæc eadem Deis, deumque
Rectori placuere; concidisque*

*Tuis consilijs miselle, quòdque
 Infantis scelus extrus nepoti,
 Fatales tibi desinant sorores.
 Felix heu nimis ac nimis beatus
 Si tam turpia, tam nefanda nunquam
 Aegro pectore sacra cogitasses,
 Ac diram ingluuiem rapaci auri
 Expellens, mucum integrumque semper
 Vsq; ad funeris ultimas fauillas
 Seruasses animi tui nitorem.*

Ioannes Galeacius.

PAREM vt spectare licet, tanto imperio grauissimi oris maiestatem tulit Ioannes Galeacius, idem in Italia tot in vnum dominatum coactis vrbus longè maximus, & vi prudentis ingenij, & belli Fortuna omnium qui in Italia regnarint, post Theodoricum Gothorum regem præstantissimus. Nemo eo neque ætarij facultatibus firmior, neque validior copijs, neque fide atque virtute ducum suorum felicior fuit. Alebat enim lectissimas copias, & quosque nominis fama inclytos duces, magnis præmijs sibi adsciuerat, per quos bella gerebat. Opulentissimæ vrbes stipendia suppeditabant, ratio & disciplina expeditæque liberalitas cuncta regebant. Domi siquidem intentus consilij assidue vigilare, quàm foris arma exercere malebat; quòd patre viuo non semel belli Fortunam expertus, multa ei aduersa obuissent; adeò vt ab Aucutho Britanno Florentinorum duce tumultuaria pugna in Brixiano agro profligatus, vix circumfusorum hostium manus effugerit. Serendo bello contentioris causas quærebat, serpendoque & virgendo, Scaligeros Verona, Carrarios Patauio expulerat, Gonzagis penè Mantua pulsus. Quo rerum successu Bononiam Pontificijs copijs ad Casalecium magno prælio superatis receperat. Lucensibus demum, Pisanis, atque Senensibus in ditionem acceptis, Perusia, & Alsizio in Vmbria potitus, graue bellum Florentinis intulerat, eo quidem acerbius quòd insignes iniurias vitum ire properabat. Nam Florentini præpotentis ac immodici hostis Etruriæ iugum superbe comminantis, nequaquam insulse reformidantes, in eum bellicosissimam Gallorum gentem, & Germanorum Cæsarem, grandi pecunia concitabant. Sed virtute ducum & Galeacij fortuna, Galli cum Armeniaco duce ad Alexandriam cæsi deletique sunt, & Brixiano in agro Germanorum alæ aliquot equestribus prælijs superatæ, in Germaniam sunt repulsæ. Parabat itaq; victor supremam cladem Etruriæ, proculdubio totius Italiæ regnum inuasurus, nisi Fata id supremum ei decus inuidissent; estiuanti enim ad Lambrum annem pestilenti morbo an veneno incertum properantia Fata tanti cõsiliij spem eliserunt, anno ætatis quinquagesimo quinto quum

quum paulò antè è Ladislao Cæsare Mediolanensis imperij susceptis insignibus, primus sue gentis dux & princeps fuisset appellatus. Nemo regum ornatiore aut sumptuosiore exequiarum pompa elatus est, quum sin-



gulorum oppidorum legati, & tota ferè vrbanda nobilitas, atra veste ex ærario donati sint, & in producendis sacerdotum ordinibus, illustrandaque pyra supra viginti millia cærea funalia eo die arserint. Effigies eius Carthusiano in templo prope urbem Ticinum marmore sculpta multis in locis, præcellenti autem habitu depicta ad Cornobium Castellatij iuxta Mediolanum spectatur.

IULII FEROLDI.

*Hic primò nomen ducis atque insignia Cæsar
Detulit Insubrum, excimio dignatus honore.
Hic ille est bello fortunatissimus heros,
Barbaricis populis & formidatus Etruscis.*

*Cui Verona potens, diuſque Bononia ceſſit,
Atque Antenorida, atque Alpſæ ab origine Piſæ,
Innumeraque vrbes aliæ, populique ſeroces.
Ille etiam Gallor, Germanorūque phalanges
Reppulat, haud paſſus noſtris conſidere in oris,
Et Florentinos obſedit milite colles.
Armipotens illum donec mors abſtulit atra
Et regnum Italiæ inuidit Fortuna potenti.*

Ioannes Maria.



PERTO defuncti patris teſtamento duo filij impuberes Ioannes & Philippus, quibus Mariæ cognomentum fuit, ea conditione hæreditatem adiuerunt, vt Ioannes Mediolani ducis nomen obtineret, Philippus Ticini Comes appellaretur; quibus biſariam diuiſæ imperij vrbes accederent, Gabrieli verò ex nobili concubina ſuſcepto, qui his natu maior erat, Crema & Piſæ in dominatum obuenerent. Cæterum euulgata Galeacij morte, copiarum duces, nullo pudore perfidix, opportunas iſtis vrbes inuaſerunt; ſic, vt immenſa moles opulentiffimi principatus, quum ab imbecillo adoleſcente regi non poſſet, inuſitata ducum proditiōne vndiq; concuſſa & dilacerata corrueret, & cuncta paſſim ſingulis in vrbus atroci factionum malo & cruentis diſſenſionibus quaterentur. Nam Pandulphus Malateſta à fide impudenter diſcedens, Brixia & Bergomo poſſeſſus fuerat: Cabrinus Fondulius Cremonæ: Ioannes Vineatus Laudi Pompeiæ: Otho Bontertius Parmæ, Placentiæ, Arcelli: Tornielli, Nouariæ: Franchinus Ruſſa, Comi: & Facinus Canis Papiæ atque Alexandriæ, armis & factioſi populi ſtudio, dominatum arripuerant; eoque grummarum imbellis adoleſcens deuenerat, vt diuerſos gubernatores, qui armis authoritateque Mediolani ſeditiones pacarent, accerſere cogeretur, ſæpeque eos fremente populo tanquam factioſos exauthoraret. & poſtremo Buccicaldus vir Gallus, qui nomine regio Genue præfecturam gerebat, vt cuncta ad arbitrium regeret, Mediolanum euocaretur. Is corpore atque animo vaſtus, quum ambitioſe atque ſuperbe ad Principatum Cifalpinæ Galliæ palam aspiraret, graui Gibellinorum impetu Mediolano exturbatus eſt. Seuius autem princeps in ciues, poſt multos ex amicis paternis ſecuri percuſſos, inaudite crudelitatis carnicinam exercuit: prægrandes enim & voraciſſimos moloſos, noxiorum primò, & mox innocentum carne nutritos, magiſter eorum Gramus fera immanitate ita alebat, vt eis quos odiſſet princeps diſcerpen- des obijceret, incredibili horrore gemituque pauentis populi. Hæc effecere vt nobilium ciuium vtriuſque factionis generoſa cohors, duce Paulo Baucio, hanc immanem belluam in ipſa curia adoriendam, maſtandamque inita coniuratione ſuſciperet. Atque ita abominandus princeps dum in templum Gochari ſacrorum cauſa deſcendit, trucidatus eſt: media fronte ad oculos vſque diſciſſa, & altero crure detruncato. Nec quiſquam cadend

denti opem tulit. Deserto autem ab omnibus, & maximè cruento cadaueri, vna omnium humanitatis non oblita ignobilis meretrix, supremum officium piè exoluit, quum iacentem ad tegendam vulnorum foeditatem, re-



centium rosarum aceruo cooperuit. Effigies Ioannis vno in loco quòd viderim, viperijs oculis venenum spirans, patre viuo picta, in altaris tabula, quæ est contra aram templi maximi, ad extremum testudinis posita, Mediolani spectatur.

IOAN. PAULI Amanij Cremenis.

*Quæ nam torua leæna, quæ vel vrsa
Duro in vertice Caucaſi creauit?
Tam duro ingenio virum, impiòque
Humanum in genus, ac deos in ipſos?
Ille vt ſcilicet Inſubres cohercens
Inſando imperio (neſas) iuberes*

*Inhumanissimus omnium tyrannus
Impastis canibus feris vorandos
Infontesque dari simulque fontes?
Illum at quam miserè reor vicissim
Aequis ut crucietur usque penis;
Nunc discernere Cerberum furantem,
Vltorem sceleris malique tanti?*

Philippus Vicecomes.



O ipso die quo Ioannes Maria Mediolani trucidatus est, nuntio cædis accepto Facinius Canis Ticini podagra oppressus excessit e vita; eo spiritu ut duces suos suprema obtestatione cohortaretur ad vindicandam coniuratorum perfidiam, attollendumque Philippum ut paterno imperio potiretur. Erat tum Philippus in arce Papiæ, morientique altiterat captiuo similis, imperij viriumque expertus, & auri valde inops. Nam Facinius prodente Castellino Becaria urbem suis copijs occuparat. Adiuuat Philippi Fortuna Beatrix Tenda Facinij vxor, quæ in ipso mariti funere cum Philippo adolescente nuptias appetebat. Ea muliebri ambitione atque libidine incensa, quanquam dignitate impar, annis autem superior, opportuna tamen dotalibus thesauris Philippo videbatur. Itaque raptim inauspicatæ fiunt nuptiæ, conciliantibus ducibus, qui Faciniano auro oculos adiecerant. Nec mora instructis copijs numerataque pecunia Philippus Mediolani reducitur, pulsisque Sacramoro & Carolo Barnabæ filijs, qui regnum arripuerant, vehementi populi studio dux acclamatur. Plerique ex coniuratis per tumultum capti supplicio afficiuntur. Venit & in potestatem noui principis Modociana arx Sacramoro tormenti ictu interfecto. Fuit illi in recuperando regno persequendisq; hostibus mira felicitas; utpote qui singularum prope urbium tyrannos cepit & occiderit, reliquos exturbarit. Sed videri potuit & seui & ingratus erga vxorem, quæ thesauris suis desertum ab omnibus & egentem ad imperium euexerat. Circumuentam enim dubijs indicibus, damnatamque adulterij, vel nihil tale in tormentis confitentem resellentemq; iudices pudica fronte securi percussit, ut Allobrogum principis filiam duceret. Gessit varia fortuna, variaque morum fama bellum cum Venetis & Florentinis, eo exitu, ut Bergomum, Brixiam, & Veronam amitteret, moriensque Franciscum Sfortiam cui Blancam filiam ex nobili susceptam concubina in matrimonium collocarat, ex testamento totius imperij reliquit heredem. Fuit Philippus adeo hebetibus oculis, ut factus senex, obuersantium ante se vultus non planè discerneret, assiduo secretoque monitore vteretur in responsis dandis, ne pupillæ vitium detegeret. Sed magnitudine generosi animi, maximos suæ ætatis Reges facile superasse cenletur, vel reparando bello inexhaustis opibus, vel in paranda laude præstantissimæ virtutis.

Solus

Solus enim incomparabile veræ clementiæ decus tulit, cum Alfonso regem cum fratribus, & Nauarræ item regem bello nauali ad Pontiam captos, & ad se Mediolanum perductos, non cunctis modo humanitatis of-



ficijs, sed amplissimis muneribus & copijs instructos liberaliter dimiserit, ad recuperandum Neapolitanum regnum, de quo cum Iohanna & Andegauensibus armis contendebat, ut non receptæ modo libertatis, sed partii regni beneficio commutata repente fortuna latarentur. Quanquam hæc tantæ clementiæ, magna quidem, sed intempestiuè quæsitæ laus, singulari ei cesserit detrimento. Non tulere enim contumeliam Ligures, qui regem ceperant, quod inimicæ gentis rex aliena gratia liberatus, implacabile erga se odium seruaturus crederetur, ipsique propterea interfecto Oricino Genuæ Philippi præfecto continuo rebellarint. Philippi effigies Mediolani multis in locis picta, sed longè elegantissimè in domo Francisci Tabernij Epistolarum magistri in frontispicio inferioris magni condauis ex arte plasticæ efficta spectatur.

ELOGIORVM
IANI VITALIS.

*Clementissimus atque liberalis
Infubrum dominus Philippus hic est,
Viciis regibus vnicò duobus,
Qui bello, manicisque compedesque,
Lenari iubet, in suasque abire
Donatos opibus Lucullianis
Sedes, & sua regna, liberatos
Tetro carcere. Discite hinc tyranni
Sunt hæc munera principum, superbas
Debellare, pios & esse vicis.*

Ioannes Vitellius Cornetanus

PATRIARCHA ET CARDINALIS



MAGNUM & memorabile insolentis fortunæ exemplum inusitato sacratissimis viris exitu præbuit IOANNES Vitellius, Corneti in ora Tuscorum nobili genere natus. Is ab adolescentia mediocribus instructus literis: sed eis ab excellenti memoria expeditaque facundia in omnem casum serij sermonis adeo promptis, ut magnæ doctrinæ speciem præberet: vir factus, cum hac ingenij indole contulit se ad finitimum Tuscanellensium tyrannum, cui ob hæsitantiam linguæ, Tartaliæ cognomen tum fuit. Hic ea tempestate inter claros duces, validas equitum copias ductabat, utebaturque Vitellio in perscribendis epistolis, obscundisque apud diuersos principes & duces legationibus. Quibus in rebus suam adeo efficacis industriæ exactique iudicij operam probauit, ut secretioribus negotijs tanquam consilio optimus adhiberetur. In eo quippe vis ingenij mirifica eminebat, & natura erat aduersus laborem & somnum indomitus, periculorum despector, imperij & militaris laudis audax. Itaque arma sæpe induere, & bellicis discriminibus audacter misceri, sæpeque inter milites, fretus quibusdam iuris ciuilibus flosculis, controuersias minuire, magnoque vsui in asperis rebus Tartaliæ esse. Sed postquam Martini iussu, iudicioque Sfortiæ Tartalia commutati studij accusatus, tanquam ad Braccium aduersarum partium ducem transiturus, Auersano in foro detruncata ceruice conceptæ perfidiæ poenas dedit: Vitellius Romam se contulit; breuique vir solers, & aulicis moribus idoneus Martino innotuit, à quo Protonotarius est factus. Creato autem Eugenio Vitellij studium, uti erat vehemens, expeditum, & comprobante fortuna rerum euentibus felix, in senatu adeo miris laudibus extollebatur, ut in eo vno Reipublicæ salus & dignitas niti videretur. Itaque quum fortem fidelique operam difficillimis Reipublicæ temporibus nauaret, tanto Pontificis studio singulos honorum gradus adeptus est, ut legati quoque potestate com-
pji

prijs Pontificijs sit prefectus. Ab hac enim secunda rerum gestarum fama cum Pontifex maturata liberalitate ē Protonotario Recanatensem Episcopum, nec multo post Patriarcham Alexandrinum, & mox Florentinum



Archiepiscopum, demumque ad nuntium exoptatæ victoriæ Cardinalem creavit. Tanta itaque Virellius Pontificis gratia insignis & potens, inimicos & invidos gloriæ suæ obrectantes facili contemnebat. Erant enim magna quæ ad inigne Reipublicæ commodum gesserat, quum tyrannos pontificij imperij ditionem impudentissimè lacerantes, ad vnum propè omnes deleuisset. Nec si quid paulo acerbius & violentius gerendo bello patraisset, quod sacro viro indignum foret, vllas earum rerum querelas, tanquam ab inuidis malignè delatas, ad aures Pontifex admitteret, quum responderet, hunc esse morem factiosorum imperitorumque hominum, vt seueritatis atque iustitiæ nomen odio haberent, publicasque iniurias extrema poena minimè vindicandas arbitrarentur. Principem quidem Salernitanum Martini Pontificis fratris filium, ceterosque Communiæ familiæ proceres, qui armati antea in Urbem occupata Capena

porta irruerant, persecutus armis, omnibus auitis paternisque oppidis cuncta populatus exuerat; Iacobumque item Vicanum urbis præfectum multis circa Vetrallam oppidis imperantem redactum in potestatem, & cum eo Trincium Fulginatium tyrannum in arce Suriana securi percusserrat. Antoniumque deinde Pisanum ab Etruriæ oppido Pontaderam appellatum, virum militia clarum, & multis literarum ornamentis insignem, quod Priuernum in Volscis occupauisset, tumultuario prælio fufum caprumque, indigno miserabilique supplicio ad oleam suspenderat. Qua necis atrocitate vel ob id magnam inuidiam subiit, quod Antonio id mortis genus tanquam honestissimo viro, & diu cum laude militiæ versato, indignum, deprehensisque tantum latronibus meritum, suppliciter deprecanti non modo non indulserit, verum crudeli vsus ironia in carnificem versus dixerit, Lege ergo age, & æqua postulanti, viro forti præclaroque geminum innecte laqueum, altio remque ramum delige, vt honestius ac splendidius pendeat; atque ita miserabiliter duplici capistro, vir alioqui tam fredo supplicio indignus, in arbore strangulatus pendit. Eandem etiam Etrusco bello supplicij sortem tulerat Armauerius Asculanus, egregij nominis Centurio, quum ad hostes ex leui coniectura transirus putaretur. Romæ autem acerbe conquisitis & raptis ad supplicium, qui excitato tumultu Pontificem in fugam per Tyberim coniecissent, Lateranensisque templi sacra direptis quibusdam donarijs impiè violassent, carnificitiam in campo Flore exercuerat, horrentibus trementibusque Romanis eius viri aspectum, properataque & nimis sæua iudicia, quæ vel summæ dignitatis deprecatores omni misericordia atque humanitate semper vacua reperissent. Verum non multo post Vitellius opinione gratiaque Pontificis decidit, quum aduersus Alphonsum regem missus pro Renato Andegauense ad Neapolim eo euentu bellum gessisset, vt post profligatum caprumque Vrsinum principem Tarentinum, & mox dimissum, parua victoria vti noluisse parum fideli aut importuna cunctatione crederetur; sicuti antea Picenum agrum occupanti Francisco Sfortia, nec tum viribus aut incolarum studijs præualido, repente petita mari fuga, simulatoque salutis suæ periculo, concessisset. Onerauit demum immani nefarioque ausu cum suam tum Pontificis famam, quum inita coniuratione Alphonsum regem sub fide induciarum opprimere cogitasset. Ab eo siquidem rege ad Salernum obfessus, vt instantis periculi casum effugeret, vir æquæ tallax & vaser, cum rege inducias in tres menses pepigerat, quo spatio turpissimè fidem abrumpens, coniunctis cum Iacobo Caudala censibus & copijs, ad regem tum fortè hyemantem ad Iulianum vicum Auerfani agri improuisus aduolauit. Nec regem alia res seruauit, quàm religiosè excultum eo die numen; solenni enim tum fortè festo die Christi natalis, paulo post auroram triplici sacro intentus, ante aram prociderat, quum Vitelliani improuisi inexpectatque hostes adesse nuntiati sunt. Tanta autem fuit irrumpentium celeritas, vt serè capto regi breue spatium ad elabendum non planè peractis sacris relinqueretur; & impius hostis omnem sacrorum apparatus, & expositam ad celebre epulum regij Abaci supellectilem auide diriperet. Id facinus ingratum Pontifici, odiosumque sacro ordini, & cunctis ex-

crabile

erabile, vehementer Vitellij existimationem labefecit, quum in eius industria, quanquam singulari atque mirifica fluxa, fides & atrox violentia damnarentur. Eius autem improbi atque audacis animi notam Patriarcha falso discrio diluebat, quum diceret, se, ut rex expectisset, quod pollicitus fuerat, bona fide prestare voluisse. Paulo enim ante Alfonso per præconem Patriarchæ cum iactantia nunciarat, se Marte iudice illum indecenter arma tractantem, eò redacturum, ut tanquam infimi ordinis sacrificulus, missarum sacra vno denario sibi perageret. Ad quod insolens dictum Vitellius sua usus ironia responderat, non abnuere conditionem, ut magni regis capellanus efficeretur. Verum se non prius quam inchoante anno in ipso Christi natali die munus hoc suscepturum, ut auspiciatò & gratuito quidem ei sacra solennia celebraret. Sic ut postea rex periculo creptus in magna suorum frequentia acutissimi sacerdotis ironiam agnoscens, se eorum scommate probe elusum fateretur. Sed is non multo post malo genio animi eius vastum & insatiabilem impellente, maximum imperium & summum denique pontificatum affectare cepit, aut viuo Eugenio, si ille sub censura concilij exauthoratus concideret, aut certe mortuo, quando iam difficilem morbum animi languore concepisset, ab aduersi Basilienfis concilij decretis. In eam spem adipiscendi pontificatus venerat, quod validissimis copijs subnixus, singulas pontificiæ ditionis arces, per fidos sibi atque obnoxios clientes in potestate haberet. Nec defutura sibi Patrum studia atque suffragia, vel primo comitiorum die arbitraretur, quoniam sibi opulento pecuniosoque ad opportunas largitiones expedita facultas foret. Oderat Florentinos tanquam ingratos, quod eorum Rempublicam ciuili seditione perturbatam se sua autoritate compositis rebus conseruasse prædicabat. Illi tamen in ipsius contumeliam Rainaldum Albitium primum ciuem ab se vehementer commendatum exilio mulctauissent. Venetis autem indignabatur, quod per legatos apud Eugenium omnem suam gratiam & dignitatem conuellere contendissent. Noua itaque consilia cum Nicolao Picinnino suscepit. Is tum clarissimus bello dux Philippi Mediolanensis exercitibus præerat, defendebatque acerrimè eius ditionem aduersus Venetos Florentinis foedere confociatos. Summa consilij erat, ut Picinninus in Ecuriam accerferetur, ipse e Latio promotis copijs cum eo se coniungeret. Id consilium interceptis ad montem Politianum literis, plane detectum est. Scribebat enim Vitellius ad Picinninum notis arbitrarijs, quæ fieri volebat, quæ tamen ab interprete explicari non poterant, magnam tamen commutatæ fidei suspicionem afferebant. Erat apud Eugenium omnium consiliorum arbiter Ludouicus Patauinus Patriarcha Aquilensis, ex Medico Cardinalis factus, vir astuto peracrique ingenio Vitellij potentiam vehementer insensus. Is quum graui facundia in Vitellij mores atque consilia criminose inuectus disseruisset, Eugenium nunquam integra Pontificij imperij potestate Vitellio viuo potiturum, illius opprimendi consilium obtulit atque perfecit. Præerat arcu molis Hadriani Antonius Rido, vir militaris, & ad omne patrandum facinus paratus, quod commendatione Ludouici ad eam præfecturam peruenisset. Hunc quæ Pontifex peragi imperet, atque ipse cupiat, secreto edo-

cet, & quæ in negotio opus forent sedulo constituit. Igitur ad Calendas Aprilis moturus castra Vitellius Antonio significat, ut sibi Hadriani pontem transeunti adesse velit, ut de custodiammunitioneque arcis & profectio-
 ne sua quædam cum eo communicet. Eam occasionem excipit Antonius tendendis insidijs idoneam. Præmittitur prima luce à Vitellio Comes Auerfus Anguillarius cum quatuor millibus equitum duobusque millibus peditum; ipse postremus cum familiaribus agmen claudit. Tum vero Antonius porta arcis egressus præteruectum totius pontis longitudinem, inermis & composito vultu salutat; accedensque propius simulatione secretioris colloquij procedentem comitatur, pedes equitem, habenas molliter tractans, tam diu de annonæ supplemento, de instaurando tormentorum & telorum apparatu verba producit, quo ad contra arcis portam peruentum est. At Vitellius sematurè curaturum pollicetur, ut nihil earum rerum indigeret, se Reipublicæ causa in Etruriam ducturum, tantisperque Cornetum ex itinere diuersurum, ut ædificatam ab se magno sumptu domum inspiciat. Eodem verò puncto temporis Antonius equi frenum arripit, signum dat, cataracta demittitur, quæ extremum pontis caput excludit; erumpunt satellites, perturbatumque inopinato malo Vitellium circumstant. Ille nihil se deserit, calcaribus equum sed frustra incitat, atque incuruum gladium, quo militari more cinctus erat, ferociter educit. Sed obstantem satelles falcato hastilis vnco, quod hodie Roncham vocant, per ceruicem corripit: alter dextrum brachium, quo districto gladio in Antonij caput ictum minabatur, grauitè vulnerat, atque ita cruentus intra portam arcis pertrahitur. Hunc supremæ calamitatis malo perturbatum, & se ingratiè proditum, profundo suspirio conquerentem, ornatissimo in thoro collocant, obliganturque ei vulnera, & Antonius ut bene speret cohortatur, quod in posterum Eugenius non militari, sed senatoria eius opera vti vellet. Ad id Vitellius anxie æstuans, se non esse adeo verum imperitum respondit, ut temerè crederet, summæ dignitatis viros vel iniquo iure captos dimitti solere. At summa autem arce per præconem Vitellianis pronuntiatur, ut timere, tumultuarique desinant, quando iussu Pontificis graui de causa Cardinalis esset interceptus; Atque ita Comes Auerfus sub signis iter extendens, opulenta Vitellij impedimenta in arcem Roncilionis suæ dittonis tanquam suam prædam abduxit. Nec multo post, ut nonnulli tradunt, siue acerbitate vulnèrum, siue indito veneno, fato functus est, caruitque honore funeris & tumuli, quanquam ei postea propinqui Corneti marmoreum cenotaphium extruxerint, quod hodie cum rudi elogio visitur. Sed munificentissimæ domus structuram atque amplitudinem, Pontificum hospitio dicatæ admiramur. Antonius autem Rido tanti patrati facinoris præmium vel in morte tulit, marmoream equestrem statuam, quæ in vestibulo templi Diuæ Mariæ nouæ ad arcum Titi conspicitur. Ludouicus vero in demortui Vitellij locum, ut copijs præficeret, suffectus est. Vera Vitellij effigies depicta in magno con-
 clau eius domus Corneti spectatur.

Quis tua facta potis, laudēque aquare canendo
 Purpuream succinēte togam, generose Vitelli?
 Maiestas tibi Romani pastoris, bonūque
 Debet, & antiquum tibi disciplina vigorem
 Acceptum seruata refert. tu fontibus aqua
 Supplicia & meritis tribuis iustissime penas.
 Dispersos tu sylvarum per lustra latrones,
 Non secus ac venator apros, indagine cingis.
 Tu diros Latio dominos, tu triste repellis
 Sernirium, sicutosque sua quēque vrbe tyrannos
 Exigis, & iusta populos ditione coherces.
 Infandē plebis tu seditione fugatum
 Pontificem sacrum, iustis vlcisceris armis;
 Stringis & horrendas in noxia colla secures.
 Salue purpurei decus & tutela senatus,
 Priscarum virtutum imitator, & amule laudum;
 Imperio quod seruaras dignissime, ni te
 Præpropera ambitio tentasset inanibus auris,
 Laetassetque auidam transuerso turbine mentem.

Iulianus Cæsarinus. Cardin.



CÆSARINA familia inter illustres Romanorum proce-
 rum ætate nostra, honoratis viris atque opibus florens,
 summam, vt aliqui volunt, claritatem cepit, à IULIANO
 sancti Angeli Cardinale, cuius hoc loco vera effigies specta-
 tur. Vetusitatem eius originis nequaquam altè repetunt,
 vel qui Cæsarinorum nomini fauent, quum fateantur ex
 gentilitijs insignibus, eos Columnijs & Vrsinis fuisse recentiores, quòd ex
 alienis argumentis sua insignia condiderint. Scutum enim gestant, in quo
 vrsus ad columnam, cathena deligatus pingitur, superstante tamen aquila
 nigra, quæ à Cæsaribus præclara nobilitatis testificatione studiosis par-
 tium suarum & clientibus dono dari consuevit. Narrant autem superiore
 seculo cruentis factionibus infami, cum Vrsini cum Columnijs de digni-
 tate armis contenderent, Cæsarinos tanquam Gibellini nominis adhæsisse
 Columnijs, insignique edito facinore vicisse Vrsinos hostes; ideoque Cæ-
 sarinos tanquam præclaræ eius victoriæ autores, vincitum & columnæ
 cathenatum vrsum ad memoriam clarissimi facti in scutis expressisse. Sed
 hæc ex fama potius tradita per manus, quàm ex annalium fide referuntur;
 quum per quadringentos annos res Romana ciuilibus discordijs & Ger-
 manorum Cæsarum senectia à stirpe propè excisa, certo historiarum lumi-
 ne caruerit. Verum Cæsarinæ familiæ dignitatem faciliè demonstrat præ-

rogatua insignis, qua præclaro populi Romani munere à Paulo tertio amplissimis codicillis confirmato, eius familiæ princeps inueterata consuetudine maximum vexillum gestat, cum bello (si incidat) tum pace in spe-



etaculis Agonalium ludorum, quæ ad normam veteris disciplinæ Luper-
calibus edi solent, vt armata iuuentus in equis simulachra præliorum re-
præsentet, & legiones per singulas tribus composito ordine decurrant.
Fuit Iulianus honesta facie, statura insigni, ingenio excelsso, eloquentia sin-
gulari, & moribus candidissimis, in gymnasiis accuratè versatus, ciuilibus &
diuini iuris scientissimus euaserat. Qua facultate ad parandam sibi senato-
riam dignitatem opportunè gradum fecit. Nam ea tempestate eius scien-
tiæ professores præcipuo erant in honore, propter grauissimas de Ponti-
ficiæ dignitate disceptationes, quum dira diuisione tres vno tempore sum-
mi pontifices sædissimo exemplo Christianis præessent sacris. Fuerat ad-
scriptus in numerum eorum iudicum, qui in consessu Pontificis de suppli-
cibus libellis referunt, & sententiam dicunt. Quo in obeundo munere Iu-
lianus longè omnium subtilissimè atque rectissimè referebat. His itaque
instru,

instructus literis à Martino lectus est in senatum, tanto omnium favore, ut paulo post in Bohemiam legatus sit missus, ad sanandos ejus gentis animos Hulsitana superstitione laborantes, obstinatissimeque etiam tum in insania peruicaces, quanquam nuper Hieronymus à Praga ejus hæresis crimine damnatus Constantiæ, & combustus, in ipsorum contumeliam concidisset. Ea enim erat de Iustani virtute constans opinio, ut vni illi ea provincia demandanda censeretur. In omni siquidem senatorio munere apud eum vigeant dignitas sine fastu, doctrina sine ostentatione, sine sũco probitas, & studium sine factione. Qui mores non modo factiosa in vrbe, aulaque maxime superba, sed apud omnes, quibuscunque serio acturus congregaretur, gratiam conciliabant. In Germaniam autem profectus Bohemos opinione sua repperit duriores, & mortem cum cruciatu potius pati paratos, quam ut à sententia susceptæ semel, quanquam nondum inueteratæ superstitionis discedere vellent, sic ut nequaquam adhortationibus sacrarum concionum, sed planè validis perdomandi armis essent; quod victis pariter atque victoribus maxime calamitosum foret. Aditis itaque Germanorum proceribus, & pertentatis eorum animis, quum arduum atque difficile, maximeque sumptuosum esse prospiceret constare exercitum, qui ex diuersis auxilijs par esset bellicose municeque syluis atque fluminibus genti subigendæ, Basileam se recipit, ad obeundum secundi muneris officium, scilicet ut indicto inchoatoque Concilio legatus præesset. Sancita enim lex fuerat Constantiæ, ut post quinquennium renouata sacrosancta Synodo, antistites, sacraque viri totius Europæ conuenerent, ut controuersie de Diuinis placitis morumque censura suprema disputatione finirentur. Eam autem promulgatam legem mortuo Martino, Eugenius ei suffectus ita probauerat, ut Iulianus continuato legationis honore, toti Basiliensi negotio præficeretur. Coeptum itaque excitatumque Concilium concursu sacerdotum cum habuit euentum, ut Eugenius ad id celebrandum vocaretur inuidia principum & quorundam anosticum, qui ei specie religionis parti Pontificatus felicitatem inuidebant. Erant in eo Concilio multe grauissimæ res commodo Reipublice à prijs hominibus peragenda; quod Bohemorum insania magnis artificio sananda videretur; quod Turcæ Mysorum & Hungarorum fines vastarent; quodque explicanda essent verò fidei dogmata, in quæ Reipublice Christianæ Episcopi sublata discordia consentirent. Quæ omnia ut ritè discuti, rectèque decerni possent, præsentis Pontificis personam efflagitare videbantur. In hac re deposcenda adeo multus fuit Iulianus, ut appareret, nimio pietatis studio aduersa & planè aliena Pontifici postulare. Ponebat enim deus suum quod probitate Christiana nigeretur, ante commodum salutemque Pontificis, qui in seuenissima Synodo dignitatis, & totius fortunæ suæ periculum esset adiutus. Extant duæ à Iuliano scriptæ epistolæ ad Pontificem, quibus eum graui cum obiurgatione reprehendit, quod citatus laboranti Reipublice non subueniat, & contra iusurandum indicto concilio non interlit; vsque adeo intemperanter, ut seni & articulari morbo laboranti, lecticam ad iter non defuturam scribat. Nec excusandus censetur, si parum pia, parumque generosa tergiversatione hominum probatiss.

simorum opinionem falleret. In ea expostulatione Iulianus planè impudens & ambiciosus quibusdam videri poterat, nisi in eo mirum communis concordiae studium, & cura religionis praeclara extitisset. Cæterum Eugenius vti alias profunda prudentia vetus senator, & Pontifex quanquam nouus, sui muneris & personae nusquam oblitus, eam contumeliam lentissimè dissimulauit. Synodum enim tanquam immanem & multorum capitum belluam ad exitium maximorum pontificum caeca rabie concitatam esse diserebat; ratus, his adimi libertatem & vitam, qui in externis terris ei belluæ se committerent. Non reformidabat tamen Concilium, sed eius locum deuotabat, Balthasaris Cossæ exitum perhorrescens. Igitur Eugenius commonefacto Iuliano, vbi sensit insidias sibi parari, Concilij locum damnat, tanquam Hispanis, Gallis atque Italis antistitibus incommodum, earum actionum decretis fidem abrogat, solenneque Concilium in vrbe Ferraria futurum edicit, accersiturque è Constantinopoli Iohannes Græcorum Imperator, vt ex eius auctoritate Græcæ gentis controuersie cum Latinis componantur. Nec multo post pecunia Pontificis conductæ aliquot triremium classe Imperator cum lectissimis suæ gentis Episcopis atque proceribus emensus Adriaticum Ferrariam aduchitur, comitante ipso Iuliano Cardinale legato. Is enim Basileæ malignitatem quorundam detestatus, qui non studio instaurandæ religionis, sed circumueniendi Pontificis inaudita libidine ducebantur, ad Eugenij voluntatem se contulerat. In Concilio namque Eugenio, quod citatus non venisset, confestim exathorato, creatus fuerat Pseudopontifex Amideus Allobrogum princeps, qui filijs natu iam grandibus senex, Eremitarum more in abdita & nerosa loca tædio publicarum rerum secesserat, Felixque appellatus, magna celebritate Basileæ fuerat coronatus. Sed aduentu Græcorum quum Synodus metu pestilentie è Ferraria Florentiam translata maxime floreret, actiones Basilicenses magnoperè refrixerunt. Felix autem eam intempestiue dignitatis tulit sortem, vt exutus pontificatu Cardinalis à legitimo Pontifice crearetur, quod seni venerando atque innocentissimo, honos purpuræ ad solatium relinquendus esse videbatur. In his grauissimis negocij disceptationibus Iulianus eximiam cum præclari studij & generosæ industriæ, tum multiplicis doctrinæ laudem tulit, quum malè sanam de processione Spiritus sancti Græcorum opinionem Romano dogmati conciliasset. Interea compositis apud Florentiam Græcorum & Latinorum controuersijs, peractoque conuentu, Ladislaus Polonorum & Hungarorum rex, prosperè cum Turcis ad Hemum montem confixit, Carambeio Amurathis primario duce capto. Verum Ladislaus suarum & hostilium virium æquus æstimator, ab ea victoria prudenti consilio non inquam pacem quæsiuit, concedente eam Amurathe, qui explicare se Hungarico bello, & aduersus Ciliciæ regem sibi ad iniuriam opportunum, maturè proficisci cupiebat. Ea pax Pontifici & Christianis principibus post insignis victoriæ prouentum nunciata, tanquam intempestiua, inutilis, atque indecora displicuit. Iampridem enim Christiani ferè omnes, collatis viribus, ingens bellum in Amurathem decreuerant, orante & vehementer expetente Græcorum Imperatore, vt sibi à ferocissima gente circumuen-

cum uento opem ferre maturarent. Georgius quoque Castrionis, cui Scanderbegus cognomen fuit, qui in Epiro Amurathem eiusque praefectos magnis detrimentis affecerat, se cum validis copijs Regi Hungaro Thraciam inuadenti assuturum pollicebatur. Eo modo Rex iuuenis secundae victoriae spe incitatus, adhortatione principum pacem violat, bellumque suscipit, maiore quam antea apparatu conatuque. In ea rerum occasione Eugenius Iulianum, quo nemo potior videbatur, legatum ad regem misit, qui eum eiusque gentes ad sacrum bellum concionibus incitaret. Retardabat tamen regem pudor ingenitus aduersus imminentem violandae pacis infamiam. Sed vnus religionis respectus verecundiam discutiebat, pronunciante legato, fidem infidelibus Mahometanis nequaquam esse seruandam, quando ipse eius conceptae fallaciae inane piaculum autoritate pontificia continuo esset deleturus. Iurant pacem solenni cerimonia, hinc Ladislaus & illinc Sannocerus Amurathis legatus, ea stipulatione, ut vtriusque legis instrumenta proferrentur; hinc scilicet Euangeliorum liber consecratus; illinc Alcorani religiosum volumen, quo Mahometis dogmata continentur. Ladislaus per hunc modum à fide data (nequaquam regio more) discedens, inauspicato motis signis ad Varnam Pontici litoris urbem infesto exercitu penetravit, ut in ora Christianam classem expectaret. Quibus cognitis rebus Amurathes, Christianorum leuitatem atque perfidiam grauissimis verbis detestatus, è Cilicia rediens, magnis itineribus ad Hellepontum ductis copijs, septimis castris peruenit ad Varnam. Eius aduentus nostrorum opinione celerior regem inprimis & Iohannem Hunniadem Turcico assuetum bello vehementer perterruit. His autem animis vtrunque in aciem est descensum, ut primo congressu Amurathes de victoria desperasse tradatur; nisi noua & recentissima Turcarum ala nostris imperitè laxantibus aciem victoriae occasionem ademisset. Ladislaus enim acerrimè pugnans, stratis nobilioris aetatis equitibus ad Ianizarios praetorianos pedites penetrarat; sed sinu facto in medium receptus, suffraginibus equi succisis, Rex corruit atque ita trucidatus est, Hunniade frustra interfecti cadaver è manibus hostium eripere conante. Rege interfecto, caput eius Barbari lanceae praefixum circumferentes, sublato clamore, nostrorum fugientium tergis institerunt. Hunniades intactus effugit. Iulianus verò legatus, qui praelata cruce hortabundus regna sequebatur, quum ad lacunam sitienti equo habenas laxasset, superuentu hostium, aut, ut plerique existimarunt, Hungarorum seuitia trucidatus interijt, multa cum contumelia onerantibus Barbaris, quod sacerdos contra ius Gentium fidem violandam abrupta pace foedè censuisset. Vir certè tam tristi vitae exitu indignus, nisi eo Fati genere aditum sibi ad coelum perenni cum gloria muniuisset. Praeclarum autem viuidae gloriae lumen, quod aeternum luceret, hoc verè pio atque honestissimo vitae exitu posteris suis reliquit. Nam post multos annos ab hac optimi senatoris memoria, qui pro salute Christianae Reipublicae se deuouisset, Alexander sextus Iulianum in Caesarinum huius nomen referentem, generosis ornatum moribus, & Iaeo decimus Alexandrum eruditi ingenij, virtute insignem, ad instau-

randam familiæ de Republica bene meritiæ dignitatem, in Senatum legērunt. Eius effigiem eleganter (vt illa ferebat ætas) in tabula pictam Iulianus Cæſarinus abnepos, qui hodie familiæ nomen cum dignitate ſuſtinet, exſcribendam tradidit. Vixit annos quadraginta ſex. Obijt anno à partu Virginis quadregimo quarto ſupra milleſimum & quadringentefimum.

ANTONII FR̃ANCISCI Rainerij.

*Te decorant magni cognomina Cæſaris, unde
Ducis auos, atavosque, et præſæ exordia gentis;
Quiſque lacertoſus vexilla patriumque Quiritiumque
Extollit ſinuofa auro, atque aſperſima ſignis
Veſtrorum decus heroum, columenque nepotum.
Te decorant oſtro inſignes duo lumina, patres
Conati enervo pariter ſuccurrere ſeclo
Qui tecum æthereis potiuntur neſſare menſis.
Te decorat tua te pietas immenſa labantem
Quæ ruit (heu pietas miſeranda) vt ſulciat orbem.*

Tamerlanes Scythar. Imp.



TAMERLANES Schytharum Imperator, qui propter inauditam animi feritatem atque ſæuitiam portentofasque vires, orbis **TERROR**, & **CLADES** Orientis appellatus eſt; ex humili militiæ loco per omnes honorum gradus ad eximiam bellicæ virtutis opinionem, & denique ad ſummum imperium aſcendit; inſigni præſertim applauſuentium militum ſtudio, quum adulatione quadam Temir Cuthlus vocaretur, quæ vox Tartariçè fortunatum ferrum ſignificat. Eum Samarcan-dæ vrbis, quæ eſt ad laxartem amnem Sogdianæ regioni finitimum, inſimæ claiſis ciuem fuiſſe tradunt. Quam urbem uſque ab Alexandri Magni temporibus Quinto Curtio notam videmus: teſtanturque Perſæ, homines hiftoriæ non ignari, quibus cum nos collocti ſumus, Samar-candam à Tamerlane tanquam patriam ſuam totius ſubacti à ſe Orientis opibus & ſpolijs mirè auctam atque exornatam fuiſſe. Erat Tamerlanes ore truculento recedentibusque oculis ſemper minaci; corpore autem ingenti, validiſque nervis adeo firmo lacertoſoque, vt Scythici ingentis arcus chordam, quod pauciſſimis præſtare licebat, vitra aurem extenderet, cupreumque mortarium pro ſcopo ſagittarijs in ludo propoſitum, emiſſæ harundinis ſpiculo perfoderet. Sed cum nonnulli authores altero crure debilitatum, ideoque deformiter incedentem ſcribunt. Cæterum acclamatus imperator vna præſertim nominis authoritate, ex innu-meris gentibus belli prædæque avidis, tot copias contraxit, vt proſciſcē-
tibus

tibus alimenta viris, & herbida pascua ſumentis defutura crederentur. In eius exercitum coiuere Sogdiani, Aracoſij, Baſtriani, Hircanique, qui hodie vno nomine à Barbaris Zagatai appellantur. Præterea Scytharum etiam



Hordæ, quæ à Iaxarte ad Volgam amnem, & vltra id flumen vsq; ad Moscam sedes habent. Hordas enim agmina Tartarorum vocant, quæ incertis semper sedibus per immensas solitudines vsque ad Imaum montem euagantur, Amaxobij ab antiquis vocati, quod in curribus centone protectis aduersus frigora vitam degant. Harum Hordarum maxime potentes & bellicose Calsania, Sciabania, Nogaiaque Moscouitis commercio familiares Tamerlani paruerunt. Nam reliquæ remotiores à magnò Cane Cathaino, qui in ora Oceani regioneque Sinarum potentissimus regnat, imperia accipiunt. Sublatis itaque signis Tamerlanes, eam multitudinẽ trahendo Volgam traduxit, cursus rapiditate & multitudine aquarum post Nilum & Istrum fluuiorum amplissimũ. Sed is diductus in septem cornua quibus in mare Caspium turbidus & lenior erumpit, commodiorem transi-

tum præbet. Itaque humilioribus repertis vadis infra Cithracam celebre Emporium omnis multitudo tutissimè transuecta est. Fuere in ea tot gentium colluue centum myriades peditum & equitum, ingensque maioris & minoris pecoris numerus, quod partim ceruicibus tranantium equorum, partim subitarijs ratibus sustinente atque excipiente in medio profluentis amnis equitatu traductum est. Singuli porro equites peditem in equiclunes sublatum transportarunt. A Volga demum qui Rha antiquitus appellatus est, Tamerlanes per Hiberorum, Albanorumque nemorosas conualles, ad Derbenthi oppidi angustias peruenit, quæ ferreis portis, & lapideis antiqui operis propugnaculis præcluduntur. Nec facis constat an metu tanti hostis præsidarii Persæ loci custodiam deseruerint, an vi depulsi fuga salutem quæserint. Tum verò effusa multitudo omnem Armeniam inundauit, eodem itinere quo Hyelon & Absaga Christianis de Hierosolymitano regno cum Aegyptijs certantibus centum ferme annis ante aduentum Tamerlanis in Syriam penetrarunt, incertum loci an hostes forent, quum religionis Idolatrarum sequuti, neque harum neque illarum partium viderentur. Verum illi frustra muneribus Balduini regis inuitati, repudiatis Christianorum sacris ad Mahometis superstitionem declinarunt. At Tamerlanes aliquot maioris Armeniæ urbibus capto, & Sulthania Persarum olim regia, direpta atque incensa, dextrorsum iter flexit, Euphrateque ad Arsengam superato, in Cappadociam sese effudit; quo Baiazetem Turcarum regem soluta obsidione Bizantijs magnis instructum copijs, ut fines tueretur, aduentare didicerat. Peruenere itaque duo maximi orbis imperatores duobus longè maximis subnixi exercitibus ad Stellam montem; memorabili Pompeij Magni victoria & Mythriddatis calamitate celebratum. Huic ab Antitauri radicibus exporrecto vasta planities subiacet, campis vndique ad conferendas manus latè parentibus, qui hodie Turcarum lingua Cassouas, id est campi Anserum appellantur, quod id volucrum genus statis anni temporibus eo conueniat, ut in Europam agminibus atque imperio ducum prouolet. Congressuris itaque summis ducibus & in vnius prospere vel aduersæ pugnæ euentum, de vita atque Asiæ imperio certaturis, suæ artes utriusque non desuerunt. Tamerlanes enim peculiariibus gentis suæ confusus armis edixit, ut vnus sagittis ineundum prælium, idque indefessè instaurandum, & denique conficiendum esse existimarent. Se enim daturum operam, ut ab aurora ad occasum Solis strenuè rem gerentibus sagittæ non deficerent. Instituerat siquidem plures camelos qui per agmina circumducti sagittarum falcēs, pediti atque equiti suppeditarent. Ex aduerso Baiazetes Scythicæ non imperitus pugnæ, quod vnum ratione prouideri poterat, cohortatus milites, pronunciarī iusserat, ut equites clatis supra capita scutis, primum sagittarum imbrem constanter exciperent, inclinatisque repente hastis, in hostes procurrent, quod sorda incermisque hostium multitudo, hastarum cuspidibus transfodi, & gladijs concidi facile posse videretur. Imperata igitur fecere fortissimæ Turcarum alæ, contemptisque intrepide sagittis, ingenti procurfu grauique impetu in confertos irruere, tanta vi, ut magna loriceis & galeis carentium strage edita, vix hosti ad expediendos abiectis arcubus acinaces spatium relin-

relinquerent. Sed tanta erat sagittariorum circumfusa vndique multitudo, ut posteriora Turcarum agmina, densissima atque perpetua cadentium sagittarum grandine sternerentur. Tartari enim more suo in cœlum sagittas emittunt, ut grauiore casu decedentes, ceruices equorum & terga perforant. Neque enim oblongæ & inflexæ Europeanorum peltæ, neque rotundi Asiaticorum clypei, infixas perforantesque sagittas sustinebant. Nusquam ab vlla annalium memoria, numerosiores copię, tumultuosius & acrius vel efferatis in mutuum cruorem animis, obstinatius inter se manus contulerunt; reciprocante siquidem magno æstu virgentium propellentiumque agminum victoria incerta per multas horas instar pelagi aduersis agitati ventis modo hac, modo illac iactata est. Sed ea demum inclinante Sole quanquam multo parua cruore penes Tartaros stetit. Baiazetes equo pluribus sagittis confixo, cadenteque quum strata suorum vexilla conspexisset, captus est, seruatusque ad ludibrium satietatemque alienæ superbiz, immani scilicet Tamerlanis animo nullis in miserum, & tanti modò nominis regem accumulatis contumelijs vnquam exaturato. Victori namque victus, ut gradum faceret ascendenti equum, dorsum præbere cogebatur: Exemplo vti credi par est, Saporis Parthorum regis, qui Valerianum Romanum imperatorem indignis huiusmodi iniurijs insolenter oneratum ad mortem adiecit. Sed eadem fati vis nequaquam manurè Baiazetem suis ærumnis eripuit, quum prius in cauea ferrea per Asiam circumductus diu fortunæ suæ miserabile spectaculum præbuerit. Sed ab hoc inexorabili barbaroque Tamerlanis ingenio, singulare iustæ seueritatis exemplum prodijt. Quum enim homo Ligur gemmarum insignis mango, ob idque Tamerlani qui magnopere gemmis oblectabatur, familiaris, inducto sermone de Baiazetis miseria, illum humanitatis atque clementię blandè admonuisset, & ut mentisisset vellet Baiazetem inter Mahometanos reges victorijs & opibus fuisse clarissimum. Tamerlanes obducta fronte, contortisque in illum oculis, verbum redargutus respondit: se non regem nobilitate atque potentia superbum; sed hominem improbum, impieque nefarium digna pœna plectere, qui maiorem natu fratrem inhumaniter occidisset. Cæterum Tamerlanes ea victor acie qua supra centum & quadraginta millia hominum caesa feruntur: spolia legit, exercituique æquisimè distribuit. Victores porro largiter ac opiparè per triduum epulati sunt: nam equi propè innumerabiles aut ceciderant, aut ita vulneribus debilitati fuerunt, ut quum vsui esse non possent, passim ad instruenda conuiuia mactarentur. Tartaris enim mos est equina carne populariter vesci, & quum cætera alimenta defecerint, incisa sub aure equorum vena, epotoque inde sanguine inediam tolerare. Transgressus autem Taurum montem Tamerlanes, in Mesopotamiam irrupit, tanto armorum strepitu terroreque hominum, ut passim omnibus vrbibus reciperetur: tendi enim prætorium sibi iubebat primo die in quo conspectum vrbium se dabat, colore candido, ut intelligerent homines clementiam & salutem se statim deditibus sincèra fide promitti. Secundo die rubro tentorio utebatur, quo denuntiabat in cunctabundos gladium esse districtum. Tercio porro die atrii coloris papilione extenso, indicabat se cuncta ferro & flamma absumpturum.

Enimvero truculenta voce profitebatur, se Dei maximi iram esse, quæ deprauati seculi mortales vlcisceretur. Nulla fuit nec in Mesopotamia, nec in Comagena, nec demum in Syria ciuitas, quæ portas non aperuerit. Nam superato Euphrate vsque ad maris Syriaci oram signa promouerat. Hæsit tantummodo aliquandiu ad Damascum, in expugnanda arce, quæ tam in nostrum motem à Florentino architecto munitissimè ædificata, tanti victoris impetum retardaret. Sed cæsa in Libano monte materia, arcem erecta munitione circumvallauit; ea altitudine, vt Scythæ sagittarij mortuum coronam superantes ad vnum custodes omnes interfecerint. Exinde quum Sulthani Memphitici copias per Duces non longè à Pelusio profligasset, Ægypti regnum & Memphis immensæ vrbis opes insatiabili animo meditantem, vna sitis auertit, quæ per arenosas solitudines, quæ indigas, timebatur. Itaque victorijs suis modum imponens, quum & exercitum eius atrox pestilentia popularetur: spolijs onustus Samaritandam redijt, vbi fato functus est, anno à partu Virginis quadringentesimo secundo supra millesimum. Antecessit autem eius mortem ingens & luridus Cometes, quo portendi mors tanti regis visa est, quanquam & Ioannem Galeacium Vicecomitem Mediolani potentissimum principem, eodem defunctum anno, respexisse multi crediderunt. Fatali quoque sorte euenisse constat, vt vtriusque principis huius hæredes filij parem fortunam tulerint, quum vtriusque proles, à paterna virtute sic degenerarit, vt imperium tueri nequirit, breuique circulo duo maxima imperia, si modo conferenda sunt, collapsa defecerint.

F A E R N I.

*Ille nouus Xerxes, Orientis victor, & ingens
Quacunque permearet, horror gentium,
Compleuit totos Scythico qui milite campos,
Hoc se ferebat ore trux Tamerlanes:
Cuius iuadentium tutæ altis muribus vrbes
Ipsæque terra contremiscebat solum;
Ipsi adeo montes, ipsæ per deua valles
Vni Barbarorum non ferebant agminum,
Quære ab Caucasæis Asiam conuallibus omnem
Ad vsque Nili flumina armis subdidit;
Euphratem & Tigrim, & rapidum tranauit Orontem
Vi, vastitate, cade, cumula proterens;
Vtque olim facta cum tempestate coorta
Erumpit atra imbe fulmen igneum:
Obuia quæque cadens pertrumpit, & alta sonanti
Templa atque solidas strage turres disiecit.
Subdidit vasto tellus labefacta fragori,
Humilisque mentes sternit humas pavor:
Haud secus ille viam ferro molitus, & igni,
Euerit arcem, oppida æquauit solo.*

Regem

*Regem Asiae horribili capto impete Baiazetem
 Caueaque clausum ferrea circumtulit.
 Hæc agitantem illum, & spirantem immania iussa
 Quæ cunctis undique orbis expauesceret,
 Exiguæ cæcæ domitum molimine febris,
 Fatalis vno soluit hora triduo.
 Deque tot insans opibus, de tot modo regnis
 Reliqua vna paruo gleba texit pulvere;*

Baiazetes I. Turcarum rex.

BAIAZETES eius nominis primus Othomannorum principum ordine quartus, hoc austeri oris Scythico rictu, hirtisque cirris discriminata prolixè barba terribilis, à singulari celeritate repentinoque & vehementi bellicarum actionum impetu HILDRIM est appellatus, quæ vox apud Tartaros cum tonitru terrificum fulmen significat. Ne quis autem miretur, vnde ad nos antiquorum præsertim Turcarum regum veræ imagines peruenierint, operæ precium erit enarrare, quo pacto curiositati nostræ fortuna artiferit. Hariadenus Barbarussa Othomannicæ classis præfectus, quum ardente bello inter Carolum Cæsarem & Franciscum regem in auxilium à Gallis euocatus Massiliam peruenisset, amicitiam inijt cum Virginio Ursino Anguillaræ Comite, Gallicarum aliquot triremium præfecto, certatumque est inter eos magnis muneribus, ea tamen conditione, ut aliquanto preciosiora Barbarus acciperet dona quàm rependeret. Nam illum Virginus Romana liberalitate nostrarum rerum copiam auidè expetentem, cætrato argento & multa serica veste donauit, ille Virginium arcu Scythico cum pharetra nobilissimi operis, & Persico acinace gemmata vagina insigni, qui Hismaelis Sophi fuisse dicebatur, atque item tali toga auro & purpura intertexta, addens arculam ex ebene & ebore fabricatam, in qua undecim Othomannorum regum vera simulachra, pro captu barbarorum artificum preciosis coloribus in leuigatæ chartæ tabellis depicta viscebantur, quæ Virginus elegantix studiosus omni alio munere pluris estimauit. Neque Barbarussa commentitij imaginibus Virginium deceptisse existimandus est; nam quum inferiorum Othomannorum tabellæ pictæ & numismata ærea, quæ apud nos visuntur, cum illis mirè conueniant, superiorum etiam regum veras esse formas censendum est. Has omnes Virginus magnis exoratus precibus Alexandro Farnesio Cardinali & mihi, latoribus in tabulis ad delectationem elegantium virorum pingendas communicauit. Primus igitur qui regis nomen tulit, tantique imperij fundator extitit a tenui Galaciæ oppido, quod Othomanzicum hodie vocatur, Othomannus est appellatus, quod nomen postea in familiam transiisse perspicimus. Tanta autem virtute atque fortuna Othomannus fuit, ut inter nobiliores Scythici sanguinis familias, vetustatis dignitate sibi pares, mæ-

ximè illustriſtris emineret, ſumumque ei decus Eurenèſi, Thuracambi, Michalogli, atque Malcoccj æquis animis concederent. Pugnaci ſiquidem ingenio atque imperij auido finitimos, vel etiam ſuæ gentis feliciter ad-



ortus, clariſſimas Aſiæ vrbes Sebaſtam, Synopen & Ancyram audaci conſilio & inuictis armis ditioni ſuæ adiecerat. Imaginem eius quæ maximè ardentes oculos repræſentat, habitu acinacem diſtringentis expreſſerunt, quod intelligi volebant Othomanorum imperium armis quaſitum, armis defendi proferriquæ debere. Proinde vetus atque perpetuum Turcarum inſtitutum eſt, vt intranti templum ſupplicandi cauſa imperatori Taliſmanus ædituus ſacerdos occurrat, claraque voce pronunciet, vt meminiffe velit imperium quod iuſtitia & virtute bellica partum ſit, non alijs quàm hiſdem artibus conſeruari propagarique oportere. Conſtat autem Othomanniæ domus imperium cepiſſe anno à partu Virginis trecentefimo ſupra milleſimum, quanquam quingentis ante annis Turcas ex Scythia profeſſos in Aſia ſedes occupaiſſe compertum eſt: qui tamen regem, aut ſumum imperatorem initio non habuerunt, vt pote qui diuiſi per Tetrarchas

& regulos cum imbellibus Asiæ populis Constantinopolitanisque Cæsari-
bus suo arbitrio bella gerere consuessent, quantum eos aliquando in vnum
consentire coegerit communis metus à Gothifredo Bolionio vniuersæ A-
siæ illatus. Tum enim coactis viribus, & Solymano tumultuario duce crea-
to, ad Niceam cum eo collatis signis haud prosperè conflixerunt. Cete-
rum Othomannus quum viginti octo annis regnasset, fato functus est, Or-
cane filio imperij hærede relicto. Hic magnitudine animi, vi corporis, &
eupiditate proferendæ ditionis patrem æquauit: bellicis autem æquè bo-
nis & malis artibus, vir dolosus & solers, profusaque in primis & peren-
ni erga milites liberalitate superauit. Per hunc modum veterano instructus
exercitu, quum amicitiam & fœdus cum Ciliciæ rege ducta in matrimo-
nium eius filia iniuisset, Michaeli Paleologo Constantinopolitano impe-
ratori graue bellum intulit, adortusque demum Prusiam Bythinæ caput,
eam urbem obsidione & admirandis machinis expugnauit. Sed non diu
ea victoria letatus est: nam in ea oppugnatione sagitta ictus, quum spicu-
lum humeri ossibus infixum sine vite discrimine reuelli nequiuisset, ob-
ducta plaga, febrem & saniem mortiferam aliquot post menses accersiu-
it, anno eius imperij vigesimo secundo. Orcani successit Amurathes filius, vir
nequaquam maiorum exemplo manu promptus, sed bello & pace simula-
tor egregius, quippe qui astu & vigilantia singulari, occasiones proferendi
imperij opportunissimè captaret, nusquam firma fide aut incolumi iureiu-
rando: pacem tamen cum Paleologo religiosè tuebatur. Magno autem
Amurathis commodo bellum intestinum inter Græcos sub id tempus ex-
arsit. Nam Græci proceres ab imperatore rebellarant, subnixi societate
Marci Craiouicij Bulgarorum principis. Itaque enata est occasio Græciæ
& penè toti Europæ exitialis, qua Paleologus viribus impar subigendis
rebellibus auxilia ab Amurathe iure fœderis postulare coactus est. Dedit
hoc amicitiae liberaliter & astutè vicinus Amurathes, traiecereque in Græ-
ciam duodecim millia delectorum Turcarum, quibus maturè Græcorum
& Bulgarorum audaciam Paleologus repressit. Eo euentu ut confecto
bello remisiss septem millibus Turcarum in Asiam, reliquos præsidij sui
causa, qui in Thracia remanerent, ab Amurathe faciliè impetravit. Nec mul-
to post Amurathes non obscurè à suis inuitatus, qui vberitatem Thraciæ &
Græciæ agrorum extollebant, tanquam socius vel inuiti Cæsaris, cum sex-
aginta millibus Turcarum per Hellepontum in Græciam traiecit, simu-
latione persequendorum Græcorum, qui à nomine Paleologo antea des-
fecissent. Præstitere officium in traiectu duæ Ligurum onerariæ naues,
quæ eius portorij pretium insigni avaritiæ Christianæ probro, aureum
nummum in singula militum capita tolerunt. His copijs Callipolim ex-
pugnauit, peruagatusque latè Græciam & Thraciam, vel gemente impe-
ratore. Philippopolim, & quæ est supra Hebrum Hadrianopolim occupa-
uit, consternatosque ad arma, resistereque demum æquo campo ausos La-
zarum Seruicæ Despothum, & Marcum Craiouicium acie superauit. La-
zarus eo prælio captus in carcere mori coactus est, cuius indignam necem
seruus natione Triballus, eius olim cliens vindicare constituit, certissi-
mæque morti se deuouens, Amurathem pugione iugulauit, quum regna-

set annis viginti tribus. Hoc Amurathe genitus est Baiazetes, de quo scribimus, qui à cæde Solymani fratris imperium est auspicatus, Dijs non obscurè id execrabile scelus damnantibus, cuius postea præclarus vindex Scythia Tamerlanes extiterit. Itaque Baiazetes æmuli fratris solutus metu, in vrbe Hadrianopoli imperij sedem fixit, quod ad proferendas vires Asiatica Prussia opportunior censeretur, in senso scilicet animo atque arma expediendi in Triballos & Myforum gentes, quæ rectâ secundum Istrum ad mare Ponticum extenduntur. Propterea Marcus summo discrimini obuiam armis eundem ratus, quum in aciem descendisset, cum vniuersa Bulgarorum & Myforum nobilitate trucidatus, imperium cum vita amisit. Ab ea victoria Baiazetes extremam Illyrici regionem, quæ hodie Bosna est, & interiorem Macedoniæ atque Epiri partem, quam Albaniam dicunt, ad id infecta populatione inuasit, vt nemine resistere auso, innumerabilem captiuorum multitudinem in Thraciam adduceret. Nec multo post euastata Thessalia, Thraciaque vsq; ad Bosphorum, & deletis Bizantium suburbanijs delitijs, Bizantio castra admouit, tanto Græcorum metu, vt Ioannes Imperator diffusus viribus suis, ad imploranda auxilia in Galliam vsq; nauigare cogeretur. Agnouit periculum iustasque preces rex Carolus, vt maxime pium & Christianorum opulentissimum regem decebat, & Ioannem fratris filium, qui postea Burgundiæ principatum adeptus est, cum nobilissimo equitatu in Pannoniam misit, vt Sigismundo Bohemiæ atque Hungariæ regi, in communes hostes arma paranti iungeretur. Hic est ille Sigismundus, Henrico Cæsare proauo, qui ad Bonconuentum in Etruria obiit, & Ioanne Bohemiæ rege auo, qui in Gallia eo prælio cecidit, quo Ioannes Galliarum rex à Britannis captus est: patre verò Carolo quarto Cæsare inclutus. Is tum validas copias ex regnis suis finitimisque Germanis cogerat, atque ita suscepto itinere ad Nicopolim Mysiæ urbem penetratum est. Sed ea vrbs improspere tentata, Baiazeti spatium dedit ad cogendas copias, qui sua vsus celeritate, cum sexaginta millibus equitum ad tertium calendas Octobres nostris in conspectum se dedit. Pugnatum est summa nostrorum temeritate, Gallorumque præsertim, qui primi agminis decus deposcebant. Neque enim retineri potuerunt, quin vel inuitis ducibus & frustra retentantibus in primos hostium antecursores impetum facerent, antequam peditum Germanorum phalanges, & Hungari Bohemique equites appropinquarent: Frementis enim dicebant à Sigismundo exploratæ victoriæ gloriam sibi inuideri. Eo modo Baiazetes temerè effusus, nec confertos seruantes ordines, lunata acie circumuenit, atque omnes in medio Gallos trucidauit. Quorum infelici exitu, nostri repente territi in fugam se dederunt: tanta trepidatione, vt Sigismundus aegrè è manibus hostium elaberetur. Ioannes autem cum paucis ducibus preloso cultu conspectus in potestatem Baiazetis deueniret. Baiazetes proiecto ad pedes, & salutem suppliciter deprecanti respondit, se vitam, vel mortem merenti concessurum, ob id quod iuuenis & regio sanguine editus esset; in conspectuque eius captiuos omnes præter quinque procures, quos ad solatium carceris comites dabat, ad vnum trucidari iussit. Horum nomina à nobis memoriæ tradita sunt, in eo libello, quo Italica lingua ad Carolum Quintum

tum Othomannorum origines & res gestas perscripsimus. Hac nostrorum clade, suaque insigni victoria elatior factus Baiazetes, nihil sibi moræ attulit, quin ad oppugnandum Bizantium conuolaret, defatigatisque iam & attritis Græcorum viribus, eo deuentum erat, vt ferocissimo hosti resisti non posset, nisi Tamerlanes Scytharum imperator centum miriades equitum & pedum trahens in Asiam torrentis more sese effudisset. Is hostis vel inuitum Baiazetem interpellata victoria in Asiam auocauit; ausumque collatis signis acie congredi, toto penè eius exercitu cæso, ad Stellam montem viuum cepit; ea feritate, vt eius procumbentis tergo, quum equum inscenderet ad ludibrium viceretur; ferreaque demum cauea curruli in morem feræ bestię, vsque ad vitę miseriarumque exitum circumtulit.

AUGUSTI Cocceiani.

*Tu se credideris fortè, nefas, hic tibi maximi
 Spectari superum fulmineam regis imaginem
 Quod depicta Iouis tela vides, egregia manu
 Præclari artificis, quod tabula conspicias in breui
 Magnum terrifico orbem tonitru, atque æthera concutis
 Nuncque atris Acherontis tenebris omnia contegi,
 Nunc tingi liquidis sulphurei fulguris ignibus.
 Non non ad Semelen auricomam Iupiter amplius
 Fraudes coniugio commeditans venutat improbus.
 Nec tu Thebalicum fortè putes cernere Apollinem
 Arcus letiferos quod videas, & quod harundines
 Conspectes celebres, tela Dei insignia Delpbici.
 Hic mortalis erat, non Deus, hic Barbarus, impius.
 Germani trepido sparsit atrox sanguine lumina
 Ne Europa atque Asia regna sibi præriperet ferox;
 Hic: ceu flamma rapax lauricomos per tumulos furit
 Quum latè Boreas præcipitat flamina Thracius.
 Sic flagrans rapidos in miseros Danubij lincolas
 Ignes, sic celeres intulit in Pannonias faces,
 Inuoluitque furens excidio robora Belgica,
 Vnde illi meritò nomina sunt indita **FVLGVRI**S:
 Sed non longa manet pena tuam iusta superbiam,
 Maior namque tuis è Scythia nascitur ignibus
 Torrens, horribili diluue qui rabiem tibi
 Restinguat, furiasque impediatur fortior asperas:
 Ecce ecce ab Tanai genu properat sæua Tamerlanis
 Infandi auspicijs, lataque iam regna Bithynia
 Peruadunt, acies iam Scythice prælia conferunt
 Tecum, iam caueas, aurea iam vincula comparant,
 Inclusumque Asia te rapiunt cuncta per oppida.
 Nunc ite, atque animos Imperijs tollite principes,
 Fortune, immemores quàm rota sit prona, volubilis.*

Celebinus Turcarum Imp.



CELEBINUS quem alij Cyrum; nonnulli, Turcæque præsertim Mahometem à lustrico die appellatum tradunt. id nomen ideo tulisse videtur, quòd impuberes regum procerumque filios Turcæ Celebinos vocant. Is Othomannorum principum, ut ex hac eius imagine gladium vibrantis cernitur, formosissimus idem fuit atq; fortissimus; decore siquidem frontis honos, & candidi oris modicè diffusus pallor, constantēq; sine tristitia oculi, compositi animi indices, quum imperium adijt, pubescentem mirè commendabant; in tanto præsertim publicæ cladis luctu, paternæque miserix dolore, in quo animum non demississe maxima laus videri poruit. Constat Baiazetem duos quos habebat filios Mustapham & Celebinum in Asiam ductos, secum in castris habuisse, singulari tamen prudentia

tūa quum pugnae tempus immineret, paululum eos ab eo periculo summo-
uisse, ne cum tota prole incertae fortunae aleam subiret. Sed iuvenes ex lu-
gubri prelio intenta fuga ad mare descendentes, ut in Thraciam ad Bospho-
rum transirent, Bizantium mioparones interceperunt: ea quidem forte,
ut Mustaphas à Paleologo Caesare usque ad mortem in carcere sit asserua-
tus. Celebinus autem struente ei imperium fortuna, aut suo usus astu, aut
certè (ut credi par est) nautarum Graecorum avaritia adiutus, feliciter est
elapsus. Hunc Hadrianopolim obliquis itineribus venientem, praefectus
cum veteranorum manu à Baiazete Thraciae praesidio relictus, militesque
omnes, tanquam postliminio redditum, laetis pro praesenti fortuna animis
exceperunt. Iam enim quo euentu ad Scellam montem dimicatum esset ex
fuga elapsis didicerant, Turcae siquidem qui Scytharum manus effugerant
cateruatim ad Propontidem, Hellespontumque praecipiti fuga fereban-
tur. Nam ibi propter Castella ad Abydum & Sedum utrique littori im-
posita Turcae ditionis, despectis naualibus Graecorum custodijs, tutissi-
mus erat traiectus. Conuenerant plures veterani ex praesidijs deducti, & ita
frequentes iam ex Asia redierant, ut Celebinus iusto confirmatus exercitu,
Graecorum copias tumultuario progressu sibi imminentes facile repelle-
ret, & veteres fines fortiter tueretur: quanquam enim rex nouus & iuuenis
ac orbatus patre acerrimo imperatore, & magna parte inuictorum antea
militum importunè exutus, vigilantis tamen & imperterriti nomen tue-
batur. Quod si Paleologo terra marique certa praesidia & parandi exer-
citus expeditae facultates suppetissent, Christianique reges occasionem coe-
lo propè demissam agnouissent, quam victoria Scytharum aperuerat, pro-
fecto non in Europa modo, sed in Asia Othomannicum nomen, vndique
pulsam atque deletum foret. Itaque Celebinus beneficio Tamerlanis & Pa-
leologi qui patre fratreque sublatis, integra atque legitima iura parando
imperio sibi pepererant, nostrorum ignauia confirmatus, Bulgaros, Tribal-
los, & Macedonas diu afflixit, usque ad Sigismundi Caesaris aduentum. Is
enim propter eximiam pietatem generosique animi laudem, Augusti no-
men meritis valida potius quam felicia arma in Turcas iterum suscepit,
excitauitque Hungaros & Boemos, ut studio tuendae & propagandae re-
ligionis aduersus Barbaros, tam pia quam necessaria arma induerent. Agi-
tabat enim animo, inuictos maiorum suorum spiritus gerens, quo pacto
cladem ad Nicopolim acceptam vlcisceretur. Nam Celebinus iuuenis fra-
ctas à Tartaris copias trahens, reputatione Baiazetis acerrimi & antea in-
uicti ducis omnino contemnendus esse videbatur. Sed eadem fortuna que
strenuè audentem Sigismundum tredecim ante annos ad Nicopolim elu-
serat, pari libidine ad Columbatium infesta persequabatur. Id est oppi-
dum Seruianorum Triballis finitimum, iuxta Samandriam, non longè à
Danubio positum. Eo paribus animis & viribus instructi Celebinus &
Sigismundus peruenerant. Christiana acies equitatu impar, sed peditatu
in media acie constituto superior, iniquissima ratione cum Barbaris con-
currit. Equistris enim ferme totus hostium exercitus latè cornua extendit,
adortusque equites Hungaros & Bohemos qui in cornibus erant, cruen-
ta edita pugna, loco depulit, breuique circumuentum vniuersum pedita-

tum sagittis confixit. Neque enim pedites magna parte corporis inermes sagittarum multitudinem sustinere poterant, quum ordines dissoluerent, & cominus congredi properantes ab hastatis demum, gladijs & clavis ferreis rem gerentibus, vndique sternerentur. Sigismundus qui in ea exercitus perturbatione præstantis & strenui ducis, acerrimi que bellatoris officio nullo in loco defuerat, desperata victoria, non minore periculo quam ad Nicopolim insequentium Barbarorum manus effugit. Cæterum Celebinus ab ea victoria quum paucissimis annis imperasset, morbo absumptus, Amurathi filio imperium reliquit, quum Christianis sacris Alexander quintus præesset.

FRANCISCI MANFREDI
Cremonensis.

Macte animo puer, & magna puerilibus annis
Virtute exuperans, fractisque audentior armis
Qui medias inter classes, tela inter & hostes
Effugiens, præda crudelem eludis inani
Victorem, & patriam subito (mirabile dictu)
Fortunam immutans, rursus palantia cogis
Agmina, confirmasque animos, reficisque labantis
Imperij vires, sceptroque potiris adempto.
Quin & quantum armis posses, quo turbine telum
Concyeres Celebine, & stricto comminus ense
Hostiles rueres turmas, densisque phalanges
Teutonicæ norunt gentes, nouere feroces
Sauomata, norunt infracla binominis Istri
Cornua, Trejcyque duces, & pallida nouit
Græcia, desertique agri, populatæque rura.
At tibi purpureæ primæuo flore iuuentæ
Inuidit fortuna, & ineluctabile fatum:
Dumque animo maiora agitas, nec sufficit amplum
Imperium patris, & totum spe concipis orbem
Stamina disrumpunt Parca, victusque superba
Tandem morte cadis, lucosque innisis Auerni.

Ioan. Aucuthus Britannus.



IOANNIS Aucuthi ex ultima Britannia indyti bello du-
cis, vera effigies, in templo maximo Florentiæ collosæa ma-
gnitudine spectatur, quum propter insigne meritum à gra-
uissimo senatu equestris statux, & tumuli honorem ad exi-
miam fidei bellicæque virtutis testimonium honestatus fuis-
set. Is Anglico sanguine progenitus fuit, ex stirpe Frilio-
rum Germanorum, qui in Insulam transgressi, pullis veteribus indigenis,
sedes beatiore, & denique regnum & imperium ante mille annos occu-
parunt. Venit autem in Italiam Aucuthus bello Belgico, atque apud Gal-
los hostes, ac suos virtutis nomine clarus, cum Lionetto Clarentiæ regu-
lo, qui Odoardi regis filius à Galeacio secundo Vicecomite in generum
ascitus fuerat. Sed his nuptiis incredibili conuiuiorum sumptu atque ap-
paratu ludorum Mediolani celebratis, conceptus est Lionetto morbus ex

mutatione cœli, luxuque epularum, & nouæ nuptæ complexibus, qui non multo post ad Albam Pompeiam initæ affinitati & vitæ finem attulit. Barnabas nouæ nuptæ patruus, qui tum graue bellum in agro Mantuano gerebat, facîle à Lionetto impetrauit, vt Aucuthus Britannorum dux atque eius comitatus princeps, in castra auxiliij nomine duceretur. Barnabas enim vir pugnacissimus Anglicæ disciplinæ atque virtutis, periculum facere cupiebat. Pluribus itaque tumultuarijs prælijs Aucutho summa vi summaque prudentia, occasiones parandæ victoriæ feliciter excipiente, & Anglis egregiè sagittis rem gerentibus, eò admirationis Barnabas est adductus, vt probæ et gentis disciplinam, & Aucuthi vim ac ingenium magnoperè suspiceret, nec multo post crescente mutuis officijs beniuolentia, Aucuthus in generum ascisceretur. Collocata enim est ei in matrimonium filia, quam ex Porra nobili concubina susceperat. Ea affinitas virtutis nomine parua Aucutho stipendia auxit, & famam Anglicæ virtutis per Italiam extendit, quod bellicosissimus princeps tale de externi viri virtute non temerè iudicium fecisset, proptereaque à principibus liberisque ciuitatibus Aucuthus expeteretur. Nam ea tempestate externis copijs & ducebibus apud Italos bella gerebantur. Accidit autem certis offensionibus, vt Angli, qui erant apud Albam mortuo Lionetto relictî obliuiscere eius affinitatis, ab amicitia Galeacij & Barnabæ repentinè discederent, hostibusque eorum iungerentur. Qua voluntatum commutatione multa Cisalpinae Galliæ oppida, crudeli Anglorum rabie vastata sunt. Exinde Aucuthus copijs & stipendijs auctus, nouas spes, aliamque fortunam sibi querendam existimauit: Gregorio namque Pontifici operam nauauit, receptisque singulari cum laude rogatæ Galliæ urbibus, quæ defecerant, quinque oppidorum ditionem virtutis ergo promeruit. À Pontifice demum ad Florentinos vberiora stipendia pollicentes, & ab his non multo post ad Pisanos, atque inde rursus ad Florentinos transgressus est; eo crescentis laudis, accumulatiq; honoris successu, vt facîle nemo Aucutho dux melior putaretur. Longo enim bellorum usu peritus, graui simul ac expedito ingenio occasiones præsentire, terminare consilia, atque arma celeriter expedire didicerat: idem quum oporteret acerrimus bellator, & cunctator egregius. Idcirco ab eius schola tanquam ab exacto militiæ magistro multi qui postea inclaruere, summi duces prodierunt, quum ea quæ ille prospere gessisset apud hostes & socios pro documentis & disciplinæ præceptis haberentur. In his fuere Albericus Balbianus, Sfortia, Braccius, Carolus Malatesta, Paulus Ursinus, & qui ab hoc interfectus est, Mostarda. Sed super innumerales pugnas feliciter depugnatas incomparabile decus tulit, quum profligatis ad Alexandriam Gallis, signa Florentinorum ad Abdum vsque promouisset, vt descendentes Gallis ad Mediolanum iunge retur. Ab aduerso enim Gallorum exitu deiectus consilio, vsque adeo constanti imperterritoq; animo se recepit, vt nequicquam incumbentibus Iohannis Galeacij victricibus copijs, Ollium, Mincium, Athesim, vado traiceret, disruptisque ab hoste fluminum aggeribus, per continentes paludes incolumis in Patavinum agrum se reciperet, quum duces omnes à nemine præterquam ab Aucutho superari locorum iniquitates, & validissimorum hostium

hostium interdiu noctuque acriter incumbentium impetus sustineri posse faterentur. Obijt Florentiæ planè senex, funeratusque est splendidissimè in templo maximo, anno Christianæ salutis M CCC LXXXIII.

IV LII Feroldi.

*Aucuthe Anglorum decus, & decus addite genti
Italica, Italico præsidiumque solo.
Vt tumuli quondam Florentia, sic simulacri
Virtutem Ioui donat honore tuam.*

Albericus Balbianus.



ALBERICVS Balbianus exiguo eius nominis, togatæ Galliæ oppido ortus, inter Italicos duces primum illustris famæ locum obtinuit, Aucutho scientiæ militaris existimatione planè par, sed honoribus & genere copiarum multo superior. Nam magister equitum proprio cognomento appellatus est, qui supremus militiæ honos apud Neapolitanos reges, Comestabilis nuncupatur. Sub signis autem quatuor millia cataphractorum, & totidem levis armaturæ equitum voluntarij nominis habuisse traditur, quibus externarum gentium vaga arma, ea tempestate per Italiam ad omnem prædandi licentiam circumferentium, frenauit, non vnoque in loco feliciter profligauit, usque adeo egregiè, ut pristinum Italiciæ dignitatis decus, quod corrupta sensim disciplina perierat, insigni cum laude restitueret. Nam fortissimus & generosissimus quisque spe laudis ad eius signa coibat; atque ita effecto ingenti veteranorum equitum agmine, cui diui Georgij nomen & tesseram dederat, cuncta obuia sternebantur. Is tum in eum quem hodie magna ex parte intermissum videmus, armaturæ morem equites instruxerat, adiuuenta atque addita cassidi buccula, quæ est ad prospectum subductilis, & transuersam tantum rimam quum deducitur, ad oculorum usum relinquit: Cui etiam ferreum gutturale quo iugulum munitur adiecit, quod lorculam à casside dependentem, nequaquam satis gulam tueri aduersus validos mucrones existimaret. Bardis quoque maioribus recocto corio inauratis & pictis, equos vndique usque ad genua protexit, & capita frontalibus ferreis stylo prominente armauit, quo incitatis equis hostis in congressu feriretur. Sed hodie hæc maximè decora, tutaque Bardarum tegumenta tanquam nihil profutura aduersus sclopettorum glandes, Italus pariter & Gallus abiecit. Quum per multos annos Ioanni Galeacio Vicecomiti, aut alæ præfectus, aut summus Imperator operam nauasset, ab eo discedens aduersus Ladislaum regem in Apuliam descendit, Ludouici Andegauensis auspiciis secutus. Quo bello insidjs circumuentus in potestatem hostium deuenit, qui eum durissimo peruiugio diu torserunt. Sed non multo post liberali beneficio Iohannis Galeacij redemptus est; Nam gratissimus princeps Albe-

rici ductu Bononiensium & Florentinorum copias Barnardone Aquitano acerrimo duce fuso captoque insignem victoriam se adeptum esse meminerat: vnde vrbs Bononia interfecto Iohanne Bentiuolo in eius ditio-



nem deuenisset. Verum Iohanne Galeacio repentina morte surrepto, Albericus suo conumodo alieni exempli spectator, oblitus datæ fidei acceptique beneficij, in eius liberos ingrato animo arma conuertit, quod ceteri duces nefario scelere singulas occupantes vrbes passim rebellassent; qui demum valescente Philippi filij potentia, varijs intercepti casibus ferme omnes iustas perfidiæ pœnas dederunt, quum Albericus nusquam tyrannus, plenus gloria apud paternos lares, ante sexagesimum ætatis annum, renum dolore vexatus, vita excessisset. Hoc vitæ exitu Iohanne germano fratre felicior, quem diu militiæ eximia cum laude versatum, Bononienses ab eo detrimentis affecti securi percusserant. Huius sanguinis apud Insu- bres insiti Ludouicus Balbianus fuit, qui nuper armorum studio & multis fortibus factis clarus, cum pro Carolo Gæfare Franciscum Sfortiam oppugnaret, ad Alberici progenitoris gloriam aspirabat, nisi inuidia virtutis comes

comes in medio vitæ cursu veneno epulis indito, nihil tale veritum sustulisset. Alberici effigies Ticini in arce ad sinistram porticum picta, habitu triumphum comitantis, conspicitur.

GEORGII Iodoci Bergani.

Oenotria præcam fugant gloriam
 Rerum, adfluentes copiae
 Et sola virtus credita est tum bellica
 Externum habere militem,
 At Balbianus dedecus turpissimum
 Non suserens, & patriæ
 Virtutis & prudentiæ non inmemor
 Procul fugatis exteris
 Domesticum per militem vi reddidit
 Fines quietos Italos.
 Huius fide atque armis Ladislaus suam
 Campaniam cum portibus
 Recepit, & Neapolim pulcherrimam
 Arcesque regni & oppida.
 Hic militari hac profuit solertia
 Arti decusque hoc addidit,
 Ut quæ bonillo nuper essent tergo
 Compacta, mox hæc ferrea
 Gestaret arma miles, atque vulnere
 Tutum calybs defenderet.
 Tantum Camillo debuit vix vindici
 Erepta Roma Barbaris,
 Quantum tenetur Alberico nobili
 Duci ferax Oenotria.

Sfortia & Braccius.



I duo heroes, duoque eius ætatis belli fulgura SFORTIA & BRACCIVS, ex Alberici contubernio disciplinæque prodierunt, qui ab initio fraterna charitate inter se coniuncti, pari spe, parique industria, & paribus insignium laciniarumque coloribus militantes, usque adeo inclaruere, ut fatali demum ambitione atque superbia ducti, diuersas militiæ sectas de nomine conderent, ac emulatione gloriæ atque potentiæ ex amicis hostes facti, ex aduerso semper arma tractarent; qua dissensione potius quàm similitate opimis stipendijs summisque honoribus dari atque opulenti euadebant; quum sese infami astu promericaliue militia principibus Italiæ & liberis ciuitatibus venditarent, bellicaque alere quàm finire mallerent; quod vterque de fortuna sua immodice

ſperandum putaret, & nihil imperium viuide virtuti, generoſe & for-
tiſer agentibus arbitrentur. Erant ætate & genere ſermè parè; ſed Brac-
cius nobiliſſimis Peruſiæ familijs propinquitatè coniunctus, ipſo Sfortia,



apud Cotignolam togatæ Galliæ oppidum honeſta familia orto, originis
vetuſtate nobilior putabatur. In Braccio aſtuti & efficaci ingenij viſ ar-
dens eminebat; in Sfortia autem naturæ ſimplicitas, nullo fuco, nulloque
literarum ſubſidio ſubnixæ; apertique animi conſtans, & indomitus vigor
laudabantur; in robuſto præſertim corpore ad ſerendos labores geſtandæ-
que arma præualido, Braccius habitu corporis proximus delicato, ſplen-
dore vitæ rerumque omnium apparatus ſumptuoſo mirè gaudebat, utpote
qui vel cum iniuria alienæ pecuniæ appetens & proſuſus eſſet. Ex aduerſo
Sfortia ad delicias rudis & agreſtis, frugi diſciplina, conuictu ſubitario, &
planè militari, contemptuque proriſus omnis luxuriæ lætabatur; utpote
qui valida potius quam decora arma, proceroſ & peracres generoſæ ſobo-
lis equos, vir equitandi peritiſſimus, vera imperatoriæ dignitatis inſtru-
menta eſſe putaret, nec quicquam ad inanem ſpeciem exquisiti ornatus
oſtentare

Braccius.



ostentare consueffet. His diuerfis moribus & pari conatu ad magna imperia atque opulentos principatus, & postremo non dissimili vitæ exitu in sua fata properantes, pari militum studio colebantur; & eo quidem ita pertinaci, vt ad alteram factionem transiisse maximè turpe & flagitiosum existimarent. Accidit autem eo tempore, quo Alfonso rex & Ioanna regina inter se de imperio & regnandi conditione armis contendebant, vt vtrunque summi duces Sfortia & Braccius ex aduerso copijs præessent, factisque demum inducijs ex veteris amicitie memoria, ad Saccomanniam Campanie syluam coirent, deterfisque variarum offensionum odijs, per plures horas familiarissimè colloquerentur; exactè & grauiter de militari disciplina, de successibus ytriusque fortunæ, occultisque multorum euentuum causis disputantes; detecta obiter nonnullorum malignitate atque perfidia, vt melioribus consilijs in mutuos vsus viam aperirent. Verum

non multo post eam renouatæ amicitie speciem nouum bellum facile dispulit atque extinxit. Nam Braccio vrbeni Aquilam acerrimè oppugnante atque obsidente, Sfortia Martini Pontificis & Ioannæ reginæ auspicijs, ingentibus copijs præfectus, delectusque est ad liberandos obsidione Aquilanos, quod nemo ducum aduersus Braccianam vim, eo validior & promptior censeretur. Itaque Sfortia quum ex Apulia profectus, & signis Ortano eductis, copias flumen Aternum traduceret, solus ipse imperator è tanto exercitu subsidencibus equi cruribus limoso in vortice, grauantibus armis absorptus interijt, præfenti gaudio in morte durissima felix, quod dudum Braccianas alas annis tuentes ripam, & frustra Sfortianos transitu prohibere ausas, edita pugna à Franciscò filio profligatas conspexisset. Ferunt Braccium audito tanti hostis casu, nullum lætitiæ signum dedisse, quod ab Ariolis accepisset, se quidem Sfortiæ superstitem futurum, sed non multo post repentina morte hostis fata secuturum. Nec his vacibus fides defuit; nam Franciscus paterno imperio præfectorum omnium & militum hortatu suscepto, Aquilam ire pergens Pontificijs copijs se coniunxit, editoque memorabili prælio in subiectis Aquilæ campis, Braccius superbo fastu hostium contemptor fusus atque interfectus est, dum supremos indomitæ virtutis conatus ederet. Cadaueri exequiarum & sepulchri honos defuit, quum à Pontifice tanquam impius sacris esset interdictus, sic vt tanti nominis duo imperatores pari & fatali quadam sorte sepultura caruerint: nam Sfortia nusquam apparuit, & Braccij cadauer Romam delatum, profano in agro extra portam Næuiam defossus est. Variæ omnis ætatis eorum imagines multis in locis spectantur.

ANTONII Francisci Rainerij.

*Belligeri grane Martis opus dum Sfortia traclat
Sfortia magnanimum gloriâ prima ducum,
Fert & opem rapidismerso generosus ab vndis
Dum puero, ingentem liquit in amne animam.
Hæc memorant. At vera magis Polyhymnia magni
Facta ducis famæ tradidit, atque obitum.
Scilicet vndosum dum sanguine tingit Aternum
Hæsta atque armifono conspiciendus equo,
Commotus fluuij numen, voluisse nitentem
Pollutis illum mergere vorticibus.
Vt fama & rapti Herois tumefactus honore
Aternus tanto funere Aternus eat.*

I V L I I Feroldi.

*Braccius dux ille fortis atque pugnacissimus,
Hostium qui sepe fregit arma felicissimè
Atque summum persecutus est sacrorum principem,
Quippe multis imperauit vi potitus oppidis
Ac potissimum occupauit ciuitatem Romulæ
Quique regibus, tyrannis, vrbibusque liberis*

Italiam

*Italium fuit pauciori maximo, & formidini
Hac representatur hospes, qua vides imagine.*

LEONARDI Aretini.

*Transui intrepidus per mille pericula victor
Non acies ferri, non iustis mania fossis
Conatus tenere meos, domat omnia virtus.*

Carmagnola.



FRANCISCUM Bussonium, cui à Subalpinæ Liguriæ oppido Carmagnolæ cognomen fuit, agrestis villici filium, eumque subulcum fuisse ferunt: verum in puero contumacis ingenij & tetrici oris ea inerat indoles, ut à prætercunte milite, pro armigero puero sit abductus. Exinde varij insuefactus bellis, uti valde patiens laboris, & ad ardua quæque militiæ munera capellenda promptus & audax, facile turmæ præfectus euasit, illudenteque demum fortuna quum sub Facinio Cane quatuor turmarum ductor aliquandiu fuisset, post illius mortem imperator est effectus, scilicet ut vtriusque humanæ sortis græue exemplum posteris præberet, Creuerat honoribus, gratia, diuitijs, sub Philippo Vicecomite usque adeo secundis rerum succelsibus, quum viuidae eius virtuti nihil esset imperuium, ut eum in familiam suam adoptaret, propinquamque nobilissimæ sanguinis ei in matrimonium collocaret, eumque ædificantem luculentissimam domum collata pecunia liberaliter adiuuaret; quæ domus etiam nunc reliquas omnes Mediolani laxitate, magnificentia, & sumptu antecellit. Iamque ad summum fortunæ suæ fastigium peruenerat, ut quum ibi consistere non posset, æmulorum obtreccatione præceps daretur. Philippus enim mutabilis ingenij sui naturam secutus, Carmagnola penè contempto, Guidonem Taurellum nauali de rege Alfonso victoria clarum, attollendum susceperat. Huic mirè studebat, ex aduerso Carmagnolæ insensus Oldradus Lamponianus, Philippo intimus, utpote qui à prima usque adolescentia summæ gratiæ locum parasset. Non tulit contumelias vir notissimus meritis & nomine suo indignas, Carmagnolamque natale oppidum à Philippo discedens se contulit, ubi piè inuisit patrem exactæ ætatis, & quem iampridem pristinæ fortunæ sordibus eduxerat coemptis prædijs, & multo auro ditauit. Indeque superatis Alpibus per Germaniæ fines ad Venetos profectus est, ut Francisco Sfortiæ adipiscendo principatu iter viamque simul fati suis aperiret. Nam aliquanto post suscepto apud Venetos militari imperio, eoque fortiter gesto, Veronaque & Brixia Philippo ademptis, in cursu gerendarum rerum oborto liuore Venetos offendit, periniquè, ut credi par est, perfidiosis cunctationis accusatus, quod profligatam à Philippo Venetam classem: ad Cremonam ter-

restri auxilio minimè iuuisset, occupandæque eius vrbs enatam occasio-
nem malignè prætermisisset diceretur. Quas ob res simulatione consultan-
di euocatus Venetias, custodiæ traditus est. Nec diu post quum apud su-



piciosos, & vbi de Repub. quæritur sæpius inclementes Patricios, infesta
suffragia valerent, de diu torto vel infonte capitale supplicium est defum-
ptum; ea fama, vt nonnulli eum indignissimè damnatum dicerent, quod a-
uaritia præcipitiq;e malignitate maturatum ei exitium arbitrarentur. Nam
ex damnati opibus supra ducenta millia aureorum nummum ad fiscum re-
dibant. Ego verò de summæ æquitatis senatu nihil dubitauerim, nisi apud
eos non occupatæ Cremonæ dolor iusticiæ neruos eliserit. Auxit autem in-
uidiam atrocis inexpectatiq;e supplicij spectaculum interdum populo edi-
tum, cum indignè tantus imperator ad Columnas rubras, vbi noxij plecti
solent, inserto in os ligneo lupato, ne vociferari posset, traheretur; multis
aut infontis calamitatem, aut æquo seuerius ingrati Senatus decretum de-
restantibus; cum egregiè fortiterq;e rerum bello gestarum recens memoria
spectantium animos, excitis ferè lacrymis, ad misericordiam permoueret.

Adam;

*Sedula apis veluti maturis aduolat vuis
 Vt liquido vacuas distendat neclare cellas,
 Ad te sic mea se celeri tulit impete Musa
 Bellica quem ad magnos virtus euexit honores
 Francijce, æternum pietas per secula nomen
 Cui peperit, cuncto procerum cum astante Senatu
 Ac magnis vnâ tecum de rebus agente.
 Ad Scabrum haud veritus confestim exire parentum et
 Fortiâque infirmo circundare brachia collo
 Illucet hoc vnum malit, quàm mille referre
 Gesta tua præclara, et deuictio ex hoste trophæa.
 Magnorum decus Insubrum, dux inclyte, tandem
 Orta licet subito, fractum te attrinexit ingens
 Tempestas, Caurique, importunæque procellæ,
 Ne dubita tus te pietas, tua maxima virtus
 Venturo meritis cumulabit honoribus æuo.*

Gattamelata.



RASMV S Narnizæ natus, cui ab astuta dissimulatione tan-
 quam ad bellicos dolos longè promptissimo GATTAMELATÆ cognomen fuit, ignobili patre, vtpote qui
 Funariam exerceret, genitus fertur. Is è Braccij schola per
 omnes militiæ gradus nauiter ascendens, clarissimus bello
 dux euasit. Eum à Braccio vnice adamatum fuisse, pro-
 uectumque in lucem miro studio ferunt, quum ei nobilitatis insignia, la-
 cinizque suos colores honoris causa concessisset, quibus demum, vel exer-
 citus Veneti creatus imperator semper est vsus; quando tanti ducis insi-
 gnia promeruisse sibi maxime decorum existimaret. Post mortem Braccij,
 cui præfectus equitum aderat, quum ad Aquilam profligatus interisisset,
 atque ipse eodem prælio captus, in potestatem hostium venisset, vbi re-
 demptus remissusque est, ad Nicolaum Piccininum se contulit, ad quem
 post eadem acceptam Bracciani nominis milites vndique coibant, vt fac-
 tionis nomen eo duce, cui Braccius erat auunculus, tuerentur aduersus
 Franciscum Sfortiam, qui paterni exercitus & nominis hæres contrarias
 Braccianæ factioni partes extollebat. Exinde varia vagaque stipendia apud
 diuersos principes merens, egregiam, sed cauti potius quàm pugna-
 cis ducis famam adeptus est, quo nomine Vencis mirè commendatus
 expeditusque est; quibus maxime placebant qui prudentius, quàm auda-
 cius arma tractarent, quando summi discriminis alcam vitare mora & con-
 citatione pecuniosi homines proficere, properantiumque congregari ho-
 stium impetu ludificari consueverent. His conciliatus moribus Gattamelata

imperij militaris decus tulit, quum vigilantissimi optimique ducts operam Reipublice nauasset. Nec quisquam ducum post Carmagnolam securi percussum, gentilemque Leonissanum sagittæ ictu Brixiano amissum



bel'o maiore studio, propensioresque voluntate à Venetis observatus, & grauioribus testimonijs exculatus est. Omnibus siquidem his bellis, quibus varia & diuturna contentione Bergomum, Brixiam, Veronam, & Cre-
mam Philippo Vicecomiti ademerunt, & in Etruriam vsque auxilia-
ria arma promouerunt, multus vbique, & valde conspicuus summa fide fel-
tiq; prudentia bellum administravit. Postremo quum iuxta Benacumi-
lacum in Brixiano agro Alpibus subiecto niuose durissimæ hyemis frigo-
ra obstinatissimè pertulisset, in Paralysi incidit morbum, quo non plane se-
nex post multos dies è vita sublatus est. Veneti eum decreto publico, pro-
pter egregiam fidem cum summa virtute coniunctam, ænea equestri sta-
tua honestandum censuerunt, curaruntque faciendam ingenio præstantis-
simi eius ætatis statuarij, cui Donatello Florentino nomen fuit. Hic anti-
quorum artem decenter æmulatus, absolute pulchritudinis statuam armati
equit;

equitis militare tenentis sceptrum, elegantissimè perfecit, quam hodie eruditi artifices admirantur, Patauij collocatam in ea area, quæ Antoniani templi frontem aspiciet. Tumulatus est celeberrima funeris pompa in templo quod diximus Antoniano, ubi hoc rudis sæculi carmen marmori inscriptum legitur.

INCERTI AVTHORIS.

*Dux bello insignis, dux & victoribus armis
Inclytus, atque animis Gattamelata sui.
Narnia me genuit media de gente, meoque
Imperio, Venetum sceptrum superba tuli.
Munere me digno, & statua decoravit equestri
Ordo Senatorum, nostraque pura fides.*

Nicolaus Piccininus.

FORTEBRACCIORVM familiam honestam potius, quam antiquam Perusie floruisse constat, quam Nicolaus qui ab exigua humilique statura Piccinini cognomen tum ferebat, è sorore Braccij inclyti ducis genitus clarissimam fecit. Nam ex eadem domo bellica laude insignes aliqui, & ex his præcipuè Fortebraccius, cui Stellæ cognomen erat, prodierunt. Hunc multi Braccio & Piccinino propè parem evasurum credere, nisi in Umbria à Sfortianis Bracciano nomini infensis, tumultuario prælio victus, acceptoque per oculum mucrone interfectus fuisset. Is Romani Pontificis perpetuus hostis, propter nefariam audaciam exorante Pontifice aquæ & igni interdictus, sicuti Braccio acciderat, sepultura caruit. Mors eius permagnum dolorem Piccinino propinquo suo attulit, de quo hæc ad illustrandam eius imaginem dicenda videntur. Nemo siquidem ea tempestate Piccinino prosperis pariter ac aduersis clarior fuit, utpote qui tanta nominis fama frueretur, ut eum plerique quas pararet victorias, vera ipsius virtute adipisci: quum verò hosti consertis prælijs succumberet, nequaquam imperitia aut ignavia, sed malignitate fortunæ extortam ei è manibus victoriam fuisse prædicaretur; quod nunquam vel in externis difficultatibus animum dimitteret; nec usquam amillâ ratione etiam in subitis ac inopinatis casibus frangeretur: quandoquidem integra semper spe insultanti victori hosti fortiter repugnare, postremusque omnium preliando, nec terga usquam obuertens, sese explicare, atque recipere consueisset. Erat enim natura ingenio præditus apprime pugnaci & feruido, mirabiliterque solerti ad præcauendos hostium dolos, tendendasque insidias: sed qui in omni rerum usu iustitia, moderatione atque prudentia à Francisco Sfortia æmulo (vbi multis apparuit prælijs & bellis) liquido superaretur. Piccinino namque viro peracri, concitatoque bellatori, & aspera quæque tentare auso, fortuna sæpius illudebat, uti tum accidebat, quum Brac-

cius vrbe Roma potius Sfortiæ armis pelleretur, nouissimo præflet agmini, nec se (vti præceperat Braccius) celeriter ad conficiendum iter explicaret, pugnaeque audus pæsim obuerreretur à persequentibus Sfortianis at-



que Romanis, quorum pecus abigebat, ad aquæductum fufus captusque est. Aquilano autem prælio calamitatem aduersi casus cædemque Braccij & Piccinini intemperantiam multi referebant, quod custodiæ stationem, in qua aduersus obfessorum eruptiones ab auunculo imperatore fuerat constitutus, auditate conferendæ pugnae deseruiffet. Brixiano quoque bello ad Tennam oppidum fupra Benacum vfque adeo audacter temereque in confragofa montium loca fefe intulit, vt à copijs fuis intercluderetur, necelfeque ei foret baiuli Theutonis validi procerique humeris exportari, vt per media hoftium cafta fimulatione vulnerati gregarij militis ad fuos referretur, tam infano quàm neceffario, fed felici admodum periculo, quum Philippi principis imperium totiufque exercitus falus Barbari agafonis fidei commiffa videretur. In ea quoque pugna quæ ad Binam antiquitus Bibriacum commiffa est, vfque adeo feruide ac insolenter imperatorij mun-

neris

neris oblitus hostibus se immiscuit, ut quum pro caeside aperta tegeretur galea, in occipio graue vulnus acciperet, quo affectis neruorum iniurijs sinistro crure perpetuo claudicaret. Ceterum perpetua exercenti arma, & Philippo, Venetis & Florentinis, Pontificique Eugenio vti diuersa tempora ra tulerunt, integra fide summaque virtute operam nauanti, insignis ei, & propè singularis gloria obuinit, vna praesertim Luca vrbe, aduersus opugnantium Florentinorum vim fortissimè defensa conseruataque. Cuius beneficij equestris statuæ monumentum ei decreuerunt, cuius quod ex ære poni non potuit, simulacrum hodie etiam incolumi pictura in foro spectatur. Postremo quum iam senex diuturnoque nunquam intermissæ militiæ labore confectus, Picenoque in agro apud Laureum montem à Francisco Sfortia profligatus, ex inducijs ad Philippum accersentem peruenisset, in Paralisis morbum incidit, maturanteque eius mortem acerbissimo animi dolore excessit è vita septuagenario proximus. Nam per eos totè dies nunciatum ei fuerat, Franciscum eius filium in Piceno ad Vlmeum montem à Francisco Sfortia, deletis eius copijs captum fuisse. Philippus qui cum insigni virtutis merito fideique nomine mirificè amabat, omni funeris honore prosecutus est, sic ut in templo maximo sumularetur. Sed eius viri memorabilis, cuncta insignia monumentaque Franciscus Sfortia victor & imperij compos, postea delcuit, non boni quidem mortui, sed filiorum eius odio, quando illum semper probum fidelemque amicum extra belli controuersiam fuisset expertus: ij verò Franciscus & Iacobus in ipsum capitalis odij inimicitias perfidiolæ simulationis semper exercuissent. Tantum enim poterat liuor ex contrariæ factionis æmulatione conceptus, ut non prius Iacobus, vel ascitus gener, odium ponere desierit, quam ab Aragonio Ferdinando rege simulatione redintegratæ amicitiae Neapolim accersitus, & in carcere ab Aethiope seruo securi mactatus fuerit, vir profecto virtute bellica Piccinino patri par, spirituque Braccio æquandus, nisi iam ingenti ferocia successuque rerum, cunctis propè formidandus, turbandæque pacis semper author, in perniciem suam consumptis omnibus amicitijs, inuinita fata prouocasset.

P A V L I I O V I I I Junioris.

*Hæc tibi mansuras æterna in secula laudes,
Hæc spolia, & victo celebres ex hoste triumphos,
Robur, & astuta præstanti in corpore vires,
Et populis defensa vrber: tuæque inclita virtus
Sanguineo peperere solo, fortissime duellor
Ausonidum, quisquam an tanto tibi certet honore
Armorum, ac titulis clari Mortis, & almae
Militiæ? Nonne hos oculos atque ora ferebas?
Nonne sub hoc quondam gladio cecidere volantes
Turme equitum, peditumque simul, pulsique tremore
Oenotrij obitupnere duces, atque Italia signa?
At nos exigui miramur corporis artus*

*Sufficere hoc oneri, & tantos perferre labores?
Scimus, & Ifmenias bello fregisse cohortes
Sæpius in parvis victorem Tydea membris.
Ipsa equidem, longè terris Atlante relicto
Caucasique ingris, & cincto nubibus Ossa,
Laurigerum redimita caput, petiit ardua cæli,
Inde alacris sese tollit super æthera virtus.*

FINIS SECVNDI

LIBRI

PAVLI IOVII EPI-
SCOPI NVCKERINI PRAEFATIO IN
TERTIVM LIBRVM ELOGIORVM
SVORVM AD COSMVM MEDICVM
FLOREN DVCEM



IMAGINES insignium Heroum, quæ subscriptis Elogijs admirabile numerosi populi speciem in Museo spectantibus reddunt, magnanime COSME, eo à nobis ordine collocatæ sunt, ut qui primi cesserunt è vita, nullo dignitatis servato discrimine, reliquos antecedant; scilicet ut quos properantis fati cæca libido æquales fecit, varia demum, atq; inclita virtus ad animi delectationem, cum ipsarum actionum, tum formarum, & vultuum iocundissima diversitate discriminet. Quo fit, ut hic tertius liber parviuscupatione nomini tuo dicatus, non aliunde, & iure quidem optimo, initium suum exposculet, quàm ab ipso nomine magni COSMI progenitoris tui; cuius illustris fama (vireor) nullo ævo consenescet. Quanquam idem in te repetitum nomen diffusiore angustiorèque prorsus lumine corruscum, id totum superius familiæ vestræ iubar plurimum offuscet facileque præstringat. Hoc siquidem, si rectè proloqui divinarèque licet, radioso lumine viam tibi sternis in cælum, quum virtute animi, vitæ innocentia, æquitateque impèrij cunctos huius seculi principes fortuna pares aut superiores, merita consensu omnium gloria plenius antecedas.

ELOGIORVM

LIBER III.

Cosmus Medices.



HOC vultu inter severitatem atque lætitiæ egregiè temperato COSMVS Medices ingentem; qua maxime valuit exactæ prudentiæ vim præferebat, quum Florentiam patriam ab se regio sumptu admirandis ædificiorum lectissimarumque artium monumentis decoratam multo florentiorem fecit. Is à lustrico statim diè Christiani baptismatis id Græcum nomen diuinante patre tulisse videri potest, quod civium omnium absoluta virtute ornatissimus esset evasurus. Quippe qui postea illustri apud omnes sapientiæ opinione, non in patria modo, sed in omni

Italia cuncta propè belli & pacis consilia rogatus & inermis felicissimè re-
 xerit, idque vnum semper, quod securæ atque opimæ pacis intererat, con-
 tenderit, vt Italiæ principes exæquata potentia suis contenti finibus pa-
 cem tuerentur, & ciuitas optimè constituta Republica aduersus intestinas
 discordias quibus antea plurimum laborasset, permunita, atque opulento
 ocio tranquilla redderetur. hac in re Ioannis patris moderata consilia gra-
 uiter æmulatus. Is enim inter ciues idem clarissimus ac opulentissimus fa-
 to concedens, exquisita totius ciuiliſ disciplinæ præcepta reliquerat, quibus
 filij virtus enitescere posset. Sed Cosmum ingenti prouectum cursu, &
 collecta gratia paternæ authoritatis nomen superantem, atrocis inuidiæ
 inuasit morbus excessit virtuti fato quodam comes datus. Nam præpoten-
 tes patritij liuore inducti, in caput eius conspirarunt, vsque adeo infectis
 corrupti Senatus suffragijs, vt tanquam affectati in libera ciuitate princi-
 patus reus, qui neminem offenderat, & studiosè multos suis opibus ab e-
 gestate subleuaret, citatus in curiam custodiæ traderetur: eo euentu, vt ab
 inusitata inimicorum acerbitate, qui tum erant in Magistratu, crudelissi-
 mum senatus decretum, atque ipsum carnificem expectaret, venenique in-
 sidias veritus, ab omni ferè cibo totum quatrimum abstineret. Hoc decu-
 riones sibi maximè inuidiosum fore censentes, si ciuis clarissimus paucor-
 um tantum suspitione reus factus, nec adhuc publico iudicio damnatus
 interiret, per Federicum Malauolam, quem carceris custodiæ præfecerant,
 Cosmum crebro singultu, plenisque lachrymis innocentiam suam superis
 commendantem, cohortati sunt, vt de veneno quicquam suspicari desine-
 ret, bonæque spe confirmare animum veller, postquam & in curia & in
 vrbe amicissimi ciues, quibus eius salus cordi foret, non decissent. Post eam
 quoque consolationem Federicus, vt totam veneni suspitionem auerteret
 cum Cosmo cornauit delibatis singulis dapibus, accersuitque intro ad de-
 tergendam mortitiam multarum facietiarum vrbaneque dicacitatis homi-
 nem non insulsum cognomento Farganacciam, qui Bernardo Guadiano
 Vexillifero erat familiaris. Cum hoc vt Cosmus secreto colloqui posset, Fe-
 dericus dissimulanter spatium præbuit, facileque à scurra impetratum est,
 vt pretio accepto, oneratusque promissis, eum Vexillifero commendaret.
 Dedit enim ei tesseram Cosmus, vt pecuniam à diuæ Mariæ nouæ Xeno-
 dochij præfecto præsentem acciperet; atque ita acutus scurra ad salutem
 summi viri propitius, pecuniam cubitum eunti Vexillifero postridie detu-
 lit, milleque aureis & centenis ea occulte largitio stetit, qua Cosmus haud
 dubiè seruatus est. Nam Guadianus maiorum præmiorum spe allectus, re-
 uocatusque ab atrocitate ad lenitatem, non multo post ita moderatus est
 suffragia, vt inimicorum Cosmi caput eius deposcentium vota, relegatio-
 nis ac exilij decreto eluderet: & quo enixius studium certiorémque ope-
 ram præstaret, Cosmum curia atque vrbe eduxit. Nam vbi è turriculæ car-
 cere productus est, Decurionibus impetratæ salutis gratias egerat, & se
 Reipublicæ causâ exilium æquo obtemperantiq; animo lacrymis, fuerat
 testatus, tanta eius ordinis ad gratiam proclinatione, vt exeunti curia sti-
 patores ex prætoria cohorte darentur, qui eum aduersus inimicorum gla-
 dios protegerent, inuiolatumque deducerent. Quo miticis decreti euen-
 tu

tu valde consternati perturbatique aduersæ factionis principes, qui cum præcipiti damnatione, maturatoque supplicio tolli, quàm exilio multari malebant, correptis armis forum compleuerunt, turbulentissimeque excitato ad armatum concilium populo, deponendos præsentēs Magistratus, nouosque his subrogandos esse postularunt. Cæterum Cosmus ita excessit patriā, exulatumque Venetias abiit, vt in ciuitate optimo & beneficentissimo ciue orbata magnum sui desiderium relinqueret: Venetijs verò ab omnibus Patritiorum ordinibus non tanquam exul, sed præclarus de ingrata deprauataque patriā triumphator exciperetur. Exinde Venetijs, & in Senatu, & in corona, domique sæpius auditus, quum de rebus publicis grauissimè dissereret, summæ virtutis atque prudentiæ præconium tulit. Nec totum in exilio transegit annum: fatagentibus namque in eius reditum veteribus amicis, creatus est Vexillifer Nicolaus Coccus, & cum eo Octouiri supremæ potestatis decuriones, à quibus de reducendo Cosmo in Senatu studiosè relatum est, secundissimisque ferè omnium suffragijs decretum emanauit, quo ex hilarata ciuitas redeuntem summis gratulationibus excepit: tanto quidem plebis & populi studio, vt non secus ac olim Cicero reuocante Senatu Romano, Cosmus à Florentia libera Pater patriæ sit appellatus. Nec multo post capitalis iniuriæ memor, creatis è factione summa solertia Magistratibus, offensiones quas ore, sermoneque dissimularat, ita ad animum reuocauit, vt non eas vlscisci, sed in posterum ab insidijs acerbissimorum hominum salutem & dignitatem suam vindicare velle videretur. Itaque aduersarum partium principes perturbatæ armis Reipublicæ, excitatiq; tumultus accusatos, nec comparentes, in exilium egit. Ante alios Rainaldum Albicium, Rodolphum Perutium, Nicolaum Barbadoram & Pallantem Strozam, qui ciuium potentissimi atque inquietissimi censebantur. Exinde ciuitas ingenio Cosmi turbulentis ciuib; eiectis, domi & foris felicioris sæculi incrementa sensit. Tanta namque erat morum temperie facilitateque naturæ, vt non eloquio, non cultu, non ipso denique conuictu & comitatu factum vllum ostenderet: modestia tantum, humanitate & studio honestæ virtutis supra cæteros eniteretur: singulari tamen quæ sibi & patriæ vrbis ornamēto esset, magnitudine atque elegantia ædificiorum, perpetuæque benignitatē hospitalis domus cunctos superare contenderet, quum natura frugi, priuata in mensa nihil ad exuperantem copiam, sed ad nitorem cuncta, ciuilemque Etruscæ disciplinæ temperantiam, alioqui liberalis, & maxime sumptuosus in hospites dignitate doctrinæ claros reuocaret. Erat enim sicuti maxime pius in egenos, officiosus in afflictos, & longè omnium omnis virtutis largissimus æstimator, quæ vna re superabat ciues, æquabat reges, & sibi certum iter ad perennem laudis famam sternebat. Nunquam eum institutæ liberalitatis poenituit. Nullus vnquam ædificandi sumptus eum deterruit. Nullus vnquam vel aduersus fortunæ eius casus, popularis beneficentiæ consuetudinem interrupit. Quarum rerum admiratione ducti nonnulli ciues, vt incomparabiles magnificentiæ laudes verbis eleuarent, sæpe dictitabant, tantam vim in exhausta pecuniæ, nequaquam ex argentariorum negotiatione, quæ in omnibus Europæ emporijs à Cosmi institoribus exerceretur, sed ex Bal-

thasaris Cossæ thesauris prouenisse, quos uti vir eximie probus & pius condendis templis atque Cœnobijs profudisset, ut elegantis mortui amici secreta vota impleret, & fidem suam sine piaculo tueretur. Constat ex aduersarijs rationum codicibus, quos ipsi vidimus, Cosmum supra quadraginta myriades aureorum nummum, in priuata & publica ædificia contulisse. Pix verò aut occulte largitionis sumptum myriadum decem summam excelsisse. Verum tam suspensionem facile apud rerum peritos auertebant paternæ opes, quæ signata pecunia, & quæstuosissima mensariorum negotiatione immensæ propè constiterant, quum nullum vnquam alienæ de coctionis, aut suæ conturbationis detrimentum per multos annos accepisset. Prædiorum verò redditus astrictæque priuati sumptus frugalitas quotidianam modicæ familiæ impensam facile superarent. Duxit uxorem nomine Contesinam è Bardorum antiquissima gente, quæ Aluerniæ oppido iuxta Pratum dominatur. Ex ea Ioannem qui fato iuuenis est ereptus, & Petrum suscepit, ex quo nepotes vidit Laurentium & Iulianum, qui postea admirabili sorte geminos Pontifices Leonem & Clementem genuerunt. Sic ut Cosmus excelsisse è vita beatus existimari possit, quamquam Petrum distortis articulari morbo totis artibus miserabiliter affectum, sed virili ingenio planè fortem, ad Reipublicæ gubernacula relinqueret. Concessit fato Cosmus septuaginta amplius natus annos, tumulatusque est Laurentiano in templo ab se condito, ut tota sacra æde instar amplissimi sepulchri vir incomparabilis & ciuium maximus, nequaquam angusto loculo tegeretur, cum hoc breui titulo, sed longè omnium qui inscribi possint honestissimo:

COSMVS MEDICES HIC SITVS EST DECRETO
PVBLICO PATER PATRIÆ.

PAVLI IOVII Iunioria.

*Quid de Sidonio bis tinctam murice vestem?
Quidue manus similem doctas formare figuram?
Artificisque decus tantum admiramur, & artem?
Suspice grandæui caelestes oris honores,
Effigiem quicumque vides, & fixus in illis
Tranquillum Heroa, & mixta gravitate verendum
Summe oculis, dulcique nota pia lumina vultu.
Non hic insigni gladio per tela, per hostes
Egit equum, aut largo sudavit sanguine dextram.
Non illi Mars durus erat, nec classica cordi,
Verum consilij secundum prætus, & alto
Ingenio virtus: qua toto cognitus orbe
Ipse sui columenque fori, sanctique senatus
Etruscum decus & nomen super ætbera vexit.
Sed qui honor? aut ulli laus maior contigit vnquam?
Ingrata quàm de patria duxisse triumphum
Eadriacæ exul veniens reuocatus ab oris?*

*Quæ poterant potiora peti? quàm qui modò senam,
Mortem expectabat, duramque in colla securam,
Audiret populi tollentem ad sidera vocem,
Expectate veni PATRIÆ PATER inclyte nostra.*

Alfonso Neapolitan. rex.

IN hoc Alfonso Neapolis Rege, qui primus Hispanici sanguinis stirpem, ut in ea diu regnaret, Italiae inseruit, nulla civilis bellicæque virtutis, aut literarum ornamenta defuerunt. Erat enim ore militari & toto corporis habitu inter armatos valde formosus atque conspicuus, & uti nunquam expertus urbani moris ab erudita facundia, inter togatos admirabilis. Quibus aridentis naturæ exultique ingenij dotibus cumulatè instructus, ad magnum imperium, nouumque regnum vel spes eius rectè conceptas fallente sæpe fortuna, vehementissimè contendebat; postquam ipsum naturæ ius ad Ioannem fratrem maiorem natu, paterni Tarraconensis imperij hæreditatem detulisset. Eius autem votis, uti semper bono ingenio ad illustre decus reuocatis, tum primum fortuna benignè sese aperuit, quum is in Corsicam aduersus Genuenses, ad oppugnandam urbem Bonifacium ab Hispania traiecisset. Sub id namque belli tempus Ioanna, quæ Neapolitano in regno post Ladislaum fratrem præcipiti fato ereptum successerat, Andegauenſium Gallorum armis pulsabatur, querendæque ei erant ad tutelam imperij externa præsidia; postquam Romani Pontifices contra se pro Gallis stare putarentur. Itaque fortissimo æquè ac nobilissimo defensore sibi opus esse rata, accersiuit Alfonso Corsicanis rebus diu hærentem, & cum valida classe susceptum confestim adoptauit in filium, communicatoque Regij diadematis honore imperij consortem fecit. Cæterum post aliquantum tempus Regina, uti parum pudica, & ob id sæpe inconstans & leuis, perditæque amatoribus semper obnoxia, enatis inde peracerbis offensionibus, causas quæsiuit, quibus adoptionis pacta rescinderet, Alfonsoque ingratum appellaret, quòd eius probra iniquiore animo pateretur; vsque adeò alienato infestoque animo, ut Regina mater Alfonso filium declararet hostem, atque in eum arma conuerteret. Itaque Alfonso insolens contumeliæ, nihil abdicata spe regni, cæpto ductoque per varios successus bello, eum militiæ fructum cepit, ut maxime peritus Italicarum artium, inter inclytos eius ætatis imperatores præstantissimus euaderet, & sæpe victor & quandoque victus ab indomita virtute se ipso maior semper & clarior haberetur. Cæterum quum fortuna multos atque mirabiles in eo rege iactando ludos edidisset, ad extremum pudore victa, eum promeriti regni compotem fecit. Extrema namque obrutum clade, captumque nauali prælio ad Pontias insulas, ita benignè complexa est, ut ex ea calamitate properè ereptum, non modò liberum, sed inexpectato etiam munere amplissimum Regem ex captiuo redderet. Siquidem per-

ductus Mediolanum tantum abfuit, vt in triumphum ad inanem pompam duceretur, vt Philippus Vicecomes, vti generosum victorem decebat, cum ingenti clementiæ gloria eum summo cum honore suscepit, in ami-



citæque foedus receptum, & liberalissimè instructum pecunia, validisque auctum copijs, ad repetendum Apuliæ Regnum ab se dimiserit. Eo namque tempore Renatum Andegauensium partium ducem, ipsumque provinciae Narbonensis regem, Ioanna nouo adoptionis iure ad Alfonsoi contumeliam in regnum euocarat. Verum renouati belli is exitus fuit, vt Alfonso vrbe Neapoli per aquæductum capta, Renatum amissis copijs in arcem compulsum regno expelleret, & consensu procerum, quod Ioanna suo fato concessisset, speciosissimum ducens triumphum, rex appellaretur: secundoque demum bello Senensibus in ditionem acceptis, & attritis Florentinorum opibus, ad Etruscum imperium aspiraret. Vir enim animo ingens, subnixus virtute, nondum fortunæ suæ terminos statuerat, multoque aggere sua aptè munienda rebatur, vt maximè diuturna parti imperij fundamenta iacerentur. Vigebat in hoc rege perpetuum ac illustre studium

dium parandæ laudis, quod perenni in omnes beneficentia, totiusque aulæ splendore incomparabili conſequebatur. Nam Federicum Cæſarem ex Luſitana vxore propinquum ſuum, ideoque Neapoli nuptias celebrantem, tanta rerum omnium liberalitate ſibi deuinxit, vt Germanorum comitatus omnis, qui Cæſari ampliffimus aderat, veſte ſerica, aureis torquibus, equis conſpicuis, elaborato argento, ſignataque aurea moneta donaretur, & nunquam ſatis celebrata benignitate magnificentiſſimi Regis in Germaniam rediret. Itaque Alſonſus opulentiſſimum regnum egregia virtute partum, cunctis his artibus, quæ victori atque optimo regi verum decus adſtruerent, Neapolitanorumque procerum animos conciliarent, ſapientiſſimè confirmabat, tanta prudentia, vt noui imperij opes, exquiſitis ſemper amicitijs, certisſque ſœderibus apud principes ſtabiliret. Ante omnia vrbs muros vetuſtate collabentes reſtituit, additis ad portas lapideis turribus, & portum amplificata mole capaciorem, ſecurioremque reddiderat, quum in conſtruenda noua arce, quæ portui immineret, inuſitatæ admirabilisque ſtructuræ laudem quæſuiſſet. In tota porro vita, quæ ei continuatis ſerè bellis laborioſiſſima ſemper fuit, nullam ſe vel maiorem vel iocundiorem voluptatem capere prædicabat, quàm ex cœru virorum inſignium, qui cæteris vna præcipuè eruditionis commendatione præcellerent. Cum his ſiquidem honeſtiſſimos ſermones, adminiſtrandòque regno vtiliſſimos ex hiſtorijs aſſiduè ſerebat. Apud eum namque omnis doctrinæ percupidum illa tempeſtate florentiſſima ingenia ſpectabantur, inter quos erant Laurentius Valla, Bartholomæus Fæcius, Antonius Panhormita, & qui bellorum eius hiſtoriam non illepidè perſcripſit, Bracellius Ligur. Ab his namque ſcribendorum annalium diligentem operam exigebat, qui ingenij grauitate vſuque rerum præditi viderentur. In hos etiam vſus, condita ſumptuoſiſſimæ ſupelleſtilis Bibliotheca, Græcis authoribus in Latinum verſis, rem literariam, quæ erat intermortua, ſuſcitare ab inferis, enixèque locupletare contendebat; vtpote qui Caſtrenſibus vigilijs ſummum decus bello adeptus, in ocio demum, & per interualla incertæ pacis vberriſſimam ex literis laudem leſtitando atque audiendo ſemper appeteret. In celibatu ſingularem, eamque paucis incompertam liberi tranquillique animi felicitatem repoſuit, ſic vt eum nunquam poenituerit connubia reieciſſe, quum filium Ferdinandum regiæ indolis ex nobili concubina in ſpem regni ſuſcepſſet, quem ſatis legitimum regem fore prædicabat, ſi pertinaci virtute fortunam, quæ non ſemper cuncta daret & eriperet, conciliandam arbitraretur. Fato conceſſit non planè ſenex, concepta febre ab aſſidujs falconum aucupijs apud Nolanos campos, Sarnenſium paludum inſalubri auræ ſubiectos, quum regnaſſet annos vigintiduos, triennio poſt quàm Mahometes Othomannus Bizantium expugnaret.

F A B I I Beneuolentiſſi Senenſis.

*Poma quot autumnus, quot verno tempore flores
Terra ferat gremio narret; quot litus arenas*

*Spargat, & immenso discurrant a quore pisces,
 Qui cupit Alphonsi meritis percurrere landes.
 Hic & inaccessas Lybie penetranit ad oras,
 Lothophagum gentem domuit, retulitque superbum
 Urbibus euerfus, & nullo rege triumphum.
 Sensit & ipse ferox Gallus quid dextera posset
 Illius, Ausonia iussus decedere terra.
 Hic quanquam bello clarissimus extitit Heros,
 Non minus excoluit Phœbum, Musasque sorores.
 Ergo iam duplici præcingi tempora fronde
 Qui meruit, clari diuino carmine vates
 Peridumque Chorus, meritis celebrate choreis,
 Atque recurrentes laudetis semper in annos.*

Franciscus Sfortia.

HIC est ille incomparabilis fortunæ atque virtutis Heros Franciscus Sfortia, qui abdicato Attendulæ familiæ nomine, paterni cognominis titulum gentilitium fecit, supra id etiam cuncta disciplinæ militaris munera fortiter atque feliciter æmulatus. Is post patris interitum effectus imperator, diu vaga & mercennaria arma vario euentu circumtulit, ægrè aliquando supra aduersæ fortunæ difficultates ita eluctatus, vt viuido spiritu sese ad ingentem famam omnibus bellis efferret, & deuicta pæssim fortuna, proculcatique inuidia, & perdomitis Braccianarum partium reliquijs, aut certè bello gestarum rerum felicitate superatis, inuisitata virtus eum opulentissimi imperij compotem fecerit. A Philippo siquidem Mediolanensium principe ascitus gener, eius imperij euasit hæres; sed qui nonnunquam spretus & ex usu belli rursus expetitus, exiguam spem obtinendi eius principatus aliquando retineret: & inimica demum Venetorum arma ægrè reprimeret. Egic principem annos sexdecim, tanta imperij æquitate, moderatione, clementia, popularique humanitate, vt qui armorum fulgore hostibus terribilis erat, & inuictus aduersus omnem vitiorum intemperiem, publico iudicio eius seculi principem longe optimus censeretur. In hunc siquidem hominem præter inuictum corporis atque animi robur, summa etiam dona, quæ tribui poterant, natura contulerat, personæ scilicet dignitatem eximiam, os probum, & in omni congressu aspectum sine superbia suis pariter atque hostibus venerabilem, sic vt cuncti in eo sæpius concionante facundiam absoluto oratore parem admirarentur, eoque plenius quod nullas attigisset literas; & nihilo secius in omni ciuili militarique negotio, efficacis prudentiæ, diuinique iudicii vim expeditam & incredibilem afferret. Sed literarum decus quum sese eius expertem ingenuo pudore sæpe dolens liberalissimè tuebatur. Iustæ siquidem & veræ laudis, quæ viuienti ornamento esset, & transiret ad posteros, erat audissimus. A Ioanne Simoneta

Simoneta namq; insigni historico, & à Philelpho poeta percelebri res suas bello paceque gestas perscribi celebrarique iubebat, sicuti etiam patris vitam Leodorix Cribellus eius iussu antea perscripserat. Obijt senex intercu-



te morbo sublatus, absoluta iam Mediolani arce, quæ ad imperij munitum incomparabilis structuræ existimatur; quum numerosam prolem ad cumulum felicitatis reliquisset videri posset, si liberi, nepotesque paternæ & avitæ virtutis, quàm noninis æmuli esse maluissent; quanquam ea fuerit sequentis seculi iniquitas, in quam fato quodam inciderunt, ut eam vel robustissima cûsusque magni principis virtus, neque ferre, neque superare potuisset videri queat. Fuere qui ei inexorabilis odij notam intulerent, quod persequendæ Braccianæ factionis nunquam oblitus, Iacobum Piccinini filium summæ spei ducem, sub quo Bracciana arma reslorescere posse viderentur, nequaquam sincera fide in generum ascuerit; scilicet vteo vinculo pignoreque deceptum, ad teterrimam necem Ferdinando Neapolitano regi proderet. Ab eo enim rege contra fidem, refricata veterum offensionum memoria, vir impiger in carcere per Aethiopem seruum aucta

securi mactatus est, singulari quidem cum infamia tantorum principum, qui vindictæ libidinem sacrosanctæ fidei & hospitalis mensæ religioni prætulissent.

P B T R I Angelij Bargæi.

*Si quisquam Eridani ad ripas, camposque iacentes
Insubrum, emissa quos olim Larius vnda
Irrigat, exculta sacundans vbera terra,
Venerit, & magna molem suspexerit arcis
Quæ sese latè ostentans septemplete muro
Aequatur cælo, & vastæ latius obsidet vrbiæ:
Nec rerum, ne tanta operum monumenta tuorum
(Quamquam illa æternum multum celebranda per orbem)
Supremo admirans dignetur manere laudum:
Sed tibi sacunda tribuat præconia lingua
Tum demum insigni cum te pietate paternum
Illustrasse decus, clarumque in secula nomen
Noverit, vnde tui cognomina tanta Nepotes
Regibus eximijis nunquam aspernanda sequantur.
Et meritò, nam quis maius maiore paravit
Virtute imperium? nam quis melioribus unquam
Auspicijs, alimæ percussit sidera pacis?
Quis demum optatam felicius usque senectam
Attigit? & vitæ cepit meliora beatæ
Præmia? nunquam hostes te te videre paventem
Cedere percussum turpi formidine pectus.
Nunquam illi audaci tuæ castra laceßere ferro
Aggressi, eventus belli sensere secundos.
Martia quin seuam fugerunt agmina dextram,
Confertus quoties placuit concurrere vires,
Consilijs quoties voluisti ostendere quantum
Cederet inferior fortuna ingrata labori.
Sed quid ego hæc? letis cum iam non vlla trophæis
Ora tuis careat multo sudore paratis,
Cum iam nulla sacros tellus oblita triumphos
Præferas insignes titulos, quos nescia vinci
Obtulit excuperans non vna pericula virtus.
Salve igitur ô fama ingens, ingentior armis,
Magnanimum quondam heroum certissimus auctor
Sfortia; deuicti cuius virtute potentes
Asspexere suo manantes sanguine riuos,
Cuius & egregias laudes, præclaræque facta,
Testati misera gnatorum in morte parentes
Aequarunt cæli tandem fulgentibus astris.*

Amurathes II. Turcar. Imp.



AMVRATHES eius nominis secundus Turcarum princeps imperium Mahometis Celebini patris insigni de Sigisfundo Cæsare victoria confirmatum excipiens, nihil antiquius habuit, quàm fines proferre, lateque finitimos Christianorum regulos vrgendo armis summouere, penitusque delere: & vt id certius atque validius efficeret, primus Orthomannorum phalangem peditum instituit, quam disciplina ab antiquis Macedoniæ regibus repetita incumbenti hostium equitatu in præliis opponeret, & per eam audentius oppidorum oppugnationes aggrediretur: multo namque vsu compererat, equites in eo obeundo tali munere parum idoneos, hostiumque item Myforum Triballorumque & Iliriorum equites armorum genere atque animorum constantia Asiaticis & Thracibus sæpius superiores euadere didicerat. Fuere ab initio in ea phalange non plus

quàm octo milia delectæ iuuentutis, sed eam postea successores duplicatis
 ferè supplementis, adeo auxerunt, vt animaduersâ vi atque industria pe-
 ditum, sæpe ex ea parte virium incomparabiles victorias de hostibus retu-
 lerint, quòdinueterati multis stipendijs milites, & in vnum densati corpus
 insuperabile robur ostenderent. Hoc militum genus parentibus Chri-
 stianis creptum ex delectibus cogebatur, imbuebaturque his sacrorum le-
 gibus & belli artibus, quibus Turcæ ab ipsâ statim pueritiâ erudiri mos
 est. Ianizaros Amurathes, hoc est nouæ gentis milites appellabat, edu-
 catosque in aula prætoriar cohortis perpetuos corporis sui custodes & sti-
 patores effecerat. Ianizaris omnibus peculiare erat album pro galea ca-
 pitis integumentum (id Exarcolam vocant) ex coactâ crassiore lana den-
 satum, quod erat gladijs impenetrabile, & demissa à tergo latiore cauda,
 ceruices egregie permuniaret, à fronte autem ornaretur aureo aut argenteo
 cono, quo cristas induerent. Sagittis atque hastis, atque item paruis secu-
 ribus rem gerebant; sed ætate nostra reliquis ferè omnibus hastis & arcu-
 bus abiectis, nostrorum imitatione sclopettarij præcellentes euaserunt.
 His fretus Amurathes, Lazarum Seruicæ Despothum, qui Mysis & Tribal-
 lis imperabat, continenti attritum bello, & pluribus fufum prælijs, regno
 expulit, Scopia, Nouomonte, & Sophia vrbibus ei ademptis, captisque
 duobus eius filijs, quos barbara crudelitate, admota oculis candenti ærea
 pelui, lumine orbauit, horumque sororem, vt tantæ iniuriæ dolorem leni-
 re videretur, quod esset egregie formosa, in matrimonium duxit. Exinde
 in Illyricum, Pannoniam, Epirum, Macedoniam, incursiones incolis ma-
 ximè funestas fecit: adortusque demum Græciam, vastabundus in Pello-
 ponnesum excurrit; perruptoque ad Isthmum Corinthiacum Examili mu-
 ro Constantinopolitani Imperatoris fratrem repentina belli clade obruit:
 victriciaque arma statim in Venetos conuertens, Thessalonicam magna vi
 tormentorum adortus expugnauit & incendit. Sed longè maximum o-
 perum eius fuit Ladislaus Poloniæ & Hungariæ rex in Varnensibus cam-
 pis trucidatus, quum iuuenis incertæ belli gloriæ quàm securæ pacis au-
 dior ex primo felicitis belli prouentu, Carambo Amurathis duce profliga-
 to captoque, nouam opimioris victoriæ spem induens, recentia pacis læ-
 dera violare religionis causâ minimè dubitasset. Cæterum Amurathes fa-
 stidita proferendi imperij cura, aliquando simulata in immensum pietate,
 ita regnò se abdicauit, vt rerum gubernaculo Hali purpurato Mahometis
 filij nutricio relinqueret, & in nemorosum Bythinia specum cum paucis
 sacerdotibus ad contemplationem rerum celestium abderetur. Sed vir ap-
 primè grauis & astutus, cum de Ladislai aduentu Christianorumque prin-
 cipum consilijs, qui terra marique bellum parabant, certius didicisset, è fa-
 cro eo luco, reiecta superstitione, ad tuendum illico regnum profligat. Ve-
 rum aliquanto post non eadè fortuna Hungaros adortus, frustra oppugna-
 to Belgrado, ad Sauum atque Danubium confluentes, graue detrimentum
 cruentissimè repulsus accepit. Simili quoque supremo eius conatu infelici-
 ter oppugnauit vrbem Croiam, quam ei insigni dolo Scanderbechus alu-
 mnus abstulerat; dum iuuenis longè fortissimus paternum imperium in-
 uictis armis recepisset, & Turcas frequentib. suos prælijs tota penè Epiro
 depulisset

depulisset. Ab hoc irritò incœpto rex barbarus vsque adeò acerbum ex animi dolore morbum concepit, vt quum senex è castris Hadrianopolim referri se iussisset, paucissimis diebus deliranti vefanoque similis, vitam relinqueret, quum alterum atque trigessimum regnasset annum, & Mahometem filium ea lege, vt perpetuus Christiani nominis hostis foret, imperisset & scuitæ in nos suæ atrocissimum Othomannorum principum hæredem reliquisset.

AUGUSTI Cocceiani.

*Quæ tibi, quæ leuis incesit mens optime patrum
Ioni, nomus qui pectore errat spiritus ?
Vt tanta Scythicos reges tibi pinxeris arte
Quos turba nostrum suscipit Quiritium,
An ne inuat Latij truculentos nominis hostes,
Ferasque nostro sepe pastas sanguine
Spectare? vt redimua iterum præcordia pulset
Virtus, & altè exurgat Italium decus.
Hæc utinam. Interea votis Roma annue nostris,
Et excitare hæc intuens spectacula.
Europæ atque Asia, hisi nescis regna superbi
Tua tenent ignauia, nec te pudet.
Ergo purpureas traxerunt sanguine lymphas
Et Ister & Panyfus altis alueis;
Et nostræ albescent etiamnum cædis acerui.
Deserta latè Mysia per æquora,
Pannonia regem quum defleuere peremptum
Manu impotentis Amurathis offera.
Et positum æria est monumentum insigne columna
Æternus horror vt loco insit, & metus.
Scilicet vt gemina hæc cælo capita alta ferentes
Cadant columna Caesarum vni Barbaræ,
Et gladij, & galeæ, & clypei, Romanaque pila
Scytharum acinaci, & pharëtris impijs.
En quo degenerum cecidit spes tanta nepotum
Et Christiani nominis regum decus,
Quorum dum glicit furor & discordia demens,
Absumpta in auras præfca cessit gloria.*

Georgius Castriotus Scan-

DERBECHVS EPIRI PRINCEPS.



NEMO Christiani nominis princeps aut imperator Georgio Castrioto vehementius atque felicius arma Turcarum exercuit: nemo frequentius acie victor extitit. Is à Barbaris Scanderbechus est appellatus. Nam pater eius Iohannes quum in Epiro, eaque parte Macedoniæ, quæ ad Adriaticum vergit, regnaret, nec finitima Turcarum arma sustineret, his legibus ab Amurathe pacem impetrauit, ut ei obsides filios daret, in quibus virtute animi formaque corporis Georgius plurimum eminebat. Itaque regia in aula liberaliter educatus est, instructusque diligenter non modò Barbarorum literis & moribus ad Mahometanæ superstitionis disciplinam, sed in omnem armorum eius gentis exercitationem, tanto successu, ut ante pubertatis annos Sanzachus efficeretur; qui honos magnæ equitum

equitum alæ signiferum exprimit. Erat autem Amurathi longè omnium gratissimus; vapore qui indolem regij oris præ se ferret, & non obscura summi futuri ducis indicia præbere videretur. Nam quotidie cum summa Amurathis oblectatione simulachra præliorum in hortis regijs edere cum æqualibus erat solitus, in quibus ipse expediti consilij vigore, & mira vi corporis, omnes ætate grandiores superabat, tumque idcirco Anurathes, quod supra militari ætatis tempus proceræ staturæ præstantisque ingens indomitum robur ostenderet, in Aliam milit aduersus Ciliciæ regem, quo bello summam laudem rebus fortiter gestis est consecutus, ob idque plenior, quod singulari certamine Scytham multarum palmarum gladiatorem superbè ostentantem vires & prouocantem confecisset: per similiq; ausu insignis dux Persa equestribus armis pugnam ciens, paremque sibi bellatorem ex hostili acie ad certamen inuitans, hasta transfixus prostratusque fuisset. Dum eo modo bellica laude & singulari Amurathis gratia floret, patrem amisit, Othomannicæ arma eius ditionis vrbes atque oppida impotenter occupant; ita vt Amurathes ploranti Scanderbecho spem daret, se maturè paterni imperij ditionem ei concessurum. Sed nihil astutus Barbari regis promissis credens, insigni calliditate solertiaque vsus, in Epirum euadens, per adulterinas literas arcæ paterni imperij potius est, excitisque Epiri & Macedoniæ populis legitimi principis prolem agnoscens, princeps est acclamatus: tantaque animorum propensione liberatæ gentis est vsus, vt per multos annos, & Amurathis, & Mahometis filij inuictis antea regum exercitus frequentissimè profligati, atque retuderit. His autem bellis hoc ei præcipuum militiæ decus obuenerit, quod quum Amurathes frustra cum ingentibus copijs miroque tormentorum apparatu Croiam urbem oppugnasset, dolore irriti conatus, non multo post ad mortem sit adactus; septemque Othomannici nominis clarissimos duces & purpuratorum Bassarum ordine acie deuicerit & castris exuerit. Quarum rerum memoriam successusque admirandos Marinus Scodrensis, ea qua potuit facundia celebrato Scanderbecho, peculiari volumine edito, mandauit ad posteritos. Cæterum Georgius aliquanto post cum Mahomete inducias pepigit, quum ille Græciæ excidium moliretur, ipse vero Ferdinandum Neapolitanum regem Andegauensium arma agrè sustinentem Epiroticis armis se duce defendendum statueret. Itaque maturam opem imploranti regi prosperè tulit. Nam Georgij aduentu qui ex Epiro in Apuliam traiecerat, Gallorum copię ita profligatæ sunt, vt rex præcipua Georgij virtute se conseruatum fatecretur. Verum exactis inducijs Mahometes, qui Byzantium interfecto Græcorum imperatore manu ceperat, Trapezuntium euertit imperium, Ciliciæ, Mysiæ, Illyricique reges occupatis regnis occiderat, non secus ac antè pater Amurathes Croiam expugnare non potuit, propugnante Georgio & non vnâ cladem obsidentibus inferente. Quamobrem Pius Pontifex excitatis ad capiendâ arma Christianis regibus, belloque indicto aduersus Mahometem, existimauit neminem frenandis debellandisque Barbaris Georgio priorem ducem esse deligendum; tanto quidem studio, vt Georgium non totius Epiri modò, sed Macedo-

nix regem destinaret. Cæterum in eo consilij decreto, conatuque Pius Anconæ fato est interceptus. Nec his demum honestissimis belli cogitationibus Paulus secundus successor incubuit, quanquam Georgius, ut præfenti facundia eum minus decoris occupationibus implicitum permoueret, admoneretque publicæ salutis Cardinalium senatum, graui suo incommodo Romam petisset, quod immoderatæ Barbarorum cupiditati atque audaciæ, nisi consentientis totius Europæ viribus, resisti non posse, apud imperitos & desides testaretur. Nec quicquam postea pristina sua laude dignum gessit, ea scilicet vniuersæ concordix spe destitutus. Atque ita cum Litsi esset, ad Dryllum amnem, & de bellicis rebus cum præfecto Veneto consultaret, latalis cum febris inuasit. Lacescente autem ea in die sæuius, ubi fatalem horam adesse sensit, impuberem filium Iohannem, totiusque regni opes & copias Veneto senatui commendauit. Nec multo post è vita sublatus est, anno ætatis sexagesimo tertio, à partu verò Virginis sexagesimo septimo supra quadringentesimum atque millesimum. Fuit Georgius vi corporis & virtute animi, militarique felicitate (vti reor) nemini secundus. Habuit in conuictu quum perpetuas aleret copias, lectissimorum hominum amplius duo milia, nec vnquam auctis copiis maius militiæ robur quàm sena equitum, ternaque peditum expeditorum milia hostibus opposuit. Delectu enim veterani militis non numero victorias parari prædicabat. Horum nomina factaque memoriter tenere consueuerat, summusque illi erat honos, cui ipse discumbens de patera sua propinasset. Qua comitate coniuncta cunctis in rebus summæ liberalitati, suos sibi maximè conciliabat, quando etiam in eo, quod maximè accendendis studiis intererat, summa pietas emineret. Vbi verò armatus prodibat, tanta oculorum alacritate, tantaque hilari facundia milites ad cuncta ardua aggredienda accendebat, ut non eximie modo pugnaces, sed ferocissimos, contemptoresque impiorum hostium efficeret. Erat autem vsque adeo excelsa statura, torosoque habitu & robustis artubus, ac naso prominente decenterque incuruo, ut magni proculdubio herois effigiem representaret. Qua formæ speciei eius familiæ regulos qui Apuliæ insiti sunt, præditos fuisse conspeximus, vti ex collatione eius imaginis, quæ in Museo spectatur, videre sicut, præsertim in Ferdinando pronepote Sancti Angeli ad Garganum Marchione, qui Ticinensi prælio regia manu confossus occubuit. Narrabant genules eius, quod etiam à scriptoribus memoriæ proditum est, Georgium nunquam detrectasse pugnam, nunquam hosti vertisse terga, nullo vnquam in discrimine metu occupatum, nunquam vulneratum, nisi leui semel sagitta in crure fuisse, supraque duo hominum milia, barbarorumque præsertim, diuersis in præliis sua manu interfecisse, quando singulis tantum ictibus, singulos qui congressi essent conficere esset solitus, quod prægrandi ponderosoque acinace tam validè quàm peritè vteretur, quo medios hostes ad umbilicum proscindere, transfuersos diuidere sole-ret, & sæpe per ceruices integros cum humeris brachiorum artus facilè detruncaret. Quarum immanium vulnenum truculentiam, hostes qui ex præliis euasissent, cum Byzanti in aula admirantibus cunctis enarrarent, Ma-
homeres

homines ipse illum potentis dextræ inusitatæque violentiæ gladium videre concupiuit, impetrauitque facile à Georgio, ut sibi Byzantium mitteretur: talem namque eius esse temperaturam prædicabant, ut eius ictum nulla vel ferrea corporum munimenta sustinerent. Tanta autem inusitate virtutis eius viri fama erat, ut Turcæ post mortem eius potiti tota ferè Bepiro, sepulchrum Scanderbeci apud Lissum quærirarent, admirabundique usque adeo pie venerarentur, ut supersticiosi homines eruta demum sepulchro, tanti Herois ossa religiosè diriperent, quum quisque se bello inuictum, tutumque fore crederet, si frustulum ex ossibus reliquisque inuictissimi imperatoris, in Amuleto ceruicibus suspensum, iturus in prælium gestaret.

F A E R N I.

*Turcarum clades, Othomanni nominis horror,
Epiri tutela, illo iacere sepulchro
Quo quondam inuicti cubuerunt ossa Georgi.
Nunc & membra viri, & dissectum in frustra sepulchrum
Interijt, sparsi manes, concisa vagantur
Ossa, nec in gelida nunc saltem morte quiescunt:
Namque ut is assertum toties cum laude paternum
Imperium, exacta moriens ætate reliquit
Illicet inmanes tenuerunt omnia Turcæ.
Tum clari Herois venerati nobile bustum
Ossaque, marmoræque, inuictum condentia corpus
Abstulerant, sibi quisque in partes secta minutas,
Tanquam is bellica vis, & Martius ardor inesset,
Et genium præstare bonum, sortemque valerent.
Si quæ alijs tumultum virtus parat, abstitit illi
Atque eadem diro venerandum præbuit hosti.*

Bartholomæus Coleonus.



HIC Gattamelatæ honore par, ac ætate ferè æqualis fuit Bartholomæus Coleo Bergomas, verum genere atque opibus aliquanto superior. Is Sfortiæ simul & Braccianæ disciplinæ diligentissimus obseruator, multis fortibus factis, constantis atque impigri ducis famam est consecutus, eoque præsertim prælio, quo Gallorum sanguinaria manu bella gerentium, feritatem atque sæuitiam pari crudelitate vindicauit. Mortuo namque Philippo, quum Mediolanenses sese in libertatem asseruissent, Raynaldus Gallorum dux ab Asta vrbe suæ ditionis Alexandrinum agrum hostiliter inuaserat, nec quem ei opponerent Insubres habebant, Francisco Sfortia ipsorum imperatore aduersus Venetos bellum ge-

rente, qui sine certa pernicie inde reuocari non poterat. Erat tum Coleo custodiæ traditus Philippi iussu, propter inanem concepti transfugij suspitionem. Itaque hunc maximè idoneum qui Gallis resistere posset, rati, cu-



stodia educunt, adiunctoque ei Astore Faentino, cum parte copiarum contra Gallos proficisci iubent. Conserta est ad primum hostis conspectum pugna maximè atrox & cruenta apud oppidum Boschum. Nam Galli pro genti insita seuitia contra Italicum morem captos & deditos Coleonis cataphractos, dissibulata casside iugulabant. quod vbi Coleoni nunciatum est, clamore edito suis edocuit, vt Italicæ consuetudinis obliuiscerentur, & nemini Gallo parcerent: atque ita graui ira succensus conglobatis alis in hostes irrupit, suosque prostrauit, sic vt magna eorum pars interficeretur, & Raynaldus captus, vix supplex salutem impetrarit. Primis stipendijs diu vagatus turmae equitum præfecturam à Braccio promeruit: nam planè puer pecuniæ inops, Paulo patre popinquorum insidijs interfecto, miser & errans domo exierat; matre etiam in carcerem à mariti percussoribus

tribus immaniter coniecta; sic ut paternis opibus nulla in parte iuuaretur. Sed Jacobus Caudola non multo post ei turmam duplicauit, iustæque decimum alæ vexillum detulit Braccius. Rex autem Alfonsus vberiore auxit stipendio; & ipse quoque Sfortia honoratiore militia nobilitauit. adhæsit tandem Philippo, sub quo bella multis annis viguerunt. Cæterum Coleo Veneti imperij fortunam agnoscens; eius auspicia opportuno tempore secutus est, viginti amplius annis eorum copiis cum imperio præfuit. Eo autem bello quod aduersus Medicæ familiæ principatum a Florentinis exulibus in Gallia togata excitatum est, Coleo dux primus omnium instituisse dicitur, ut tormenta aduersus hostium aciem emitterentur, quum antea in expugnandis tantum defendendisque urbibus vsui esse solerent. Spingardas enim ita vocabant minora tormenta tricubitalis longitudinis, quæ glandem pruni maioris magnitudine violenter effunderent. Hæc paruis curribus inserta post acies auehi, & signo tuba dato, quo sua agmina relicto intervallo hinc atque illinc panderentur, in oppositos, hostes dirigi iubebat. Quo inuento ad Ricardinam Bononiensis agri, hostilem aciem ita perterruit, ut quum Spingardæ pila Herculi Ferrariæ principi calcaneum deterfisset, malignè & barbaro more Coleo fecisse diceretur; qui viros fortes gladio atque hasta pro virtute & gloria dimicantes, inusitata atque horribili pilarum procella sternendos curaret. Ea enim humanitate milites ducesque extra cruorem per id tempus in Italia depugnabant, ut eo prælio funalibus accensis, quum nox ingrueret, amplius quatuor milia cataphractorum equitum admirabili ridendaque hodie spectaculi contentione concurrerint. Fuit Coleo corporis statura erecta atque habili, adeoque formosus & agilis, ut regina Ioanna ingenio procaci mulier, auidaque virorum fortium, Coleonis amore caperetur, quum ea spectante cunctos in palæstra iactuque ferrei vectis, & saltu cursuque certantes, cum magno spectantium plausu superaret. Deerant ei Latine littere, sed his præditos suspicere, & per eos historiæ veteris noticiam consequi erat solitus. Nec ingenium eius ab urbanis facetiis alienum fuit, ut ex eo ioco apparuit, quo Galeacium Sfortiam acutissime perstrinxit. Nam quum ei Galeacius iuuenili petulantia dono misisset vulpem cauea inclusam, ut exacte ætatis duci nec semper astuto illuderet, Coleo eum statim pari dono remuneratus est, mittens Tinungulum compeditum loro, & binis de more accipitrum argenteis tintinnabulis exornatum, qui à pueris pro accipitre gestari solet; quantæ fortunæ principi ingenij leuitatem exprimeret, qui nihil præter ornamenta & inanem effigiem, grauis & strenui ducis præferre censere-tur. Oderat nehulones; fures autem & delatores seuerè puniebat, quum exactè extra bellum pietatem coleret. Familiæ dignitatem cultu & conuiuio admodum liberali tuebatur, magnificentiaque deditus tribus templis sup sumptu ædificatis patriam honestauit. Condidit autem peramceno in situ castellum structuræ elegantis, quod Malpagam appellauit. Ea in arce quum vixisset annos septuaginta sex, excessit è vita condito testamento, in quo senatum Venetum ex quadrante scripserat hæredem, ut congestarum opum inuidiam ea liberalitate redimeret. Statuit & sibi viuens sepulchrum ad aram maximam, apud quam marmorea eius effigies, & in tabula etiam

scitissimè depicta Bergomi conspicitur. Senatus autem ei meritò statuam
equestrem aeneam ad templum Ioannis & Pauli cum marmoreabasi erexit,
Petauina quidem magnitudine grandiore & luculentam, sed nequaquam
pari Verroci artificis felicitate fabrefactam.

A V G V S T I. Cocceiani.

Non sic Aeacidem Gracia Theſſalum
Non sic Annibalem aut Aſdrubalem ſera
Carthago, meritis tollet bonoribus,
Non ſic Scipiadæ graues
Panorum urbibus, urbs inclita Romuli
Quauis imperij trans mare terminos
Longe protulerint, regnâque Punica
Late ſub iuga miſerint.
Et contra madidos impius Annibal
Campos Roma tuoſanguine ſecerit
Cum præceps animi conſul ad Auſidum
Inſauſta agmina perdidit.
Et quamuis rapidus ſortis Achillei
Curruſ magnanimum traxerit Hellorem
Vnde omnis Phrygiæ concidit imperi
Speſ, & præſidium, ac Deus,
Vt te Cenomani maxime Coleo
Certant perpetuis tollere laudibus
Alpinaeque caput gentis, & hoſpitum
Cultrix Brixia nobilis,
Et montana tuis clara crepundijs
Natalique ſolo mænia Bergomi
Eſt patres Veneti, qui iuga neſciunt
Soli barbara perpeti.
Nam cum conſilijs bella ſagacibus
Et gladio forti Martus geſſeris
Gallorumque graues fregeris impetus
Niſcens effera prælia,
Nunc ardentis equi viuulus & ſerox
Stans dorſo ſtatua æternus in aenea
Pro templo, meritis par ut erat tuis
Geſtare bene publica.

GALEA

Galeacius Sfortia.



EX hoc Galeacio Sfortia qui decore formæ ingenij præstantia & perampla stabiliq; existimatione paterni imperij, principum maximè fortunatus, & ipso tantum vitæ exitu miser apparuit, non absurdè suspicari licet, aliquam omnino inesse vim occultioris fati in genitura hominum, omni humana prudentia potentiorē, quando hic nullo insigni maleficio, nulla impotentis, noxiæque superbæ acerbitate, nulla regendo imperio iniqua libidine, certum vel graue odium promeritus, immani paucorum familiarium perfidia, ex leuissimis offensionum concepta causis, improviso occiderit; scilicet ut ex felicissimo florentis ætatis ac imperij statu præceptus datus, seruituræ mox Italiæ, multo nostro cum luctu viam aperiret. Posuerat militiæ rudimentum in transalpina Gallia, eo missus à patre

cum veteranis copijs , vt Ludouico Regi inopinata præpotentum Gallie procerum defectione circumuento, opem ferret. Sed vix tum expugnatis quibufdam oppidis in Aruernos penetrarat, quum nunciata patris morte, per infestas Allobrogum gentes mutato sæpe habitu, Mediolanum redire coactus est. Præstitere fidem nouo principi, quam Francisco patris initus antea foederibus dederant, Veneti, Ligures, Florentini, ipſeque Ferdinandus rex Neapolitanus: quorum amicitia fretus, fauoreque item Blance matris, cuius humanitas ad gratiam amoremque parandum apud Insubres multum valebat, imperium domi & foris firmissimè stabiliiuit. Itaque splendidissimo rerum omnium apparatu vsque ad regalem fastum, principem egit integros decem annos, & vti ditissimi imperij opes sapientia patris amplificate constituteque tolerabant, magnificentiæ & liberalitatis studium, magnanimi Regis instar per omnes numeros extendit. Nam præter veteranorum pedum cohortes, alas equitum ex omni Italiæ nobilitate lectissimas, & perpetuis cum suis tum paternis stipendijs inueteratas, ea consuetudine in hibernis continebat, vt adulto Vere in campos produceret, solenni que lustratione inspectas, ad equestres ludos committeret, propositis quidem opimis præmijs, quibus concurrentium præstantissimè honoris causa ornarentur. Hoc equitatu qui duorum millium cataphractorum numerum superabat, nihil splendidius & comptius videri poterat, quum quisque lacinijs acu pictis & præaltis cristis, & equo vndique auratis bardis protecto esset conspicuus. Hippagiorum verò puerorum versicolore lacinia militares principis equos producentium atque incitantium, ea erat species, vt eius ostentationis admirabilis pompa, omnem vel externorum etiam principum apparatus magno interuallo superare crederetur. Par quoque apud eum erat totius aucupij & venationis instrumentum. Nam præter insignium canum multitudinem supra centena falconum paria in remotissimis ad Oceanum Borealem conquisita, tanto alebat studio sumptuque, vt in magnis porticibus eæ volucres canerij & peticis insidentes, mira cum voluptate spectarentur, quum ex his sedibus ad ornatum tela serica picta acu, squamosoque opere inaurati argenti refulgens dependeret, & volucres argenteis sonantibus pedicis vincerentur, & pileolos gestarent, quorum apices & gemmæ & vniones adornabant. Tota porro familia, quæ ex selectu nobilis iuuentutis per singulas ditionis vrbes accuratè habito, constabat, vt fides obles foret, pretioso amictu, elegantibusque munitijs exulta spectabatur. Nemo enim erat, qui laciniam purpurei serici, & phrygio opere ad argumentum principis depictam singulis annis non bis à principe dono acciperet; alerenturque omnes opiparè: hospites autem longè omnium luculentissimè. Ipse præter venatorias equestriumque armorum exercitationes, pilæ ludo tanta cum voluptate tenebatur, vt ingentis structuræ ædificia Mediolani & Ticini, cæterisque in arcibus ad vsum eius certaminis conderet. Erat id genus pilæ inflatus folli capitali magnitudine, qui armatis plumbea lamina pugnīs longissimè iactabatur, sic vt inde palmæ decus iurgiosa contentione, & multo cum sudore peteretur. Ceterum in serijs, recti & honesti amans, iustitiæ vsque ad seueritatem erat tenax, dabatque enixè operam, vt nihil in iudicijs esset venale, aut

ad gratiam corruptum, quando pœna inexorabili certissimoque præmio cuncta constarent, & vna præsertim annonæ vilitate, tanquam parato ad id populari plausu maxime lætaretur. Sublatis verò vndiq; latrocinij, castigataque licentia militari, & propagata apud cunctos ordines commerciorum securitate, ita amari simul & metui cupiebat, vt nonnunquam sordidi mercatoris simulato habitu discurrens per ditionis regiones, oblatos in via aut in diuersorij hospitibus simplicissimos homines, ad ferenda de principe colloquia pertraheret, eruendoque certissimos de se rumores, vtraque nominis sui fama frueretur; paratus vtique ad præmium exoluumdum, aut infligendam pœnam. Nam in Pado, Abdua, Ticinoque, custodes ad tractum linteribus præpositos, qui ab se precibus atque pecunia tentati essent, vt sine tessera properantem transfueherent, ex merito aut supplicij extremis, aut peramplis præmijs afficere consueuerat. Audiebas autem cum voluptate literarum & sapientiæ studijs præstantes viros, & benignè quidem attollebat: contendebatque graui sumptu, vt Ticinensè Gymnasium professorum celebritate, & studiose iuuentutis frequentia cæteris omnibus præcelleret. His artibus quum boni, splendidissimi que principis nomen tueretur, premebant eius famam intemperantis vagæque libidines. Nam ea tum erat ex multo ocio luxuriantis seculi condicio, in ipsis præcipuè nobilioribus matronis, vt totum pudicitie decus ab humanitate aulae alicnum prorsus & subagreste putaretur, ideoque princeps ad licentiam libidinis proclinatus, & iuuentæ vigore venustateque oris supra omnes spectatu dignissimus, procacibus sceminarum oculis & desiderijs cupidissimè deferuiret. Erat enim tum vulgatum inter sceminas, nullam ex principis concubitu fieri impudicam, earumque maritos, qui ineptis hirci videri possent, ita excellere aureis cornibus, vt dignitate cunctos anteirent. Per hunc modum Galeacius quum vndique beatus, arridentis fortunæ fastigium teneret, Allobrogico bello victor, è castris durissima hyeme Mediolanum redijt, vt Natalis Christi diem solenni hilaritate cum vxore & liberis atque amicis celebraret, coniuratisque simul in necem suam limen aperiret. Coniurauere diuerso animorum habitu Andreas Lamponianus, Carolus Vicecomes, & Hieronymus Olgiatus cubiculo principis adscripti. Andreas consumpto magna ex parte patrimonio propter rei domesticæ inopiam, superbie ipsius atque luxuriæ aduersam, turbido ferocique ingenio, res nouas moliri, quas ex eade principis certo sibi commodo cessuras, & coniurare omnino statuerat: ad audendum verò immane vsque adeo & periculosum facinus vehementer incitabat, illata sibi iniuria à Castellione Comensium antistite, à quo sacri latifundi possessione contra ius interrupta locatione, se periniquè spoliatum querebatur. Totum autem eius iniuriæ odijque venenum vertebat in principem, qui à se suppliciter deprecante eam contumeliam sæpe rogatus, aduersarium in extrahenda lite præpotentem, neque auertere, neque mollire voluisset. Carolus gentiliū suorum totius principatus fortunam ad Sfortianos delatam ægrè ferens, germanæ sororis probro quam Galeacius adamaret, atque subigeret, permouebatur, tantò indignantius, quod eam decore adulescenti, qui quæ gratis florem principi fruendum dedisset, conciliaffe & commu-

niſſe ſuſpicaretur. Principem enim in amore improbum, atque adeo im-
 pudentem plerique vel falſo exiſtimabant, vt alienæ libidini lenociniſ ob-
 ſequium lubens præbere crederetur. Olgiatum verò penè imberbem,
 leiſiſſimumque adoleſcentem inani ſpe parandæ gloriæ inflauerat Cola
 Montanus literarij ludi magiſter; ſi occiſo tyranno patriam in libertatem
 aſſereret; ſæpe Caſſios & Brutos in ſchola magnis extollens laudibus, qui
 gloria ducti pulcherrimi facti conſilium olim ſuſcepiſſent. Hic Cola quon-
 dam Galeacij pædagogus, dirum in principem odium conceperat im-
 potenti eius contumelia percitus, quod ille puerilium verberum nimis me-
 mor, poſtquam adoleuit, imperiumque ſuſcepit, ipſi Colæ tanquam inimici
 ſubagreſtiq; præceptor, acceptas olim plagas nudatis clunibus loro palam
 rependi iuſſiſſet. Huius Colæ diris cohortationibus coniurationem inchoa-
 tam ad exitumq; perductam fuiſſe, Olgiatus ipſe ex quæſtione perſcripſit.
 Igitur obſtinatis efferatiſque animis ad id patrandum ſcelus confirmati,
 principem inter frequentem cuſtodiam corporis diui Stephani templum
 intrantem, vt ſacris ſolemnibus intereſſet; circumſteterunt, abditis ſub ſini-
 ſtri brachij manica pugionibus. Primus à fronte Lamponianus in ſpeciem
 turbam dimouentis, porrigentiſque literas ſeſe inſinuans, nihil à familia-
 ri metuentem ad inſimam ventris partem perfodit; repetitoque icſtu læ-
 uum percuiſit tempus. Carolus autem & Olgiatus à tergo inermem lecha-
 libus plagis conſauciarunt, ſic vt vndique petitus à Deipara virgine fruſtra
 opem implorans repentè concideret, & expiraret; iuxta quem traiecto pe-
 ctore proſtratus occubuit Ripeus ex cuſtodibus prompſiſſimus, quum in
 percussores gladium ſtrinxiſſet. Per hunc modum cadente principe, exor-
 toque inde terribili tumultu, quum quiſque ad fugam metu percuiſus ſe
 expediret, tanta conſiſtatione procurſum eſt, vt multi è turba in templi ſo-
 ribus eliderentur; deſertoque ab omnibus templo ſacerdotes è ſacrario
 prodeuntes, tria tantum cadauera ſædato multo cruore pauimento iacen-
 tiareperirent. Nam procul à principe, Ripeoque, ipſius Lamponiani cada-
 uer ſolum lingua & dentibus commordens iacebat. Eum enim per me-
 diam mulierum turbam incuruo paſſu euadere conantem, ſatelles æthiops,
 cui Gallo fuit cognomen, adactò per imam ſedem lato haſtilis ferro con-
 fecerat. Cæterum ſacrificuli principem vt abluerent, in ſacrarium calenti-
 bus adhuc membris retulerunt. Lamponianus inſultantis plebis & puero-
 rum turbæ ad ludibrium conſeſſus, iniecto laqueo per cunctas vrbis regio-
 nes raptatus eſt. At Carolus & Olgiatus quum immixti effugientium tur-
 bæ, elapſique varias latebras quæſuiſſent, biduo poſt diuerſis in locis, quod
 tanquam execrabiles parricidæ à nemine vel propinquo reciperentur, ad
 teterrimum ſupplicium rapti ſunt. Olgiatus ipſe, mirum viſu audituque,
 veſana conſtantia obſtinatum animum in conſpectu carnificis gerens, leſe-
 que in ipſa morte confirmans, hæc contumaci ore protulit verba; Collige
 te Hieronyme, ſtabit vetus memoria facti; mors quidem erit acerba, ſed tor-
 mentum breue, atque eius fama perpetua. Hæc quidem digna viro forti
 videri poterant, niſi impium facinus inſeſtiua atque inhumana crude-
 litas eleuaret, quod pro tyranno, æquum bonumque principem, nec ab ipſo
 quicquam hoſtile meritum occiderit, ſcilicet vt diuturnum ciuibus
 ſuis

suis luctum ex infelicitate ad externos prolapsi principatus pararet. Hos etiam quod miremur in carcere versus pangere potuit, quos ad argumentum imperterritæ mentis quanquam rudes, huius Tragediæ elogio subiiciendos existimauimus.

HIERONYMI OLGEATI PER-
cussoris Galeazij Sfortiæ ducis Mediolanensis.

*Quem non mille acies, quem non potuere phalanges
Sternere, priuata Galeaz dux Sfortia dextra
Concidit, atque illum minimè inuere cadentem
Astantes famuli, nec opes, nec regna, nec vrbes.
Hinc patet humanis quæ sit fiducia rebus,
Et patet hinc seuo tutum nil esse tyranno.*

Cola quoque Montanus aliquanto post in alpiibus Bononiensium comprehensus, quod dira malignitate in principem percussores ad coniurandum concitasset, meritis sceleris pœnas dedit, quando eum Laurentius Medices inusitatæ immanitatis vltor egregius, latronum more laqueo necari iussit.

IOVII Iunioris.

*Quis te dira cohors furor? & quæ insania tanta
Impulit, horribili stimolata
Eumenidum rabie, & seuis agitata colubris,
Vt domini nil tale merentis
Corpus in egregium, crudam conuertere dextram
Auderet, scelerisque nefandi
Pro laqueo, & meritis pœnis, tibi præmia certa
Sperares, noménque perenne
Te non eximij iuuenis deterruit alto
Insignis reuerentia vultu,
Impia; sed nec te tenuerunt templa, nec ara
Nec superùm solennia sacra
Non (vt vere) ferum crudeli morte tyrannum
Conficis; at iustum innocuumque
Rectorem Insubri imperij, cunctisque colendum
Quo simul vnâ concidit onnis
Spes Italùm, longos semper lugenda per annos,
Scilicet vt nostros populatus
Vrbibus euersis fines in viscera nostra
Cum Gallo securet Iberus.
Vos vos ô Scyllæ, formæque tricorporis vmbra
Harpyæque, & vos Gorgones atra
Aridenti fontes animas immergite Auerno
Et stygio exercete flagello.*

Carolus Burgundiæ dux.



HIC qui seuera minacique fronte districto gladio, & coruscantibus armis conferere manum cupere, Martioque spiritu fulgurare videtur, Carolus est Sequanorum & Belgarum princeps, qui vi bellica, castrensi apparatu, magnitudineq; animi, non suæ modò, verùm superioribus etiam ætatis duces, sic antecessit, ut summæ gloriæ fastigium ascuturus crederetur, nisi eum arduis & audacibus innixum consilijs, immoderataque fortitudine quæque aspera aggredientem, turbulenta & insolens fortuna percussisset. Nam Philippo è Gallorum regia stirpe, cui Optimo cognomentum fuit, patre genitus, consanguineorum arma vsque adeò vehemens & ferox exercuit, ut Ludouicum XI apud Luteciam Parisiorum acerrimo circumuentum bello ad pudendam pacem redegerit, quum

quum ad montem Alerium ingenti edito prælio quanquam vulneratus, victor euassisset. Exinde Ludouicus dissimulata potius quam confessâ pacis necessitate, quod conspirationem multorum Galliæ procerum timeret, cum armato fœdus iecit, pudendum hercè, sed demum sibi & Galliæ utilissimum. Nam coniuratorum animi atque eorum arma repente conciderunt. Eo modo Carolus reconciliatus propinquo Regi, debellatis Eburnibus, Leodioque ipsorum vrbe ferocibus armis expugnata delataque, in Heluctios inauspicata arma conuertit, eo euentu, vt fatali sua peruicacia ex periretur, quantum interesset inter nobiles Gallos pro gloria pugnare, moderateque; vt victoria solitos, & agrestes qui ab insita animis Barbarie, cruoribus auidi de vna tantum vita cum hostibus dimicarent. Neque enim fas erat, qui Gallicam nobilitatem armorum strepitu, & nontinis fama contulisset, ab vllis omnino quam ab efferis egentibusque rerum omnium populis, quibus animorum peruicacia indomitum robur efficeret, frangi atque opprimi posse. Heluetij namque iure fœderis pro Renato socio Lotaringiæ regulo, quem Carolus oppugnaret, arma ceperant: quo bello vnam atque alteram ad Gransonem & Amoratam victoriam secundis præliis consecuti, ita Carolum superarunt, vt ille in primo exutus castris, impedimenta, totiusque exercitus opes, suamque in primis pretiosam suppellectilem amiserit; in secundo supra quatuordecim millia lectissimorum militum interfecta desiderarit. Ab his duobus detrimentis iratus & fremens, tertij certaminis aleam subire non dubitauit. Nam eum Nansœum oppidum oppugnantem pertinaciusque hærentem, Heluetij per niues ad soluendam obsidionem progressi adortique, quum ille incepto abistere indecorum putaret, inito prælio fuderunt, circumuentumque, nec agnitum trucidarunt, quum desertus esset à suis insigni perfidia Campobalsi Neapolitani, qui quum aliquando colaphum à Carolo insolenter accepisset, in id tempus vindictæ, patrandique sceleris occasionem distulerat. Fuere qui eum effugisse, & Mosæ pontem transiuisse affirmarent: quod diu in Burgundia creditum est. Verum puer è Columnia Romana familia cubiculo eius assuetus inter cadauera repertum à næuo lateris, enormique vngue dextri pedis, confirmante eius medico certius agnouit. Tumulatus est apud templum diui Nicolai in Lotaringia, sinibusque Mediomatricum. Reliquit filiam ex Lusitana vxore natam, quæ nupta est Maximiliano Federici Cæsaris filio, ex qua Philippus susceptus est, qui huius Caroli quinti Imperatoris inuictissimi pater fuit. Cæterum in Carolo id vnum ad summæ perillustriisque virtutis cumulum defuisse videtur, quod Genij sui caprum sensumque quam alienæ prudentiæ placita sequi maluerit, quasi arrogantis & elati supra æquum ingenij esset amicorum bene consulta contemnere, & contra, peculiari sententiæ semper adulari. Quæ res plerosque perdidit: Nam qui sua intemperantius amant obliti rationis, citissime præcipites dantur, vt reliqua sua omnia quum fata vrgent penitus euertant. Carolus enim nimio fortasse gloriæ studio adductus, virtutes quas in eo maximæ erant atque admirabiles, splendoris, munificentiæ, facilitatis, exactæque bello disciplinæ, & in pace pietatis, vna obstinatione animi, dum sibi irato acriter indulget, corrupisse videtur.

ELOGIORVM
PAVLI IOVII Iunioris.

*Vidistine vt Pyrrhi effigies armata sarissam
Vibret, & à summo spargantur funera ferro?
Vtque serus Lybicam contorqueat Annibal baillam?
Huc simulac conuertere oculos, fulgentiâque arma
Egregij ducis, & latè mucrone corusco,
Inspice turbatos vultus, spirantiâque ora
Martis adhuc tristes pugnas, atque horrida bella;
Flos olim insignes habitus, atque ora gerebat
Illum sanguineis quum formidauit in vndis
Et Liger, & trepidi spectator Sequana belli,
Infractæ Gallorum acies, & Belgica passum
Æmina letifera senferunt fulmina dextra.
Heu miser, heu nimium pugnandi dira cupido,
Heu laudis vesanus amor, quem Gallia diues,
Belgarumque omnes procerum tremuere cohortes
Contempserunt rudes populi, gens Barbara victrix
Funeribus statuit medijs, victumque tropæis
Expoliat cunctis, nudumque relinquit arenar.
Vix tandem inuentus parua requiescit in urna.*

Iulianus Medices



Æ C vera est imago Iuliani Medicis, qui magni Cosini ex Petro filio nepos, & Clementis maximi Pontificis pater fuit, à celebri pictore, ita scitè expressa, sicuti seniores testantur, qui viuentem viderunt, vt Clementem Pontificem toto oris habitu respondisse ad patris lineamenta viderimus. Euaserat Iulianus, quum adhuc viueret pater æqua gloria editis equestrium ludorum spectaculis, paribusque omnis elegantiae, comitatis, atque munificentiae muneribus, Laurentio fratri propè par; & quod natu minor esset, populari fauore princeps iuuentutis fuerat acclamatus. Capessens verò Reipublicæ munia, ea morum actionumque moderatione fratrem summis nitentem virtutibus æmulabatur, vt cunctis ciuium ordinibus esset carissimus, supraque cæteros ciues ipsi duo fratres mirè concordēs eminent, & Reipublicam paternis auitisque artibus feliciter administrarent; vtpote qui veteres opes, maiorumque perpetuam inter ciues existimationem validis affinitatibus, numerosis clientelis, & noua denique virtute corroborassent; distributis vsque adeo appositè ac sapienter Reipublice officijs, & collatis ad æquitatem honoribus, vt nullo cultu, nulla eminentiore nominis appellatione, supra ciuilem, nulloque deducendum comitatu à cæteris ciuibus differrent: sola tamen auctoritate cæteris omnibus præstare, & præclara virtute atque potentia ciuitatis principes censentur

bantur; ideo que fiebat vt studiosè colerentur ab his qui publicum bonum & ciuitatis tranquillitatem, omni veteri odio, aut nouæ obrectationi an-
reponendum iudicabant. Hunc in Medicæis fratribus non obscurum in ci-



uitatè principatum, vna gens Pactia ferre non poterat; satis quidènt cum
viris & cognationibus, tum etiam fortunis abundans; sed quæ esset iniori-
bus admodum superba & insolens, multumquæ auidâ pecuniæ sintul &
tenax, ideoque apud populum nimimè gratiosa, ac ob id in necem fratrum
conspiraret: quoniam vigentibus stabili authoritate Medicæis, nullum sibi
satis honestum in Republica locum relinqui arbitraretur. Erat familiæ
princeps Iacobus equestris ordinis, qui quum nulla virtute emineret, per-
petuò aleæ studio perditus, iræque præcipiti & contemptu superum puta-
batur infamis. Hunc impulerat Franciscus fratris filius ore pallens, ingenio
liuidus, & perpetuus honesti moris irrisor. Is Romæ nummatix negotia-
tioni assuetus Xysto Pontifici erat familiaris, à quò si fas sit de homine fa-
cro sancto non iniquè suspicari, nefarii consilij ratio omnis emanasse credi-
tur, scilicet vt Hieronymo Riatio, cui erat auunculus, maiores opes adstrue-
ret, quæ ei obuenturæ putabantur, si Florentinæ ciuitatis statum sublati-

Mediceis commutasset. Franciscus quoque Saluiatus Archiepiscopus Pisanus, nullam vel mediocrem ex literis probatisque moribus laudem meritis, utpote qui ambitu adulationeque, & prauis omnino artibus ad eum honorem contendisset, ex contentione sacerdotij acre odium in Mediceos conceperat, & ad Riarium, Pactiosque ipsos se totum contulerat, ratus pulcherrimum fore, patriam in libertatem vindicare, & purpurei galerii decus à Pontifice, vel execrabili nauata opera promereri. Quibus autem initijs, quouē exitu susceptum, patratumque sit id immane scelus, Angelus Politianus, summæ doctrinæ vir, ut qui cunctos atrocis eius Tragordiæ actus spectaret, peculiari Commentario, qui impressus extat, luculentissimè perscripsit. Nos atrocissimi eius editi facinoris summam tantum attingemus, ut bonis mortalibus præclare constet, superos impiorum vindices solere esse certissimos. Igitur coniuratione diu antea Romæ secretis deliberationibus agitata, & Florentiæ demum in Montughio Iacobi Pactij suburbanis instructa, Raphael Riarius Cardinalis è Gymnasio Pisano Florentiam vocatur. Specie quidem inuisendæ pulcherrimæ atque ornatissimæ vrbs, verum ut coniuratorum animos præsentis personæ autoritate confirmaret, quanquam vri planè iuuenis, captuque ingenij parum grauis, tantæ rei constituere ignarus esse putaretur. Egere Pactij multo astu, ut is à Mediceis fratribus in Fesulanam ipsorum villam honoris & iocundæ voluptatis causa ad conuiuium vocaretur, ut ibi ambos fratres inter hospitaes mensas trucidarent. Sed quum Iulianus ex molesta pituita impeditus interesse nolleret, deieci ea spe, rem ad sacra, quæ ex festo Solis imminabant, in ipsumque templum maximum reiecerunt, in quod ambos fratres tum religionis, tum honoris causa erga Cardinalem omnino conuenturos iudicabant: Conficiendi autem negotij munia inter se eo ordine dispartiti sunt, ut Franciscus Pactius, & Bernardus Bandinus obruncandi Iuliani partes desumerent, Antonius Volaterranus cum Stephano Pactiorum pedagogo Laurentium aggrediretur, accepta tum ex conducto ad distringendos gladios tessera, quum medijs in sacris seruatoris Christi hostia sacerdotis manibus attolleretur. Antistes verò ipse Pisanus cum Iacobo Poggio, & Saluiatis propinquis suis, fidaque clientium occulta armatorum manu in speciem salutandi vexilliferi curiam occuparet. Iacobus autem cum equestri dignitatis, tum ætatis honore conspicuus, vbi patrata fratrum cedes esset, equum conscenderet, & armatis clientibus septus per forum discurrens, populum vocaret ad libertatem, & Saluiatis curiam occupantibus vires adiungeret. Iam coepta erant sacra concinente sacerdotum choro, & tesserae tempus instabat, quum Pactius atque Bandinus deambulante Laurentio, Iulianum oculis frustra requirerent. Quapropter ad Mediceam domum conuolarunt, ut in Iuliano omnem prodeundi moram, iocundis adhortationibus abscinderent, nunciantes quasdam formosas, adamatque nominis matronas in templum peruenisse. Itaque viri efferate mentis, quod mirum est, hilari vultu aptè compressa perfidia, Iulianum retardante fato segnius se expedientem, medium honoris causa, & insertis iuuenili comitate subter humeros brachijs in templum deducunt, pauloque post vnâ deambulantem ad tesseram repente districtis siccis circumfistunt. Bandinus medium sub papilla transfodit, cadentique illico incumbit

cumbit Pactius, & ferro in ventrem & iugulum adacto conficit, vsque ad eo atroci & feruida manu, vt crebro reperens ictus seipsi in genu præalto vulnere conflauiret. Bandinus quoque furiosa mente Norium Iuliani familiarem obruncat. Sub idem temporis punctum Laurentij percussores incondito impetu illum adorti, vnam tantum, neq; lethalem ad iugulum plagam infixerunt, quod is præsentī animo educto statim gladiolo, & reiecta, intortaque ad leuam chlamyde, constantissimè se defenderet, & ab amicis in proximum sacrarium duceretur, vbi obseratis foribus ab imminente Bandino seruatus est; atque inde obligato vulnere, stipante armorum amicorum caterua domum deductus est; sæpe sciscitans, an frater esset incolumis, & ne Cardīnalis violaretur edicens, quē, līncti sacerdotes in eo tumultu custodiebant. Dum hæc fierent, perculsaque metu omnis turba diffugeret, & terribili strepitu tanti tumultus, templum corruere videretur, Pisanus Antistes cum suis, Curiaē scalas ascendit, postulatque à ianitoribus, vt ad vexilliferum, ad quem haberet mandata Pontificis, admittatur. Is erat Cæsar Petrucci, & tum fortè cum Decurionibus, vt festo die sæpe accidit, tempestiue prandebar, admittantibus conuiuiū importunum hominis aduentum, quod ea hora feriis colloquijs aliena prorsus, atque inepta videretur. Sese tamen Cæsar ē mensa celeriter expedit, cumque exceptum in suam deducit cellam. Vix cepto colloquio Cæsar in Antistite perplexa & malè coherentia verba, obliquo item obtutu oculos inconstantes, & vultum magni euentus expectatione suspensum animaduertit, atque inde insidias spectat, relictoque in cella Antistite, ad Decuriones foras se proripit, & sublata voce, ministros Curiaē assuetos aduocat, atque item apparitores cum argenteis clauis, priscorum lictorum more summum Magistratum præeuntes, & vt erat egregie forti atque expedito consilio, Poggium arreptum crinibus solo deturbat, & in superiore turriculam cum Decurionibus properè se subducit, arreptoque veru ē proxima culina, scalse aditum tuctur. Magno autem miraculo accidit, vt consurgentibus vndique ad opem ferendam ministris, coniurati & Perysinorum exulum manus Antistitem secuta, diuersis in cœnaculis Curiaē includerentur, obserantibus sese vltro valuarum feris, quæ sine peculiari clauē aperiri non poterant. Quo casu quum diducti, nec consensu valerent, nec collatas in vnum vires ad conandum haberent, cuncti per partes ad vnum omnes præeunte Poggio clarissimi Oratoris filio; iniectis laqueis ē fenestris præcipites dati sunt, vsque adeo iratis & furentibus omnium animis, vt præcis primorum capitris ad singulas columnellas, secundis & tertijs suspendio locus pararetur, & præcipitata cadauera plebs cruoris & præde auida dispoliaret, & in frustra concideret. Iam enim populi fremitus aream occupantis; vulgata Iuliani cæde, ad Curiam peruenerat, magnoque studio plebs Mediceis fauens, prodigores, occupatoresque Curiaē, ad supplicium deiici deposcebat. Interim Franciscus ipse Pactius, ē domo Iacobi patris nudus extractus, delatusque in Curiam, quum neque hīceret; neque contumaces oculos attolleret, iniecto laqueo ē fenestra suspenditur. Nec multo post cum Pisanus ipse Antistes, totius inauspicatæ coniurationis seriem perscribere iussus in eadem lintea stola sacerdotali, ita longiore capistro præceps datur, vt Pactiano cadaueri coherent, papillam rabidis dentibus appetere,

ret, in eoq; atroci indignantis & fugientis animę habitu, ridentibus oculis, meritis concepti sceleris pœnas daret. Eandem quoq; sedē necis sortem tulere duo Iacobi Saluiati, quorum alter erat frater germanus, alter patruelis. Iacobus verò ipse Pactius, qui armatus in equo ad aream Curie procurrebat, vt populum ad libertatem vocaret, quum ab optimis ciuibus irrideretur, & cū summa Curie corona lapides in eum iacerentur, incitato equo Cruciana porta sese eiecit, biduoque post à Montanis agrestibus in fuga captus est, Florentiamque perductus, vbi de scripto expressis coniurationum nominibus fœdissimæ necis supplicium tulit, vsque adeo in eum concitata plebe, vt sepulturæ honore indignus putaretur; hisque tumulatus, semel in templo, iterum in pomerio, indeque erutus, quod supremas Christianæ pietatis cohortationes, sese itidem Cacodæmoni impię deuouens, reieciisset; diu à pueris per urbem raptatus, in Arnum traheretur. De Renato quoque Pactio, qui ad armandos agrestes in Mugellanam villam præcellerat, par supplicium est desumptum; retractusque etiam est ex fuga Montescicus, qui Hieronymi Riarii familiaris, militiæque peritus, totius coniurationis erat conscius. Is ab initio interficiendi Laurentij partes suscepit, sed eius postea hominis virtute atque admirabili humanitate ex multis colloquijs delinitus, eam eadem vti in villa promississet, in templo se patratum pernegarat; scilicet ne homicidio detestabile sacrilegij scelus adderetur, proptereaque vnus omnium honestiore dignus supplicio, securi percussus est. Laurentij quoque percussores, qui triduum in Cœnobio latuerant, nec à cucullatis prodebantur, latebra extracti, detruncatis naso atque aatribus, eandem latronum more laquei pœnam tulerunt. Reliqui Pactianæ familie in carcerem coniecti sunt; vnusque omnium Guliermus, qui Laurentij sororem in matrimonio habebat, in villam impetrante vxore, relegari meruit; & Raphael Cardinalis ab omni iniuria & contumelia in honorem Pontificis seruatus est. Hanc in vindicanda atrocissimi sceleris audacia, senatus seueritatem vel ipse Barbarus & nostræ religionis hostis, Baiazetes Turcarum imperator insigni religione probitateque comprobauit, quum Bandinum ex fuga elapsum Constantinopolim, deposcenti Laurentio, tanquam parricidam, & impium templi violatorem ad supplicium tradidisset. Atque ita ille cunctis damnatus gentibus ab eadem fenestra laqueo suspensus, iustum ciuibus vindicatæ scritatis suæ spectaculum præbuit. Neque Hieronymus Riarius coniurationis author, vltiores Deos diu fefellit, quum apud Foroliuium, oppidanorum conspiratione, in mensa trucidatus, & per fenestram in forum præcipitatus, vel seras nefariæ malignitatis suæ pœnas expenderit.

P E T R I A N G E L I I Bargxi.

*At, o Deorum quisquis in cælo soles
Nefanda sepe facta vindex persequi,
Nec ferre inulta, perfidi num Pactij
Dedere sat superque panarum tibi?
Cum Iulianum patria nouum decus
Quinere templo in ipso adorti occidere
Nil suspicantem tales, cum fœdissimè*

Turpata

*Turpata fuso permaderent sanguine
 Sola ipsa Fani, limina, atque altaria.
 Nanque haud furentis hercle senos impetus
 Fugere Plebis, haud latèbris abditi
 Cavere dexteræ piorum vindices.
 Non & paratam Thracj regis fidem
 Sensere; nam cum Barbarus tantam luem
 Perhorruisset, execratus patriæ
 Remisit vsque ab ultiâ Propontide.
 Inferta quare plurimis cadavera
 Collum capistris ciuitas letissima
 Spectauit; illa nec miserta fontium.
 Quin insepultus horridus, nudus, lacer,
 Canesque, anesque pavit, & pisces, datus
 Præceptis in amnem, manibus Iuli tuis,
 Bandinus ille, perditus sicarius,
 Bandinus ille, Thracium quem Bosphorus
 Vti piaculum, & scelus teterrimum,
 Exsternauit impium & nefarium,
 Suisque longe deferendum à fluëlibus.
 Sic, ô rubentis Iupiter vindex, tua
 Vt iura discant colere, discant legibus
 Parere certis, temnere & quid sit Deos,
 Puni cruenta perfidos vi dextera.*

BENEDICTI Varchij.

*Nam quis te liuor? quæ te tam dira furentem
 Patrandi sceleris rabies, regnare parandi
 Ambitio, patrios tecum euerfura penates,
 Impulit effera gens furijs vlttricibus olim?
 Vt iuuenem florentem opibus, virtute decorum,
 Conspicuum forma, dulci granitate verendum,
 Præstanti insignem eloquio, nil tale merentem
 Incautum, ante aras, & Dys spectantibus ipsis,
 Aporssa (insandum) media testudine templi
 Allectum blande, prætentatiùmque dolose
 Conficeres, ferro toties per pectus adaçto?
 Et clarum obscuro sedares sanguine fratrem,
 Totius Italia simul absumptura salutem?
 Hæu facinus nullo delendum tempore, nullis
 Aequandum, non vlla vnquam sat cade piandum.
 Impia corda, inmanis secla, inmitia fata,
 Fata malis hominum gaudentia, quid mage senum,
 Damnosumne magis vidit sol? Castore leso
 Occidit Ausonia Pollux, columenque, decusque,
 Et si non aliud, Medice spes altera gentis,
 Clementisq; pater, totus cui paruit orbis.*

Mahometes secundus

TVRCARVM IMPERATOR



HOC atroci, vereque Tartarico recedentium oculorum obtutu, malignoq; pallore buxci vultus, & enormi contingentium labra, narium curuitate, Mahometes fuit, quem Turce, non modo ceteris Othomannis superiorem, sed exaquantis vitis atque virtutibus, Alexandro Magno parem volunt. Nam rerum gestarum gloria, & magnitudine animi cum progenitores, tum cunctos qui eo seculo maxime florent, cogniti orbis reges, vel qui postea his sexaginta annis regnarunt, proculdubio superavit. Natus erat ex Despoti Scruia filia, quæ puerum Christianis præceptis & moribus imbuerat: quorum mox oblitus adolescendo ita ad Mahometis sacra se contulit; vt neq; hos, neq; illos ritus teneret, & in arcano

cano prorsus Atheos haberetur; utpote qui vnum tantum bonæ Fortunæ numen coleret, quod præclarè conciliari viuida efficacique animi virtute prædicabat. Itaque nulli addictus religioni, cunctorum hominum accuratas de dijs, tanquam humana nihil curantibus, cogitationes irridebat; eo animi decreto, ut nullum vnquam ius amicitie aut foderis, nisi ex commodo, exceptaque ad proferendum imperium occasione, colendum atque seruandum arbitraretur, & rem bellicam vsque adeo enixè & liberaliter curaret, ut cuncta munia, vetere Græcorum lege ad pœnam & præmium reuocaret. Præcepta autem maiorum ex disciplina militiæ constituta, quibus illi tantum imperium peperissent, pleraque emendando, augendoque, uti opus foret, nouis artificijs, ac ampliore omnis generis armorum apparatu exaggerabat. Primus Othomannorum naualia instituit, quod maximum apud antiquos in classe ad omnes res gerendas momentum, positum esse intelligebat. Qua vna re Venetorum vim mari ab antiqua laude insuperabilem, postea contempsit. Sed primum eius, & nobilissimum bellicorum operum fuit, Constantinopolis terra marique fortiter expugnata, cæsoq; Constantino supremo Græcorum imperatore, antiquissimum Græciæ imperium funditus euersum. Exinde Peloponnesum ingressus, Græcorum & Venetorum copias secundis prælijs deleuit, hexamylisque murum à Venetis in Isthmo magno sumptu & longo labore restitutum, ex vsu victoriæ totum diruit. Nec multo post Eubœam insulam expugnata Chalcydè Venetis ademit, atque item Lesbum deleta propè Mytilenæ vrbe.

Tanto verò apparatu Illyricum adortus est, ut Stephanum Bosnæ regem, laiza vrbe, totoque regno expelleret, & occideret. Eodem quoque terrifico impetu in Epirum descendens, Croiam vrbem, quam pater Amurathes frustra oppugnat, atque item Scodram expugnauit; Homaremque & Malcoccium duces per Dalmatiam ad Euganeos vsque penetrare iussit. Quibus irruptionibus graue vulnus Venetis est inflictum, cæso à Barbaris ad Soncium annem Nouello eorum imperatore. Eisdem quoque immanium cædium & incendiorum clades Stiriz & Carinthiz gentes, ad quas Barbari deflexerant, senserunt. Pannonijs quoque arma inerte ausus, Belgradum in prosperè tentauit. Mox ad septentrionem conuersus, in ipsa Taurica Cherfoneſo, Theodosiam quæ Capha dicitur, Bosporani regni caput, Genuensium coloniam occupauit, & Trapezuntium imperium ad Euxinum euerit; Caloianne & Dauide fratribus è regio sanguine captis & interfectis. Exinde tot partis victorijs, ad Orientem est conuersus.

Pyrametoque Ciliciæ rege debellato, & regno eius in prouinciam redacto, aduersus Persas, offensus Vsumcassanis noui regis felicitate & gloria, ad Euphratem Othomannica signa promouit: eo belli euentu, ut ipsum Vsumcassanem multis indyctum victorijs, vno præsertim tormentorum apparatu ad Arsengam superarit. Erant vtique ea quæ gesserat per ampla timendaque finitimis, quum insatiabili gloriæ cupiditate concitatus Rhodum inuadere, ac simul Italiam rerum quondam dominam adoriri: atque item coacto ingenti tertio exercitu, in vltiores Persas penetrare constituit. Itaque nullus est ad oppugnandum Rhodum cum valida classe Mesithes purpuratus, è gente Palcologa; In Italiam autem Acomathes, cui

ab exciso anteriore dente Gendico cognomen fuit. Hic ab Aulone in Salentinis traſſiciens, Hydruntem expugnauit, ſummumque inde terrorem toti Italix intulit: ſed diſpari euentu Meſſiches Chriſtianæ militiæ vim, cum Rhodi mœniâ tentaffet, infeliciter expertus eſt: quum interim Mahometes aduerſus Perſas ire pergens, apud Nicomedie lacum repentino inteſtini dolore correptus, extremum vitæ ſux diem, tridui cruciatu feſtinata morte abſoluit, anno ætatis quinquageſimo tertio, imperij autem trigefimo ſecundo, magno quidem Chriſtianorum commodo. Nam Acomathes, qui amplius ſeliquiannum circumſuſa Chriſtiana arma contempſerat, cognita imperatoris morte, cum ſupplementa nouarum copiarum præſidio in Italia expectaret, interrupta ſpe ingentis victoriæ, mœrens & gemens exceſſit. Cæterum Mahometes, qui impietatis apud ſuos, apud noſtros verò perfidiæ & inhumanæ crudelitatis notam ſubiit, hanc ſaltem confeſſione omnium certam laudem à Barbaris repudiatam, non inuulſe tuliffe exiſtimatur, quod ei literarum, & præcellentium artium decus cordi fuerit: quando cunctas clariſſimarum gentium historias ſibi verti in Turcicam linguam iuberet: vt inde hauſtis militiæ præceptis, actionum ſuarum diſciplinam, exemplorum varietate confirmaret, & præclaros artifices pictoresque præſertim inſigni liberalitate complecteretur. Nam & commentaria rerum ab ipſo geſtarum à Liberto eius Vicentino conſcripta legimus, veraque eius imagine ſunius poſiti, quam Gentilis Bellinus è Venetijs Byzantium euocatus pinxerat, quum ibi regiam multis tabulis rerum nouarum ad oblectationem iocundiffimam reſcriſſet.

LEONARDO Griffij (vt fertur.)

*Qui vici innumeros populos, tot regna, tot vrbes
Solutus & immenſi qui timor orbis eram:
Me rapuit quæcunque rapit mors improba: ſed ſunt
Virtute excelsa ductus ad aſtra tamen.
Maior Alexander non me fuit, Annibal & non,
Fuderit Auſonios tot licet ille duces.
Vici victores Danaos, domuique feroces
Caonia populos, Samromatasque truces.
Pammonius ſenſit quantum ſurgebat in armis
Vis mea, quæ Latio cognita nuper erat.
Aſſacida ſenſere manus has, ſenſit Arabsque,
Et mea ſunt Perſe cognita tela duci.
Mens fuerat bellare Rhodum, ſuperare ſuperbam
Italiam: ſed non fata dedere modum.
Hei mihi, nam rapuit mors aſpera quæque ſub alto
Pectore conſideram, vertit & hora breuis.
Sic hominum faiſtus percutit, ſic ſtemmata, ſicque
Imperium, atque aurum, quicquid & orbis habet.*

Federicus

Federicus Feltrius dux Urbini.



Hic est ille FEDERICVS Feltrius Urbinatium princeps, qui in spectaculis equestrib. ab ictu lanceæ dextro orbatu oculò, iniquam honestissimo ore deformitatem præferebat. s. ab adolescentia datus in contubernium Francisco Sfortiæ, totam Sfortiæ militiæ disciplinam ita hausit, ut quum in eo certissima magni futuri ducis indoles excelleret, ab iniuncto Imperatore ex fratris filia petierat ascisceretur. Hunc militari & demum Imperatoria florentem laude, usque adeo patrum nostrorum ætas admirata est, ut eum priscis illis ducibus, qui ab eodem orbis incommodo summæ virtutis opinionem & famam sunt consecuti, non temere compararet, quod singulorum peculiâres quasdam virtutes æmulari, argutissimoque ingenio decerpere videretur. Nam quæ propria

Philippi Macedonis laus fuit, multo consilio bella suscipere, multoque maxima celeritatis vehementia conficere; oborientes rerum casus ad rationem flectere; nouas semper occasiones ad alendum bellum aperire; frustrari longa mora hostes, eorumque praefectos pecunia saepe tentare, & commendicijs literis suspectos & inuitiles reddere, probè didicerat. Astutijs porro, planeque Punicis artibus Annibalem aequabat, quo nemo unquam callidius insidias tetendisse, nemo peritius instruxisse aciem; nemo arma promptius atque ferocius expedisse traditur; quando etiam in toto rei bellicae negotio subitæ inexpectataeque prudentiae mira laus effulgeret, ei profectò persimilis, quæ in Romano Sertorio viguisset. Nam praecipere imminentiũ hostium consilia; munitiora loca castris antecapere; hostes imagine committendæ pugnae distingere, diuque ludificari, ac fatigatos demum longi laboris atque vigiliae mora, ideoque vinci paratos, peracri repentinoque impetu inuadere consueuerat; sic vt non omnino sit mirum si qui octies collatis signis confixisse traditur, his tantum aequo Marte pugnauerit, quum sexies victor profligato atque exuto castris hoste triumphalem lauream retulerit. Cæterum bello & pace enitebat in eo ingenium graue admodum, sed sine vlla seueritate, quando in omnes lenem mitemque esset, sine mollicie, & nusquam ad contumeliam iracundum. Facundia valuit efficaci, atque apprimè temperata, qua neminem offendens cunctos modestiæ & probitatis admonebat, potius quàm acerba increpatione castigabat; utpote qui milites ingenuosque praesertim, pudore, certius quàm poena metu in officio contineri praedicaret. Eum porro militiæ morem tenebat, vt Tirones equites, quos ex nobilissima iuuentute instituebat, ad parandum decus semper accenderet. Ab his autem quos alacres & gloriae audios fore prouidebat, hoc sibi vnum praestari postulare erat solitus, vt quum in conspectum hostium deuenirent, non prius eorum aciem reformidarent, quàm in eam audacter & fortiter primas hastas confringerent; quo impigre facto, si ita videretur vt secunda pericula vitarent, cum demum equos reflecterent. Nihil enim ipsos ex eo receptu vel pudoris, vel ignominiae subituros. Dux nanque praeliorum & eius saeculi morum exitus peritus, existimabat ad primos impetus plerumque parari victoriam, qui longè vehementissimi ab effreni, & ætatis vigore concitato milite quum à veterano decurione inducitur prouenire consueissent. Multis siquidem militiæ exemplis compertum habebat, Tirones vti nondum duri Martis pericula expertos, ab incòsulta ineundi praelij cupiditate, quòd hostem elatis animis facile contemnunt, vehementer & plerumque insuperabilem vim afferre; sic vt eam perturbata primo impetu aduersariorum acie, quæ non facile reparari atque restitui queat, coepta semel victoriæ secundissimus euentus continuò subsequatur. Hanc in eo perpetuam bellicæ laudis existimationem splendidissimè cumulabant literarum honores & magnificentia studium. Nam qui Prætorium laxitate & structurae elegantia Urbini ædificarat, in eo etiam Bibliothecam condidit, codicibus disciplinarum omnium refertissimam; existimabatque nihil esse alienius & turpius in bono principe, quàm nescire literas, cuius incommodi focerum, eundem atque nutrimentum maximè poenitere memoria teneat. Raptus est
faro

fato suo, quum Herculein Atestinum aduersus Venetos formidiosa Ferrariensibus arma inferentes, oppositisq; Stellatam oppidum copijs tueretur. Ex his enim locis à Padana aura insalubribus, & palustri solo damnatis, letalem concepit morbum, quem iam planè senex diu ferre non potuit: eo fortè die moriens, quo Robertus Malatesta post relacam ad Xystum Pontificem de Alfonso Aragonio ad Velitras profigato triumpho lauream in Vrbe visa excessit.

PETRI ANGELII Bargi.

Artes si docuit Punica gens suas
 Captantem insidijs Annibalem duces;
 Si praestante Philippus
 Fudit consilio hostium
 Inuictas acies: si sapientia
 Sertori potuit bellica cadibus
 Non vnica legiones
 Affecisse Quirinum:
 Ingenti quoque te Sfortia gens suo
 Astu, consilioque & sapientia
 Instructum bone Feltri
 Bellis praeficere horridis
 Quirit. sic similes quos Dea praepotens
 Orbatos oculo fecerat altero,
 Virtus ipsa coegit
 Inuitos tibi cedere.
 Cui praeter decora haec maxima, maximas
 Reddunt Aoniidum numina gratias,
 Cultiq; ripa Metauri
 Et fluxu Tiberis rapax.
 Dum terga igitur conteget undique
 Caelum, cum Latia Gracia nobili,
 Quod viuit tibi semper
 Se debere fatebitur.

rique ludo adolefcens prodijt, incredibili prosperoque ſemper curſu, ſingulorum ordinum honores percurrit atque promeruit, creatuſque demum Diadarius, qui eſt ſummæ præfecturæ honos, cum multis fortibus factis, tum varijs in aulæ primates obſequijs, latè gratiam coeuentu adeptus eſt, vt in comitijs inter multos vel egregiè fortes & gratioſos fruſtra ambientes, ſuffragijs victor, & rex, & Sulthanus acclamaretur; neque de ſe rectè conceptam efficaciffimæ virtutis opinionem vſq; ſeſellit: in hoc vnum ſemper intentus, vt inſtaurata milicia, quæ longo æuo emaruiſſe videbatur, veteres equitum alas lectiſſimis ſupplementis corroboraret, & in expeditionem educeret. Legebantur autem ex ipſo præcipuè Circalſiorum genere, iuuenes acerrimi & robuſtiſſimi. Eius enim gentis homines toto habitu maxime lacertoſi, validos artus, imperterritas mentes, & tolerantia omnis laboris corpora ad militiam aſſerebant. Circalſij nanque ſqualida in regione, rerum propè omnium inopes, luxuriæque propterea proriſ ignari, & Aquilonis flatibus obiecti, perpetuoque rigentes gelu, ita prædatoribus Scythijs expoſiti ſunt, vt mortalium miſerrimi exiſtimentur, & captiuitatis iniuriam non magnopere doleant, nec parentes perpetua damnati inopia, interceptos liberos diu lugeant, quando etiam filios & propinquos ab ipſa ſtatim infantia paruo pretio mercatoribus diuendant, à quibus pueros ideo expeti perſuaſum habent, vt honeſtos milites, præclaros duces, & ſi ita fati ſors vehat, maximos reges efficiant. Circalſij populi cum Euxini maris tractum incolunt, qui à Colchis atq; Mengrellis ad Boſphorum contra Tauricam Cherſoneſum extenditur: ea porro lege atq; his cerimonijs Chriſtum Deum adorant, quibus Moſchi & Roxolani Græcorum ritus ſequentes vti ſolent. Cæterum Caythbeius eſt ſordidiſſimo loco à prima pueritia Memphim perductus, atque inſtitutus his moribus atque artibus, quibus Mamalucchi equites certatim incumbunt, ad ſumum rerum faſtigium peruenit. Vbi verò primis comitijs ſine vlla repulſe ſuſpicionem rex extiit, & per Caliphum ſacrorum principem deſumpto Sulthani titulo, more gentis conſacratus eſt, nihil omnino antiquius habuit quàm proferre fines, imperij limites armis tueri, Arabumque præſertim infeſtas manus repellere, debellare contumaces, & neminem aduerſum ſe inſoleſcere pati. Magnanimo nanque & potentiſſimo finitimorum Arabum impudentis audaciæ latrocinia validis armis vindicanda videbantur, & Perſæ qui ſæpe repentinas in Comagenem & Syriam irruptiones fecerant, Euphratis tranſitu deterrendi; reprimendaque item Othomannorum arma, quæ formidoſa erant Syriæ ad Illicum ſinum finitimis, quòd Turcæ præſides Ciliciæ, nuper ſublato rege Pirameto in Prouinciã redactæ, veteres fines tranſſire, alienaque inuadere arroganter auderent. Itaque tribus bellis ingenti animo ſuſceptis, parique fortuna conſectis, Arabes nequiquam ſe longa fuga eripientes, iuſtis affecit cladibus, antiquiſque eorum domicilijs & ſedibus latè expulſit; eo rerum euentu, vt ad vnum omnes reguli Arabes, atque his penixti Mauri & Aegyptij, qui regiones inter & Nilum, dextrum Rubri maris littus incolunt, ſeſe conferre ad authoritatem Memphici regis & tributa pendere cogerentur. Perſæ quoque duobus tumultuarijs prælijs uſi, vltra Euphratem in Meſopotamiam pellerentur, & in Cilicia Mamalucchi ad Tarſum caſtrametantes Turcas adorti, capto Cher-

feogle purpurato, qui Baiazetis erat gener, clarissimam, de inuicta gente victoriam retulerint. His secundis successibus, quum Memphitici imperij fines ad occasum per Africam vsque ad Cyrenem extendisset, in repentinum atque inexpectatum, ideoque grauissimum bellum incidit, conspirantibus scilicet subseruis Aethiopibus in Mamaluchorum caedem, planeque rebellantibus: quibus magna multitudo Arabum, & Aegyptiorum, tædio præduræ seruitutis se coniunxerat. Sed Caythbeius expedito equitatu turbam nequaquam militaribus armis, sed oblati tantum casu atque his inualidis armatam telis, quanquam contumaci spiritu sese in libertatem vendicantem, per partes aggressus nullo labore disiecit, atque perdomuit. Ab eo diuersorum præliorum cruento exitu, magnus Aethiopum numerus, comunicatæ perfidiæ pœnas dedit. Pars verò eorum ferme tertia compedibus est reuincta, vt qui nusquam ipsum verè libertatis bonum experti, emptique pretio fortibus dominis seruire condiscerent. His rebus gestis Caythbeius plenus gloria, & apud nostras gentes pari virtutis atque fortunæ illustri fama, Sulthanorum clarissimus euasit. Nam is est qui externæ amicitiae appetens ad proferendum nomen Laurentio Medici Camelopardalim dono misit. Id animal præaltis anterioribus cruribus, cum humiliora terga, breuesque suffragines haberet, ceruinumq; caput ab erecta rigidaq; ceruice, duobus insigne corniculis dorsum eius candidis in orbem maculis in ruffo colore dispersis, mirè variegatum spectaretur, vt prorsus innoxium, non Ecuriæ modò, sed toti Italiæ diu mirabili spectaculo fuit, vtpote quod ab ipsis vsque Romanis temporibus Italia non viderat, quum in extremis Aethiopiæ regionibus ad Nili fontes difficillimè capiatur. Simili quoque munificentiae studio paulò antè ad Galeacium Sfortiam Elephantem perdomitum, & Tigridem oblongis atris virgulis maculosam, ab insita feritate terribilem dono miserat: quas belluas pictura eleganter expressas in arce Mediolani hodie etiam spectamus. Cæterum senescentem Caythbeium Multibes vxor Arabici generis, ideoque ambitiosi spiritus mulier, perpetuis adhortationibus perpulit, vt Mahometem filium imperij hæredem relinqueret, antiquata scilicet ea lege, qua filius patri successor esse vetabatur, quum Aegyptios reges vetere maiorum instituto nequaquam obseruata successione liberorum, sed communibus equitum suffragijs creari mos sit; eadem penè iuris formula, qua Romæ summos Pontifices à Senatoribus in Comitio creari constat. Nec defuere Proceres, qui ab impudenti adulatione Reginae consilij assentirent, multa vtique corrupti largitione, quum essent ex eo numero, qui nullam gratiæ spem pro se in comitijs habituri viderentur, extraque sortem petitionis positi melioribus, vt sæpe fit, tanti principatus fortunam inuiderent. Itaque primarum classium principes abrogata comitali lege, nouum decretum intulerunt, ad nutum imperiosæ & satagentis Reginae promulgatum, quod non inepta æquitatis & exempli ratione, cunctis ferè probaretur. Id non erat omnino absurdum, quoniam fortissimo principi, atque optimè de Republica merito, & ægrè conceptum ex senectæ vitij morbum sustinenti, adiutorem dandum censebant, qui ingentia curarum pondera in patre, recentibus viribus subleuaret; sicuti antea maiores suos Saladino Sulthanici imperij conditori ad honestissimum posteritatis exemplum tribuisse meminerant. Nec multo

multo post Mahometem viginti quatuor annos natum ab eximia pietate, patris adiutorem, & consortem imperij nouis appellationibus salutarunt. Sed ab excessu demum Caythbei, qui damnatae quorundam procerum rumoribus adoptioni, non diu superfuit, Mahometes non multum ea inauspicata hereditate letatus est. Nam Mamalucchos dolore ereptae suae sortis, interruptaeque praerogatiuae iniuria perculsos, dira intestini belli rabies ita inuasit, ut Mahomete interfecto, quatuor secundum eum principes creati, paucorum mensium spatio turbulentissimis comitijs trucidarentur: eo anno, qui fuit à partu virginis supra millesimum & quadringentesimum, nonagesimus sextus.

PAULI IOVII Iunioris.

*Si quondam Hesperio quos misit Batis ab orbe
Dalmatae, aut Lybies Mauris circumfusa tellus
Aeneadam fasces, Capitoliâque alta tenentes
Ostipuit populus Latialis, & inclita Roma
(Externos quauis dominos) aquauit olympo,
Infecta admirans aliena nomina terra,
Nanne erit hic etiam toto admirabilis orbe?
Qui genere ex humili Rhybæis natus in oris
Aduersi fines mundi, rigidamque relinquens,
Arcton, Cimerias ubi Bosphorus asperat undas,
Venerit ad magni septensivæ stumina Nili?
Atque ibi serules habitus exutus, & ora,
Consensuque ducum magno prælatum honore
Tum demum Aegyptum, & Pharias comescat habenas?
Et Syriam quacunque rapax procurrit Orontes
Sceptra tenens latè magna ditione gubernet?
Scilicet hæc tanta virtuti, ingenuoque labori
Conueniunt, nanque ille diu in sua damna ruentes
Victor Erythraei depellit luctore Ponti
Prædones Arabum, simul & felicibus ausis
Trans fluvium Euphratem, trans piæ Persidis arua
Cogit Ithyrao gaudentes vulnere Parthos.
An memorem quod Coryciae propè mania Tarsi
Rettulit infesto ex Turca sublime Trophæum,
An subito oppressa Aethiopum servilia bella?
Sed nec adhuc tanto fama contextus honore
Muneribus placet Italiam penetrare, suæque
Laude frui; magno sic vèla per æquora sumptu
Bellua, quam prius coniuncta voce Canelo-
Pardalum appellant, geminum cui vertice cornu
Fulget, & insigni distinctum tegmine corpus,
Felix ille quidem cunctis qui cognitus oris
Non vitam ferro amisit, sed morte quæta
Et natus lacrymans posuit sua membra sepulchro.*

Matthias Corvinus rex

PANNONIÆ.



NON inuictis modo armis, sed magnitudine animi, admirabilique virtutum omnium concursu Matthias Corvinus Pannoniæ rex, cunctorum suæ ætatis Regum decus superavit. Patrem habuit Ioannem Hunniadem, secundis pariter ac aduersis, ducem, omnium qui cum Turcis arma contulerint, longè clarissimum; utpote qui Turcarum fulmineus terror appellaretur: quorum magnam multitudinem in Belgradi fossis prostrauisset. Is natione Semidacus & Valachus, duos habuit filios Ladislaum & Mathiam. Ladislaus, quod Vldericum Ciliæ Comitem regis propinquum, qui capitales inimicitias cum Hunniade patre semper exercuerat, apud Albam confodisset, à Ladislao rege securi percussus est, Mat.

Matthia custodiæ tradito, abductoque in Bohemiam, ut ibi de nobilissimi adolescentis supplicio, extra Hungarorum oculos consideratius atque liberius decerneret. Nam tametsi Matthias eius credis conscius fuisse putabatur, quod tamen interfecti Cilienſis cruore manus minimè polluiſſet, nec duodeuigeſimum attigſſet annum, pleroſque Procerum ad miſericordiam commouebat, quum vnica proles Hunniadis interitura crederetur. Quid enim eius viri memoriæ ab Hungarica gente, vel gratius, vel honeſtius perſolui poſſet, quàm ſi eius ſobolem à teterrima nece ſeruarent; quum ab Hunniade ſe toties ſeruatos, Turciciſque trophæis nobilitatos eſſe faterentur? Eo modo fluctuante Rege, ſata viam aperuerunt, qua captiuo & ſeuam ſecurent expectanti, non ſalus modò, verum & Pannonici Regni corona pararetur, Ladislaus enim Rex dum Pragæ nuptijs vacaret, veneno intra paucas horas ſublatus eſt, Bohemiæque regnum arripuit Georgius Pogibraccius, qui vigore animi, clientelis, atque opibus, Procerum erat potentiſſimus. Cæterum morte Regis audita Michael Zilagus, Matthiæ auunculus, apud quem erant veteranæ copiæ, quæ ſub Hunniade ſtipendia meruiſſent, cum matre Matthiæ Budam contendit. Quorum aduentu Hungari Proceres permoti matriſ lachrymis, præſentique exercitus ſtudio & viribus adducti, commendante Hunniadis ſobolem Michaele, exemplo vel vinctum adhuc catenis apud Pragam Matthiam, Regem declararunt, miſiſſique legatis à Pogibraccio poſtularunt, ut ſibi Matthiam redderet, quem publico conſenſu Pannoniæ regem ſalutaſſent. Nec mora Pogibraccius conſilium expedit, obtemperandumque Hungariſ cenſet, quòd putabat confirmando nouo regno nihil ſibi fore opportunius, quàm ſi Hungaros eo beneficio obſtringeret, & Bohemis conſociaret. Itaque non catenas modò detrahit Matthiæ, ſed ei ad certiſſimum amicitia pignus filiam deſpondet, & tradit; ornatumque Regni cultus muneribus Budæ regnaturum dimittit. Fuere qui exiſtimarent à Pogibraccio regnum affectanti, venenum Ladislao præbitum fuiſſe, cuius vxor, quæ Caroli quarti Cæſaris, Bohemiæque regis neptis erat, vterum geſtaret. Ea partus expectatio ciuile bellum in Hungaria excitauit, grauèque negotium attulit Matthiæ, quum de regni poſſeſſione cum Regina armis contendere cogeretur. Sed poſt editum infelicem partum, Regina contentioni finem fecit honeſtis conditionibus, legitimeque demum antiquo Regum diademate apud Albam coronatus eſt; ſic ut regnariſ ſupra annos triginta ſex, occupatus ſemper nouo bello, quum perpetuis, & inuiſtis armis vindique ſibi ampliſſimam laudem & gloriâ parandam exiſtimaret. Non ſuſtinuere ardentis Ducis vim Poloni, qui arma Hungariſ inſeire auſi fuerant. Hæc eadem Germanorum robora perſegrit, quum Auriæ Viennam Federico Cæſari adimeret. Valachorum exercitum ancipiti prælio proſtigauit, quo ipſe ſagitta vulneratus, ſed planè victor diſceſſit. Binis quoque prælijs Turcarum ab Illyrici limite irrupentium audaciam ita contudit atque repreſſit, ut Mahometes eorum imperator, omnium propè gentium victor, ſuccellorūque eius filius Baziætes, æquiſſimis legibus pacem petierint. Geſſit aduerſus Sclæ-

fitas ad Vratislauiam urbem acre bellum, tanta vtrique felicitate, vt in toto Hungarici regni limite deuictarum ab se gentium summæ gloriæ trophæa spectarentur. Verum ob id maiore præconio dignus videtur, quod transmissis auxilijs Italiam Turcarum metu, qui Hidruntem in Salentinis occuparant, liberaſſe exſtimari poſſit, poſtquam inuiſti antè, pertinaciſſimeque reſiſtentes Turcæ, vnum Blaſium Magarem è Matthiæ præfectis pugnaciſſimum, timendum eſſe, ipſa demum deditione poſt egregios multarum eruptionum conatus oſtenderint. Eminēbat in Matthia eruditum & graue perſpicacis ingeni j iudiciū, quum rerum bellicarum omnis generis, & literarum intelligentia polleret. Neque enim Regem aut Ducem abſolutæ virtutis & gloriæ famam adipiſci poſſe prædicabat, niſi literarum præſidio munitus, omnis ætatis inſtituta militiæ, ipſaque antiquorum ſtratagemata ex hiſtorijs percalleret; quando ea documenta, quæ magno uſui militiæ forent, ab ignaris literarum, niſi longiſſimo tempore experiundo percipi non poſſent, quæ alij ex veterum exemplis legendo facile conſequerentur. Propterea peculiari propè ſtudio in Regiam ſibi viros aſciuerat, non optimorum modo ſtudioſorum, ſed nobiliorum etiam artium laude inſignes, quorum conſuetudine legendo & diſputando, mirum in modum oblectabatur. Quicquid enim ocij è grauiſſimis occupationibus ſuffurari poterat, id totum euoluendis annalibus impendebat, multuſque viſebatur in ea bibliotheca, quam exquisitis libris nullo deterrente ſumptu reſertiſſimam eſſe curauerat. Forum verò Budæ præcellentium artificum tabernis exornarat, qui ex Italia præſertim certis inuitati præmijs, Budam conſuebant. Regia enim Budæ veræ virtutis domicilium, perpetuique ſplendoris hoſpitale diuerſorium cunctis gentibus parebat. Quandoquidem vincere hoſtes, & ſcribenda facere, & virtutem liberaliter exornare, Regiæ fortunæ proprium munus eſſe duceret. Inuenerat toti prouinciæ Italicas artes, cultum domeſticum, Hunnicæ gentis mores ad arma & latrocinia natæ, ita molliuerat, vt Regnum ex plumbeo aureum, deterſaque rubigine ſplendidum reddidiſſe Pannonij faterentur. Hac illuſtri fama Chriſtianorum regum florentiſſimus, quum vigeret, agitareſque animo ingens bellum aduerſus Turcas, & lætiſſimè prænſus eſſet. Bolanumque Venetum legatum honoris cauſa equeſtri dignitate inter ſacra ſolennia perornaret, repente apoplexia correptus expirauit, anno ætatis quinquageſimo ſexto, à partu autem Virginis Nonageſimo ſupra quadringenteſimum atque milleſimum, eo feſto die qui Palmarum celebritati dicatus eſt. Effigies eius armata equeſtris, luculentiffimè depicta Romæ in Campo Floræ, contra Podium cubiculi mei in angulo Laurentianæ domus ſpectatur, ad quam aridet altera perſimilis Andree Mantiniæ manu picta, quæ in muſæo noſtro conſpicitur:

ANTONII THEBALDEI.

*Coruini brevis hæc vrna eſt, quem magna ſatentur
Facta fuiſſe Deum; ſata fuiſſe hominem.*

Pau-

PAULI IOVII Iunioris.

Vos ò qui celeri gradu
 Lucum Castalia rupis, & ardua
 Parnassi iuga scandere
 Certatis viridem per nemorum comam,
 Qua rino resonans sacro
 Leni lympba fugax perstrepat alueo
 Aurata cythara modos,
 Insignemque lyram ponite, ponite
 Si quis posse putat suo
 Cantu, & grandiloqui carmine Pindari
 Regem Pannonia decus
 Corninum meritis tollere honoribus.
 Nam si Mæonij senis,
 Seu quæ Virgilij Musa canit Deos
 Sese reddat ab inferis,
 Nec curet Sicula regna Proserpine
 Haud unquam valeat satis
 Summus quam deceat, tollere versibus
 Corninum egregium ducem,
 Quem nec laurigeri posset Apollinis
 Laus, nec Pierij Chori
 Princeps, dulce canens Calliope melos.

FINIS TERTII

LIBRI

PAVLI IOVII EPI-
SCOPI NVCKERINI PRAE-
FATIO IN QVARTVM LIBRVM
ELOGIORVM SVORVM AD
COSMVM MEDICEM FLO-
RENTIAE DVCEM.



QVARTVS hic liber, magnanime Cosme, recentiorum Heroum imagines continebit, quibus elogia idcirco superioribus adstrictiora, brevioraque sigillatim affigentur; quoniam eorum, quos ipsi virtutis suae fama florentes vidimus, praeclara nomina historijs nostris abunde celebrata sunt, & vti reor, ad posteros etiam transibunt. Ex instituto autem ordine, primus sese obtulit Carolus rex Galliae, qui coalescentis, nec confirmatae adhuc pacis tranquillitatem Italiae inuidit, luore tamen nostro potius quam suo. Quippe qui euocatus accersitisque ad euertendum passum publicarum rerum statum, eo grauior ingruerit, quod apud ignaros periculi, imperitiosque militia nequaquam metuentus esse putabatur. Sed eius externa gentis vis repentina & impotens, vel sero nos docuit, dissensionum nostrarum intestinaeque discordiae protinus obliuisci, ut parata seruitutis incommoda vitaremus, quae demum ferendo bella ex bellis nobis parum maturè insanire desinentibus importata si non cautiore, & fortiores fecit, uti propulsanda pericula flagitabant, patientiores certe reddidisse videtur ad perferendam inusitatae conditionis igonominiam. Neque aliter nos ipsos vltro praecipites datos consolari possumus, quam quod primos tantae cladis auctores aequa vltrix scelerum Furia meritis poenas dare coegerit. Hic itaque Rex Gallus, qui vel nolens domum tuam suo impetu euerit, te praeclearo exemplo admonet; ut irruptiones externarum gentium, quarum vis vehementissima intolerandaque esse consuevit, graui maturoque consilio auertendas potius, quam armorum fiducia sustinendas arbitrere. In hanc enim publicae salutis curam & Cosmus & Laurentius maiores tui, summae prudentiae viri, semper excubarunt, ut quantum consilio praestari posset, externa arma longissime arcerent. Neque enim aliter quam his inundationibus obrui & conelli potest hic tuus Principatus, band dubii fato datus, & mirifica demum tua virtute confirmatus; quandoquidem nulla omnino intestina fraus extimescenda videatur, agenti Principem absoluta pietatis atque iustitiae auspicijs, qualem in rectè constituta Republica aequè boni malique ciues optatissimum esse consentitur.

ELOGIORVM

LIBER IIII

Carolus VIII Galliaë rex.



QUOD hoc gestu & armorum cultu Carolum Galliaë Regem eius nominis Octauum, Alexander Pontifex in mole Hadriani pingi iussit, quum Rex ipse pictori se exprimendum accuratè præbuisset. Is Ludouico vndecimo patri succedens, deficientes ab se Britones armis subegit, capto in acie Ludouico Aureliano atque in carcerem coniecto, quem certa iura Regni sanguinis ipsi successorem destinabant. Ab hac victoria Rex iuuenis, quanquam nec ingenio stabili, nec fatis firmis pilli corporis viribus polleret, pacati tamen atque opulenti Regni subni-

xus facultatibus, bellicosorumque Procerum vocibus incitatus, aduersus Aragonios reges terra marique bellum suscepit, euocante eum atque adiuuante Ludouico Sfortia, qui Aragonio nomini erat insensibilis. Ea namque tempestate fatali malo Italiae nati, exitialibus inter se consilijs dissidebant Alfonso rex Neapolitanus, & Ludouicus Sfortia. Mediolani princeps, qui tum potentia atque authoritate nominis supra ceteros eminere credebantur. Ille apprime ferox, bellicosus, & insolens: hic verò ingenio subtili, astuto, maximeque ambizioso, odia contraxerant, quæ minimè expiari possent, nisi diiudicante belli fortuna alteruter præceps daretur. Itaque Carolus vehementi impetu Italiam intrans, & subito percurrens, quantum Galli armis ausuque valerent, cum ignominia Italicae disciplinae pluribus prælijs ostendit. Hæc enim serè tota, aut inscitia atque auaritia superiorum ducum, aut longo ocio restincta perierat; sic, ut nemo ducum aut militum superesset, qui cruentam aciem se vidisse testaretur. Quo vitio accidit, ut facile Gallus honestum prætendens titulum, Pisanos eiectionis Florentinis: hos verò eiectionis Mediceis, & Senenses pulso Pandulpho Petrucio, vendicasse in libertatem videri vellet. Ex inde Pontificem terrore inuecti in Urbem exercitus subactum ad sordus ineundum compulsi, Gemmaque Bajazetis Turcarum imperatoris fratrem sibi tradere coegit, quo adiutore in Græciam se traiecturum confecto Aragonio bello prædicatione. Qua inuitata Galli hostis felicitate cuncta obuia sternentis percussus Alfonso, ideoque nihil pro pristina sua militari laude ausus, ita despondit animum, ut Ferdinando filio Regnum cederet; extemploque cum regia Giza in Siciliam profugeret; eo euentu, ut filius pari hostium impetu undique pulsus vrbe Neapoli atque arcibus, Regnoque demum toto, ocissimè pelleretur. Obstupuere statim ad eius ingentis celerisque victoriæ cursum cuncti principes; vsque adeo consternatis metu animis, ut in vnum pro publica salute, dignitateque Italici nominis conspirarent, & arma contra Gallos undique cogerent. His rebus cognitis Carolus Campanis, Brutijs, Apulis, & Samnitibus. valido copiarum præsidio confirmatis, regredi extemplo, & contra infestos viam ferro aperire constituit; atque ita profugiente Alexandro, Romam præteruectus, Pisas repetiit; & per Apuanos Ligures superato Apennino, ad Tarrum amnem profectus, Venetas, & Sfortianas copias, eum transitu prohibere conantes, cruento edito prælio ita prostrauit, ut penè intactus, & nusquam postea lacepsitus in Galliam rediret, nec Italici belli obliuisceretur: renouata namque amicitia cum Ludouico Sfortia, restitutaque ei Nouaria, quam Aurelianus occuparat, Ferdinandum Regem paternum repetentem regnum longo exercuit bello: eo tandem rerum exitu, ut Galli duces militesque ad vnum propè omnes varijs casibus interirent, & ipse demum tertio anno postquam Neapolim ceperrat, apud Ambosiam oppidum, ex ludo parue sphaeræ rediens, ignobili in cella, subito animæ deliquio correptus expiraret. Vixit annos viginti septem, imperauit decem. Id verò tanto Regi insigni probro datum est, quod intempestiuus amoribus deditus, enervatusque molli ocio apud Allobrogum diffuentia longo luxu oppida, Aureliano Nouariae obsessio opem ferre noluerit, repudiataque coniugio Margaritam Maximiliani Caesaris filiam

lianæ ab se expetitæ, desponsatæque, ad patrem remisit, ut Anna Britannicæ citerioris Reguli filia hæresque maiore commodo duceretur: quod Reges nullis pudoris potius, quàm commodi priuati legibus obediant.

LANDRIANVS Mediolanensis.

*Impiger aerias Carolus dum transit Alpes
Parthenopen stricto dum petit ense serox:
Horruit illum omnis bello clarissima tellus
Italia, et inuicti frena superba tulit.
Victorem sed ne hunc æterna secla viderent
Nostra ducem, ante annos inuida mors rapuit.*

Vitellij Fratres.



AC vna latiore in tabula Vitellij quatuor germani fratres cum sene patre conspiciuntur, quos admirabili mediæ ætatis vigore, atque illustri bellicæ laudis fama florentes, inuida virtute ante diem immutis Parca surripuit. Hos Nicolaus pater post longam contentionem eiecto Iustino æmulo, atque eo demum interfecto, in patria Tipherno non obscuræ potentie principatum adeptus, in disciplinam Virginio Vrsino tradidit, qui tum Romanorum Procerum splendore domus, & militis militiæ partis honoribus erat clarissimus. Qui liberorum animosa prole atque ea enixè ad summum militiæ decus contendente, planè beatus senex pater videri potuit, quum excedens vita, familiam certissimo militarium iuuenum præsidio confirmasse crederetur, nisi occultior aliqua vis fati aduultæ iam virtuti indignam atque inexpectatam perniciem attulisset. Præcipiti namque impetu fortuna in Vitellij nominis sobolem incurrens, ex breui interuallo singulos perculit atque prostravit: miserabilem hercè in modum, quando partim fœda, partim ignobili morte conciderint.

Ioannes Vitellius.



IOANNES siquidem natus maximus, quum ad Auximum Piceni urbem in oppugnatione versaretur, immani tormento disceptus interiit.

ELOGIORVM
Camillus Vitellius.



CAMILLVS huc proximus, in Apulia Circellum oppidum apposita scala conscendere & capere contendens, molari propè lapide supernè deiecto, nequicquam protegente galea oppressus est. Is tum Gallis, Virginioque duci operam nauabat, & multis bello fortibus factis, pugnacissimi ducis laudem, eo præsertim die fuerat consequutus, quo non procul à Luceria Germanorum integram phalangem Aragonijs militantem, inductis & sæpe circumductis in orbem sagittarijs equitibus deleuerat. Primus in Italia sclopettariorum equitum turmam instituit, quod equitum genus postea intermissum est, quum nimia atque inhabili sclopettorum longitudine præpedirentur; sic vt hodie non miremur breuiore & leuiore, aptiore industria à Germanis iustitutos, qui nostris nuper hastatis equitibus maximo terrori in Germania fuerint.

MICHAELIS SYLVII LV-
 titani Cardinalis de Camillo Vitellio.

*Victorem Pyrrhum post magna atque inclita facta,
 Famine, fama est, occubuisse manu.
 Et te surripuit post inclita facta Vitelli
 Famine dextra missus ab arce lapis:
 Hec fatum occultum, multis distantia seclis
 Clara duorum facta exitus vnus habet.*

Vitellius Vitellius.



MORIENS Camillus, Vitellium filium reliquit, quem Veneris
 & quatuor Pontificibus, vti erat bellicæ rationis & multi consilij
 apprime gnarus, impigram fidelemque operam nauasse vidimus.

Paulus Vitellius.



CÆTÆRVM in Paulo & Vitello loco ætate minoribus vis ardens impavidi animi, & in arduis belli casibus mirè efficax ita enituit, ut uterque ad militaris imperij nomen non temerè aspirare milites crederent. Paulus ingenio excelsior, & iudicij gravitate præstantior expediendis consilijs, atque armis promptissimus habebatur; sed aliquanto fortasse seuerior & sæuior, quòd dormitantes vigilis impune interfici, & scopettarijs hostium capitis erui oculos, & præcidi manus iuberet, quòd indignum esse videretur, strenuum sæpe nobilemque equitem ab infimi ordinis despiciato pedite inulto vulnere prosterni. Nondum enim inuesto exterarum gentium cruento more, Itali milites sanguinarij & multæ cædis auidi esse didicerant. Paulus hac virtute disciplinaque prouectus, quum Venetas copias in Apennino profligasset, Pisanosque egregiè suam tuentes libertatem, aliquot oppidis expugnatis conterruisset, eorum moribus tormenta admouenda esse censuit. Sed eius conatus, quanquam vehementissimè ceptus, eum habuit exitum, ut malignè obtractante collega Ranuccio Martiano disparis dignitatis atque virtutis duce, perfidiosa potius quàm necessaria cessatione à semicapto Stampacis propugnaculo retraxisse tormenta crederetur; quasi eius vrbis subactæ lætitiæ Florentinis inuideret, inanis quidem suspitione, quum indea probo auidoque veri decoris duce perampla triumphus laus peteretur. Itaque à præpotente factione ciuium, virgenteque Ranuccio, perfidiæ accusatus, vir insons captus, præcipitique iudicio in curia securi percussus est, quanquam vel inusitati generis tormenta adhibita, in acerbissima quæstione nihil quod integritatis famam læderet, elicere potuissent. Eo enim supremo malignitatis decreto concidit, quod viri suspicaces, & Reipublice causâ maximè seui factiosi que, immerito torum nequaquam ex tuto dimitti posse iudicarent. Sed eius immanis iniuriæ ultor postea extitit Alexander filius, quem hodie patris equantem laudes, & Hungarico & Germanico bello clarum Italia inter paucos duces adnumerat.

ANTONII FRANCISCI

Rainerij.

Vrbis ut ingrata scelus, & victricia Pauli

Audyt inmiti colla resèta manu

Scipiadam maior, Tua quid benefacta Vitelli

Quid valere mea? ab dixit, & ingemuit.

VITEL

MLVI B E R N I I I I
Vitellocius Vitellius.

115



AT Vitellocium immanior vis atque sæuitia Cæsaris Borgiæ sustulit, quum is cruentissimo homini, perfidioso astu ex recenti defectione in gratiam receptus apud Senogalliam se credidisset. Ibi enim simulatione colloquij militaris perductus in domum cum Paulo Vrsino socero, Franciscoque Vrsino Grauinæ Regulo, & Liberotto Firmano; ad eandem necem destinatis, strangulatus interiit; meritis certò iure pœnas pendens, quòd se à sanguinario, nefarioque tyrannò sincere in fidem receptum imprudentissimè putarit; quanquam ea redivus leuitas exitio cunctis futura ab ingenio Pauli soceri largitione promissisque corrupti Vitellocio improbantem emanasse credatur. Vitellocius primus in Italia Germanicæ disciplinæ phalangem peditum ex Tiphernatibus suis instituit, quibus & hastas, & secures, ferreaque pectoralia, & galeas, externorum imitatione tradiderat; ordinavit

que ut densata acie procurrere, consistere, regredique, & decurrere in co-
cleam, nihil perturbatis ordinibus condiscerent; cuius phalangis inuicto
robore fretus, paulo ante Vgonem Moncatam Borgiæ Cæsaris ducem, in
Umbria profligarat; & capto ad Balsianum Guidone Feltrio Vrbinatium
principe, Pontificias copias insigni edita pugna deleuerat.

PAULI IOVII Iunioris.

Eben quid faciant, cuiquam homines curiæ habeant fidem?

*Ten' sic negligis? atque ipse tui nil memor, impij
Te imprudens potuisti manibus credere Borgiæ,
Infaustis manibus, sacrilegia, atque nefarijs?
Quid si non tibi notissimus usque, & satis, & super
Cunctis ille fuisset rabadus, Barbarus, impotens,
Humani generis perniciës, atque hominum lues,
At non te latuit quid fugiens Cæsaris impetum
Olini dixerit è carminibus Mæonij senis
Pompeius, Phary quum peteret littora perfida
Regis naue cita. Non equidem vita ferocibus
Committenda tyranni, iter haud tutum ad eos satis
Dixit, sed mala fors omne animi consilium rapit.*

ANTONII FRAN-
cisci Rainerij,

*Non me diua potens atque volubilis
Motu quæ rotat hæc omnia præpeti
Depressum Ionio mersit improbo,
Nec Mars belligero dum feror agmine
Furritu atipedum cum litui sono
Latentem, rapido sustulit impetu,
Nec me ævo & spolys tot granidum nonis
Hæres, nobilium patria principum
Linguentem gelido marmora funere
Vilorem, tumulo condidit aureo.
Sed me perfidior Borgius aquare
Martis fulmineo senior agmine,
Parcarum Lachesi furdior vltima,
Et fatum, atque fides credula, perdidit.*

E I V S D E M.

*Non mare me, non Mars, seu aut mors perdidit, at me
Perdidit, omnibus his Borgius asperior.*

Petrus Medices.



PETRVS Medices, quem Laurentius pater autoritate atque opibus florentem in Republica principem reliquerat, hac militari specie thoracatus & prolixè comatus pingi voluit. Nam tum viros radi solitos non decebat barba, contrarioque more nostro, capita prælongi crines adornabant. Multo enim iuuentæ seruire alacer, robustos, gestandisque armis habiles artus equestribus spectaculis ad bellicam imaginem ostentare, aduersis sæpe hastis in ludo concurrere, variaque pugnae simulacra edere erat solitus: quòd ita ad popularem gratiam expediret, sicuti patrem & patrum cum prædara laude fecisse meminerat. Verùm hæc studia quanquam digna essent eo iuvene, quem palmae decus accenderet, cum tamen aliquanto longius quàm oporteret, à civilibus officijs abstra-

hebant à quibus secus ac pater iusserat, ita abhorreere videbatur, ut sæpe venerationi falconumque aucupijs, ac amatorijs vanitatibus occupatus, actiones Magistratum inspicere negligeret; alloquia ciuium fastidiret, & contemptu quodam raro intraret curiam. Quibus moribus fiebat, ut paternæ modestiæ, & Etruscæ frugalitatis obliuisceretur, obiterque superbiæ & luxui, atque item libidinibus quibus offendi ciuile decus posset, propalam se dederet, quum honestas quædam familias assiduo atque licentiore matronarum cultu probrofas effici nonnulli suspicarentur. Sed hæc grauior cæteris labe, quæ proterui atque intemperantis famam premebat, cito deferbuit ex nuptijs lectissimæ vxoris Alphonsinæ, quam ex Vrsina gente duxerat; conciliante id coniugium Clarice matre ut ex eadem orta familia. Erat Petrus ingenio patri dissimilis, uti sæpe feroci, & tum maximè quum fortè meracius biberet, acriter ad iracundiam parato; sed quod amœnitate Musarum & Muscis concentibus cito molliretur, & quò luberet, facile flecteretur. Nam à Politiano præceptore institutum erat domi certamen Etruscorum Poetarum, quo non obscura laus, summa iocunditate quærebatur; quando alternis dicerent, & ad pares numeros responderent, qui extemporaneæ facultatis plausum à circumfusa audientium corona petebant. Latinarum namque & Græcarum literarum studia, ea tempestate Florentiæ vigeabant, ita ut arguti iuuenes Etruscos richmos peramœnis floribus adornarent. Hos mores opima pax ferebat, atque his pacata ciuitas honestissimè lætabatur; sed ubi è Gallia terribile clausum concrepuit, non temerè conceptus pauor totum in experti iuuenis animum occupauit: sic ut facile in consilio longe omnium grauissimo sedè fatisceret, & ciues antiquæ memores libertatis ad pristinum odium, & in spem excutendæ seruitutis erigeretur. Erant tum Florentini Aragonijs regibus fœdere coniuncti, & cum Alexandro Pontifice sentiebant. Ingruentibus autem Gallis, socius aderat Ludouicus Sfortia diu antea per legatos Petrum ab Aragonijs diuellere conatus. Sed Petrus ita comprobante Ciuitate, censuit ius fœderis non esse violandum. Quo decreto Sfortiam vehementer offendit, quoniam astuta eius consilia ab ancipiti, maleque fido ingenio, sibi detecta ad Gallos detulisset. Amicè enim Sfortiæ legatus in colloquio dixerat, non ideo euocari Galliæ regem, ut Italiam externis gentibus subigendam & proculcandem daret; verum ut superbi & comminantis sibi Alphonsi ferocia, insensibilis regis metu frenaret. Itaque Petrus repentina per Lunensem agrum Gallorum irruptione perterritus, seræ pœnitentiæ consilium sumpsit; ob id quod Ferdinandus Alphonsi regis filius, in Aemilia alteram Gallorum & Sfortianorum manum minime sustineret, & clausis Aragonia Liguriam improspere tentasset, Florentia profectus ad Sergianum descendenti Carolo obuiam iuit, ut honesta conditione proposita pacem impetraret. Sequébantur eo tempore regem planè victorem Laurentius & Ioannes Medicei, Petro insensibilis hostes quod ab eo ex leuissimis offensionibus in exilium acti fuissent. Horum desperatione procures Gallos ab se alienatos Petrus reperiebat, neque aliter ab rege in amicitiam recipi poterat, quàm si arces custodiendas regijs præfectis traderet, quæ erant quatuor, Pisana, Labronensis, Sergiana, & infra lu-

cum

cum Feroniæ Petrasanctensis. His obsignatis impetrati fœderis tabulis, Florentini ciues qui in ea legatione ad regem, Petro collegæ aderant, usque adeo animis exacerbatî sunt, ut à Petro Rempublicam priuati commodi causa prodi dictarent, & in eum concordibus consilij conspirarent. Nec multum inde Petrus confecto eò negotio, quum ad exornandas aedes, quibus regem exciperet, Florentiam redisset, & ad Decuriones ascendere vellet, à Iacobo Nerlio Curiaë ianua est prohibitus. Qua insolentis facti acerbitate perculsum, redeuntemque domum, populus sublato clamore, & coniectis lapidibus usque adeo contumeliosè infecutus est, ut vix mentis compos euadendi fugiendique tumultus consilium expediret, & sancti Galli porta principatu, patria atque penatibus vnus horæ momento excidens, sese eijceret, Bononiamque perlugeret, tanta trepidatione, ut vix Iohanni Cardinali fratri, qui cucullati habitum desumpserat, ut sese occultaret, elabendi spatium daretur. Errauit in exilio integros decem annos, sæpius contumacis fortunæ suæ fallacissimos nutus expertus: vnde ei reliquæ opes absumptæ, & multum æs alienum contractum est, oppigneratis scilicet Alfonso vxoris dotalibus bonis. Nam ab initio Virginius Vrsinus, quum accepta in stipendium pecunia cum reducturus, ad Rapolanas aquas usque peruenisset, commutato repente consilio, in Apuliam se conuertens, spes eius infregerat: biennioque post Liuiani audacis beniuolique ducis consilium secutus, ad Romanam portam ita copias signaque promouerat, ut obseratis repente valuis exclusus, irrito conatu regredi cogeretur, eo quidem grauiore detrimento, quod propinqui aliquot ciues, Mediceique nominis studiosi, tanquam hostilis eius accessus conscij, capite plecterentur. Promissis demum Borgiæ Cæsaris ad repetendam patriam perductus, quum ille exercitum ipsis propè Florentiæ moenibus admouisset, non modò conceptam spem, vota que eius sefellit, sed existimationem exulis & salutem in summum periculum coniecit. Quod Borgia male fidus, rebus clandestinè compositis, inter conditiones, Petrum tanquam hostem iudicatum Florentinis expectantibus traditurus esse diceretur. Nec multo post Vitellocio etiam adhæsit, ex nece fratris Florentinis inimicissimo, quum is occupato Aretio bellum intulisset. Sed eum terrorem valida Gallorum auxilia ab rege Florentinis socijs missa ita sustulerunt, ut Petrus eandem aduersi conatus sui sortem rulerit, usque ad Gallicum bellum, quod Magni Consalui virtute ad Formias parta victoria consecutum est. Erat tum in partibus Gallorum Petrus, qui prostratis sœdeque deletis partium copijs, ut se ad Caicæ tam periculo eriperet, quum onerarium lintrem conscendisset, & secundo Lyri amne deueheretur, in ostio fluminis summersus interijt: nauigium tormentis cumulatè onustum, facile absorbente irato mari, quum impetum amnis allidentes decumani fluctus contrario percussu pulsarentur. Hoc ignobile mortis genus ei meritò accidisse plerique existimaerunt, quod in morte Laurentij patris, Leonium illustrem medicum, indignum prorsus ea immanitate, ut de infelici curatione poenam exigeret, in puteum præcipitalle crederetur. Reliquit auspicioreis fortunæ hæredem Laurentium filium, quem à Leone Pontifice patruo, eiectis Feltrij, Urbini principem constitutum, sed non diu eo munere lætatum vi-

dimus: ex quo genita est hæc Catherina, quam hodie eruditis moribus ex-
cultam, & lætæ prolis fecunditate perbeatam in thoro Henrici optimi re-
gis Galliæ conspiciamus.

ANDREAE Anguli.

*Quisquis es armatam effigiem longæque ferocis
Medicei iuuenis suspice casarem;
Huic enim Lyris tantum se funere tollit
Gallorum, quantum clade fuit tumidus.
Et magni virtute patris Laurentis, Etruscum
Arms pacatas in mare voluit aquas.
Hunc gemini decorant fratres, quævis Tybris amans
Pontificum titulos, sacræque scepra dedit:
Summisque Vnber nato sera colla Metaurus,
Nunc neptim Rhodanus, Mosæ, Ligæque colunt.*

Christophorus Columbus.



VIS non miretur hac honestissima fronte hominem, qui
inultrata animi magnitudine portentosoque immensi in-
genij vigore valuerit, aspero ignobilique Arbizolo Ligu-
riæ vico iuxta Sauonam nasci potuisse? Hic enim ille est
Christophorus Columbus, stupendi alterius & nullis antè
seculis cogniti terrarum orbis repertor: quem profecto be-
nigna salutarium syderum conspiratione natum fuisse existimare fas est, vt
incomparabilis Liguribus honos, eximium Italiæ decus, & præfulgidum
iubar seculo nostro nasceretur, quod priscorum Heroum, Herculis, & Li-
beri patris famam obscuraret. Quorum memoriam grata olim mortalitas
æternis literarum monumentis cælo consecrarit. Columbus à prima ado-
lescentia diuersis nauigationibus patrio more deditus, cuncta emporia, insu-
las, littoraque mediterranei maris peragrauit: & vti erat Geographiæ ap-
primè studiosus, curiosi ingenij nervos omnes contulit ad contemplatio-
nem earum naturæ rerum & regionum, quæ terræ globo continentur, a-
deo pertinaci spiritu laboreque, vt ex astronomia tropicorum, æquatoris-
que & climatum mensuras, totiusque item nauigatoriæ membranæ, & Ma-
gnetis vsum exactissimè perciperet, inflammatusque studio atque admira-
bili cupiditate explorandi Oceani raperetur, vt positos columnis Herculeis
terrarum limites irrideret. Nec inanibus coniecturis alias omnino terras
ad occidentem Solem extendi prædicaret, quarum Plato ipse, & Seneca,
& plerique alij Græcorum & Latinorum nonnulla expendenda Cosmo-
graphis argumenta reliquissent. Ea quoque spe Columbus magis ac ma-
gis implebatur, quod paulo antè, patrum nostrorum memoria, à viro Gal-
lo, cui nomen fuit Bethātor, Insulas Fortunatas, & à Lusitanis Hæspe-
rides, ultra Viride promontorium repertas esse dicerat: superatumque
demum

denum esset Henrici Lusitani regis classe, extremum Æthiopiæ promontorium, quod Bonæ spei nomen tulit, vltra Capricorni circulum Antarcticò polo subiectum. Inuidebat profectò hanc gloriam externis gentibus homo



Ligur, elato pertinacique ingenio, iniquè ferens Ligures, qui inueterata naturalis disciplinæ autoritate & laude cunctas nationes antecirent, præoccupato ab alijs ausu, occasione ingentis parandi nominis spoliari. Hæc eius vota aliquandiu delata ad reges, & semper reiecta, ad extremum Hispaniæ rex Ferdinandus sic impleuit, vt adductus perseverantia peritissimi hominis, quinque naues ab se impetrari pateretur. Quamquam id concedendæ expeditionis munus, plerique non periculosum modò, sed planè insinum & impium esse prædicarent, vastissimis Oceani fluctibus naues & Hispanos homines committi ad libidinem vani Liguris & decoctoris, qui vix suæ iacturam parui duceret: si in eadem pericula multi ipso peritiores nautæ, fortioresque homines perducerentur. Itaque Columbus cum paulo minus ducentis hominibus Hispanici generis à Gadibus soluens, inter occidentem atq; meridiem cursum teunit, aquarumque apud Fortunatas Octo-

bri mense in dextrum vela flexit, & sulcato per multos dies Oceano, nusquam apparentibus terris, conspiratione nautarum penè oppressus est: cum peregrini vnus amenuæ vniuersam omnium salutem, desperato nauigationis exitu minimè credendum arbitrarentur: quando infinitus pateret Oceanus, nec suffectura essent alimenta, si serò pœnitentibus redeundum in Hispaniam esse decernerent. Sed eos vel atrocissimè consternatos sacramenti militaris sæuere admonuit, quo regi fidem dedissent, se nusquam ab auctoritate imperioque ipsius esse discessuros: multisque rationibus ostendit, certam eos prodicionis pœnam in Hispania subituros, si temerè summi comodi, summæque gloriæ cœpta, & feliciter ad finem penè perducta, timiditate inani, aut importuno incertæ mortis horrore perturbarent. Vix dum socijs naualibus pacatis, & ad officium redeuntibus, Columbus volantes aues conspexit, prædixitque non longè abesse terras, è quibus illæ euolassent. Nec eum fefellit opinio: breui enim peruentum est ad Insulas ferè innumerabiles, maximamque earum adeuntes, valde nemorosam, & lusinijs, & plitacis refertissimam, sed humano carentem vestigio, Guadalupeam vocarunt. Inde perpetuis prouectus Euris, atque his vno tenore perflantibus, secundissimo cursu, quod nusquam fluctus inter se refringantur, ad insulam ingentem, nomine Hispaniolam peruenit. Ea distat à Gadibus rudi suppuratione, miliarium Italicorum circiter quinque milibus, Cancricque Tropico supposita, in longitudinem tota proscinditur: refertque castaneæ solij formam, magnitudineque Britanniam excedere perhibetur. Eius insulæ gentes Columbus blandis nutibus atque munusculis ad se facile pertraxit, didicitque ex mulierum inauribus, & quibusdam armillis, auri copiam in ea reperiri, quum omnium rerum segetisque præsertim sint inopes, captiueque ingenij adeò simplices, vt literarum prorsus mediocriumque artium sint ignari, vtpote qui nocturnos lemures adorent, quos nunquam viderint, sed inerrare domicilijs eorum noctu persuasum habeant, qui arbitri vitæ simul & fortunæ cuncta bona pariter & mala mortalibus dispensare soliti sint. Horum lignea simulacra incisorio pyrite lapide vti ruditer effingunt, religioseque venerantur, Zeminos appellantes vtriusque humanæ sortis largitores. Hos populos tormentorum portento aspectuque velificantium nauium territos & stupefactos, facile ad venerationem Christianæ crucis induxit, scedereque ic̃to cum aliquot præpotentibus insulæ regulis, cognouit manare aureas harenas ex amnibus, qui ex præaltis montium iugis in Oceanum deferantur. Itaque contentus hoc bene auspicato nauigationis initio, relinquere apud regulos ex suis Hispanos homines, totidemque ab his indigenas mutuae fidei obsoles accipere, reuertique in Hispaniam ad regem constituit. A quo demum persuso tantæ felicitatis gaudio, quadruplo maiorem classem impetrauit, vt reliqua scrutarentur, aggregantibus se ei certatim Hispanis, tanquam ad certam prædam ex aurea gleba ire properantibus. Hac secunda nauigatione Columbus, Amirantis regijque præfecti nomen promeritus, eas quas innumerabiles diximus insulas, partim desertas, partim ab immani & truculenta Canibalum gente incolæ, Piraticisque eorum latrocinijs cuncta infesta esse didicit. Si mortalium cruentissimi atque effertissimi humanis vescuntur carnibus: nullum numen ado-

rant

rant; nullum æquitatis ac humanitatis ius colunt; constuprant fœdè mares & venenatis instructi sagittis remigantes in alucis vniligneis longissimè prædantur. Cæterum Columbus recto cursu ab Hispaniola ad occidentem pertendens, insulam Hispaniola duplo maiorem apprehendit: quam propter longitudinem, ab initio continentem esse crederat; sed anfractibus eius enormi flexu superatus integrè circuiuit, & Cubam appellauit: pari auri copia & simplicitate incolentium Hispaniolæ persimilem, atque inde demum in aduersam ingentium terrarum & regionum continentem ad Austrum sitam, Boreæ flatibus appulsus tenuit. Hunc terrarum incogniti antea orbis tractum æqua fronte septentriones spectantem, & introitus sub æquatore situm, alij Sanctæ crucis terram, alij Pariam, alij Darienem vario in loco vocauere. Columbus ostium immensi fluminis subiit, quod ideo os Draconis appellatum est, quoniam tortuosis vorticibus nauigia absorbere posse crederetur. Eius terræ gentes Antropophagos esse, nec vllis donis mansuescieri posse compertum est; vestiri eos versicoloribus psittacorum pennis; arcubus & ligneis clauis præliari: nostrorum acies periculo factò reformidare, atque refugere in nemorosas latebras consueſſe, constabat. Tot aditis exploratisque gentibus Columbus, factus mortalium celeberrimus; non vno in loco constitutis legendi auri officinis, multisque castellis ad præsidium ædificatis, atrocis inuidiæ ictus effugere non potuit: Accusatus enim ab Hispanis innata crudelitatis & auaritiæ, causam pro se dicere coactus est, felici quidem euentu, confutata æmulorum malignitate, quum ab rege gratissimo atque iustissimo præfecturam Hispaniolæ fratri impetrarit; ipseque non multo post auctus opibus, & sua fama felix, quum tranquille senesceret, in Hispania obiit, relinquens aurifera regna, audentium Hispanorum virtute proferenda, vti mox euenit ad summam Hispaniæ felicitatem. Sic vt Columbus dignus omnino videri possit, qui à Liguribus præsentia potius quàm vetera hodie mirantibus, luculentissima stas sua Genuæ decoretur.

IANI VITALIS.

*Tu maris & terræ trans cognita claustra Columbe
 Vetus naue cita penetraſti
 Ignotos populos, atque abdita maxima regna
 Antipodumque orbem extremorum.
 Hic aliæ ventorum anime tua lintea lens
 Implerunt Aquilone, nec alto
 Fulserunt Helices clarissima lumina celo,
 Nec vertit mare tristis Orion,
 Hic legem accipiunt mitem Zephyrique, Notique,
 Aequora nec tolluntur in altum.
 Tu gentem incultam quarum vel pomifera arbos
 Numen erat, vel purpureus flos,
 Vel fons irriguus liquidis manantibus vndis,
 Formas vera religione.
 Tu vitam humanam instituis, tu moenia & vrbes*

*Stare doces opulentas,
 Et parere grauidam non vno è femine terram,
 Et connubia iungere certa.
 Vnde etiam extremi letis cum vocibus Indi
 Te memorant, patrèmq; saluant.
 Salue non Ligurum modo, sed decus orbis, honorq;
 Noſtri ſeculi magne Columbe,
 Cui meritò Iouius Heroas dedicat inter
 Nominis æterni monumentum.*

Ascanius Sfortia Cardinalis.



SCANIVS Sfortia, ſenatoriæ dignitatis ſupremum decus, quanto nunquam antea vel poſtea ſit viſum, ornaſiſſimo familiæ delectu cultuq; officioliſſimi nominis authoritate, & rerum omnium apparatu opulentiſſimo, ita expreſſit & impleuit, vt multorum iudicio ſacrari viri exiſtimationem atque amplitudinem ſupergreſſus eſſe cenſeretur. Nam poſt eius mortem obſoleſcente ſenſim Pontificiæ aulæ maiestate, conſpirationeque inuſitata quarundam gentium eneruatis Romanis viribus, vſque adeo iactata deſpectaque eſt religio, qua ſacræ opes nitebantur, vt neminem poſtea vel maximum Cardinalem ei æquari poſſe fateamur. Nam ſi vnus diuitijs, vnusque tantum fortunæ muneribus potius, quàm animi virtute & dignitate morum illuſtrium ſacros viros omnino æſtimandos & ſuſpiciendos exiſtimemus, nemo ſerè Aſcanio veniet comparandus. Lectus fuerat in ſenatum à Xyſto Pontifice commendatione Ludouici fratris, qui Catharinam Galeacij germani fratris filiam Hieronymo Riario Pontificis propinquo nuprui dederat. Inde Aſcanius opimis ſacerdotiorum redditibus, ipſoque patrimonio cenſu diſtiſſimus euadens, cum in Vrbe tenorem vitæ inſtituit, vt domo maximè hoſpitali, egeniſque perbenigna, & erga omnes inſigni prædicos virtute apprimè liberali, ſumma beneficentiæ fama potiretur, eſſetque aliquanto principi propior, quàm ſacrato ſacerdoti, quod ante omnia venatoriæ voluptatis & nobilioris aucupij exercitationes regio ſumptu ſtudioque perpetuo tueretur. Hoc tanto nomine prouectus, diu facilè principem inter ſenatores ſe geſſit. Sed authoritate atque opibus, & noua denique gratia auctior euasit, quum ab exceſſu Innocentijs octauj Pontificis comitijs rexiſſet. Circumductis namque ſuſfragijs, ad Borgiam totum ſe conuertit, emptusque proculdubio profuſiſſima largitione, vt ille omnium deterrimus pro optimo Pontifex renunciaretur, adhortator & author præclarus extitit: quum nonnulli eius ordinis candidati, Borgia potiores repulſam tuliſſent, qui Hiſpanum occulte malignitatis ſummæque ſimulationis hominem exitio cunctis futurum, ſtultiſſimè Pontificem creatum nequaquam falſi vates denunciabant. Cæterum Aſcanius, qui domum Borgianam peramplaq; munera ex ea ſuffragatione fuerat conſecutus, aliquot poſt annos extitit

amantiæ

amentie sue penas dedit. Nam Alexander, vt filium Cæsarem Borgiam ad summas opes prouheret, cum Gallie rege Ludouico in perniciem Sfortianæ & Aragoniæ domus conspirauit, tanta immoderati animi acerbità



te, vt cunctos Italici sanguinis regulos expellendos auitis imperijs, & scelestā manu pernetendos lusciperet. Itaque Ascanius cum fratre Ludouico Gallicis impar armis eo euentu in Germaniam profugit, vt cum mox Heluetijs fretus armis Mediolanum repetisset, Ludouico fratre ad Nouarianā ab hisdem Heluetijs scēdē prodito, ipse coniectus in fugam prodente eum pari perfidia Conrado Lando Placentino, ad Ripaltā Castellum supra Trebiam, Venetis equitibus traderetur. Exinde perducto iam in Galliam fratre, quum aliquandiu Venetis præalto in carcere custoditus esset, repente cum Ludouico rege in Galliam pertrahitur: sed triennio post, quod mortuus esset Alexander Pontifex, Romam à Georgio Ambosio Cardinale perductus est: quoniam maximè idoneus putaretur in toto comitiarum negotio conciliandis suffragijs. Nam Georgius non obscuro ambitu ad Pontificatum aspirabat: sed facta Pio tertio Pontificatum detulerunt, simul &

celeriter eripuerunt: paucissimis namque diebus excessit è vita, instauratisque comitijs Iulius secundus Pontifex ei suffectus est. Hic Ascanium Ambrosio frustra tendente in Galliam abduci vetuit, quòd indignum esset sacerdotem nihil tale meritum, paternique imperij fortuna expoliatum in carcere custodiri. Per hunc modum Iulij beneficio liber factus, & pristina restitutus dignitati, quum ad repetendum Mediolanense imperium, ingenti solertique ingenio consilia contulisset, conscioque Consaluo magno, & Liuiano adiutore Gallis bellum moliretur, veneno sublatus triduo interiit, eò minus infelix, quòd diri Pontificis teterrimam necem epoto temerè veneno, quod conuiuius erat destinatum, vidisset. Eum aduersus tot fortunæ contumelias infracti animi laudem meritum, Iulius marmoreo sepulchro honestauit, quod ad Flumentanam portam in templo Deiparæ virginis conspicitur.

PAULI AMANII Cremenfis.

*Hæc est quam mira depiclam conspiciæ arte
Augusta Ascanij effigies, magni illius inquam
Sfortiade, cui non vultu fortuna minaci
Vnquam animi effregit vires: est Gallia testis,
Hadriacique maris domini, qua mente superbum
Quàm forti tulit imperium, captiuus et hostem
Quàm se prudenti seu a ditione redemit
Consilio, ac tandem Italiam vacuasque reuisit
Summi Pontificis sedes, et Tiberis oram
Ipse ubi erat sacri decus et pars magna senatus.
Quòd si non atris peperissent pocula succis
Dirum illi exitium extremos tetigisset honores:
At illum hæc virtus, illuc sua fata trahebant*

Ludouicus Sfortia Mediola- NENSIVM PRINCEPS.



VDovicvm Sfortiam Mediolanensium principem, cui Moro cognomen fuit, nequaquam à fuscèdine oris, quòd esset æquo pallidior ita vocatum ferunt, verum ab argumento, quòd pro insigni gestabat Mori arboris: quæ idcirco sapientissima arborum conseat, quoniam tardè & non prius germinet & floreat, quàm hyemis iniuriam effugerit, itatimque tuto partu ocyssimè fruticet, quasi hoc ingenio suo esse insitum indicare vellet, in omni actione nunquam propere, sed grauitèr consilia inire, atque ea sicuti oporteret, maturè & celeriter explicare. Verum id postea gestamen comprobante euentu longè vanissimum extitisse videmus: quandoquidem ab tanta opinione prudentiæ, nihil demum sibi sapere sit visus, quum exutus principatu, miserrimus omnium mortalium cla-

trato in carcere perierit. Erat eo ingenij instinctu Ludouicus, vt omnem ingenitæ prudentiæ vim, subtili astu, & multo simulationis artificio muniendam arbitraretur: propriaque item vota contegere, dissimulanter men-



tri, fallere ex commodo, atque traducere simpliciores homines, ex disciplina officioque non inuisi principis esse putaret: quoniam adaperiti & liberè sentientis persona, inexpectatis sæpe iniurijs nimis exposita crederetur. Caterum in eo vigeat facundia illustris, nonnullis liberalis doctrinæ præceptis temperata, & grauis, quam oris & corporis habitus apprimè generosus & excellens magnopere commendarent: quibus dotibus coniuncta erat congressus & alloqui nuncquam fucata facilitas, vt perhumaniter responsa daret plena grauitatis & æquitatis: in neminem iratus aut asper: utpote qui subamara & ingrata his qui peterent, quodam sobriæ iocunditatis lepore mitigare consuesset. His moribus per multos annos aut fratris filij tutor, aut eo demum sublato princeps appellatus, imperium cum insigni gloria dignitateque Sfortiani nominis rexit, consilio potius semper vsus, quam expeditis armis, quod ex incommoda valetudine vir natura nec belli

Calatini fratris literis, Mediolanum in medio ardore belli perfidiosè fuerat reuocatus: sic vt inopinata profectio omnes ferè copias defereret, Gallisque forè relinqueret, & serò de fratris perfidia conquereretur. Bo nuncio & defectione Calatini ad Gallos, importunè terrefactus Sfortia, ideoque consilij factus inops, properè in fugam se coniecit, quòd vndique perfidiam timeret: & tum fortè Simon Horrignonus Insuber aequè perfidiosus & scelestus ad interficiendum principem frustra summissus, Landrianum ærarij præfectum trucidasset, in quo expediendæ pecuniæ ratio omnis sita erat. Fugientem cum liberis Ascanioque fratre Comenses receperunt, apud quos concionantem admirabili constantia, & de consilijs suis multorumque perfidia disserentem, ego tum puer maximè sum admiratus. Atque inde miser, & à multis desertus Lario emenso, & superato Abdua monte, quem montem Graium hodie vocant, vnde Abdua profluit, in Germaniam est profectus, paucisque inde diebus quum esset ad Bolzanum in Rhetia, Mediolanensem arcem nefaria proditione Bernardini Curtij clientis sui Gallo traditam cognouit, simulque occupatam à Venetis Cremonam, pari perfidia tradente arcem avarissimo custode, cui Bataleoni nomen fuit. Dum in Rhetia Cæsarem conuenisset, & de reditu consultaret, inter multas belli deliberationes, grauem sibi pecuniæ iacturam imminere prospexit, quod ea à Cæsare auidius expeti, neque auxilia maturè expediri viderentur. Itaque comprobante Ascanio, priusquam auri inopiam sentiret, conandum sibi aliquid existimans, Heluetijs & Grisonibus inter se fœderatis, & mercenarijs gentibus se commisit. Hi namque expeditas legiones, quibus eum reducerent, pollicebantur, quòd iam inuisum Insuibribus Gallicum nomen esse cepisset. Nec mora, adiuncto etiam sibi Sequanico equitatu, ab Alpibus Rheticis descendens, à Comensibus, Mediolanensibusque lætissimè receptus est, Ligninio nihil obstitente, & cum Gallicis præsidijs vltra Ticinum profecto. Sed quum Ludouicus in expugnanda Nouaria aliquot dies absumpisset, noua Gallorum auxilia Tramulio duce superuenerunt, & cum his multò plures & fideliores Heluetiorum cohortes, quàm essent apud Sfortiam. Ab his vsque adeò grandi Gallica largitione deprauati sunt cuncti ferè duces, qui Sfortiæ militabant, vt nullo pudore contra sacramenti militaris fidem eum ante receptæ Nouariæ mœnia Tramulio traderent. Commonstrarunt eum Heluetio habitu inter phalangis ordines gregarij militis specie tractum, Rodolphus Longus Griso, & Gaspar Silenus Heluetius. Pari quoque perfidia Sfortiam deseruere Sequani & Burgundi equites, quos mercede coniunctos adduxerat, Aloisio scilicet Valdreio Bastardoque Rosis ducibus, Ligninij opera atque pecunia corruptis. Perductum in Galliam rex Gallus accuratis precibus expetentem, vt victorem regem venerari sibi liceret, ad se perducere vult, quanquam eum postea ex itinere prætoriani equitis insignia, atque arma mentitus intentis oculis spectarit extra clementiæ pudorem, quum regiæ humanitatis in captiuum penitus obliuiscendum putaret. Natura enim prædurus, & recenti suo effectus carcere in Locensem turrem, erepto scribendi solatio miserum inexorabili saeuicia coniecit, ita quinto tandem anno vexatus, istericiæ morbo diuturnam mise-

riam morte effuderit. Audiui ego postea à Petrofrancisco Pontremulo, qui in eadem custodia fidus comes, perpetuo seruitio Sfortiæ fuerat concessus, cum totius infortunij sui miseras virili pioque animo pertulisse, sepeque dixisse, hanc sibi pro veteribus delictis extremæ calamitatis pœnam à magno Deo fuisse impositam; postquam consilia sua humanæ plena prudentiæ, nihil aliud quam occulta vis fati præuertisset: ita ut in ea vnam diræ necessitatis causam referret, quòd amici & socij penè omnes vel summis obstricti beneficijs, fidem impudentissimè fefellissent, præter vnum omnino barbarum Baiazetem, qui ex condicção Venetis terra marique arma inferens, sibi promissa, quanquam sera auxilia, in ipsam vsque Venetiam transmisiisset.

PAULI IOVII Iunioris.

*Quantam ruinam præcipiti dabit
Lapsu, tonantis tacta Ionis mare
Turrus, quæ ab excessu minetur
Mole, Deus, mediòque calo,
Sic concitatus, quos rapuit furor
Regni parandi atque ambitio mala
Euexit ad summum cacumen,
Sæpe ruunt grauiore casu.
Nam te quid olim consilium inuit?
Quid cum dolosi pectoris artibus
Astus inuere, atque in periculis
Ingenij experientis usus?
Felix cruento SFORTIA pralio
Si coucidisses, nec miserabilis
Fædum exitum vita vidisses,
Quum patria, soliòque anto
Expulsus, altè in carcere Gallico
Penas dedisti, quòd nimis improbus
Non tutor, at crudelius hostis
Præripis imperium nepoti.
Ergo insolentem pone superbiam,
Qui fidus alti viribus ingenij
Fortuna sic gaudet iocari
Vertere quum cupit ima summis.*

C A E S A R

Cæsar Borgia Valentin. dux.



CÆSAREM Borgia, qui sanguinario ingenio, immanis-
 que saevitia veteres tyrannos æquasse censi potest, viroso
 sanguine, execrabilique semine progenitum ferunt; quod
 faciem atro rubore suffusam tuberculis, qui saniem leuiter
 expuerent redundantem, oculosque introversos recedentes;
 & atroci vipereoque obtutu scintillantes ac igneos osten-
 deret; quos nec amici quidem & familiares contuendo ferre possent, quan-
 quam eos inter feminas iocabundus, mira commutatione ad lenitatem
 conuvertere consuesset. Cæterum artus reliqui ad decorem egregie respon-
 debant, quum ei esset habile corpus, valida nervorum compage firmissi-
 mum, quod tam aptè quam impotenter ad cunctas pedestris & equestris
 armaturæ, ludorumque omnium exercitationes afferebat, vipote qui
 longissimè & peritissimè iaculari, in palæstra vel robustissimum quen-

que prosternere, currentem in arena taurum vno macheræ ictu decollare didicisset. Susceperat eum in minori fortuna Rodericus pater, ex Vannotia Romana, quam à formæ venustate, & morum illecebris, miraque demum fecunditate legitimæ propè vxoris loco habuisse constat. Vigebat adolescente in Cæsare peracutum & erectum ingenium, proptereaquæ missus fuerat Pisas, vt in Gymnasio iuri ciuili operam daret. Sed vbi pater Pontifex est renunciatus, in Vrbem properè rediit, galerique purpurei dignitate collata in Senatum coopatus est: quem honorem postea fastidiuit atque reiecit, quum ad firmiores opes magnaque imperia effreni libidine raperetur. Primum omnium permutati ingenij & fluxæ fidei documentum præbuit, quum à Carolo Gallorum rege Neapolim contendente, cui à patre Pontifice legati specie, comes & obles datus fuerat, è Velitris Romanam profugisset. Exinde armorum studio teneri, contemnere galeri decus, & Candiano fratri, qui duceret exercitum, inuidere cepit, eo quidem insana emulationis exitu, vt ipso fratre Candiano, quo cum hilariter apud matrem cœnarat, iugulato, proiectoque in Tyberim, se totum à senatorio ordine abdicata purpura, & desumpto militari sago ad arma transferret, & Pontificijs copijs præficeretur; conuiuente prorius ad immane parricidij scelus patre Pontifice, qui & ipse vim sibi afferri ab efferato filio proculdubio metuebat. Itaque sublato principatus æmulo, quod ita ad explendas cupiditates expediret, Gallis se coniunxit, fecitque sponsalia cum Carlora Alibretæ familiæ regij sanguinis puella, apud Aquitanos pernobili. Tum enim Pontifex totus in eam incubuerat curam, vt ingentes filio opes, per amplique imperij facultates, vel summa cum iniuria pararet: eiectionis primò Vrbe Latioque Columniæ familiæ proceribus, Vrsiniisque demum insigni dolo perneccatis, & excisa propè Gaictanorum familia, quum eius proceres, occupato eorum dominatu, veneno aut ferro sustulisset. Verterat quoque eandem sæuitiæ atque perfidiæ rabiem in reliquos Pontificiæ ditionis regulos, quatuorquæ simul Cameritium proceres Varaniæ antiquissimæ stirpis strangularat: Guidonem Feltrium Vrbino pepulerat; Ioannem Sfortiam Pisauero adempto, paratam cædem effugere coegerat; expulsi etiam Arimino Malatestis. Et quum Galliæ togatæ imperium affectaret, Catharinam Sfortiam Hieronymi Riarij quondam vxorem, Gallicis fretus auxilijs, Foroliuius & Forocornelius deiecerat, captamque constantissimi animi feminam, magno probro, & parum virili superbiam in triumphum Romanam perduxit. His tantis belli sumptibus, quum sacrosancti ærarij pecunia minime sufficeret, opulentissimum quenque ex aula sacerdotem, & in his aliquot Cardinales veneno tollendos curabat, vt eorum diuitijs in Fiscum redactis potitus, profusissime largiretur. Vna enim liberalitate quæ milites sibi obnoxios & fidos redderet, famam quærebat, ita vt quum aasciuisset sibi in stipendium multos vndique manu promptos, & ex secunda classe Romanorum ciuium, censu atque audacia præpotentes, affectare Romanæ ciuitatis imperium, Vrbem Hispanis inquilinis replere, & per eos nobilissimi sanguinis proceres, quos eiecisset, diu arcere à patria speraret. Hæc cum impio patre cogitans, attonita in Vrbe noctu vagabatur, quum nusquam interdiu viseretur, quoniam lucem libenter effugeret, ne deformis

deformis & truculentæ facies spectaretur. Nouis me tot cædium crui-
re nondum satiatum, Astorem Manfredum, quem Fauentia expulerat,
quod esset decorus adolescens, seclerè & immaniter prius constupratum,
& mox fracta ceruice necatum, Tyberi merfit. Hanc infamis seculi pestem
quum neque Dii, neque homines ferre possent, fatalis Pincernæ error ad
præclaram magni numinis providentiam vtrunque sustulit, quum in Va-
ticana villa cœnantes, ex medicata Falerni vini lagæna parataque ad exiti-
um nonnullis Cardinalibus conuiuio, venenum bibissent. Pater senex non
diu veneni vim ferre potuit, at ipse qui dilutius bibisset, atrocissimo, sed
non lethali morbo correptus est; sic ut magnis consepitus copiis dux acer,
sibi vsui esse nequiuert, dilabentisque copias, & duos veteres hostes pau-
cissimis diebus Pontifices creatos viderit. Sed Iulius hominem vel mille
neces meritum, quem in mole Hadriani custodiri iusserat, ea pactione di-
misit, ut togatæ Galliæ arces reciperet. Elapsus itaque Cæsar ab Ostia
nauigio Neapolim peruenit, vbi à Magno Consaluo iussu regis comprehen-
sus est, atque in Hispaniam deuectus; ne vir bellicosus, quum ad eum ma-
gnus militum concursus fieret, recentis in Italia partæ pacis tranquillitatem
turbaret. Ad extremum Cæsar post tertium annum deceptis custodibus
è Medinæ arce funibus se deiecit, beneficioque Beneuentani reguli nactus
equum, ad Ioannem Cantabriæ regem confugit. Apud hunc, armis cum Ala-
rino regulò contendente, militans, quodam tumultuario prælio ad Men-
dauiam victor, glande traiectus concidit; sic ut non agnitus, & exutus armis
qui triumphum meruerat, ad regem nudus sarcinæ modo vili iumento
impositus, pendentibus brachijs & cruribus referretur. quo exitu ferox ani-
mus corpore excedens lætari potuit, quum ea victima non hosti ignoto,
sed manibus tot insignium procerum, quos crudelissimè perneccasset, acer
bisimis tormentis dilaniata omnino mactari debuerit. Sepultus est Pom-
pelonæ, arguto Hispani poetæ carmine honestatus, quod Latine postea
Antonius Vacca ad eandem sententiam sic vertit:

A N T O N I I V A C C E .

*Terra qui modò terror vniuersæ
Valentius erat, sepulchrum hic est.
Tantillo hoc spacio quiescit, orbem
Bello qui potuit monere totum.
Hospes qui freta longa, quique terras
Curris, res audus notare dignas,
Siste hic adueniens gradum, neque vltra
Iam quouàm properes, videre manus
Toto nil potes orbe, dignisque,
Quàm quo tantus homo iacet sepulchrum.*

A N D R E A E Angulij.

*Hæc quantum fuerat satius, dux maxime Cæsar
Borgia, tam clavis Romæ natalibus ortus.
Hispano patre, magnarum puer indole fulgens*

*Virtutum, & iuuenis donatus honore Galeri
 Purpurei, nunquam tam sæde insignia tanta
 Tu despectisses; regnandi dira cupido
 Inuasit, quum te rorantem sanguine fratris,
 Vel silem est animum aggressus quum bellicus ardor
 Ille tuum, prius quo equasti Marte Quirites,
 Totque duces, validisque acies, totque oppida & vrbes
 Viciisti, indutus mentemque animumque tyranni
 Aut rubil, aut Cesar demens iactare solebas,
 Debueras pro fama eterna, pro laude perenni
 Prælia tractare, vt Romæ celeberrimus olim
 Mos fuit; at non illa inuans & sanguine & auro
 Exercere, domo dominosque expellere auita,
 Totque horrenda animo comittere funera sano,
 Que pudor Hispano me ortum genitore, Quirini
 Inque vrbe, & tellus hisdem tam sæda referre
 Nunc prohibet; sacri quum spreti iniuria bonoris
 Magna olim edocuit mortales satque superque,
 Cantabrie miser vi cecidisti inglorius agri.*

Nicolaus Vrsinus Petilani

COMES



HOC honesto caluitio deraſaque barba, & vetere leuis armaturæ cultu, Petilianus maximè vigilantis, & verè ſtatuarii ducis ſpecimen præbebat, quum Venetis militaret & Vrsinæ familiæ decus, poſt eneſtum Neapolitano in carcere Virginium, illuſtri armorum ſtudio tueretur. Is plura ſtipendia vario militiæ munere Pontificibus, Florentinis, atque Aragoniis fecit; cautique ſemper & egregiè conſtantis famam eſt conſecutus. Bis aliena potius perfidia, quàm ſua culpa in potèſtatem hoſtium deuenit; ſemel ad Ceſenam Ferdinando Aragonio militans, quum forte ad vrbis Decuriones pro expepiendis commeatibus aſceſdiſſet; eum nanque inermem & nihil tale ſuſpicantem Guido Guerra vir factioſus & inſolens comprehendit, fruſtra reclamante Ceſenatum ſenatu; ſed ab ea vi temerè illata, Guido qui Gallis adhæſerat, eum habuit euentum, vt ab Aragoniis in vrbem irrupentibus continuo pelleretur. Iterum verò ad Nolam quo ipſe & Virginii cum Aragoniis copiis, ingruente ad Captiam Carolo ſeſe contulerant. Ibi enim deditibus vrbem Nolanis, ea conditione vt duces copiarumque regiæ incolumes forent, Arſius Gallus contra ſidem pactiſionis ipſos duces manu cepit, & copias hoſtiliter diripuit. Eo modo captiuus quum in Galliam à Carolo perduceretur, emedio Tarrenſis pugnæ tumultu ad Venetam aciem profugit; ſic vt ſæuero vehementique ſuo hortatu, nutantes copias, & ſordam proclinas in fugam opprùnè retentaret

retentaret, restituitque animis ad conseruandos ordines egregie confirma-
ret. Qua cohortatione summa proculdubio clades auersa est, & grauioris
gnominiæ dedecus Italo militi ademptum, tanta cum laude, vt mox ei



a Legatis Venetis & Sfortianis seruati exercitus gratiæ certatim agerentur.
Exinde Veneto conductus stipendio in obsidione oppugnationeque No-
uariæ strenuam nauans operam, Gallici tormenti pila iuxta renes ad dubie
salutis euentum vulneratus est. Post id verò bellum prosperè confectum,
Veneti collecta autoritate florentem, in Francisci principis Mantuani dis-
cedentis locum, imperatorem crearunt: qui honos perpetua cum dignitate
nominis, vsque ad vitæ exitum ei permansit. Eius ductu Germanorum co-
piæ iussu Cæsaris per Athesis Vallem irrumpentes, quum Gallorum auxi-
lia Triuulcio duce, & Hispanorum cohortes contra Germanos Venetis ac-
cessissent, post expugnatum Petræ Castellum repressæ sunt. Necmulto post
diræ coniurationis bellum in Venetos est exortum, conspirantibus in v-
num cunctis Europæ regibus ad excidium Veneti nominis. Cuius atro-
cissimi turbinis procellam, Venetus diu ferre nequiuit, amisso scilicet ad Ab-

duam exercitu, quo die aduersus Gallum regem Petilianus vlllo vsui vel eximie cautus & fortis imperator esse non potuit, quum in id male exploratum pugnae discrimen ab inconsulto præpropereque collega Liuiano, vel renitens & nolens raperetur. Ab ea clade Venetus cunctis propè copijs & vrbibus exutus est. Nam singulae ciuitates aduentantis cum terrore victoris regis, nec imperum, nec ipsam vrgentem famam sustinentes, extemplo rebellabant. Solus Petilianus è suorum strage se recipiens, vt iterum operam præstaret, animum non despondit; suasitque patrijs Venetis, vt de Republica non desperarent: positis nanque castris ad Mestrium oppidum, & collectis profligati exercitus copijs, constanti animo substitit; amisso que Patauio, vt Taruiliu in potestate retineretur, immisso præsidio curauit. Neque diu post, non semper immittis Fortuna, inflictarum pertesa dadi um, ita commutata est, vt præ pudore Venetis viam aperiret, qua Patauium reciperent. Excubante siquidem in eam curam Petiliano, Andreas Grittus Venetus legatus è Taruilio cum expeditis copijs noctu mouens, eius portæ, quæ Cauda longa vocatur, pontem, fœni plaustro de industria oblessum occupauit; oppressisque præsidij Germanis, vrbe atque arce potitus est. Qua contumelia singularique iactura accensus Cæsar, intra paucos dies è Germania descendit; castrametatusque ad Fanum beatæ Helenæ, Patauium ingentibus tormentis expugnare adortus est: celsissetque ea vrbs amplitudine & vetustate pernobilis, proculdubio Cæsari non suis modò è Germania magni roboris copijs, verum etiam Gallorum & Hispanorum auxilijs confirmato, nisi Petilianus supremo Romanæ virtutis opere edito, murum perruptum hostilibus tormentis, iamque ad ingressum audaciæ hostium patentem, memorabili fortitudine defendisset. Cæsar enim alioqui bellicosus, & in dubijs ausibus plerumque pertinax, vbi militare decus eminceret, postquam Hispanos fortiter repulso, & fœda missilium ignium, omniumque telorum clade obrutos vidit, ab vltimi certaminis alea temperandum multis de causis iudicans, irrito conatu elusus & inglorius in Germaniam redijt. Neque fata Petilianum partæ gloriæ suæ diu superstitem esse voluerunt; nam septuagenario maiorem diuturnæ vigiliæ, immoderatusque labor, administrandis regendisque præsidij susceptus, facile confecerunt: sic vt cum lenta febris, & concitata aluus ad Leonicum Vicentini agri oppidum nō multis diebus extinguere, Senatus tanquam summæ fidei atque prudentiæ ducem non temerè luxisse visus est, quando ei postea parem frustra desiderarit; ob idque ei honoris causa è ligno equestrem statuam erigi iussisset; eo tamen decreto, vt ei tranquilliore Reipublicæ tempore, ænea inaurata poneretur, vel ob id perenne decus merito, quod pro externis regibus, (vti Romanum decebat,) nusquam arma ferens, pro gloria tantum aut salute Italici nominis omni tempore dimicarit.

ANTONII FRANCISCI Rainerij.

*Vrsini venerare ducis picta ora manisque
Erydanum quicumque bibis; Tyberimue, Athesimue,
Tyrreno quicumque mari, Hadriacoue potenti*

*Allueris; celsi aut iuga suspicis Appennini
 Ille etenim Ausonios cum se effudisset in agros
 Horrida tempestas; totamque involuier armis
 Cerneret Italiam; & trepidantes pectore partes
 Italia Venetos decus, & cum maximus hostis
 Fulminibus claram Pataui contunderet urbem
 Exitium in magnum; stetit imperterritus ille
 Huc illuc aciem voluens, urbemque pererrans,
 Romulidum prisca fractus qua Barbarus arte
 Viq̃ue animi iniuncta, Ausonijs excessit ab oris.
 Salve ò bellipotens, tot qui vnus nullia contra
 Sublapsam nobis vigilando restituis rem,
 Qui fera Gallorum, & Germanæ robora pubis,
 Innumeras acies qui comprimis Hispanorum
 Et coniuratos Italia in præcordia reges.*

Franciscus Alidosius Cardinalis Papiensis.



NON ineptum fore putauerim, ad institendam rectæ atque honestæ vitæ disciplinam in sacris viris, si ad exemplum posteritatis Francisci Alidosij Cardinalis vita improba, & non serò subsecutus peruersos mores inusitatus interitus exprimatur. Sic vt eius nobis hæc imago ex viuo vultu ducta magnæ sit admirationi, quod tantam in se decori & liberalis aspectus dignitatem præferre videatur; vt hinc coniectari liceat deprauati animi labem illustis formæ specie aliquandiu posse contingi, abscondique facile vel peritissimis physiognomiæ artis magistris. Ortus erat ex nobili Alidosiorum familia, quæ in Æmilia via Forocornelij principatu olim potita est; educatusque liberaliter, sed aliquanto licentius, quam exuenti pueritiam ad tuendum pudorem expediret. Adolescens namque rosso ingenuoque ore conspicuus, Iuliano Rouereo adhæsit, qui postea pontifex Iulius Secundus appellatus est. Apud hunc multis & arcanis, expediti ingenij & parati corporis obsequijs, quantam nemo alius inter æquales, gratiam promeruit, quamquam eam aduersus prostratæ pudicitie rumor vhemeter eleuaret quod inuereunda consuetudine, aulae principes sibi conciliasse crederetur; vnde illi purpurei galeri honos mature collarus est, permagnaque illi ex sacerdotijs diuitiæ, nunquam frustra petenti affluenter obucnerint; sed quibus coniunctæ (vix mox apparuit) insitæque essent famuliacres superbo eius ingenio pestes, cum libidinis & gulæ, tum procacitatis & alex, malignique liuoris; quæ hominē natura irrisorem, & ab æquo & bono dissidentem, ad sermones contumeliosos & impuros, impudentibusque mendacijs reſertos impellebant; vt ex commodo proferendæ ambicionis & voluptatis instrumenta pararentur. Mirè enim sibi placebat, quum plerosque eius ordinis splendoris & munificentie gratiæque nomine prorsus anteciret; postquam ei literarum & veræ virtutis ornamenta deessent,

& non obscure Forocorneliū dominatum optimo iure se petere à non ingratō Pontifice profiteretur, quōd eam urbem olim Alidosij maiores obtinuissent. Cæterum in ea re Iulium spē sua duriolem inueniebat; occupatum scilicet



cet Gallico bello, & conciliū à Gallo rege indiētī offensionibus circumuentum, nec quicquam aliud coquentem, quā vti Pontificij imperij opes augeret, studio religionis, amoreque patriæ communis, quam in libertatem asserere aduersus externas gentes magnopere contendebat. Verūm Fortuna generosis atque sanctissimis consilijs aduersa, ita Iulij cœpta perturbauit, vt vndique victor Gallus, impotentibus fretus armis maximè vrgeret. Quo rerum successu Alidosium peruersè potius lætatum, quā malo publico consternatum ferunt; vtpote qui pristinæ innixus cupiditati, Forocorneliū urbē beneficio Galli victoris, quā Iulij munere adipisci mallet, proptereaque perfidiosis artibus, importuna ad sustinēdum gerendūq. bellum impedimēta, Francisco Mariæ Feltrio, qui Pontificijs præerat copijs, asserere diceretur, vt Gallis incumbētibz victoriam aperiret. Erat enim Bononiæ in munere legationis expediendis castrensibus rebus atque pecunijs, obscuro quodam
astu

Attu semper aduersus, & vsque adeo auaritia, libidine atque seuitia infamis, vt à Bononientibus Verre Tulliano rapacior & saeuior vocaretur; ob id præferetum quum insonites nec villo iudicio conuictos, simplicissimo tantum liberoque ore locutos patricos quatuor, ad inanem ciuitatis terrorem strangulasset; eoque acerbius, quod nulla Pontificij iussus in eorum necem documenta extarent. Fuere ij Albertus Castellius, Innocentius Aringherius, Sellustius Guidortus, & Bartholomæus Magnanius, qui nunquam de pro denda vrbe somniassent. Itaque alienato populo, & Gallis appropinquanti bus Triuultio summo duce, Feltrianæ copiar, & Veneta item auxilia his sub vrbe coniuncta, primo repentinoque impetu sordè prosligata sunt; ita vt irrumpentes Bentiuoli veteres tyranni in urbem reciperentur, aperiente Ga leriam portam Laurentio Ariosto, quem Alidosius Bentiuolæ factionis stu diosum cohortibus conscriptis portarum custodiæ, perfidiose aut imperitè præfecerat. Erat tum Rhauennæ Iulius Pontifex, ad quem Feltrius amissis copijs peruenerat, quum eo etiam Alidosius vrbe atque arce desertis, se in fu gam eiciens, conuolasset; vt scelesti admissi erroris veniam inculcata fortuna deprecaretur. Verum hoc meditati surda fasa & superi scelerum vindi ces non arriserunt eum: siquidem mula vectum, indutumque atri coloris pe nula, Hispanicoque pileo, depositis purpuræ senatoriæ insignibus, Feltrius pedes ad Pontificem ire pergentem iuxta Vitalis ædem adeptus, mucrone per ilia grauius adacto, è mula deturbauit. Quum cadenti Mondulphus equitum præfectus latiore sica malam cum auricula discidisset, Philippus de mum Auria repente ictus Feltrio, iacentem impresso ad præcordia gladio humi confixit; nihil se commouentibus prætorianis aliquot equitibus, qui stupente atque attonito Guidone Vaino ipsorum duce prætorijque præfecto, neque animos, neque arma ad ferendam cadenti opem expedire po tuerunt. Iulius ad nuncium tanti patraei facinoris exclamans, neuter inquit eorum me fefellit, quod ominabar enim non sero euenturum sciebam; sed me fratris filij dispudet, quod dextram sacro sanguine polluerit, quum priuato indulgere odio, quam publicæ saluti, immitisi patruï defensor ma luisse videri possit. Sed Triuultius hostis egregiè pius & prudens, Iulium Rhauennam tumultuose excedentem persequi noluit, recepta scilicet Bono nia contentus, quam Gallicis adiutus armis Pontifex ante quinque annos acquisisset. Eius patrae cedis nomen diuersi iudicii famam tulit, quum alij ad sacrosancti ordinis immaniter violati contumeliam, execrabilis inulita tæque cædis facinus detestarentur, quo Feltrius scelesto exemplo aditum ad Cardinalium cædem patefecisse videtur; Alij porro extra aulae adulatione positi, hominè impensè celebrarent, qui æquissimo iure, sacraei senatus probum & purpuræ dedecus, tanquam planè monstrum, generosa, & verè Herculeæ manu sustulisset.

PAULI IOVII Iunioris.

*Improbior Caco, Lernaëque immanior Hydra
Geryone asperior,
Ille est, Atyonia non enarrabilis aule*

Pectus & opprobrium
Iam tum vulgatum cunctis Adosius oris,
Quem tamen impavidus
Sustulit Herculeo confossum Feltrius ictu,
Scilicet vt merito
Sublatus terris Stygias inuiferet umbras
Tergeminumque canem,
Perpetuas illic penas, & sena daturus
Supplicia, ben miserum,
Te pudor & pietas, & religionis vapores
Deferuere simul,
Pro quibus inuidiam & rabiem exercere solebas,
Imperium patrie
Affectans, tumidi dum te victoria Galli
Erigit, atque putas
Illius auspicijs cuncta exoptata referre:
Sed vetuere Dei.
At vos iam dudum caso gaudete Tyranno
Patritiorum animæ:
Et tu cum placido letare Bononia Rheno.
Nam quis erit scelerum
Tantorum inuentor, qui tristes improbus iras
Effugiat superum?

Baiazetes II Turcar. Imp.

BAIAZETEM qui Othomannorum principum octauus fuit, Græcorum senum potius quàm Turcarum more proluxa barba usum fuisse constat, cum ex hac imagine verisimam, tum etiam ex grauis nec infaceti scommatis Selymi filij dicto. Hic enim quum forte Hismaelis Persarum regis legato familiariter causam quaerenti, cur subtonsa ad mentum barba vteretur, quando promissa potius magnos reges deceret, sicuti Vsumcassanes, & Sulthanus Campson, paterque ipsius Baiazetes nutrire consueuissent: illico respondit, se nolle ab ea inuiti atque importuna denudatae barbae ansa expositum videri, vt corripui & circumduci posset à purpuratis suis, quorum improbam vim pater inde correptus & pertrahens vnquam effugere nequiuisset. Erat enim Baiazetes non pertinacis interdum, sed valde obsequentis ingenij; sic vt è media purpuratorum consultatione non nunquam inuitus ad ea quæ nollet actionum consilia sepius raperetur; quanquam in eo non deesset bellicus vigor, constantiae laudem affectans, & iudicium in expendendis rebus æquo & temperato principe dignum, vtpote qui Scythicae stirpis insolentiam atque duritiem, & natura insitam genti violentiam, multa præcellentium studiorum grauitate, & ex historicis sacris aptissima exemplorum vbertate temperaret. Natura siquidem tranquillitati

quillitati & sapientiæ deditus, Peripatetici Auerrois opinionibus oblectabatur, placitaque mahometanæ legis, diligentius quàm regem bellicæ gloriæ audum deceret, rimari credebatur. His cogitationibus occupatus, quum



pater Mahometes mortuus esse nūciaretur, atq. ipse tū esset in Cappadocia, ab ipso sperati imperij limine, à Prætorianis purpuratorū malignitate concitatis, penè exclusus est, Coreutho nepote in Regiā sedē sublato. Sed nō multo post, cū ipsa pueri imbecillitas, tum obortus inde iustus pudor, imperiū a uo debitū & ereptū prætorianis largitione pacatis facillè reddiderūt, eoque facilius quod Gemes Baiazetis frater ad imperiū aspirās, cōparatis copijs aduētare. Verū fortuna Gemem tribus victum prælijs ita perculit, ut Rhodum cōfugere cogretur, captusque ibi Romano Pontifici custodiendus Romam duceretur. Exinde Baiazetes intestino bello liberatus, more maiorum in Christianos arma conuertit: quorum impetu fere perpetuo Valachos ad Istri ostia adempto Moncastra multis icomumodis affixit, ingenti que pugna edita Illyriorum Pannoniorumque & Croatorum copias pro cōmuni

salute in vnum coeuntes, apertisque in campis contendere ausas, per Cadū bassam Eunuchum non longe à Sauro trucidauit: neque vsquam præterquam ad Tarsum vincentibus egregiè mamaluchis, aduersam belli fortunam expertus est. Exorto demum Veneto bello non terrestri modò, sed nauali apparatu patre validior, ita irrupit, vt Schenderbassa luctuosa incursionem, vltra Tiliauentum in Euganeos penetraret, & Deuthes præfectus classem Venetam Grimano duce ad Sporadas insulas in fugam coniecisset: & Venetas opes exolecente eorum disciplina sibi in posterum mari contemnendas ostenderet: quum anno sequenti Barbarus ipse audacior factus Peloponnesum intrans, expugnata fortiter Methone, & ad eundem victoriæ terrorem, Corone, Pileo, Crilleo Naupactoque in deditionem acceptis, & paulo antè occupato Dyrrhachio terra marique victor euassisset. Sed Hispaniæ Galliarque regibus in publica religionis causa Veneto opem ferentibus, ea conditione pax à Baiazete impetrata est, vt recepta dudum Cephalænia, Venetæ, vti antea fuerat, esset ditionis: & Leucas, Nerythusque insula, quam Pisaurus Venetus nauiter expugnat, Turcis redderetur. Eius autem conciliandæ pacis Gritus author eo Barbarum facilius persuasit, quoniam in Persidæ Hysmael Sophus ex progenie Vslumcassanis sese regem effecerat, inuicta nouæ religionis opinione, quam ingenti fama superstitionisissimi quique earum gentium credulitate nouæ legis persuasi ardentissimè sequerentur; vsque adeo supra religionis causam felicibus armis formidolosus, vt Othomannico imperio hostis immineret. Nam eius clientes sectatoresque in Cappadociæ fines trahendorum in causam populorum nomine penetrarant; binosque iam Bassas Caragium & Halim, geminosque exercitus duobus oppressis ducibus occidione deleuerant. Huius belli timor eò Baiazetem senem perpulit, vt de successore deligendo cogitaret, purpuratorumque perfidia Selymus filiorum natu postremus, quem paulo antè prælio superatum parricidam appellarat, fraude & dolis patre eiecto Constantinopolitano imperio potiretur, & senem patrem vir sæuus atque impius exutum regno veneno tolli iuberet. Per hunc modum Baiazetes ad Dimotocum vicum hortorum amœnitate nobilem, iuxta Ponticum litus ire pergens, quum regnasset annos triginta duos ærumnosam vitam exoptata morte commutauit; eò quidem seipso minus miser, quod Acomatis & Corcuthi filiorum Neporumque aliquot regia indole iuuenum, atrocissimam necem non viderit, quum vixisset annos septuaginta tres, sub id ferme tempus, quo Iulius Pontifex, pro salute dignitateque Pontificij nominis aduersus Gallos concilium excitantes, controuersiam armis finiendam suscepit.

IANI VITALIS.

*Dum rerum exquiris causas, & dum procul Hannos
Carmannos, Cibes, Sauromatasque domas,*

Baiazete

*Baiazete, domi proles tua te petit armis,
 Et te per fraudes amouet imperio,
 Adhuc inde nouum sceleri scelus, & tibi misceat
 Pocula lethiferis illata gramenibus.
 Intempestiuos crudelis vipera factus
 Per sua sic tandem funera, rupta parit.
 Quid tutum est cui sint ingentia regna tyranno
 Si timeat natos, progeniemque suam?*

Gasto Foisseius.



QU I S vel imperitus ex humano vultu interni moris coniecto in hac decora imberbis iuuenis facie, diuersas inter se pugnantem partes non admiraretur? Quando hinc diffusus per genas argenteus fulgor, ad maturae frugis pallore sensim euadens usque adeo generosum os commendat, ut vehementer spectantes alliciat. Illine vero radiantem, cauique oculi, praeferoctis animi indices, conuentes absterreant. Hac enim specie spirantem bellicam vim Gastonem Foisseium saepe vidimus, quum seruido ingenio arma quatiens insignes victorias & triumphos ageretur. Is ab auunculo rege Ludouico, quem oris atque animi indole referebat, in Italiam cum imperio missus, tanta vi celeritateque, sua atque aliena arma exercuit, ut prius dux quam miles; ante triumphator quam acclamatus imperator extiterit, summis profecto nobilioris seculi ducibus praefendus; nisi in ipso victoriarum cursu adolescens plenus gloria cecidisset. Incredibili nanque celeritate ad parandam ei inulitatem laudem & immaturum vitae exitum properantibus facis, irrupentes in Insuorum agros hostes Heluetios acerrime sustinuit, & in patriam repressit. Bononiam per lutulenta itinera praeduraeque hyemis glaciem raprato exercitu, formidolosa Hispanorum obsidione atque oppugnatione liberauit: igneque rapidior inde digressus, Venetas copias ad Athesim fuso Baleono duce protulit: atque eodem cursu per arcem Brixiam aggressus, praesidium Veneti, Brixiani que populi cruentissima strage edita, rebellantem urbem recepit atque diripuit, sic ut mox tanta subnixus victoria, rursus ad Hispanos verteretur, ut Rhauennatum campis, insigni certe victoria, sed fatali suo interitu nobilitaret. Inflammatus nanque immoderato ardore delendi hostis, quum iam plane victor stratis aduersariorum alis & legionibus incitato equo cum paucis, recipiens sese hostes persequeretur, sub aggere profuuentis amniculi confossus interire, eo quidem euentu, ut morte sua seruasse reliquos hostes, & rem Romanam summum adductum a discrimine, metu atque periculo liberaisse iudicetur. Verum ab ea mox cruenta exitialisque victoria Galli, exequente eos damnaeque impietatis Iulio Pontifice, premensibusque iterum Heluetiis, Italiae possessione deieci sunt. Ob eas res gestas Matthaeus Sedunensis Cardinalis Heluetiis legionibus praepositus, ut irato Pontifici obtemperare videretur, Gastonem Mediolani aurata in arce magnificentissime tumulatum ab excelsa testudine templi maximi detrahi iussit

quod ossa infensissimi & sacris interdicti hostis, indigna eo superbae pompae spectaculo iudicaret; Quando ad exornandum impiae victoriae trophaeum sacrosancti Pontificis vexilla ad ignominiam tholo suspensa spectarentur.



ANTONII FRANCISCI
Rainetti.

*Funera quis memoranda tanat, clademque Rhauenna
Et tua summe ducum facta, obitumque simul?
Ingentes cum tu incedens per corporum acervos
Non victor strage concidis in media.
Gallicae sensere Flosperij, quam vinuda virtus
Sensere, utrici cum cecidere manu.
Sic obitu iuuenis Decios imitaris, & armis
Sic geminos belli fulmina Scipiadæ.*

Ludouicus Galliæ Rex.



IN LVDOVICO Galliæ rege eius nominis duodeci-
mo flagrantissimum armorum studium enituit, quo in v-
tranque fortunam diuerso euentu longè clarissimus extitisse
videtur, sed qui in omni vita proserendi imperij, quàm præ-
clari nominis audior à plerisque sit existimatus, quòd con-
tra insitum generosis Gallorum regibus morem parum pi-
us, & seuus, pecuniæque tenax haberetur, quanquam ipse eo nomine quòd
Romanum Pontificem impugnaret, impius Caesarum exemplo dici nollet,
& seuitiæ plerūque tuèdo regno necessariam esse diceret, nimiaque auri pro-
fusione regni vires à sano rege minimè eneruandas arbitraretur. Eum nanque
nulli sumptus, à suscepto semel bello nunquā deterrebāt, quū parsimonia potius,
quàm populorū expilatione gauderet. Proinde viri militares cum tanquā

illiberalem, minimeque largiorem ex animo non amarent, & ex aduerso populi eum tanquam innoxium, & licentiam militarem edictis & pœnis coercere solitum impense venerarentur. Cæterum ei vel minus benigno quàm aulæ luxus expcteret, recti atque æqui erga omnes mortalium classes præclarum ius inerat, quando nihil debere, potius quàm multa largiri sapi entem regem oportere prædicaret. Neque enim quisquam vel inhini ordinis creditor diu cunctantem quæstorem expectauit: nam regni huiusmodi expediendæ pecuniæ ministri, vsque adeo exigentibus prompti aderant ad abolenda mala nomina, vt militi præsertim stipendiorum suorum stasis temporibus certissimus esset prouentus: qui tamen, donatiui extraordmaræque munificentiae auidi, tanquam impunitis superioris seculi rapinis asueti, noui lucri spem sibi ereptam, regia, eaque planè ignobili moderatio ne querebantur. Visus quoque est natura sæuior aut certè æquo sæuior, quum vlsceri quàm parcere mallet, & penè totam, magnis expetitam regibus elementiae laudem, tanquam sæpe noxiam aut inanem repudiaret. Tum enim aut ineptè aut parum generose sese inexorabilem & inimitem ostendit, quum Ludouicum Sfortiam pulsum dominatu, infamique prodicione captum, & coniectum in carcerem, erepto scribendi solatio, miserum mori coegisset, tantique modo nominis principem conspectu suo indignum arbitraretur. Ab eadem etiam belli felicitate Federicum regem Neapoli eiectum, & ad se cum inuidia Hispani regis in Galliam confugientem, ad pedesque proiectum, nullo vel mediocris vrbs principatu collato, in spem honestioris vitæ erigendū putauit; quum nō multo post Federicus & exul, & miser, ex dolore irritæ spei fato concesserit, sæpe dolens & in luctu gemens, quod opinione sua esset deceptus, quum infidelis propinqui regis malignitatem optima ratione detestatus, apud verum hostem clementiam omnino quærendam iudicasset. Implacabilis quoque sæuitiæ non multo post damnatus est, quum Auogarium teneræ adhuc ætatis adolescentem, regia in aula aliquandiu nutritum, eius Aloisij filium qui Brixiam Gallis ademerat, propterea quæ à victore Foissieio dissectus in frusta, admissi sceleris pœnas dederat, tanquam obsidem paternæ fidei, eadem securi percusi iussisset. Verum hæc exempla inhumanitatis, atque sæuitiæ confirmando imperio opportuna putabantur, in Italicas præsertim gentes, quæ metu potius quàm vllis lenitatis officijs, tanquam subactæ armis in fide contineri posse crederentur. Qua in re Gallos postea deceptos fuisse compertum est, ipsa ad euentum belli docente Fortuna. Nam Ludouicus qui sine vulnere Sfortiano potitus imperio, Aragonij nominis leges sustulerat, & Genuenses populari defectione antiquam repetentes libertatem, terra marique domuerat, formidandamque liberis populis arcem eorum humeris imposuerat, & Venetos vna acie cruentissima ad Abduam debellarat, Iussumque Pontifice in summis illatis cladibus, & erepta Bononia, ipsa propè vrbe Roma depulerat, in exitu victoriarum suarum hæsit, viditque se Neapolitano deiectum regno, & expulsū Mediolanensi imperio; Gallos præsidēs Genua eiectos; receptamque Bononiam, ac obiter Venetos in bonam spem veteris instaurandi imperij perductos, quum Briannicis pariter, ac Helueticis Hispanicisque armis in Gallia circumuentus, qui externis terrori

terrori fuerat, sese ægerrimè patria in terra tueretur. Cuncti nanque veteres eius hostes pro causa religionis, dignitateque exagitati Pontificis, aduersus Gallos ex censura Christiana impietatis damnatos, arma defumspérant, tanto impetu, vt ea vis publica ad ipsos etiam veteres Gallorum socios, vt eodem impietatis scelere contaminatos recideret. Ioannes siquidem rex Navarrae oppugnantibus Hispanis regno excidit: & Iacobus Scotiæ rex egressus fines, vt Henricum è continenti in Britanniam retrahere conaretur, conferta improspere ad Tuedum pugna, victus interfectusque est: & Florentini in Gallorum gratiam concilio Pisis sedem concedere præbereque ausi, reductis à Iulio in patriam Mediceis veteribus dominis, amissa libertate stultæ temeritatis pœnas dederunt. Sed Ludouicus demum se propèa Fortuna multatum cernens, ad sanitatem ita rediit, vt ab infestis hostibus vel ini qua conditione pacem redimeret, & ei à rege Henrico soror amabilis puella venustatis, in matrimonium traderetur. Verum ab his nuptijs rex iam senex, & diu pertinaci & sæuo vexatus morbo, ex nuptiali face sibi rogum succendit, quum regnasset annos quindecim, vixisset prope sexaginta: dignus profecto ex cumulatis toties victorijs supra cunctos ætatis suæ reges, præalto atque ornatissimo trophæo, nisi vetus Christianissimi cognomen ab inconsulta superbaque dissensione, quum Romani Pontificis dignitatem impotentibus armis conuellendam susciperet, declaratus sacer & impius amississet.

IOANNIS Bellay Cardinalis Parisiensis.

*Prostratis venetis, victo Ligure, Insubre capto,
Et Romæ afflictis, Hesperiaque opibus
Palma tibi Ludouice ingens accreuerat: hanc fors
Abtulit, at non sic abtulit illa animum;
Nec fecit (neque enim sunt hæc sua) Gallia ne non
Vtraque, te patriæ diceret esse patrem.*

Consalius Ferdinandus

MAGNVS DVX.

HAC præclara planeque heroica, & vere maximo duce dignissima facie sese Neapolitanis ostentabat Consalius Ferdinandus, quum plures victorias continenter adeptus Gallicum bellum secundissimè confecisset, triumphalique laurea (nisi eam singulari modestia reijceret) militari iudicio acclamationeque populi exornandus censeretur. Cui ideo breuius atque perstrictius Elogium optimo iure supponendum arbitramur, quod eius vitam & res gestas, peculiari libro edito scripserimus. Neque enim angusta papyro satis honestè capi potest hic imperator, merito cognomine consensuque omnium ferè gentium Magnus appellatus, qui nostræ tempestatis vniuersos ferè duces magnitudine animi, bellica virtute, totiusque ciuilis humanitatis atque prudentiæ præconio sine controuersia superauit. Sic vt eum tanquam summi nominis existimatione clarissimum

ducem, Ludouicus Gallia rex, vel in hoste veræ virtutis admirator. Ferdinando Hispaniæ regi inuidere testatus sit; quum duobus his regibus apud Sauonam vnâ cœnantibus, Consalius ipse honoris causâ conuicta tertius



accessisset, & à Gallo demum rege post accumulatas laudes, aurea torque e collo regio in eius ceruicem iniecta donaretur.

P E T R I Grauinæ Neap.

*Te prius accepit, quàm fecerit inchyta Magnum
Sors tua, te virtus vindicat vna sibi
Nec Fortuna tua tribuit cognomina laudi,
Te dace, sed potius sors bona nomen habet,
Cui tantum hoc debes quod te comitata priorem
Non dux, sed Magnum est fida secuta ducem;
Abs te quicquid habes tibi prouenit; omnia tecum
Magne tentes, ante hac maxima, magnus eras.
Felix ipse tuo, non fortis nomine felix,
Qui geris æternum non aliunde decus*

Bartholomeus Liuianus.



IN BARTHOLOMEO Liuiano sicuti nos vidimus, & ex hac vera imagine coniectari licet, quanquam ab humili corporis statura, ac ignobili subagrestis acerbique oris ductu nullum ipso dignum personæ decus emineret; viuidi tamen & peracres oculi, innatæ virtutis indices, quantum excelso efficacique ingenio valeret, facile ostendebant. Neque enim illustri sanguine, neque opulentis parentibus uti apud Albaniū tenue Tusciæ oppidum natus erat; sed ascitus à Virginio Vrsino tanquam impiger, & maxime fidus diens adopriua nobilitate præstantique militiæ studio clarus, ad summos honores ascenderat. Nactus siquidem valde opulentum, ingentisque famæ audum Romanæ militiæ magistrum, pertinaci industria, singularique labore, & incredibili vigilantia, aditum sibi ad militaris imperij nomen patefecit. Nam post Gallos ad Atellam Apulanti,

Ferdinandi Aragonij & Consalui Magni virtute debellatos, postquam Vir ginium captum vidit, è custodia per fenestram euadens, varijs demum sese bellis immiscuit, quum Braccianum Virginij oppidum aduersus Pontifici- as copias constantissimè defendisset; exortoque bello inter Columnijs pro- ceres & Vrsinos, Carolo Virginij filio strenuam nauasset operam, vel mul- tum aduersante Fortuna, in eo præsertim prælio, quo ad montem Cælium Vrsini intercepto ab hoste Carolo superati sunt. Adhæsit demum Magno Consaluo cum reliquis Vrsinis proceribus, quum eius factionis copię sper- nerentur à Gallis, impensè tum Cæsari Borgiæ fauentibus. Hunc quippe Vrsini omnes vno consensu ad vlciscendam iniuriam parati atque intenti queritabant, qui tot familiæ proceres immaniter enecasset. Itaque Con- saluus præcellenti atque præcipua Liuiani virtute vsus, post deletos ad Ly- rim Gallos eum Sancti Marci vrbe in Brutijs donauit: fama que est eum non multo post ipsius Consalui & Ascanij Sfortiæ consilio atque pecunia in- structum, Pisas coacto exercitu penetrare, atque inde Gallis, vt eos Me- diolano depelleret, arma inferre cupiuisse. Sed progredientem ad Campi- liam non procul à Volaterranis vadis Florentinorum copię, M. Antonio Columnio Iacoboque Sabello in prima acie accerrimè dimicantibus, eum su- derunt. Contulit se inde ad Venetos, trucidatisque ad Cadubrium tumultu- ario in prælio Germanis, & aliquot eorum oppidis, Tergestoque antiqua vrbe Maximiliano Cæsari ademptis tantum inclaruit, vt Petiliano impera- tori, æquato propè honore ex decreto senatus iungeretur. Verum ea bel- lici honoris incrementa, cum ipsi, tum Reipublicæ in auspiciata fuere, quum ingruente Ludouico rege Galliæ, Liuianus vel reluctantè Petiliano, manus conferere properasset. Ab ea liquidem infelici pugna ad Abdum vsque adeo funesta clades contracta est, vt inde Venerum imperium amissis vr- bibus penè totum sit euersum; ipse vero vulneratus & captus in Gallicum carcerem sit coniectus, in quo memorabili astu, rerum suarum commenta- rios perscripsit, quos legimus, in scabra vilique papyro, & latinis tantum dicata, diligenter exaratos. Nam postquam à custodibus scribendi faculta- tem impetrare non poterat, ex furculis scoparum calamos fabrefecit, intri- toque carbone, & super insperso vino, atramentum parauit. In his legere fuit, se cæso matris vtero in lucem editum fuisse, quum Martis astrum di- rectum cæli verticem obtineret; vnde sibi ab Astrologis prædictos militaris imperij honores, & certa capitis & frontis vulnera quæ vitare nequisset, de- nunciata fuisse asseuerat. Exacto triennio carcere emissus, & à Venetis Gal- lo conciliatis, in demortui Petiliani locum suffectus est, moxque iterum im- prosperè cum Cæsarianis ad Vicentiam conflixit; vsque adeo tristi sordoque euentu, vt funestissima clades acciperetur; ipseque tranato flumine in quo nonnulli duces ex fuga perierant, Patauium ægrè perfugeret. Quod dede- cus atque incommodum acceptum aliquot postea opportunis expeditioni- bus contra Germanos & Hispanos ad Portonum atque Rhodigium suscep- tis; egregia cum laude refarciuit. Nouissimum eius operum fuit Abdum tra- iectus, præstitumque Francisco regi insigne studium & auxilium, ea in pu- gna qua Heluetij iuxta Mediolanum superati sunt. In eos enim continuato per noctem prælio fatigatos & perturbatos, sed adhuc accerrimè resistentes, quum

quum recentem equitatum suum induxisset, rusticamque domum, qua hostes mira constantia se ruebantur incendi iussisset, aduentaretque peditatus, tandem hostis ferocia victa protritaque est. Sed ea victoria minus lata Luiano obuenit, quod Cepinius Petiliani filius in eo tumultu cecidisset, ipse vero iam senex & thoracatus, cum pugnae seruire, tum ardore Solis vehementer succensus, lethalis morbi initia concepisset. Nam non multos post dies oborta febre, atque intestinis in herniam defluentibus sexagenario maior ad Vicum Ghedas supra Ollium amnem ereptus est. Post mortem autem in qua omnis decedit inuidia, maxime acer, & pugna, vigilantiaque item & integra fide prædarius dux existimatus est: sed qui teste Crito, Ræipublicæ Venetæ parum esset opportunus, quæ cautum potius & cunctatorem ducem exoptulet, quam seruidum bellatorem: utpote cui minime grauis sit vllus trahendo bello sumptus, quando liberæ ciuitatis is omnino mos sit, non iusalubriter institutus, ut incertos & ancipites præliorum casus non inep te reformidet.

PAULI IOVII Iunioris.

*Cæsar eras quondam ex ætate iam matre perempta
 Infans vitales blandi dum luminis auras
 Haurires, cælum medium Mauorte tenente.
 Mox quia te cunctis clarum tua maxima virtus
 Fecit, & æterna vexit super æthera fama,
 Quod te magnanimum, quod fortem pectore, & armis
 Contra mille acies, atque agmina milia contra
 Hadriaci sensere patres, Venetumque Senatus,
 Certè non aliud tibi, quam de Cæsare nomen
 Sumere debueras; quis enim te dignior illo?
 Quum toties validum bello deieceris hostem,
 Et toties referas Veneto victore triumphum.
 Testis erit Germana suo cum Cæsare pubes
 Fulminea disiecta manu, longèque fugati
 Finibus Insuorum Heluety, gens efferat, testes.
 Improbis at si aliquis tibi fortè obiecerit illud
 Ut te pugnandi cupidum nimis impiger olim
 Vicerit, inique suo seruauit carcere Gallus;
 Nesciet heu demens quantum sibi vendicat ipsa
 Fortuna omnipotens; non hoc obiecerit inquam
 Qui sapiens, rerum dominam cognouerit illam.*

Campſo Gaurus

Aegypti Siriaque Sulthanus.



IN Neminem, ut videri poteſt, vel ab initio blandius, vel in exitu acerbius & petulantius Fortuna iocata eſt, ut impudens & lubrica ſpectatae probitatis obreſcatrix, quam in ipſo CAMPSONE Gauro Memphitico rege. Is enim Scythicis pruinis puer educus, & manceps educatus in ergaſtulo apud Memphim, Mamaluchorum diſciplinam, & cuncta per ætatem militiæ munera nequaquam ſegniter apprehendit, tanto bonæ famæ ſucceſſu, ut nullo correptus ambitu, & auræ mediocritatis fructu contentus medijs in claſſibus conſenſcere, honeſtiſque nominis potius quàm prædari primatis dignitatem tueri velle videretur. Sed deſuncto Caiſbeio, occiſoque ſubinde Mahomete eius filio, quum per inſteſtina bella proceres de imperij hæreditate ad interitum propè totius ordinis dimicarent

micarent, nec si vllum cruentæ controuersiæ exitum viderent, qui primæ classis decus sustentabant, vt plerunque fit regem elegerunt, quem nemo timeret, nec quisquam haberet odio, aut innoxie tantum probitatis fama cognitum impensius adamaret, & coleret. Itaque Campson hoc innocentie suæ titulo extra inuidiam omnemque ambitus suspicionem positus cogen-
tibus proceribus vitro delatum, inuito similis imperium excepit; eaque illud moderatione dignitateque tutatus est, vt Mamaluchi simultates dep-
nerent, augerentur vestigalia; partaque rerum tranquillitate, ab Othomā-
nis regibus suspiceretur; & ab Hismaele Persarum rege coleretur, tanquam
intermedius maximarum opum, summaque nominis auctoritate rex am-
plissimus. Hoc enim instituto Campson non imprudenter vtebatur, quo
effrenatas vtrinque & nunquam satis perdomitas duorum præpotentum re-
gum voluntates & vires, deterrendo & coercendo in dubio colendæ pacis
officio contineret. Sed ab hoc non semper salubri consilio, quam para-
bant immitia fata ad res perturbandas viam inuenerunt. Deuouerat se bel-
lo Persico Selymus, vt Hismaelem in Calderanis nuper campis superatum,
funditus euerteret. Obstabat Selymi audaciæ æquissimus belli arbiter &
spectator Campson, ab eâ æquitatis ratione prorsus infelix. Nam vti pe-
riculo proximus, permotusque recenti adhuc exemplo Tarsensis pugnæ,
& superiore Vsumcassanis audaciæ, qui nunquam flumen ipsum Euphra-
tem imperij sui limitem esse pati voluisset, in neutram inclinabat partem,
& se vtrinque totius belli disceptatorem & iudicem exoptari & deligi cupi-
ebat. Verum Selymus superbo ingenio interdicens arma vanissimi se-
nis, minas & vires contemnens, easque ferro retundendas esse existimans;
postposito Persa, magnæ sibi gloriæ futurum duxit, si superato Amano
monte in Syriam inexpectatus irrumperet. Ab eo nuncio percitus ira
Campson, & suorum perfidiæ ignarus, promotis à Damasco castris, in
Comagene ad Singam amnem Selymo obuius fuit, & extemplo cum ho-
ste collatis signis conflixit; eo victoriæ euentu, vt Cayerbeio Alepiano
præfecto insigni perfidia Campsonem non deferente modo, sed infestis per
sequente armis, Mamaluchi quanquam eximie fortes, amissis ducibus fun-
derentur; & Campson ipse fugientium suorum incurfu, vti erat ætate mul-
toque abdomine grauis, ingentique præpeditus hernia, in multo puluere
nemine agnoscente, cadenteque equo proculcatus interiret. Repertum
cadauer, triduoque ostentatum Syris, subitam rerum commutationem ad
mirantibus, non Syriæ modo, sed Iudææ atque Aegypti occupandi Sely-
mo victori ianuam aperuit.

IANI VITALIS.

*Fortuna cæca & surda verè diceris
Et mente vanas prædita
Ad alta tollis scæmia in imo conditos
Vt mox cadant profundius,
Morosa tu mortalium appetentium
Votum omne fulmine ocyns*

*Fugas, deinde te nihil petentibus
Benignitate prodigis
Campson ut ille Gaurus nil ambiens
Nil te protervus flagitans
Inuitus imperator ora Aegyptia
Tumultuosa militum
Ex fece plebis factus, insolantia
Supra volabat nubila,
Inter receptus altiora fidera
Mox excidens altissimus
Absumptus armis hinc & hinc rebellibus
Gravis sene Ele pondere
Fit ludus atrox impotentis alea
Tūeque pernicia,
Amisit & cum vita opes quas maximo
Cum regno habebat maxinas.*

Tomumbeius Vltimus.

Aegypti Syriaeque Sulthanus.



DAMNATIS hercle auspicijs, & iam fatali ruina condente Mamaluchorum imperio, Tomumbeius imperium excepit, ut labantibus & ferè perditis rebus succurreret. Ita verò attollentibus cunctis procerum ordinibus annuit, ut se tanquam indignum excusaret, parumque paratum ad periculossimi belli vim sustinendam: sic ut amore patriæ potius, publicæque salutis & dignitatis causa, quàm vltio ambitu diadema suscipere videretur. Eum nanque longè optimum acque fortissimum credebant, qui reparando bello cæteris omnibus aptior, & ad defendendam comunem iniuriam, magnitudine animi, militarique ausu promptior censeretur. In hunc præcellentem virtute sua, militumque omnium studio nixum, & Dñs inuitis arma expedientem, Fortuna admirabili excitato ludo, infesta iacula contorsit, vsque adeo atrociter, ut peculiari decreto præstantissimi hominis virtutem sibi omnino excindendam susciperet: qua cade nec, ipsum vnà concideret Sulthanorum imperium, propter elatæ gentis superbiam seuamque tyrannidem cunctis hominibus, præsertimque Aegyptijs intolerandum & inuisum. Itaque Tomumbeius explicatis consilijs aduentanti Selymo ad Mataram sua castra opposuit, frustra tormentis, cæcisque fossarum insidijs permunita: magnoque statim ardore & pari spe victoriæ, vtrinque classica recinerunt. Sed admirandæ pugnacissimi regis fortitudini, ne Selymus deleteretur, obstitit illa eadem perfidia, quæ Campsonem oppresserat: Nam transfugæ cuncta ea quæ Mamaluchi insidiosè parassent, ita Turcis indicarant, ut longè omnium iniquissimo & cruentissimo prælio certaretur, & Tomumbeius munimentorum suorum spe deiectus numerosi hostis tormentis non diu sustineret.

Amisiss

Amisus enim illustribus præfectis, & flore equitum multa cæde perturbato intra urbem Meniphim eo animo se recipit, ut per obsebras magnis trahibus regiones de imperio, & de liberis ac vxoribus egregio conatu decerta-



ret. Verum Selymus cui fida comes & nusquam abscedens Fort una aderat, fortiter aggressus urbem cuncta perrupit, & continuatim per triduum dimicatione magnam partem Mameluchorum vel pertinacissimè repugnantium truncidauit, frustra que reliquos, ad Deorum inanum templa confugientes, & sub fide deditos interfici iussit. Nec tanta accepta clade Tomumbeium ultra Nilum se recipientem & nouas comparantem copias Fortuna persequi desijt, uti nondum tot illatis iniurijs exaturata, scilicet ut in regem ab ingenti inuictaque virtute constantissimum, impotentis suæ libidinis totam iracundiam effunderet. Ipsa namque inuita reparatis copijs, & ad Nilum ripam pontemque supremo audaciæ conatu edito confligentem percussit, quærentemque latebras per paludem calamis obsitam, prodentibus incolis, Selymo victori captum vincitumque tradidit, ut de rege summa, sed infausa virtutis, clarissimo, spectaculum verè deforme Scyticumque proflus

ederetur. In eum siquidem Selymus abdicata omni vel regię clementię, vel iustę humanitatis laude, quę singularis fero eius ingenio proponebatur, crudelissimę statuit, quum diu in quęstione de thesauris accerbissimę tortum, impositumquę vili camelo, & per urbem circumductum, ad Basulam Syrię portam laqueo necari, vncoque ferreo suspendi iusserit; vt Aegyptij se victorem esse fateretur qui sublati duobus supremis regibus, Sulthanorum imperio finem attulisset.

A O N I I Palearij Verulani.

*Non fuit in toto rex aequę oriente beatus
Nec magis in toto rex oriente miser
Quam dolor Aegypti, olim Tomunbeius, auro
Ingenti, atque armis, & ditione potens;
Captus ab hoste fero miserum simul, atque beatum
Exemplo potius est commouisse suos;
Quid rides temere? Quid flet? vis te cohibere?
Et natum post hac te meminisse hominem;
Mitrameam induto, gemmis, auroque corona
Cingebat fulgens, & diadema caput:
Mi quondam ornabant pretiosa monilia collum;
Nunc fractam vili respice suę gulam.*

Iacobus Triuultius.



A T V R A M non sæpe cuiquam sua dona cumulatę largiri solitam præclaro Iacobi Triuultij exemplo intueri licet; quippe quę ei parum liberalis & decori oris rictum, cumquę à limonato in obtusam cuspidem prominente, prorsus ignobilem dederit, atque item iusto humiliore, quamquam quadrata, & ferendis armis habili statura esse voluerit; ita vt ingentis spiritus vigorem qui plenissimę inerat, nequaquam generosa vultus specie, personęque dignitatę subleuaret. Natus est Mediolani, patre non admodum opulento, sed maioribus claris; diuersa tamen fama. Nam Aconcius Triuultius inter percussores Iohannis Marię Mediolani principis annumeratus, eius parricidij nomine damnatus est. Ex aduerso autem Erasmus apud Philippum interfecti fratrem & successorem fortis fidelique studio non præclaros modò militię honores, sed ipsius etiam principis consanguineam cum dote opulenta in matrimonio habere promeruit. Post hunc Erasmus, Antonius, & Ambrosius, Francisco Sfortiæ Philippi socii imperium & hereditatem adeunti, semper aduersati sunt. Ipse verò Iacobus tanquem acer, & ex Guelpha factione validus hostis, secus ac Renatus frater, à Ludouico semper dissensit, & quòd dominatum fratris filio ereptum ferre non posset, foris sese grauiter

ter

grauiter varijs bellis exercuit: in Etruria primo, & demum contra Auximates, atq; inde ad Aragonios reges se contulit, quos Ludouico infensissimos esse cognouerat. Ab hac noua amicitia conciliante Ferdinando rege, Alfon-



si Dauali regia gratia præpotentis sororem in matrimonium duxit. Verum ingruente in Italiam Carolo Gallia rege, profectus in Galliam togatam cum Ferdinando iuniore nullare memorabili aduersus Gallos gesta, cum ipso Ferdinando Romam atq; inde Neapolim se recepit: visusque est parum opportuno tempore missionem impetrasse, & ad victorem Gallum illico certa militiæ conditione concessisse: propterea quod audisset, Ludouicum Sfortiam cum cæteris regibus nimia Caroli felicitate percussis noua fœdera aduersus Gallos percussisse: summo nanque voto, vt his se applicaret, Sfortiani nominis hostes quærebat. Itaque redeunti Carolo, Tarrensi in pugna ante primam aciem, operam tam fortem quàm felicem præstitit, & famam strenui peritissimique ducis consecutus est. Defuncto autem Carolo Ludouicus Aurelianus successor, cum Astæ vrbi cum ala equitum præfecit. Indeque mox suscribente votis Fortuna, maximum eius operum fuit,

Ludouicum Sfortiam Mediolanenſi imperio depulſiſſe; nec multo poſt eum etiam captiuium in Galliam perduxiffe; vnde ei liberalitate regis magnas opes vel graui cum inuidia obueniſſe conſtat, quando ab his meritis Mareſcalchus, quod eſt apud Gallos Equitum magiſter, ſit appellatus, & ab hoc inſignis dignitatis munere, memorabiles ſæpe victorias Gallico nomini pepererit. Quarum omnium nobiliſſima proculdubio fuit ea, qua Felſtrum, Baleonumque ad Bononiæ mœnia caſtrametatos, ſine ſuorum vulnere proſtigauit, Bononiæque Bentiuolis reſtituit. Quæ victoria prudentiæ & felicitatis nomine eo plenior & clarior exiſtiſſe viſa eſt, quod non multo poſt Gaſto Foiſſeiſus ad ingentem aſpirans laudem, cum ſumma Gallorum clade, iacturaque totius Italici principatus, ad Rhauennam in ipſa funeſta victoria concidiſſet. Sed qui nuſquam prælio fuerat ſuperatus, ad Nouariam inuſitate Heluetiorum audacitè ita ceſſit, vt vindicaſſe iniuriam biennio poſt ad Mediolanum cenſeatur, quum Heluetiorum legiones, ipſo apud Franciſcum regem depugnante perdomitæ ſuperatæque ſint, & Mediolanum vix toto vertente anno aduerſus Maximiliani Cæſaris impetum peculiari ipſius conſilio conſtantiſſimè fuerit deſenſum. Cæterum non multo poſt Triuultium ſua illuſtri laude, & ciuili parſimonia gaudentem, & vti erat elegantium literarum appetentiſſimus, publica Gymnaſia admirante iuuentute frequentantem, vehementer exagitauit inuidia, inſiſtente ſcilicet eius oppidis Lotrechio, qui ſumma regis gratia ſubnixus, Mediolani erat in præfectura. Quæ de re, vt indigna ſuis meritis exacerbatus, noua fœdera cum Grifonibus Heluetiorum ſocijs, ſibi que ad Meſochium caſtellum antiquæ ſuæ ditio nis finitimis renouauit, vt dignitatem ſuam tueretur aduerſus immodicas Lotrechij cupiditates, quæ ad eripiendum Viglebanum voluptarij ſecceſſus urbem extendebantur. Hanc nouam renouati fœderis paſſionem, obreſcutores uſque adeo regi ſuſpectam fecerunt, vt ſenex ſeptuagenario maior vocatus in Galliam, tanquam ad dicendam cauſam media hyeme per Alpi um niues contendere cogeretur, qua in re vel ob id minus benignum quam ſperaffeſſet Franciſcum regem inuenit: eo quidem acriore animi cum dolore, quod ab ipſo patre Camillum filium ſpurium perfidiſe atque impiè deſeſſiſſe reperiſſet. His conſlictatus curis indignabundus ſenex apud Carnutes exorta ſtranguria facile interiit: vir proſecto Itatorum ducum celebrimus, & optimus, niſi grauiffimam & propè perennem inuidiam, quum externæ gentis iugum patriæ primus imponeret, cum execrabili ſeruientium ciuium deſectatione ſubiſſet. Tumulatus eſt Mediolani apud ædem Nazariam ſuæ tribus ſumptuoſiſſimo ſepulchro ab ſe condito, quod poſtea Iacobus nepos eius & hæres, accumulatis ornamentis luculentius feciſſe vidimus.

P A R T H E N I I Parauicini.

*Non violam, aut Paphium ſtorem, mollè mœ Hyacinthum
Spargite, non magni poſcunt hæc munera manes,
Sed Galeas clypeoſque, enſeſque, & Martia dona
Ferte, & honorata ſeretrum præcingite lauro,*

Hos

*Hoc ducis egregij funus, sacræque Trivul-
 ti Inferia, quo fama Italium, Mauorsque Latinus
 Extulerat caput, & priscum affeclabat honorem.
 Armorum proceres celebrem longo ordine pompam
 Ducant, & tanto persoluant iusta sepulchro
 Concussisque frequens exercitus affonnet armis.
 Tum vos Scipiade manes, vmbraeque Camilli,
 Vos Decij, Fabijque duces, & clara Quirini
 Progenies, vbi nox furuas extenderit alas
 Ferte pedem, & cineres venerati & nobile bustum
 Magnanimum excipite Herois, faustioque sequentes
 Agmine, ad Elysios vmbra deducite campos
 Hos Mauors illi, Pallasque indicit honores.*

RAINERII

*Infubrum columen Trivultius hac tulit ora
 Quem ad magnum Bellona edidit Eerydamum,
 Mauorti permixta Deo; treis pectore vultus
 Treisque animos habuit, tergeminasque manus,
 Ter letbo sternendus erat; sed dente maligno
 Vna ducem inuictum sustulit inuidia.*

HIERONYMI Vulpj

*Sunt tumuli Iacobe tui certamina, capta
 Vrbes, captiui, regna, trophæa, duces.
 Hos tumulos tibi tu propria virtute parasti,
 Nos tibi pro titulis carmina bina damus.
 Vicerat hic hostes animis; at nomine mortuus
 Vicit; & inuictus vixit, & interijt.*

Tristanus Acunius Lusitanus.

HAC honesta canitie viridis adhuc senectæ, cultuque no-
 bilibus margaritis picto, ac internitente pascim insignium,
 gemmarum fulgore, supra quam dici posset ornatissimo
 Tristanum Acunium Emanuelis Lusitanæ regis lagatum
 vidimus, quum Flumentana porta præeunte Elephantum in
 Urbem inueheretur. Indicæ victoriæ suæ trophæa osten-
 tans, donaque afferens Leoni Pontifici, vt supremæ fortunæ decus præcla-
 ra magni numinis prouidentia ad felicitatem seculi collatum gratuleratur,
 quando eum etiam tanquam sacrorum principem ritè creatum, religiosè at-
 que suppliciter venerari iubebatur. Munera fuere planetæ, & pluuiiales
 Dalmaticæque vestes, vnis solennibus sacris dicatæ, quas innumerabiles,

mirantis populi ora conuertit, quum extenta proboscide, eaque nemini noxia, & passu ad modulos tibiarum temperato iocundissime lasciuiret. Obstupere in tantæ molis bellua Romanus in primis populus, & suburbanæ gentes, tam docile ingenium, humanisque adeo sensibus propinquum; quod magistri sceptro ferreo imperantis vocibus pareret; venerarique principem & augustiore habitu homines certo gestu videretur, circumfusaque puororum turbæ adulari didicisset. Cæterum Elephas publicæ hilaritatis oblectamentum, vix toto biennio Romani cœli lucem vel diuersæ passionis intemperiem perferre potuit; quum fluente aluo paucissimis diebus interiret. Eius mortem plebs tota non secus ac incomparabilis ciuis diu luxit, quod communis omnium voluptas quæ ad famam dignitatemque Urbis pertineret, immaturo alioquin viuacissimæ bestię interitu, erepta, videretur. Ob id Leo Pontifex non obscure præproperis extincti fati subiratus, ut populi desiderium, quanquam inanē picturæ solatio deliniret, Elephantum simillima effigie, mensuraque membrorum iuxta turrem Vaticanæ portæ pingi iussit, cui & hoc quoque Epigramma inscriptum est.

BEROALDI Iunioris.

*Monte sub hoc Elephas ingenti contegor ingens
 Quem rex Emanuel deuictō oriente, Leoni
 Captiuum misit decimo; quem Romula pubes
 Mirata est, animal non longo tempore visum
 Vidit & humanos in bruto pectore sensus.
 Inuadit Latij sedem mihi Parca beati,
 Nec passa est ternos domino famularier annos.
 At quæ fors rapuit natura debita nostræ,
 Tempora, vos superi magno accumulate Leoni.*

At Rex Emanuel ad extendendam subactæ ab se Indiæ laudem, dignum fama sua ratus, si recentis muneris gratiam nouo munificentię officio cumularer, Rhinocerotem etiam misit, qui ex itinere longissimæ nauigationis, in littus prouinciæ Narbonensis expositus, insigni Galliæ spectaculo fuit. Erat hæc bellua paulo humilior elephanto, si altitudinem spectes, sed longitudine prope par, nostratis bubali formam referens: nam ungulas habet bifurcas, verum tergo buxei coloris, eoquæ ab impenetrabili duritie duplicato, tanquam perpetuo thorace protegitur, armaturque pedali osseo cornu supra nares eminente, quo ferire sub vtero, atque transodere elephantem peculiarem suum & interneciuum hostem solet, si tamen iniectæ ad collum & ocyssimè strangulantis proboscidis vim effugiat; nam in congressu perpetuæ similitudini, aut paræ victoria, aut certè decora morte satisfacit. Sed hanc inusitatæ feritatis belluam, quæ in arena Amphitheatri elephanto ad stupendum certamen committi debuerat, Neptunus Italiæ inuidit, & rapuit, quum nauigium quo aduehebatur, Ligusticis scopulis illisum, impotentis tempestatis turbinemersum perisset, eo grauiore omnium dolore, quod bellua Gangem & Indum altissimos terræ patriæ fluuios tranare solita, in

ipsum lituus supra portum Veneris, vel arduis faxis asperrimum enatare potuisse crederetur, nisi compeditus catenis ingentibus, nihil proficiente eua-
dendi conatu superbo maris Deo celsisset. Ferunt hunc Rhinocerotem
quum ab Oceano Vlyxponensi in portu exponeretur, aspectu, atque odo-
re suo elephantum Romano grandiozem, qui tum erat in Regia, usque adeo
truculenter terruisse, ut elephas ipso naturæ miraculo præcipuus hostis, con-
cepto incredibili pauore, septum caueæ ferreis ingentibus clatris permuni-
tum, humerorum & capitis præcipiti impulsu petruerit, & in longam se
proripiens fugam, terribiliq; barritu edito, stridens & furens cuncta ob-
uia prostrauerit. Vtriusque bellæ imagines ex vera naturalique magni-
tudine picturis expressæ, in ipso Musæi nostri atrio spectantur, cum hac in-
scriptione singulis versiculis animantium naturam demonstrante.

*Humanos Elephas retinet sub pectore sensus
Rhinoceros nunquam victus ab hoste redit.*

ANTONII Sanfelicij de Rhinocerote.

*Rhinoceros ego sum fusco deuictus ab Indo
Hinc, ubi vestibulum lucis portæque diri,
Hesperia classem ascendi temeraria vela
Ausu nouas terras, aliūque inuisere Solem.
Spectarat quondam vrbs nostros in munere circi
Congressus, hostemque elephantum obiecit arena.
Hic patrias iras, aternæque prælia mecum
Exercet fidens immani corpore moles.
At lorica mur triplici nos tergoze, & arma
Præualidus mucro, atque inuicta cuspide cornu.
Ipse cadit Barrus, dum telum figitur alio
Expugnat vires stultas prudentia solers.*

FINIS QVARTI LIBRI.

PAVLI

PAVLI IOVII EPI-
SCOPI NVCKERINI PRAE-
FATIO IN QVINTVM LIBRVM
ELOGIORVM SVORVM AD
COSMVM MEDICEM FLO-
RENTIAE DVCEM.



HEROV *Ne* quos inclita virtus nostro seculo clarissimos fecit, quintus hic liber Elogia continebit, eritque, uti reor, superioribus multo iocundior: quoniam illorum laudes ardentissima virtutis auspicijs partas exprimat, quorum ex rebus praeclare gestis recentissimam hodie memoriam retinemus. Mirificè siquidem iuvat eos ex veris imaginibus representatos, rursus uti adhuc superstites oculis intueri, & benigna cogitatione suspicere tanquam defunctos, atque omni prorsus invidia carentes, quos ipsi de facie nouerimus, gerentesque bella varijs periculis atque victorijs inclaruisse viderimus. Habet enim in se hoc illustris & excellens virtus, ut ea praeditos & ceteris praestantes, vel apud ipsos hostes ac inimicos, in admirationem reduiua cum laude perducant, inuiciatque elegantioribus ingenijs, quendam honeste cupiditatis aculeum agnoscendis scilicet eorum formis & vultibus, qui res literarum memoria dignas, forti consilio & pugnaci dextra confecerint. Quandoquidem res magna & memorabiles plerumque ex varia tot casuum reputatione, à legentibus scripta, aut picta ora spectantibus voluptatem & dolorem; proque habitu praeduri vel mollioris animi, interdum ex indignitate improbe atro citèque faetorum, miserationem & lachrymas eliciant. Tu verò, magnanime Cosme, pro natura ingenij tui, quod nihil nisi perillustre atque honestissimum respicit, rectè studioseque feceris, si quae legendo ex moribus tot insignium Ducum exempla accuratè notabis, ea felici delectu imitanda suscipies, & quod proprium ingenue verecundeque tuae probitatis esse videmus, singula vitia quae temperati moris modum excesserint, repudianda penitus, vitandaque censebis.

Vale.

ELOGIORVM

LIBER QVINTVS.

Franciscus Gonzaga

Mantuanus Princeps.



HIC est ille Franciscus Gonzaga Mantuanus Princeps, qui ab illustri inusitataque animi magnitudine, & immenso ardore pugnacis ingentij, à Venetis delectus Imperator, pri-
mus nostro seculo cruenta Tarrensi acie Italicae arque exter-
nae virtutis glorioso congressu, quanquam infaus-
tum fecit. Constat enim eo praelio plus sanguinis fufum,
quam duodus antea seculis; ab eoque incommodo didicisse Italos, nequa-
quam feruidis animis, sed stabili consilio, & certa arte disciplinae militaris
exercenda esse arma; cum his praesertim gentibus quae ordines seruare, di-
uersas

uerſas repente acies efficere, nihil vulnera & mortem, aut denique æneator menta reformidare conſueſſent. His enim documentis, qui tum prælio victus videri potuit, gemino demum bello victor exitit cum inſigni gloria, recepta ſcilicet Nouaria, & Gallis omnibus Neapolitano Regno pulſis. Non artiſit ei demum Fortuna, quum pro Gallis conuerſo ſtudio militaret. Eius ſiquidem impigræ virtutis vim, & conatum omnem, contumelioſi quidam Gallorum Duces, adeo importunè atque impudenter præpediuerunt, vt mox cum ſuperbiæ, tum imperitiæ ſuæ ad Lyrim amnem pœnas darent. Aliquanto autem poſt, quum Veneto bello ſeſe immiſciſſet, & cum ala Gallorum in Patauinum agrum ad Cæſaris caſtra contenderet, noctu apud Inſulam Scaligeram Veronenſis agri pagum, Græcorum equitum multitudine circumuentus, in poteſtatem Lucij Maluctij deuenit, diuque ſeruatus Venetis in cuſtodia, tandem Iulij Pontificis beneficio liberatus eſt, quum Federicum filium fidei obſidem Romam miſiſſet. Fuit Franciſcus ingenio liberali, aperto, nuſquam fallaci, & denique nuſquam maligno, ſed qui ſermone iocoſo ſeminarum pudori intemperanter illuderet. Verum qui vaga Venere oblectabatur, ſædum atque lethalem morbum, vt tum ea ſæua tempora produxerant, facile tulit, quo miſer ante diem inter varios cruciatus expiraret. Per omnem autem vitam quod vix ex cenſu credi poterat, cum Regia hospitalitate ac eximio totius aulae cultu, tum rerum omnium ornamentis, & magnificentia operum, ſplendidorum etiam Regum æquabat decus. Sed ſupra omnes eius ætatis Regulos, equorum copia, delectu, varietate, nemine æmulari auſo, ſummam proculdubio gloriam promeruit: quãdoquidem equarum greges aleret ad ſobolem propagandam, ac citis uſque ab vltima Hiſpania atque Numidia, Hiberniaque item, equabus, & admiſarijs. Eo nanque tempore quotannis per Italiam liberis in vr-bibus inſtituta erant more veterum Græcorum certamina, equorum pernicitate & curſu contenditum: vnde celeberrima laus cum opimo præmio expetita multis, vniſ vero ſemper Gonzagæ equis promerita pararetur. Generoſos autem & ad arma natos ſonipedes, inæque plures quiſquam, neque nobiliores habuit, aut eos accuratiore diſciplina perdomuit. Quorum armentorum inſtituta animaduertiſis diſparis coniugij variæque ſæturæ pro uentibus, aliqua ex parte Federicum filium poſtea emendaturum vidimus; niſi inſatiabili ædificandi ſtudio allectus, alio ſumptum tranſuliſſet. Cæterum Franciſcus his lectiſſimis equis, qui variè permutato ſemine nouæ atque pulcherrimæ ſobolis videri poterant, indefeſſo munificentia ſtudio, ex ternarum gentium Principes ſibi conciliauit, vnaque præſertim Othomanorum amicitia clarus excelluit, quum inde Thracum & Cilicum lectiſſimos, ad progeniem & bellicos uſus impetrarit. Sobole filiorum omnino felix exceſſit e vita, quum ex Iſabella Alſonſi Ateſtini ſorore tres liberos reliquiſſet, Federicum primo editum partu, matura iam paternæ virtutis indole ad ſummos militiae honores vadentem, & Herculem lectiſſimis moribus & literis inſtitutum, paratamque ſibi & familiae debitam ſacrati cultus puram promerentem, & denique Ferdinandum militare decus in Gonzaga domo, clarioribus ſuperadditis victoriarum trophæis ad ſummam gloriam euecturum.

O decus Italiae, quondam dum uita manebat
 Sceptra tenens, tardis ingens ubi flexibus errat
 Mincius, & tenera prætexit arundine ripas,
 Semper honore meo semper celebrabere donis
 Dum memor ipse mei, dum spiritus hos reget artus.
 Salve uera Iouis proles, tu maximus ille es
 Unus qui nobis magno turbante tumultu
 Ante annos animumque gerens curamque uirilem
 Vltro animos tollis dictis & pectore firmo,
 Arduum arma tenens, fulgentis ære catervas
 More furens torrentis aquæ, Gallumque rebellem
 Sternis humi, campique ingentes ossibus al bent.
 Parthenope meriti tanti non inmemor unquam
 (Dextera causa tua est) solio confedit auito.
 Quid memorem spolia illa tuis pendente tellus
 Tam vulgata? quibus cælo te laudibus æquem
 Flos veterum uirtusque uirum? cui cura nitentis
 Pascere equos, merita expectent qui præmia palma
 Europa atque Asia, tanta est victoria curæ.
 Tu decus omne tuis tu seruantissimus æqui
 Omnibus exhaustos iam casibus, omnium egenos
 Vrbe domosocias, tua terris didata fama.
 Munera præterea ex auro solidoque elephanto
 Coniungere tibi (cunctis se scire fatentur)
 Regnatorem Asia, genus insuperabile bello,
 Et penitus toto diuisos orbe Britannos.
 Salve sancte parens Italum fortissime ductor
 Felix prole uirum, si quid mea carmina possunt
 Semper honos, non uenque tuum, laudesque manebunt.

I O. BAPTISTAE Possenini Mantuani.

Inuicti effigiem Gonzaga nobili arte
 Eximius expressit spirantem pictor; at illi
 Non potuit duris partum decus addere bellis,
 Non presens animi robur, Populique regendis
 Institutam, & largæ præstantia munera dextræ.
 Cui quondam radius exutum ardentibus ora
 Mortali vultu, gradientem montibus Ida
 Phœbe manus te docta sacros effingit in usus.
 At Iouis clara splendorem reddidit arte,
 Aeternamque dedit Gonzaga ducere vitam
 Ductores inter primos, quos nulla tacebunt
 Secula, nec veteris ledent obliuia fama.

LIBER V.
Maximilianus Cæsar.

237



MAXIMILIANVM Cæsarem Friderico tertio Imperato-
re genitum, quem eruditiores Germani pro Maximiano,
quod nomen est antiqui Cæsaris, cui Iouij cognomen ob-
tulerit, Maximum Aemilianum appellant, hæc tabula ab
effigie simillimum reddit. Ferunt Austriacæ domus nobi-
litem Romani sanguinis stirpem respicere, perducto sci-
licet stemmate à Perleoneum familia, ex qua fuerunt celeberrimi olim Co-
mites ex Tribu montis Auentini. Hos enim ad Abspurgum confedisse con-
stat, inter Rhætos, Noricos, & Vindelicos, non longe ab Heluetijs, coales-
centeque sensim potentia, Austriaci principatus (vti ipse Cæsar suæ originis
religiosus indagator asseuerabat) iura & titulos cōdidisse; eiusq; dominatus
claritudinē bellica quæsitā virtute, & longa vetustate cōstitutā propagasse.

Hinc euenit vt faciliè credamus, Augustam hanc Romani Imperij dignitatem, ad Austriacos principes, quod Romani sint generis, fatali quodā iure peruenisse. Quando iampridem abolita sit militaris acclamationis consuetudo, qua Imperatores olim apud exercitum in castris fiebant, & ipsa etiam septem Germaniæ Procerum suffragatio penitus obsolescat, toto scilicet hoc honore per manus præpotentium Cæsarum legitime tradito, confirmatoque, qui iam altas iccerit radices, vt in vna familia non dubiæ hæreditatis nihil intercisa serie, decentius atque stabilius reflorescat. Cæterum hoc Cæfare nullus suæ ætatis Regum luculentiorum militaris habitus dignitatem, vel certius ac illustrius probi, vereque augustioris decus ad Imperium attulit. Per omnes siquidem cum bellicæ, tum ciuilis virtutis numeros, generosi spiritus inuictique animi magnitudinem, quam in aduersis pariter & secundis casibus homines mirarentur, ita præferebat, vt contemnere Fortunam videretur, eamque seuera fronte tanquam insolenter improbeque semper iniustam & instabilem, damnati fallacissimi que numinis antiquorum infamem Deam appellaret, propterea non multum vel eius benignè aridentis gratia, vel acerbissimè facientis odio supra æquum angeretur. Inerat enim Maximiliano animus pecuniæ contemptor, opulentiore Cæsare dignus. Eam siquidem vbi possideret, vel non integrè exactam, diuideret statim atque elargiri amicis & hospitibus, quàm in ærarium ex ignobili parsimonia inuidiæ plenum congerere malebat. Existimabat enim nihil vnquam ab suo felici sydere, & arcanis cuiusdam sanctioris oraculi promissis, sibi & posteris opulentissimorum Regnorum ditionem esse defuturam, quæ bella gesturo in perpetuos liberalitatis vsus sese effundenti per amplas atque inexhaustas signati auri facultates suppeditaret. Qua superba & sæpe inani opinione imbutum, & nervos sibi immodicè præcidentem, necesse erat sentire improuisam egestatem, & in medio bellorum cursu ita hæreere atque fatiscere, vt non aliunde quàm ab ipso stipendiorum defectu, semipartē iam victoriæ interpellari, & ē manibus cripi dicerentur. Arriserat namque ei Fortuna ab initio, quum imberbis adhuc, intersecto ab Heiuetijs Carolo socero, Belgici eius Regni hæreditatem adiunxisset: Quippe qui alacriter, beneuolentissimeque susceptus, commutatis demum seditionis, gentis studijs apud Brugēs cum vxore custodiæ traditus, diuersam impotētis Deæ vim, sed moderatè & fortiter tulerit. Exinde cū pristinæ dignitati atq; Imperio restitutum diuersa exercuerūt arma, quibus insigne decus, vel adhuc iuuenis adeptus est, suis ingētibus Gallorū copijs apud Ghin gatā, & perdomitis Menapijs atq; Sicambrijs. Sed nō multo minor ei laus cessit peritiæ atq; ausus militaris, quū Bohemos nō procul à Ratispona, vel sese castraq; sua perpetua scutorū ingentiū munitione defēdētes, cruento cedito prælio superasset, & Pannonios ex semioccupato Norico inuadētes Austriā, nō semel represisset. Nec demum eadem felicitate Heluetia arma lacerassiuit. Ab his enim non longe à Rauracorum sinibus, fuso ipsius exercitu, graue vulnus accepit: frustra que Italiam aspexit vetantibus Fatīs, quā proculdubio Caroli nepotis Imperio reseruabant. Improperè siquidem expeditio in Etruriam pro Pisānis aduersus Florentinos suscepta, & bellum longè grauiusimum Venetis illarum, vexillaque amplissimi exercitus in conspectum Mediolanen-

Mediolanensium promota, terribiles quidem primo impetus, sed mox inanes atque irritos conatus habuerunt. Erat Cæsar pace & bello supra quàm dici possit credulus, & suspicax; sic ut qui acie vinci non poterat, bello per moras faciliè vinceretur. In vniuersum integræ pietatis atque incomparabilis munificentia, castrensisque disciplinæ laudem promeruit. Excessit è vita sexagenario minor apud Velsium oppidum, quum leui tentatus morbo intempestiuam acrioris pharmaci potionem bibisset.

PAULI IOVII Iunioris.

*Vatum Musædæus Pierium, quæ laticem colis,
Tolle, o magnanimum, tolle præcor laudibus inelytis
Iam pridem superum consilio ad sidera Casarem
Euectum. Cythara, dulciloquæ seu fidibus Lyra
Hunc cantare iuuat. Quam iuuenem gloria maximis
Fælis extulerit, Danubius nouit, & impiger
Qui lambit ueterum mœnia circumfluit urbium
Rhenus, dum rapidis Oceanum uorticibus petit.
Hunc olim trepidis extimuit Sequana fluctibus;
Regem nanque suum, proh pudor, illa inelyta Gallia
Spectauit fugientem, Austriaci uiribus imparem,
Spectauit fugientem iuuenis Casarei impetum,
Fidentis gladio perdomitis hostibus agmina,
Qualis quum tunidus profuit è uertice Vesuli
Vastans arua Padus, ceu Boreas quum fremit infidus
Nantas attonitos æquoreis fluctibus obruens
Vel quum irata Poli porta furens insonat aere
Sternens templa Deum fulminibus celsa cacumina.
Verum Barbaricis assuetum nil nisi prælijs
Tentare Italiani quippe iuuat, miles ab Alpibus
Ductu Casareo dira fremens Theotonum euolat.
Nouere inde Patres Hadriaci quàm celeri manu
Moles contuderit flammivomæ, & propugnacula:
Quum Verona sui, scuta uirum, & corpora sortium
Deplorans Athesis sanguineo uoluerit alneo
Spectauit facibus fulmineis spargier omnia:
Tormento quæ strepenti indoluit mœnia concuti.
At qui Tusca colunt littora, quæ pulcher Etruria
Aruius rura rigat, uelutoli olim domini maris
Pisani eximia laude canunt illius inelytum
Nomen, iusticia percelebre, & munificentia.
Salue Auguste diu; requies simul magnanimus nepos
Inuictus Carolus, perpetuus auctet honoribus,
Ardentis Libyes perdomitor. Nam tua gloria
E splendore suo nobilior fulget, ut aureis
Ex Phœbi radijs, pulchra micant cornua Cynthia.*

ELOGIORVM
DVCESTRESBALEONEÆ

Familie, qui vna in tabula expressi continentur.

Io. Paulus Baleonus.



BALEONOS qui supra seculum vnum inter ciues Pe-
rusiæ authoritatis Principatum tenuerunt, quod militiæ
dediti spectata semper virtute arma tractarēt, Baioarici san-
guinis fuisse tradunt. Summam autem familie dignita-
tem attulisse fertur Malatesta, qui avorum nostrorum me-
moria sub Braccio Montonio Imperatore, militiæ discipli-
nam hausit, & per gentiles suos propagavit. Huius pronepos fuit hic Pau-
lus, qui in tabula cum duobus liberis Malatesta atque Horatio pictus spe-
ctatur, haud dubiè familie clarissimus evasurus, nisi propinquorum inui-
dia Leoni Pontifici criminosisimè delatus, deceptusque sua spe, in agnos-
cendis

secundis alioqui benigni, sed tum ambigui Principis sensibus, ceruices ultro securi præbuisset: Petruccianæ nanque coniurationis gnarus fuisse ex damnatorum confessionibus putabatur. Sed id in eius necem Leonis animum maxime perpulit, quod hominem ingenio acrem; & manu promptum, Imperatorique muneris secundas partes apud Venetos promeritum, proptereaque Perusinis ad imaginem inuidiosæ Tyrannidis dominantem, tollere cupiebat, satagentibus in eius necem affinibus atque propinquis, qui non aliter quàm morte potentiam eius conuelli posse existimabant. Si quidem Baleonis omnibus hoc semper fatali æmulatione fuit insitum, ut si multatam nunquàm ferè intermissam, inter se cruentissimè exercerent: & quum pulsa Oddorum familia, præpotentes atque æmuli eius deessent, sese ipsos gentilitio sanguine descendarent. Enituit in Paulo oris & corporis eximia dignitas, eloquentia, militari studio requisita excellens; mores bello & in castris nemo carperet, pace multi laudarent; nisi nusquàm oblitus factionis vetera etiam odia vindicare, & incestis amoribus suam alienasque familias dedecorare consuesset.

MALATESTA BALEONVS.





ALATESTA filius paternæ seuitiæ atque libidinis vitia detestatus, quum foris sub Liuiano Imperatore, cui nupta erat ipsius amita, præclara cum laude militaret, egregium sibi præfecturæ locum apud Veneros parauit, exulque a Leone factus, Perusiam patriam pulsus inde Vitellio, & Gentile Baleono, fortiter recuperauit, quum antea in expugnanda Cremona, pellendisq; Laude Pompeia Cæsarianis, plurimum inclaruisset. Ad extremum Florentinis constantissimè libertatem suam defendentibus, quum annum propè integrum pertinacia Clementis Pontificis & inuicti Cæsaris arma obsessus sustinuisset, desperatis auxilijs, obortaque fame aspera, maluit florentissimam urbem seruare ab immanitate atque seuitia externarum gentium, quæ opulentissimæ prædæ inhiarent, quàm parere imperitis & obstinatis aliquot ciuibz, qui desperata venia vnâ secum ciues extrema supplicia perpeti, interireque patriam, & incendio absumi potius quàm sese dederé, & subactos confiteri cupiebant. Nec ob id fa-

HORATIVS BALEONVS.



etum

factum fidei suæ famam læsit apud æquissimos ciues, à quibus iure optimo auream seruatae vrbis statuam meruisse, potius quàm maligna obrectatione lacerari, communi bonorum hominum iudicio, & sacrosancti Pontificis testimonio videri potuit. Non vixit inde integrum biennium atro ci & diuturno morbo succumbens, Rodulpho filio hærede relicto, quem hodie singulari cum laude bellicose familiæ dignitatem tueri videmus: Quî Horatius patruus multis fortibus factis, Salernoque præsertim expugnato clarus, verum Malatesta factiosior & sæuior Florentinis copijs præpositus, in obsidione Neapolitana Lotrechio Gallorum Ducis operam nauans, non in acie, sed fortuito glandis ictu sine liberis perierit.

PAULI IOVII Iunioris.

*Tres simul Heroas pector, tria fulmina belli.
Pinxit in hac tabula.
Hosper summis sis genibus ter lumine lustra:
Ter venerare Duces.
Gaudeat vt geminis pater inclytus, aspice, natis
Et pariter gemui
Vt patre letentur nati mauortia pubes.
O celebranda diu
Norica progenies centum dominata per annos
Te mea Musa canet.
Nam patrem insigni clarum virtute, maligna
Perculis inuidia,
Credulus heu nimium summisit colla securi
Præsidis Aufonij.
At vos Etrusci, meruit nam sculpiæ auro,
Carminæ perpetuo
Duellorem vestrum Baleonum tollite ad astra,
Ob patriam, atque domos
Hostibus ereptas, seruataque templa deorum.
Nec minus interea
Egregius toto celebretur Horatius orbe.
Vnite in Elysio
Falices animæ, quorum tenet æthera virtus
Sydere nobilior.*

Selymus Turcar. Imp.



SELYMVS Othomannæ familiæ nonus Imperator, hoc ore truci ferocibusque oculis, insitam animo suo vim, diramque sæuitiem ostendebat, quum in sanguinem gentili-um suorum & reliquorum, qui ad eius imperiosi genij nu-
tus parum expedire responderent (hos enim præcipue ode-
rar) immaniter desæuieret. Hic prorsus ingens, si vel æqui,
vel iniqui auius gloria certius expendatur, Mahometem auum crudelitate
simul atque animi magnitudine superasse videri potest. Stratis nanque Per-
sis in Calderanis campis, ipsoque Hysmaele Sopho iusta acie deuicto, & Re-
gia eius quæ vocatur Taurisium occupata atque vastata, tantum inclyti no-
minis promeruit, quantum satis esset sapiendæ ambiciosissimæ eius gentis
Regum cupiditati, nisi ad longe maximum gloriæ cumulum accessissent
duo geminata victoria Syriæ atque Aegypti Reges, armis deuicti atque in-
terfecti

terfecti, Campson scilicet infelix senex ab equitatu suo in fuga protritit, & fortissimus Tomumbeius, qui extremum cum vitæ suæ, tum Sulchanico Imperio finem miserabili supplicio affectus, attulerit, quum vniversum prope terrarum orbem rerum ab se fulminea celeritate gestarum, admiratione atque terrore suspendisset. Verum magni numinis providentia factum fuisse fas est credere, vt illa vis indomita & insuperabilis sese in orientem effunderet, vt Europæ intestinis bellis laboranti, nihil hercle merentibus Christianis Regibus parceretur. Regnavit annos octo, vixit quadraginta sex, & quum maius aduersus nos bellum esset suscepturus, canceroso renum vicere verè pestilenti, apud Chiurlum Thraciæ pagum, morte solutus est, Pyrrho bassæ in cuius sinu atrocem animam exhalabat Solymannum filium commendans, seueræque præcipiens, vt in Christianos tanquam veros hostes arma verterentur, neglectis Persis, quorum insinam superbiam satis ipse contudisset. Euenit autem vt eo fatali sibi loco, in quo Baiazetem patrem circumfusa acie adortus opprimere cogitaret, meritis immanis parricidij pœnas daret, sed nequaquam flagitijs pares, vtpote quæ omnem immanitatis notam excedant, postquam Acomathem & Corcuthum germanos fratres, & tot fratrum filios Regiæ indolis ad vnum omnes sustulerit, vt Solymano filio omni æmulatione vacuum Orthomânici Imperij solum pararet. Quancquàm & huic successioni atque hæreditatis ius ipsum aliquando inuiderit. Ferunt enim eum, veste veneno intus atrocissimo delibuta, filium extinguere cogitasse, vt quædam eius verba immodicè pungentia vindicaret, sed eius exitiose vestis donum astuta matris misericordia repudiatum, pro Solymano cubiculario datum, ocysimè perniciem attulisse. Sic vt hoc exemplo, immanitate feras antecisse videatur, monstro quàm homini similior, qui ex animo plusquàm Tartarico nemini suorum pepercerit. Sed non defuere qui in eo abominabilem carnificinam tanquam ei necessariam, qui sine æmulo metuque regnare decreuisset, verbis excusare contenderent: quod regnatura omnis diuini atque humani iuris penitus obliuiscendum censeant. Vsq; adeo enim Imperij dira sitis est, vt vel flagitiosissimis artibus apud quosdam, regna tueri fas esse videantur.

ANTONII Francisci Rainerij.

*Hæc Selymi effigies Scythico quæ pallida vultu
Mortalibus minatur, & magnis Dijs,
Trux illa est, inhiant Lyciæ sub regimine tele
Impexæ atroces vndecunque vipera.
Eumenidum decus, & Vulcania lumina, letbum
Spirant, & ora vim, nefas, & impium.
Mscuit in cano dira hic Aconita parenti
Fratresque letho extinxit omnes horridos
Ipse suo (ni vana ferunt) fata vltima nato
Parauerat, superba quæ fors distulit.
Huic tamen horribiles peperit victoria landes
Et insolenti adauclæ sceptræ dextera.*

*Nam qua Sol agili circum rotat ardua curru
 Hyrcaniam, trucemque Persicum sinum,
 Quaque coloratis longe deuexus ab Indis
 Deserta Nilus arua lambit Aethiopus.
 Gens Eoa omnis, varia armis, dissona lingua
 Flexere Regi colla barbara effero.
 Sulchani euersum Imperium, atque Aegyptia Regna
 Quum totum undique orbis expauesceret.
 Nec dubitamus adhuc priscis picta illius ora
 Miscere nostris (ah nefas) Heroibus.
 Othomannorum quin ora perempta potentum
 Vrbs hac superbis illinit coloribus.
 Fallimur, & Roma hac non extulit ora, sed hac tu
 Nobis Ioni diuine spectanda erigis,
 Itala imaginibus vaser, hinc vte pectora tentes
 Exurgat vltor si quis inde spiritus,
 Nostra illis admat qui signa, vicesque rependat,
 Replens cruore cuncta, casusque artibus.
 Maële hac arte Pater, stimulus qui corda Nepotum
 Ad vera autum gloriæ excitas decus.*

M. Antonius Columna.



EMINI vti nos summa cum admiratione viderimus, rariora spectatoriaque vel celestis gratiæ, vel ardentis naturæ dona contigerunt, quàm M. Antonio Columnæ. Hic enim nobilissima Romani sanguinis stirpe progenitus, ante omnia staturæ proceritate, firmitate, atque amplitudine singulorum artuum, decore frontis, & splendido quodam anææ barbæ nitore, maiestateque torosi pectoris, veteres æquabat Heroes, ob idque præsertim, quòd præclaro insignium virtutum concursu, multiplicique optimarum artium eruditione, ad eximium decus ornaretur; vique adeo constanti vel ciuium vel externorum studio adamatus & cultus, vt quum coleretur à singulis, cuncti cum in vniuersum, vel diuersæ factionis obseruarent, atque suspicerent, eumque vnum Iulius Pontifex tanquam Romanorum Procerum lectissimum collocata ei in matrimonium Lucretia cōsobrinx filia, generum sibi ascisceret, quum graui iudicio Roueræ familiæ nomen, sicuti antea Felicem filiam Iordano Vrsino collocarat, clarissimis Romani sanguinis stirpibus inferendum existimasset. M. Antonius patre orbatu, quòd is Etrusco bello apud Alfonso Aragonium militans perijisset, Prospero patruo, & Fabritio huius patrueli celeberrimis Ducibus ad hæsit, ab hisque certissimis militiæ præceptis imbutus, ita exactam hausit disciplinam, vt Prosperi natura cunctatoris cautum & inuictum robur; præferuidam verò in expediendis armis Fabritij vim, nobili salubrique temperamento moderari didicerit, tanto illustris famæ prouentu, vt quum in Apulia,

Apulia, Latio, Etruria, Galliæque Cisalpina, varijs prælijs interfuisset, utroque patruo decerptis eorum virtutibus, honore auctior & maior euasurus crederetur, nisi immitia fata eius paratis honoribus propere nimium inui-



disſent. Is namque quum deſenſa nouiſſimo virtutis opere fortiter Verona aduerſus immenſam vim oppugnantium Gallorum & Venetorum, ali- quod ſe nauatæ operæ præmiũ pãciſci putallet, & à Cæurio Belga Caroli adoleſcentis nutricio, per moras ſupine ſe contentũ, faſtu Romano ſuccenſus, non diu pateretur, ad Franciſcum Galliæ Regem è Belgis contendit, à quo uti is natura Rex erat, omnis veræ virtutis liberaliſſimus æſtimator, præfectura alæ equitum, & conſacrati Regis ordinis torque honeſtatus eſt. Sed ea militia demum infauſto omine ſuſcepta, quod tum Leonis & Cæſaris armis Lotrechius Gallorum Dux Medioloano pelleretur, M. Antonio bellici laboris & vitæ immaturum finem attulit. Nam dum inſtaurarent Galli bellum, & Medioloano copias admouiſſent, ut circumuallatæ arcis obſidio ſolueretur, Marcus Antonius nondum quinquageſimum ætatis annum attingens, ingentis Colubrinæ pila i- ctus occubuit, eadem etiam pila diſcripto, & ad latus cadente Camillo,

Triumphi clarissimi Imperatoris filio, quum obequitantes in aggere hostium munitiones inspicerent. Corpus eius Prospero hostium Duci à Lotrechio concessum est, ut inestissimus patruus, fratris filio tantæ spei, & tum fortè Veneti exercitus Imperatori designato, iustis exequiis parentaret. Luxere eum atrocissima morte surreptum socij atque hostes paribus prope lachrymis, ideoque vberioribus, quod masculum prolem quæ paternæ virtutis esset hæres, nullam reliquisset.

AVGVSTI Cocceiani.

*Hæc in tabella pictus est Columnius
 Heroas inter iure primas obtinens,
 Quos Roma genuit omnium fortissimus,
 Quos Roma vidit omnium pulcherrimus;
 Virtutis est Verona testis optima
 Servata quondam ab vi et furore barbaro,
 Et pulcher Atthesis mania eius persfluens
 Atro cruore sæpe tinctus hostium.
 Est vasa testis gens libera, est horrida
 Germana pubes, terga sæpe quæ dedit
 Illius armis, cœu fugaces Caprea
 Multa premente aggressium manu solent.
 Forma paternæ signa sunt certissima
 Præsentis ævi filia pulcherrima
 Iovis Deorum Regis, atque Apollinis
 Dignæ cubilibus. Deum hinc credi licet
 Illum fuisse, qui deis sonillimus
 Virtute, forma, viribus, planè fuit.
 Hinc suspicata magna turba cœlitum,
 Humana ne quem ladere, aut fors, aut manus
 Nequiret hunc nec ipsa fata attingere,
 Vel morte fera vel cruenta vi queant,
 Homo quæ ob id vitam deorum degeret,
 Subimida, in Columnium potissimum
 Coniurat, æreaque, tormento æreo
 Missa pila; tonante calo, ut fulmine
 Heroa sternit; Mars dolore lacbrumatus.*

M A T.

LIBER V.
Matthæus Cardinalis.
SEDVNENSIS.

249



MATTHÆVS cui Lango cognomen fuit; & honorem postea purpuræ adeptus est, apud Sedunum urbem federatamque Helvetijs & Rhetis, natale solum habuit, humili quidem patre genitus, sed eo pro captu Alpinae gentis, nihil à literis abhorrente. Quamobrem ab eo ut primum adoleuit in Italiam est missus, eo consilio, ut Italicam perdisceret linguam, & Latinis pariter literis operam daret, demumque (ut evenit) sacris initiaretur. Itaque Matthæus post prima literarum rudimenta quæ in patria perceperat, Comi sub Theodoro Lucino nobili (ut illa ferebant tempora) grammatico, poetaque, tantos processus fecit in studijs, ut nihil earum rerum quæ vel audiret, vel legeret, robusti auidique ingenij memoriam subterfugeret; utpote qui sæpe aegri præceptoris munia docendo felici æmulatione obire esset solitus, magnamque partem

Maronis *Acneidos*, & *Heroidum* *Nafonis* quāquam subagresti vocis sono recitaret, amplectereturque supra cunctos authores librum de *Consolatione* *Boetij* *Seuerini*, qui liber moralibus multis exemplis refertus, delectos quotidianis actionum suarum sermonibus flores & exempla cunctis prope calibus opportuna ita suppeditabat, ut eius eloquentia non Germani modo, sed Itali etiam eruditiores magnopere mirarentur: conciliaretur inde *Sedunensi* populo ad promerendum *Episcopatus* sacerdotium, quem *Populus* spectatum moribus per suffragia deligere, & *Pontifici* maximo mitra exornandum offerre consueisset. Vbi verò stolatus & insulatus de more in templo sacras habere conciones cepit, tanto concursu omnis generis hominum audiebatur (quod mores exacte sobrios castosque praeferret, qui ipsam eloquentiae laudem sine controuersia superarent) ut ampliorem sacerdotio dignus haberetur. Nam multus erat, & efficax in componendis controuersiis, quae inter ciues atque finitimos intercederent, usqueadeque recto atque incorrupto iudicio, ut nemo vel factiosus, cum ultro oblatum arbitrium reijceret. Eo modo collecta auctoritate apud suos populares, probitatis atque industriae nomine potens & validus, in id incidit tempus, quo exortum est bellum inter Gallos & *Iulium Pontificem*, quum *Ludouicus Rex*, infausti dynastiae nominis causam suscepisset, excitandi concilij, cuius sanctionibus atque armis impotenter dignitas *Pontificis* conuelli posse putabatur. Iamque eò res erat perducta, ut *Iulius* ex *Rhauennate* cruento praelio victus spoliatusque *Bononia*, & nefarijs undique armis circumuentus ab externis gentibus *Hispanis* atque *Britannis*, *Heluetijs*que praesertim, opem implorare cogeretur. In ea controuersia *Matthaeus* integritatis studium, egregiamque operam sic praestitit, ut à *Iulio* supplente *Senatum*, in honorem *Helvetiae* gentis, purpureae dignitate honestaretur. Nec multo post *Matthaeus* multis concionibus apud *Heluetios* habitis egregie persuasit, ut pia arma susceperent aduersus Gallos, qui res diuinas profanis commiscere conarentur. Quod ob id non magnopere difficile fuit, quoniam gens *Heluetia* paulo ante sese ab amicitia *Ludouici Regis* alienarat, tanquam ingratis spreta & fraudata donatiuis atque stipendijs, auari aut certe nimis parci *Regis* acceptam contumeliam vindicare percuperet, eoque grauius & properatius, quod pro *Heluetijs* legionibus auxiliarijs *Gallus Germanorum* cohortes mercede conducere cepisset: cuius iniuriae is fuit exitus, ut *Matthaeus* cum suo astrictus officio, tum purpurei galeri beneficio obligatus, vniuersam gentem aduersus Gallos concitaret, eosque *Ticino* pulsos, & ad alpes & in *Galliā* fugientes, *Cisalpinæ Galliae* imperio expelleret. Nec in ea celebri victoria, qua haud dubie *Pontifici* sua dignitas est restituta, *Matthaeus* aut studium suum erga *Pontificium* decus aut odium in Gallos intermisit. Nam mortuo *Iulio*, *Leonē Decimū* pro recipienda *Parma* atque *Placentia* bellum mouentē mirifice adiunxit, Gallosque Duce *Lotrechio* iterum *Mediolano* depulsi, instauratoque saepe bello, quū *Leo Pontifex* fato esset ereptus, atque ei successus *Hadrianus Sextus*, cuius comitijs interfuerat, nūquā ab auctoritate *Pontificij* nominis discesserat. Mortuus est *Romae* non planè senex primo *Hadriani* pontificatus anno, vir inter exactae virtutis Imperatores, potius quàm inter Senatores numerandus, si corporis ac ingenij robur & rerum strenuè gestarum cumulum spectes.

Maxime

Maxime verò ei gloriosum fuit Francisci Regis iudicium, quum asseuerares, me audiente, aliquanto plus sibi sumptus atque periculi Sedunensis facundie indomitam vim, quàm tot legionum eius gentis cuspides attulisse.

PLACIDI Placentini.

*En tua purpureus decorat Matthæe galerum
Tempora digna sacro triplicis splendore corona.
Scilicet exultans telis ferus accola Rhemi
Pondus arenosum rapidus qui flexibus urget
Oceani in gremium, demens, hostilibus armis
Imperia, & leges diuim lacerare profanus
Irruerat; miseræque nouus tremor ossa tenebat
Italia, validus quum te Duce castra manipulis
Heluetia aduentant, bisque acres cuspidè Gallos
Fundunt, Pontificemque armis vietricibus ulta
Tandem nubiferae alpes transcendere cogunt.*

Prosper Columna.



SEPE hæc specie prolixè comatum ferèque cincinnatum, & priscae probitatis os subagreste, sed tamen oculis ingenium, & quidem militare præferentem, Prosperum Columnam vidimus, atque item his armatum insignibus. In eo Romanorum procerum nobilissimo, apprime grauis & considerati Imperatoris decus enituit, quod proculdubio ad antiquæ Romanæ virtutis specimen referri posse plerique existimarunt. Quandoquidem in eo multa militaris consilij vis, egregiaque constantis animi probitas, & recti honestique appetens, moderatus animus conspiceretur. Nemo enim eo temperatius vel inter factiosos arma exercuit: nemo humanius à sanguine milicum temperauit: nemo denique abstinentius innocentium hominum agricolarumque præsertim fortunas à licentia militari conseruauit. Has propter virtutes quæ in huius duræ ætatis Ducibus desiderari facilius poterant, quàm reperiri, non semel præclara voce apud Insubres, Cœnomanos, & Venetos, paganorum defensor, & Italicæ gentis pater appellatus. Fuit Prospero dissimili morum genere, & pari propè gloria militari præconio celebratus Fabritius patruelis; quo collega diuersas vtriusque virtutes in mutuum consensum, parandis victorijs opportunum, ita miscuisse constat, ut vterque ab eo temperamento, se ipso maior & clarior euaderet. Sed Prosper qui diu aduersus Gallos inuicta arma tulerat, in prouiso superuentu Gallorum equitum sædè apud Vil lafrancam subalpinæ gentis oppidum oppressus, captusque est; Obegnino atque Palicia eius expeditionis Ducibus, quos antea Neapolitano bello ipsius maxime insigni opera captiuos vidisset. Sed non multo post, clementia Francisci Regis, quum se dimidia pecunia redemisset, eam cladem

acceptam nouo victoriæ prouentu refarciuit, quum Lotrechium & Gallos ex longa contentione Cisalpinæ Galliæ imperio depulisset. Ab his rebus gestis Sfortiano dominatu Mediolani constituto, summos militaris Imperij



titulos à Carolo Cæsare promeruit. Verum inde leuem ab initio sed mox euentu lethalem contraxit morbum, quum iam sexagenario maior, affectu ætatis oblitus, illustrium matronarum amoribus intemperanter indulgisse crederetur. Luxerunt eum totius Cisalpinæ regionis ciuitates, hominumque ordines, tanquam Patriæ parentem, incredibili herde cum mœrore, præfagientes utique verissimis lachrymis imminentem durissimorum temporum conditionem, qua cunctas ab Hispanis atque Germanis præfidiarijs acerbitates perpepsi, omnino crudelius atque funestius à socio quàm ab hoste, concasuras ipsorum fortunas diuinarent.

PETRI GRAVINAE.

Ni

*Nil obstat Dux magne tuis, nil amplius ausis
Fortunæ obsequium signa sequentis habes,
Vidimus indomiti superata pericula belli
Vidimus hostiles succubuisse manus.
Oppida vi capta, & validis traiecta manipulis
Flumina, & oppositos terga dedisse Duces.
Reistabant arces tormentaque bellica, tandem
Cesserunt arces, flumina, saxa, minæ.*

ANTONII Casanova.

*Tres modo fama Duces circa tria munera belli
Ante alios primum insit habere locum
Castra locare fuit Pyrrhi, Fabique morari,
Marcelli proprium conferuisse manus,
Tu Castris, hostemque mora, & certamine Prosper
Vicisti, atque trium quod fuit, vnus habes.*

Hysmael Sophus.

Perfarum Rex.



B hac illustri, & supra mortale decus radiante, imperiosa, que facie apud Persas suos se ipso admirabilior fuit & augustior Sophus Hysmael, qui nostra memoria totum terrarum orbem nominis sui fama compleuit. Is namque magni Vssumcassani Regis ex filia nepos, Haidare, cui Har dueli cognomen fuit, genitus, ac in obscuro nutritus adolescens, specie formosissimi oris cunctos æquales antecessit. Vir integræ ætatis, milites omnes dignitate firmissimi habitus & equitandi sagittandique peritia superauit. Seniores vero, vt primum sese ætas inflexit, aptissimi marum rerum scientia & castrensis prudentiæ laudē ita excelluit, vt per omnem ætatem quæ ei supra æquum augustior contigit certo numini propior quam mortali, vti augustissimus coleretur. Erant enim res eius bello gestæ, cum victoriarum pondere, tum magnitudine euentuum, & quadam perpetua atque felici cursus celeritate mirabiles; vtpote qui persuasionē conmutatæ religionis excitatis in eius sectam Orientis gentibus, Iacuppi Regis auunculi filios, Regni hæreditate depulerit, hisdemque armis quibus mortem patris vindicabat, & nouæ religionis nomen tuebatur, extinxerit. Nulla siquidem armata manus vim sustinere poterat Sophianorum, qui à purpureis capitum integumentis Persica lingua Cuselbassæ vocabantur. His enim non vno in loco in aciem eductis, & passim victor, per Armeniam, Mediam, Persidem, Parthiam, Mesopotamiam, & Assyriam eius nouæ religionis sectam, eademque capitum insignia propagauit. Inde quoque aucto numero ea insana, & credulæ multitudinis turba, tumultuarijs, ideoque prægrauibus, quod sacra dicerentur, armis, in Othomannicos fines peruaserat. Verum is Sophianorum incursum talem habuit exitum, vt per Ba-

iazetis accerrimos Duces, Galatia & Cappadocia, mutuis cum cladibus pel-
lerentur. Secundum Baiazetem fato suo functum, Selymus filius Persicum
suscepit bellum. Hyfmaelis offensus gloria; superatoque Eufrate, ad Artaxa



tam Calderanis in campis cum Hyfmaele conflixit; eoque acie pulso & re-
trocedente, Taurisio Regia vrbe potitus est. Sed reparantem copias Hyf-
malem, & iam aduentantem veritus, continuo in Cappadociam se recepit;
magnæ hercle & memorabilis victoriæ, nisi ea multo Turcarum sanguine
constitisset, trophæum erecturus. Exinde Sophus Hyrcanorum iniurijs
lacsessitus in eos arma conuertit, diuque ea plerumque victor exercuit, quum
interim Selymus immensa gloriæ cupiditate incensus, ad excidium Sulthā-
nici Imperij arma conuertisset. Cæterum Hyfmael plenus gloria perdo-
mitis & pacatis vndique finitimis, quartum & quadragesimum agens an-
num in magna spe longioris vite, contracto ex asperissima venatione fatali
morbo paucis diebus absumptus est. Edixerat inulitati generis venationem
qua Regio apparatu Syluestrium equorum greges petebantur, in aspera ne-
miorosaque regione, quam Seruanam vocant. Ea est Medorum & Alba-
norum

norum in finibus non longe à Caspij maris conspectu ad Caucasi montis radices posita. Id regionis spatium, venatorum ingens multitudo iusti prope instar exercitus, exploratis earum ferarum sedibus & pascuis complectitur; perpetuaque corona sensim coercendo præcingit; atque indices tantquam indagine clausas vndique territando & iaculando pulsas in magnum campum compellit, in quo Rex primus desertur atque ita circumuentæ feræ voluptarium de se spectaculum adeo violentis conatibus ad effugium edictis, præbent, ut magno periculo, ac nisi procul iniectis laqueis capiantur, multiplicatisque restibus diuerso venatorum nixu contineantur. Ea siquidem feritas illorum est, ut nisi defessæ cursu, & siti, inediaque confectæ & perdomitæ fustibus mansuescieri queant, vixque per aliquot menses multa periculosaque domitorum industria, stragulam & fessorem admittunt, quum dentibus & calcibus libertatem defendant. Hi aspectu sunt truces prælongis atque horrentibus comis, rigida ceruice, & arietino capite deformes; nam strigosiores habent clunes; sed crura cum toto femorum & suffraginum nexu adeo valida, ut bidui cursu minimè fatiscant; nec vngulæ late admodum atque præduræ ferreis soleis indigeant, quandoquidem nec in asperis rupibus, lapidosisque locis atterantur. Sed domitis graui lupato opus est, & valido capistro, quod subter crura ventre tenus deductum vim eleuantium frontes & fessorum capita pulsantium coerceat. Id itaque ferorum equorum genus laboriosum capi, perdomarique difficile, vsu verò longissimi cursus supra quàm existimari possit mirificum, ob id vnus tantum dicatum est Regibus. Is equus colore cinereo nigris ad poplites in ternitentibus virgis Onagros refert. Tradunt autem Persæ (ut ab Armenio Patriarcha qui Hysmaelis familiaris fuit, audiuius, nisi ea fabulosa superstitiois putetur) horum equorum greges in tutela quorundam agrestium numinum esse constitutos, proptereaque eos nefas esse per sacros lucos, & tesqua Drijs inanibus Syluanis & Faunis dicata, consecrari, capereue, quando violantes sacrum gregem & lucos consecratas Drijs sedes, repentinus sequatur interitus; ut non impune accidisse Hysmaeli prædicabant, qui siue defatigatione & labore nimio difficillimæ venationis conuulsus, siue fatali percussus iniuria syluestrium numinum, immatura certè morte, & fortasse non immerita perierit. Quum prædicentium admonentiumque seniorum sacerdotum præscita, atque oracula neglexisset; eo quidem præclarius quod Sumachæ Regulum in eandem venationis voluptatem accessum, eadem fatalis ausus causâ sustulisset.

PARTHENII Parauicini.

*Hanc tibi Apellea referentem ex arte colores
Effigiem, sumæ, laudumque appendimus ergo
Persarum decus, o Heros, quem Gangu ab oris
Extremoque oriente, ingenti gloria plausu
Littus ad Hesperium, Solusque cubilia vexit,
Clarum opibus, facie insignem, & præstantibus ausis
Egregium, dum pro sacris cultique Deorum*

Pollutaque tui pro religione Tonantis
 Insurgis, piaque arma moues, totique oppida victor
 Tot populos & regna tuis tot finibus addis.
 Atque Asia magno fundis certamine Regem.
 Quin etiam (rarum Ducibus) studiumque Minerva
 Excolis, Aonidumque artes, nil denique inausum
 Nil intentatum, ingenioque maxime relinquis
 Maeste o iustitia Princeps, & pacis honore,
 Praclare & bello, Ducibusque equande Latinis,
 Te curus in Lari fulgentia luctore tella
 Pieridum, sacraque domus quibus altus Apollo
 Praesidet, & spretis Cyrrha nunc incolit antris,
 Accipient, ubi conspicuum in primisque micantem
 Magnanimos inter Reges Martisque coronam
 Suspicient, Populi, nec avari temporis ultra
 Debentem inuidiae quicquam mirabitur omnis
 Posteritas, Ioniisque tuos celebrabit honores
 Qui nunc aeternis mandat tua nomina fastis.

Antonij Grimani Veneti

Principis.

IN attollendo premendoque Antonio Grimano alternan-
 tibus diuersae fortis impulsibus, Fortuna mirabiles edidit
 ludos. Nā quatuor annorū puer Marino patre mortuo, sub
 tutela patruī maritimae negociationi à prima statim ado-
 leſcentia adscriptus, summos labores summaque tempeſta-
 tum pericula alacriter subiit, utpote qui cuncta propē Sy-
 riae, Aegypti, Africaeque Emporia adiit, tanta asperrimarum rerum toleran-
 tia, singularique parendi obsequio, ut satis honestos ex diligenti mercatura
 quaestus faceret, usque ad legitimam petendis honoribus aetatem. Reuer-
 sus siquidem Venetias per omnes Magistratus in ciuitate decurrit, sic ut
 nusquam repulſam ferret propter spectatam fidem cum summa gerenda-
 rum rerum prudentia coniunctam, maiora semper atque ampliora quam
 peteret consensu suffragantium ciuium promeritus. Quum verò ad splen-
 didissimae legationis munus vocaretur ad Federicum Caesarem in Germa-
 nia agentem, id cum pudore recusauit, quod plerique Senatores eius viri
 grauissimarum rerum experientis personam, domi quam foris Reipublicae
 vtiliorem iudicarent. Impetratum idcirco est, ut Dominicus filius optimis
 instructus literis, qui postea Cardinalis fuit, pro patre in eam legationem
 mitteretur. Exinde suas partes in Republica eximia cum moderatione sem-
 per implens, perpetuo tenore gratus apud Populum, maximeque pro-
 batum apud proceres Senatus fuit, eo praesertim tempore quo ad maris praesec-
 taturam euectus est. Nam tum Veneti cum Carolo Gallorum Rege bel-
 lum susceperant, & Aragonios Reges ex fœdere socijs armis defendendos
 existimabant. Itaque Grimanus cum valida classe in Apuliam profectus,

complura eius orae oppida occupata à Gallis, manu cepit. Monopolim que urbem admotis tormentis fortiter expugnauit; quo terrore Polygnum, Molam, Brundisium, & Hydruntem in Salentinis, in potestatem



Venetici nominis redegit, authorque extitit & suasor apud Senatū, ut Venetici pecunia Aragonius subleuaretur, isque oppida tanquam oppignerata Venetis tuenda relinqueret. Quo consilio & fractæ Gallorum res, & aduersariorum quæ erant difficiles, in melius restitutæ sunt. His rebus gestis, fidem spemque totam apud ciues de sua virtute conceptam, cumulare impleuit; meritoque factus Procurator Diui Marci, in id tempus incidit, quo Senatus Venetus commutato studio, & reiecta Sfortiæ amicitia, cum Ludouico Gallorum Rege fordus percussit, quo Cremona nouæ amicitiae præmium petebatur. Tanta enim incitatione Senatus in odium exitiumque Sfortiæ, tantaque amplificandi Imperij cupiditate descensum erat, ut sanioribus consilijs nullus omnino locus relinqueretur. Redamabat libero ore Grimanus uti verus vates, sicuti nos ab ipso successoreque etiam Gritto accepimus, inuidiam inde grauioraque pericula veritus, moderationisque Sena-

natus primores admonebat, vt infirmum Regulum potius quàm potentissimum externæ gentis Regem accolam mallent. Sed iuniorum suffragia aduersus bene consultos senes, fatali quodam impetu valuerunt. Veneti enim in vniuersum à Sfortia se transuersis artibus impeditos quo minus Pisis potirentur, ægerrimè ferebant. Itaque Ludouicus reiectus à Veneto acque hostis declaratus, deceptusque item ab Alexandro Pontifice, nec adiutus alacriter à Cæsare, postremam à Baiazete Turcarum Rege opem implorauit. Visà est Barbaro digna occasio inferendi belli. Id enim vnum Sfortia postulabat, vt terra marique Veneti, ne cum Gallis vires coniungerent, suarum rerum periculo distinerentur. Itaque Baiazetes misero & malignæ circumuentio Sfortiæ opem ferendam ratus Schenderbassam Illyrici præfectum, in Venetiam vsque luctuosa incursione prouehere se se iussit, & Deutem amplissimæ classis præfectum, in Græciam misit. Quo in rerum periculo Grimanus omnium suffragiis iterum delectus Imperator, exornata pulcherrima classe aduersus hostes nauigauit. Sed id nauale bellum cum malignitate Fortunæ exitum tulit, vt quum apud Sporadas insulas congressuris classibus non dubio euentu superari Turcas posse apparet, commutatis ventis, nec opportunè parentibus quibusdam Trierarchis, Grimanus tota spe victoriæ deiceretur, Barbarique hostes incensis duabus onerarijs, in quibus Andreas Lauredanus, & Albanus Armerius patri trij sortes periere, in Naupactum sinum euaderent, dedenteque ibi arcem Mozenico præfecto aut auarè, aut timide, Turcæ Naupacto potirentur, Grimano frustra se à Trierarchis per summam malignitatem atque ignauiam proditum conquerente, nec ramen in eos, quod essent nobilissimi ordinis Imperij feueritatem exercente. Eius fordæ potius, quàm malæ gestæ rei nuncijs, Grimanum summæ inuidiæ exposuit, vt comminuta repente eius gratia, atque autoritate successorem ei Senatus decerneret Melchiorum Triuisanum veterem inimicum, qui Grimano compedes inijceret, captumque ad dicendam causam Venetias continuò deuchi iuberet. Quo nuncio Grimanus vt insons, & egregiè animo constans, Senatui omnino parendum existimans, non expectato successore compedes sibi vltro iniicit, & peculiari mioparone Venetias deuectus est, patribus sese compeditum, & iudicij pœnam subire paratum ostendens. Nunquam antea Venetijs frequentius atque celebrius vilius rei spectaculum fuit, quum eo habitu senex Imperator, & nihil tale ex æquo meritis, à rerum capitalium ministris in carcerem duceretur, & plerisque manarent lachrymæ ex memoria anteaçtæ vitæ, Fortunæque: atque eo etiam vberius, quod filius in ipsa purpura Cardinalis, mœstissimi patris compedum pondera, dum scalas ascenderet, facratis manibus sustineret. Eum postea duro in carcere diu custoditum, atque acerbissimè à Nicolao Michaeli accusatore exagratum, optimi quique ciues indoluerunt: eius verò iudicij causâ non in rogatorum, vt aiunt, Senatorum modò, sed in publico ciuium consilio ætitata est, eo euentu, vt incomparabili gratia, tum sua tum Senatus omnibus propè suffragiis absolueretur: ad minuendam tamen inuidiam, quod eo bello Venetus non Naupactum modò, sed Pilum, Christæum, Coronem, & ipsam a Baiazete expu-

expugnatam Methonem amisisset, in Ossarum alteram Absyrtidum insulam relegaretur. Sed pertæsus damnatæ insulæ nomen, Romam migravit, ut cum Senatore filio, maiora præsidia turbatis rebus suis pararet, & Patriæ commodis integra fide consulendo propensissimè studeret. Vixit in luce Populi Romani carus Pontifici, & à cunctis ordinibus crebro salutatus, quum luculentissimam villam sub Quirinali ædificasset. Tandem Venetjs extincta invidia, patrum iudicio reuocatus est, integritatis atque virtutis ergo. Hæc enim verba fuere publici decreti, quod nusquam præclaram iustu officij pietatem vlla in re erga patriæ decus intermisisset. In id decretum mille trecenti & sexaginta quinque patrij in suffragium ierunt, nec aduersa supra centum tulit. Quo exemplo videri potuit veræ virtutis nomen insolentis Fortunæ fluctibus iactari quidem, sed nunquam mergi atque opprimi posse; sic ut iam ciuitas vniuersa constanti iudicio ei Principem locum (vbi euenit) studiosissimè destinaret, summoque plausu tanquam postliminiò redditus complecteretur; eoque maiore Grimani cum laude, quod Nicolao accusatori, omnis eius acerbitalis oblitus, capitalem iniuriam remisisset. Secundo loco creatus sancti Marci Procurator splendidissimam atque grauissimam legationem suscepit ad Franciscum Regem, cui summæ claritudinis adiuncti collegæ sunt Dominicus Triuifanus, Georgius Cornelius, & Andreas Grittus, qui Senatus nomine ei victoriam de Heluets partam prolixè gratularentur. Exinde magni semper Consiliarij nomen continuato honore vsque ad Lauredani Principis mortem promeruit: cui post longam candidatorum contentionem successor Princeps creatus est, pridie nonas Iulias, eodem anno quo Leo Pontifex vita functus est. Fuit in Grimano habitus corporis gracilis, sed procera statura, viuidum vsque ad extremam senectam ingenium, atque oculi viuaces. Fuit vir frugalitatis eximie per omnem ætatem indomitique laboris atque animi, ad omnes Fortunæ casus firmissimè compositi. Vixit annos Nonaginta, præfuit Reipublicæ tribus. Exornauit Prætorium luculento ædificio, cui nomen eius decreto publico est inscriptum, quod paucissimis contigit.

LVDOVICI Dominici Placentini.

*Principis effigies hæc est reuerenda Grimani
Quem pater ateno superum dignitatus honore
Intrepidi monumentum animi superaddidit astris;
Scilicet ante obitum supremæque funera, sese
Instabilis diuæ spolijs fulgentibus ornans
Inuictus potuit varios eludere casus.
Hic primum explorans fato Neptunia Regna
Ceruleis sinibus iuueniles credidit annos,
Vt vir postremo spectato Marte triumphos*

*Ad patrium littus certos ex hoste referret.
Denique natura leges ac bella triumphans
Sponte sua vinculumque manu, se petlore firmo
Præripit ad patres, vinculus civilis vicit
Prælia, Famamque æterno iam terminat axe.*

Franciscus Ferdinandus

Piscarius.



N VNC quem spectas elata ceruice galeatum, & decora ex-
cepta vultu vulnera intrepidi & summè fortis animi argu-
menta præferentem, ille est Ferdinandus Daualus cogno-
mento Piscarius, qui antè meritum & acceptum militaris
Imperij munus, ex ipsa tantum peditatus præfectura maio-
rū Ducum bello Dux, admirabiliumque militiæ operum
magister

magister atque author incomparabiles victorias Carolo Cæsari parauit; non obscuro quidem cum pudore veterum huius seculi Ducum, quum iuuenis vixdum integræ ætatis, eos omnes expediti consilij grauitate; & quosque manu promptissimos singulorum ordinum præfectos, in obeundis periculis, præclaro impauidi animi ausu, æque mirus & felix superare didicisset. Neque propterea fas esse putauerim eius vsque adeo præstantis atque inuicti viri immensum decus, breui angustæ tabellæ elogio circumscribi, si vim potius atque ipsum pondus inclytæ virtutis, quàm inanes honoris titulos, qui sæpè libidine Regum obueniunt, æstimare velimus: quandoquidem gloria rerum gestarum latè propagata, modicis rectè scribentium terminis includi nequeat. Quanquam ego præcipuus (dum ille viueret, & bello plenus laude versaretur) Pilcarij sedulus admirator, peculiari volumine edito, nomen eius præsentis & venturæ famæ commendarim. Nunc verò liquidissimè constet ex eius viri recordatione, collationeque, satis multos militiæ Duces eminentibus titulis clâros conspici, quum rari appareant qui parem susceptis honoribus, non absolutæ quidem virtutis, quæ hodie Imperatorum nemini fere contigit; sed nec mediocrem, sine alicuius insignis maculæ probro operam præstare videatur.

INCERTI *Authoris.*

Qui sceptrâ ad tumultum, vincti quid compede Reges?

Quid vè tot inuicta signa relata manu?

Quid Galea, quid scuta nitent, quid gæsa, quid enses?

Quid viuet æternis Læurus opaca comis?

Num Mars, num Daualus, tumulto iacet? hic situs hic est

Heu Daualus, quin Mars cum Daualo ipse iacet.

Ioannes Bentiuolus

Bononiensium Tyrannus.



HÆ tres, quæ vna ferè in tabula sibi cohererent imagines, trium seculo nostro præpotentium potius quàm illustrium Principum figuras ad veram similitudinem exprimunt, Ioannem scilicet Bentiuolum, Pandulphum Petruccium, & Petrum Soderinum, oris quidem ductu, cultu rogati amictus, & conditione ingenij dispares; sed qui finibus ditionum, & consiliorum sensibus inter se coniunctissimi, eandem propè dominatus Fortunam tulerint, quum quisque eorum sua in patria pari consilio, sed diuersissimis artibus nominis dignitatem tueri niteretur. Bentiuolus Bononiæ primum locum maiorum suorum; qui nobilitatis erant Principes, virtute partu, ita adeptus fuerat, vt Tyranno quàm Principi ciuitatis propior haberetur. Huius autè eiusdè nominis seditiosius atque ferocius suas tuentem partes Eugenius Pontifex capite damnatum sustulerat.

Patrem verò Annibalem Canetuli factiosæ familiæ ciues coniuratione facta vsque adeo crudeliter, & temerè trucidarunt, vt in ipso cædis vestigio admisi facinoris pœnas darent. Ex hoc Annibale Ioannem puerum Sanctius qui se in Bentiuolam familiam adoptarat, educandum; magnoque ciuium studio paternæ auitæque amplitudinis in ciuitatem Principem insti tuendum suscepit; acciditque vt Sanctius per aliquot annos prudentissimè administrata Re publica, & ciuibus alumno conciliatis, vita excederet, ci que Genebram vxorem ad futuras nuptias reliquerit. Hæc erat Sfortiani sanguinis Constantio Pisaurense Principe genita, virilis animi mulier, & vsque adeo imperij auida, vt maritum mitem natura potius quàm vlla in re violentum, ad cædes damnationesque æmulantium ciuium edendas impelleret, & ad clauum totius consilij superba & insolens federet, & tum præsertim detecta Malueticorum conspiratione in ipsos atrocissimè sæuendum esse censuisset. Punitis & euersis per hunc modum Maluetijs, integra ciuitatis possessio, summaque non obscuri dominatus potestas, Bentiuolo cessit. Creuerat is numerosa liberorum sobole, varijsque connubijs opportunas propinquitates parauerat, acceptis nurbus ex splendidissimis Italiæ familijs, & filiabus ditissimo cuique Regulo nuptui datis, sic vt exaggeratus vndique, & vere vsque ad posteritatem confirmatus dominatus esse videretur. Aedificarat insuper magno sumptu luculentissimæ structuræ turritam domum instar arcis, quæ pulchritudine & laxitate Cosmianam Florentiæ & Feltrianam Urbini, quanquam latericia, superare videbatur. Ad hæc liberi eius, patris magnificentia atque opibus inuitati singulas & ipsi minores domos extruxerant, quas ciuium copijs in sua horrea, suumque penum impudenter traductis, & replere, & varijs ornamentis instruere erant soliti. Incidit autem in id tempus Cæsaris Borgiæ immensa cupiditas augendæ potentæ, suspecta Bentiuolis, quòd is ad urbem vsque castra promouisset. Cuius aduentus Marefcotti è prima nobilitate ciues, authores & rei facti ab Hermete filiorum supra omnes sanguinario, iugalati sunt. Ea cædes vniuersam ciuitatem conterruit: Patrata liquidem fuerat in prætorio apud Magistratus, nemoque propinquorum hîscere audebat, quòd tot liberorum famulatu, multisque sicarijs circumsepti, minaces foro inambularent, Nec iam dubia & atrox Tyrannis inuecta cerneretur. Successerat Alexandro Pontifici Iulius Secundus Bentiuolo ex vetere similitudine insensus. Is opulentissimæ ciuitatis, cui ipse in minori fortuna præfuisset, conditionem miseratus, bellum inferre, totque Tyrannos omnino tollere cõstituit, profectusque Roma, & auctus Gallorum auxilijs ad urbem Bononiam castra promouit. Eo autem successu bellum est confectum, vt Tyrannus qui castra Gallorum, auersis eò corruatisque fluminibus inundarat, & prope oppresserat, animum despondens, insensique Populi tumultum veritus, ea conditione urbe excederet, vt præsidio Gallico quod pecunia coemerat, tutus cum vxore egredereetur, exulatumque ad Buxetum Parmensis agri oppidum Pallauicinatorum hospitio susceptus abiret. Nec multo post Bentiuolus quum in alibi dua reditus cogitatione versaretur Genebram vxorem amissam, repentinò dolore exanimatam, quòd ei improuifus nuncius superuenisset, quo audierat liberos suos tumultuarijs collectis copijs reditum ad patriam intempestiuè præparantes.

Hippolyti

Hippolyti Cardinalis Atestini, & Ludouici Mirandulani superuentu, qui Pontifici fauerent, fufos in itinere, & fœdè profligatos fuiſſe; qua iniuria exacerbatus Iulius, Bentiuolorum clientes, vel tum captos, vel inde conquiſitos, damnatosque laqueo ſuſpendi iuſſiſſet, & Tyranni domum vel Bononiæ totiusque Italiæ ornamento à conditore deſtinatam, plenus ignobili ob idque pudenda iracundia, excindendam furenti populo obiecerit. Nec diu poſt ipſe Tyrannus ſenex, deſperata Gallorum ope, quum in eam ſpem eluſus, veteres theſauros exhauſiſſet, ſacris interdictus & planè miſer interiit, quum amplius triginta annos dominatum exercuiſſet, vixiſſet annos ſupra ſeptuaginta, dignus hercle eo patriæ dominatu niſi ingenium eius impotentes liberi, auaritia, libidine & crudeli faſtu cuncta perturbantes, ad exitialem inſolentiam propuliſſent.

ANTONII Franciſci Rainerij.

Bentiuole, illa olim veſtra ingens gloria, ſummis
 Nixa opibus, patriæ titulus & ſacribus auctis
 Vndantum Imperio populorum, & prole virenti,
 Marmoreæque domo & regali diuite luxu,
 Quod rapida reuoluta manu, ceu turbine torto
 Corruerit, ſonitu per inania nubila factò,
 Ne mirere, animo inuictè & præſtantibus auſis,
 Eliſys nèue hac te cura laceſſat in aruis.
 Scis tu etenim, ſcis tu ſubiti quàm plena pericli
 Fortuna alea ſit, volucris vertigine quantum
 Heroiumque hominumque trahat, quâque ardua pulſet
 Vel iuga, vel tumidas eadem ſuper intonet vndas,
 Exactos quum tu Reges, domitosque Tyrannos
 Enumeras, perfracta arma euerſosque triumphos
 Troiugenum, & Danaum, & Parthorum, & ſceptra Quiritum,
 Te tamen indignantem animo, & fera fata gementem
 Hoc ſolare, humili quod non tua pondere preſſa eſt
 Gloria, ſed ſummi conconcuffa eſt numinis ira;
 Roboribus ſouis in terris, & fulmine querno.
 Scilicet à magno quaterentur vt ardua lulo
 Primorum capita, & neutri foret aucta poteſtas,
 Quo Latium, & tota plaudis lulo Aſyonis ora,
 Barbara ſanguineas horrefcunt pectora clades,
 Famaque purpureis liquidum ſecat Italia pernis.

Pandulphus Petruccius

Senensium Tyrannus.



QUANTVM Bentiuolus ad Principis nomen magnificencia operum, & filiorum fastu accessisse videri potuit, tantum Pandulphus Petruccius apud Senenses è civili ordine se extulisse existimatus est, sed qui esset occultior, neque tamen animo melior; Quippe qui nunquam vestem Senensibus consuetam (id erat pallium atrii coloris) mutarit, nisi solennibus Ludis: nunquam modesti frugique ciuis in conuictu disciplinam villo epularum luxu corruperit; ædificavit modicè, & commodè quidem potius quàm sumptuosè aut eleganter; humanitatis porro & temperantiæ laude humiliores ciues in tota vita superarit; nec externa connubia ambitiose, sed paria fortunis atque nobilitate, ad auertendam inuidiã quæsierit. Quæ omnia ex aduerso in Bentiuolo vsque adeo modum excelescerant, vt cu den-
dæ

dæ etiam monetæ munus impetraret à Cæsare, non obscure in contumeli-
 am Pontificij impertij, sic vt in aureo numismate ipsius Tyranni comata ef-
 figies cum serrato scuto complectente id Cæsaris Aquila, spectaretur. As
 Pandulphus nihil vniquam vsurpabat quod apud ciues inuidiam conflaret,
 vt qui modico comitatu, multoque dissimulationis artificio gratiam atque
 potentiam sensim parandam arbitraretur, ingentiq̃ue astu, & occultiore so-
 lertia sibi agendum esse statueret in ciuitate quæ quadrifariam diuisa infan-
 nis factionibus seruiebat; quibus ciuitatis status commutari conuelliq̃ue
 posse, vt sæpius antea accidisset, manifestò prospiceret, si diuersa ciuium stu-
 dia negligerentur. Parem enim auctoritatem alternantibus partium stu-
 dijs in Republica obtinebant quatuor honestissimarum familiarum or-
 dines, quorum summus erat vetustæ nobilitatis, isq̃; propterea Nobilium
 vocabatur. Secundus pari propè dignitate Popularium. Tertius ex vitro
 que ordine commixtis familijs constitutus Nonarius appellabatur, quod is
 ordo à nouem delectis ciuibus, qui æquissimi viderentur, antea fuisset ere-
 ctus. Huius ordinis aliquoterant Patritiorum familiæ, inter quas emine-
 bat Petruccia, cuius facile princeps habebatur ipse Pandulphus, Iacobo ma-
 iore fratre qui excesserat è vita sibi locum relincente. Nonario autem or-
 dini succedebat vltimus, qui Reformatorum appellatus est, quod hi tanquã
 exactæ prudentiæ ciues, male consentientis ciuitatis vitia emendare forma-
 reque in melius Rempublicam superiore tempore voluissent. Caterum
 Pandulphus, & ab his aliorumq̃ue ordinum conspiratione cum Nonarijs
 vrbe pulsus aliquandiu in exilio sic vixit, vt nihil virilis consilij efficacis-
 que industriæ remittens, non diu post in patriam victor rediret; coactis sci-
 licet in vnum non amplius quàm trecentis suæ factionis hominibus, urbem
 noctu scalis adortus transiens illico moribus, refractaque demum porta
 vrbe & curia potiretur, & aduersarios vrbe expelleret; eo euentu, vt qui mo-
 do extorres fuerant, eiectis aduersarijs Rempublicam administrarent & cun-
 cti ciues in omni senatoria deliberatione Pandulpho obseruatis eius nuti-
 bus atque suffragijs assentirentur; ipseque vnus in toto suo ordine auctori-
 tate atque opibus potens, plebisq̃ue etiam studio subnixus emineret. Hanc
 eius potentiam agere ferebat Nicolaus Borghesius inter ciues maxime hono-
 ratus, quamquam filiam Pandulpho collocasset. Verum tanta erat Borghe-
 sij ambitio, eaq̃ue liuidi animi acerbitas, vt facile cognationis obliuisceretur,
 & generi auctoritatem conuellendam arbitraretur, & quod aliter maturè
 fieri non posse videretur, consilium eius quoquo modo tollendi susciperet.
 Sed insolentia foci, eiusque diram obtrectationem, impotentis generi sæ-
 uitia præoccupauit. Borghesius namque quum iret in forum trucidatus
 est. Huius cæde contentis ciuibus, summa potentia Petruccijs, Pandulpho
 que in primis adstructa est. Ab hoc patrato scelere, damnatoq̃ue apud ci-
 ues, Pandulphus offensus infamia, vsque adeo religiose in posterum à san-
 guine ciuium temperauit, vt quum aliquanto post in ipsius cædem Bellan-
 tios, auctore principemq̃ue numerosæ eius familiæ Leonardo deprehendisset,
 quos iure optimo occidere poterat, sincera fide oblata clemētia conseruaret.
 Exinde mira calliditate apud decuriones egit, vt Triumuiralis in Republica

Magistratus creatur, cuius muneris esset Reipublicæ curam suscipere, prætorisq; præsertim cohortis, quæ in foro apud curiam stationem habebat. iura stipendiorum tueri. Id verò facile impetratum est, resque ita celsæ ut ipse vnus è tribus crearetur, duobusque mox collegis altero magnis muneribus corrupto, altero autem quod esset ingenij pinguioris facile contempro, solus ea magistratus munia obiret, militares animos, indulgendo, vberimeque stipendia persoluendo sibi conciliaret. Noui demum consilij rem difficilem, & specie parum æquam, sed omnibus propè ciuium ordinibus vtilissimam aggressus perfecit. Abscindere enim opulentioribus Senensis Imperij oppidis certas agrorum partes, atque eas per familias certis portionibus diuidere & adiudicare constituit. Quo munere insignique beneficio cunctæ vel aduerforum ordinum familiæ sibi astringerentur. Eam legem à Pandulpho suasam latamque, decuriones atque amplior Senatus facile promulgarunt, frustra reclamantibus oppidanis, qui iniquè eripi sibi sua alimenta querebantur, letis ex aduerso promiscuè ciuibus, qui ex aliena iniuria extra ordinum inuidiam augeri suas opes viderent. cuius decreti munificentia ad vnus Pandulphi gratiam, atque potentiam amplificandam sine controuersia rediret. Eo facto Pandulphus opes suas confirmauit, & ciuium amicorum adauxit, & propè totam reliquorum ordinum æmulationē ita extinxit, ut ordo Nonarius supra ceteros summum authoritatis & gratiæ locum teneret. Hæc erant optimè prouisa parataque aduersus vim in testinam; sed quæ externa auerterent arma. ciuitati valida decrant præsidia ut tum accidit, quum Cæsar Borgia ad perturbandam Italiam natus ad Pientiam vsque urbem copias promouit, eo animo ut Pandulphum Senis extruderet, atque ea vrbe, uti erat immodicus, potiretur. Agnouit Pandulphus ambitiosi crudelisque viri insidias, generosoque consilio effugere eam tempestatē, & Senenses ciues periculo liberare constituit, concionatusque apud Ciues nihil sibi incolumi patria esse carius ostendit; propterea se cessum malignitati atque audaciæ externi sæuissimique Tyranni, ut maturè de eum rediret. Atque ita interdum morrentibus plerisque, atque lugentibus cum honesto potius quàm valido comitatu vrbe excelsit, commentaria ciuibus relinquens, quibus ad confirmandam tuendamque patriam summæ prudentiæ præcepta perscripserat. Huius facti mira celebritate deterfit non modo inuidiam, sed amplio rem etiam gratiam apud cunctos ordines adeptus est. Neque eum sefellit opinio. Decedente siquidem Senensi agro Borgia, decreto publico ad tutelam patriæ, qui sponte se fecerat exulem reuocatus est. Eo Borgiae periculofo aduentu admonitus communiendum se nouis amicitijs atque fœderibus existimauit, imprimisque conciliandos sibi Florentinos ratus, prorogari sibi veteres inducias quæ iam tum planè effluerant, postulauit, Petro Soderino qui tum præerat Reipublicæ ea conditione longiores concedente, ut Montis Politiani oppidum, de quo ex antiqua controuersia nimis fuerat decertatum, posessumque tum à Senensibus, Florentinis in præmium admittæ societatis concederetur. transactio Senenses ciues amariore fecit, & Pandulphi gratiam in vniuersum vehementer imminuit, quod ut priuatis rebus consuleret,

confuleret, publicis singulare detrimentum attulisset. Nec multo post ad uersus eum excitata est eadem Borgiæ rabies ex aduentu Gallorum qui Neapolim armis repetebant; concitantibusque uonnullis, eo res deducta est, ut Pandulphus procellam in se immanium armorum effundi cernens ad pristinum deferendæ urbis consilium rediret. Iamque erat in itinere quum exoptatus de morte Alexandri Pontificis nuncius ei superuenit, liberatusque periculo ad consueta administrandæ Reipublice munia reuersus est. Pio autem tertio Senēsi in demortui locum suffecto non magnopere lætatus est, quod ille esset diuersi ordinis, & tanquam verè pius in libera patria vnum præ cæteris ciuem dominari indignè pateretur. Cæterum immatura Pij mors intra paucissimos dies erepti, Pandulphum eo metu ita liberauit, ut sibi gaudio esset Iulius secundus Ligur ei suffectus, cuius gratiam certis officiis atque muneribus facile promeruit, studiisque sui cum tulit fructū, ut Alfonso eius filius, coempto non dubiè purpuræ honore in Senatum legeretur. Destinabat enim sibi Dominatus successorem Borghesium è filijs natu maximum, eumque fraternis sacris opibus fauoreque Pōtificio confirmandum iudicabat. Sed ea consilia superi multis de causis improbarunt. Nam ipse non multo post angustia pectoris laborans, quum ad Philippeas aquas isset, apud sancti Cyriaci oppidum fato concessit, climacterico ætatis anno. Liberi verò eius in seipso infana arma conuercentes, à Leone eo euentu Senis sunt depulsi, ut Borghesius atra vexatus bile miser interierit: Alfonso verò Cardinalis temerè inita in Leonis perniciem coniuratione in mole Hadriani, non purpuratorum modo, sed infimorum etiam hominum miserrimus à carnifice strangularetur.

PAULI IOVII Iunioris.

*Occulti ne inuere tibi sub pectore sensus
 Petrucci, tacitæ ne artes, secretaque rerum
 Consilia, atque astus veteris prudentia solers?
 An contecta dolis mendax tibi credita virtus:
 Atque humeris pullata diu circumdata vestis,
 Nulla que celsa domus, conitum tibi nulla caterua?
 Dum tu dissimulans pro libertate tuorum,
 Artibus his blandis incautam decipis urbem;
 Et patrias leges renouans, soceroque preempto
 Arripis Imperium, atque in te iura omnia transfers.
 Laude equidem dignum facinus, si numine dextro
 Di foueant; aut fors non auersata secundet.
 Sed qui te casus, quæ te Fortuna sequatur
 Aspice; bis exul nunquam tranquilla vidisti
 Tempora turbata per mille pericula vite.
 Adde quod es nati quibus impia Regna parasti
 Conuulsi iuxta se sede, pars cæsa securi,
 Haud vixere diu regnandi chæ dira libido;
 Discite mortales contenti viuere paruo.*

ELOGIORVM
 Petrus Soderinus

Florentinorum Vexillifer.



DI VERSISSIMA ratione, honestioreque titulo Petrus Soderinus apud Florentiam Reipublicæ præfuit, prudentiæ & moderationis cōmendatione ad Vexilliferatū prouectus, qui honos nequaquam vti aliàs bimestris, sed perpetuus esset ad imaginem Romanæ Dictaturæ. Nam si curi decuriones supremæ potestatis qui bimestres erāt, breui spatio magistratus vim inueterata consuetudine finiebant, nec suspectæ potestatis esse poterāt, ita Vexillifero qui eis præesse solet, aliquanto angustiora quàm flagitarent grauissimarum rerum consilia, terminandis sententijs spatia obueniebant. Propterea expedire Reipublicæ rebatur, vt vnus perpetua autoritate ad clauū sederet, superiorūque consiliorū atq; actionū gnarus, certū perēnis nec interisse prudentiæ præsidii, tonies mutatis Decurionibus afferret, dignitateque augustior Populo videretur, In hoc imitati Veneros

Venetos qui Senatus Ducem creant, cuius potestatem admirabili speciem
 plissimam, sed nihil plus ceteris quam altero suffragio valentem, certisque
 legibus ideo circumscribunt, ne ad Tyrannidem aspirare queat, personam
 tamen Principis ad Veneti Imperij dignitatem decoris insignibus tucatur.
 Soderinus hoc honore illustri factus in Curiam cum familia vxorem iradu-
 xit, vt in omni negotio assiduus Octouiris supremæ potestatis adesset; sen-
 sim per hunc modum popularis effectus est nouis hominibus in Senatum
 accersitis, quum antea Patricijs in vniuersum, honoratisque ciuibz patu-
 isset. Fauit autem ei præsertim ciuium ordini qui Sauonarolæ damnati
 crematique in foro, memoriam pertinacissime colerent, & Medicæi nomi-
 nis studia semper odissent, quanquam ipse omnis expers odi, nequaquam
 se factiosum ostenderet, & tanquam æquissimus libertatis defensor, in nul-
 lam inclinaret partem, eoque populari inuecto statu patriam diu tranquil-
 lam, opibusque florentem futuram arbitraretur, ac optimi inde præsidis &
 patriæ parentis laudem, quæ nemini post Cosmum contigisset multorum
 iudicio promereri crederetur. Sed non mediocriter offenderat Patricio-
 rum animos studioforumque Medicæ factionis, à quibus mirifico studio
 erat subleuatus, quod ingratè oblitus beneficij, secus ac antea promiserat, eos
 propè in ordinem redegisset, nec vigentè popularium factione illos eminent-
 tiore vilo honore dignos arbitraretur; quo neglectu ex perpetua populari-
 tate eos sibi non obicere inimicos pararat, quorum postea Saluiatis Princi-
 pibus, ipsoque præsertim Iacobo varijs artificijs & machinationibus ipsius
 autoritas conuulsa sit, & ipse tandem Dictaturæ honore spoliatus, domi-
 natu & patria eiecтус in exilium abierit. Sed tum existimatio ei erat inco-
 lumis & florens, quod eius auspicijs perdomite receptæque Pisæ fuerant,
 post sextumdecimū continuati ferè belli antrum, quo haud dubie Floren-
 tini nūquā remissa spe victoriæ nūquā remissis sumptibus atque laboribus,
 vel sæpius repulsi, Prætorū cōstantiā asperrimis diurni belli periculis effe-
 ratam & indomitam superassens. Adiecerat etiam Florentino Imperio
 Mōtis Politiani oppidū certa induciarū pactione vltro à Senētibz cōcessū.
 Curarat quoque diligentissimè rem frumētariā, læto semper atque exultan-
 te populo ad vbertatis & copię nomen. Verum quum mēdias ciuium
 classes foueret, hisque aditum ad Rempublicam præberet, argebantur Patri-
 tij, vtpote qui offenderentur numero nouorum imperitorumque sæpe ho-
 minum, qui Reipublicæ munia nobilioribus debita insolente vsurparent,
 curiamque indigna vrbs fece repleuissent, ipsi verò neglecti, sæpeque supe-
 rantibus ignobilium suffragijs, reiecti, honorum repullas ferrent, frustra
 popularis status indementiā damnarent. Sed Soderino semper integrā
 mansit autoritas populari studio, & sua insigni virtute confirmata, donec
 enatum est bellum, quo nullum Italiæ perniciosius fuit, quo eiusdem digni-
 tas continenti veluti ruina in præceps traheretur; initio ad Concilij homi-
 exorto. Id enim victor vndique Ludouicus Gallorum Rex indicendum ce-
 lebrandumque susceperat, vt Julius Pontifex ex publica censura tanquam
 indignus sacrosancta potestate gradu pelleretur. Is enim impotentia Gal-
 lorum timens arma, atque ideo seruituræ mox Italiæ cauendum existi-
 mans, à conspirantium Regum fœdere discesserat. Quamobrem diuinis

atque humanis rebus scdē perturbatis, Rex Gallus à Soderino magnopere fauente Senatuque Florentino impetrauit, vt vrbs Pisæ tanquam celebrando concilio opportuna concederetur. Ea res Patritios excitauit qui contradicerent, atque exclamarent propediem Pisas in potestate Gallorum futuras, qui iam frequentes aduenissent Lotrechio Duce; quorum aduentu Pisani ad repetendam libertatem parati, atque de industria inuitati viderentur. Eares non temerē credita eum tulit exitum, vt Cardinales, ceterique Sacerdotes qui Pisas conuenerant, cum Lotrechio præsidij præfecto vrbe pellerentur, Mediolanumque profugerent. Eius Concilij Pisas constituendi oborta inuidia, Soderinum non sponte, sed impulsu Cardinalis fratris auctorem inuisum ciuibz, atque odiosum irato Pontifici fecit, vsque adeo vt vir ille natura contumeliæ insolens, & implacabilis, eum Dictatura desjciendum, Mediceosque in Patriam reducidos decerneret. Medicei nanque in eam excubantes occasionem Raimundum Cardonum à Rhauennatis prælii detrimento Hispanicas reparantē copias, adiuuante Pontifice sibi cōiunxerant, expugnatoque Prato oppido prius quàm Florentiæ præsidia parari possent, à beneuolis propinquis, patritioque ordine in urbē recepti, superioris Fortunæ Principatu potiti sunt. Soderinus ipse mira infontis animi tranquillitate, quod nemini nocuisset, & custoditos in Curia tanquam suspectos diues numero supra viginti, supplicio affici vetuisset, extra omnem contumeliā detractus solio, & ad Pauli Victoriij domū deductus est, indeque egressus vrbe in Vmbriam, Picenumque profectus, nō multo post ab Ancona Epidaurum, quod Ragusium vocat, vt tranquille ibi degeret, traiecit. Medicei verò ad arbitrium Rempublicam constituerunt; nec quenquā ex antiquis inimicis poena dignum censuerunt: quartoque mense recepta patria Ioannes Medices Cardinalis, qui ad Rhauennam captus ē Gallorū manibus effugerat, Pontifex est renunciatus. Is generoso animo Soderinum humanissimis literis euocandum complectendumque sibi, & augendū honoribus accersiu. Ea verò oris tranquillitate dignitateque Soderinus Urbem ingressus Pontificem inuisit, vt cunctis esset venerabilis, adeuntibusque & dextram appetentibus amabilis, & perhumanus. Libenter enim rerum suarum actiones enarrabat, mihiq; præsertim syncerē & disertē tanquam annales perscribentī. Cupiebat siquidem ea cum integritate laudis posteris tradi qua Rempublicam Florentiæ per decem annos administrasset, sic vt Romæ non secus ac Florentiæ Vexillifer ab omnibus appellaretur. Repudiavit autem omnes honores quos propensissima voluntate Leo Pontifex offerret, tanquam eo quod gesserat minores. Vixit in summa tranquillitate mentis, cum grauissimis virtutibus confirmatus, tum sua conscientia præclare beatus, quanquam amissi dominatus casum duorum fratrum culpa sibi importatum, sine vilo doloris vestigio fateretur. Alter enim Cardinalis ambitiosē corruptus, spe consequendi Pontificatus, Pisas Gallis obtulerat, ratus fore vt quum neque in Pontificem neque in Gallos vehemens studiū ostenderet, tanquam medius post neutram partium offensam, Iulio Concilij voce damnato subrogaretur. Alter nomine Victorius Mantuam legatus missus, vbi foderati Gallorum hostes cōuenerant, quum non multa pecunia cum Cardonio transigere posset, vt Hispani auerterentur, vni natura parcus,

parcus, atque ineptē frugi, & pecuniæ tenax adduci non potuit, ut pecuni-
am repræsentaret: atque ita magno fratris commodo federe excluderetur.
Natus annos sexaginta duos in Vrbe regnante Hadriano febre sublatuſ est.
Ei exequias fecerunt iuſtis collatis honoribus Florentinorum collegia.
Propinqui autem eius marmoreo ſepulchro aliquanto poſt honeſtarunt.

I V L I I Feroldi.

*Effigiem hic hoſpes Soderini conſpice, cuius
Eſt nomen aſtro clarius.
Hic eſt qui Patriæ labentem reſtituit rem
Bene conſulendo ciuibus.
Idem vrbi pacem peperit, populoque volente
Princeps fuit Florentiæ.
Ac tunc illa quidem hoc ſaluo, clauumque regente
Vixit beata ciuitas:
At caſo capite hoc eieſto, protinus vna
Et concidit Reſpublica,
Ergo animam illuſtrem æternum ſaluere iubeto
Qua Patriæ ſtetit ſalus.*

Elifabella Aragonia.



V N C pallidi oris, & atrati cultus habitum ferebat Elifa-
bella Aragonia Ioanne Galeacio Sforzia coniuge orbara.
Hæc enim vna inter viros celebres ideo ſedem meretur,
quod contra ſexus imbecillitatem aſperis in rebus virilem
animum præferens, arſura bello Italiæ primas facies intule-
rit, quo famoſo vereque ſuneſto facinore, cum diuinarum
ſimul ac humanarum rerum perturbatione amiſſa ſerè libertate perſimus,
frustra Aragonij, Sfortianiſque nominis memoriam exercentes. Fuit hæc
generoſi & planè virilis animi mulier, ut Regia ſtirpe progenitam decebat,
digna proſus elogio valde luculento, ſi in ea animum maximarum calami-
tatum concurſu inuſitateque mentis fortitudine nunquam ſuperatum, non
ſine admiratione reputemus. Quandoquidem ſeralis eius Tragædiæ
initium dederit, quo opulentiſſima Aragoniæ & Sfortianiæ domus impe-
ria conciderunt. Ludouici namque Sfortiæ circumuenta inſidijs, ac indi-
gnè ſpoliata Regni poſſeſſione, quum à propinquis opem imploraret, &
Galli in Italiam ingruiſſent, florentis ætate coniuge Ionne Galeacio orba-
ta eſt, eo quidem luſtuoſius atque miſerius, quod is beneficio ſublatus ere-
deretur. Exinde quoque nunquam ſiccatis lachrymis, Ferdinandum
auum non dubio mærore eneſtum, Alſonſumque patrem eieſtum Re-
gno & in Sicilia deſormi habitu exulantem, fratremque obiter Ferdi-
nandum in limine recepti fortiter Regni immitti ſato ereptos Reges con-
tinententer luxit, nuſquam ſibi ad exiguum calamitatis ſolatium aridente
Fortuna, niſi quum Ludouici Sfortiæ hoſtis ſui calamitoſo vitæ exitu læta-

cessit, recepitque sese in Barium dotale oppidum, vbi Regni splendoris disciplinam ita exercuit, vt eius nomē cum gentilitiæ munificentia, cum Christianæ benignitatis præclaram laudem, & in Italia, & in prouincijs ferret. Qua illustri fama ductus Sigismundus Rex Sarmatarum Bonam eius filiam in matrimonium duxit, eam honoris causa deducēte Prospero Columna Romanorum Ducum longè clarissimo. Nuptiæ apud Cracouiam ingenti procerum concursu celebratæ sunt, lætis quidem auspicijs, postquam noua nupta senī iam planè Regi Augustum hodie regnantem pepererit, secundoque partu edita sit puella auiti nominis, quæ Ioanni postea Pannoniæ Regi nupsit, in spemque paterni Regni hunc edidit Stephanum puerum qui hodie in Dacia vetere, quæ Transyluania est, dominatur, educante Georgio Varadinēsi Episcopo, viro pace belloque inter Hungaros faciliè principī, ipso scilicet Solymano Turcarum Imperatore cum ex paterna amicitia in clientelam fidemque receptum egregiè ab omni finitimorum iniuria defendente. Verum hanc orientem felicitatem Elisabella ex perpetuo ferè infortunio degustare non potuit, quum morbo aquæ intercute obisset. Eo hercle pietatis nomine patientius arque tranquillius, quod paulo antè sacrosancta Romana templa ad expiandum religiose animum inuississet, eam Leone Pontifice perbenignè & liberaliter excipiente, matronis etiam Romanis primæ clausis officij causa adeuntibus. Id spectaculum longè omnium ornatisimum atque pulcherrimum fuit, quum circumfusa vndique iuuentute prodeuntē in nuptiali veste, vt tum moris erat, supra aurum & purpuram margaritis & gemmis perpictra, longo pompæ ordine in Vaticanū pedibus perrexissent. Cæterum in hac eximie virtutis femina improbæ plebis rumor, nō mediocriter pudoris decus perstrinxit, ob id grauior quod quum florente ætate impenetrabilem pudicitiam prætulisset, in ipso demū ætatis flexu Prosperum Columnam sibi cultum & officium assidue tribuentem, expeque procacem ad vrbaniore locos admitteret.

ANTONII VULPII.

*Hæc quæ spectantem ora tenet suspensa, rapitque
Sensus atque animam, & propè spirat pietatis ibella
Docta animata manu speciem infelicis Elise
Fortunamque habitumque refertet animosque viriles.
Aspice vti in vultu maieſtas Regia auorum
Et patris, & patrui, fratrisque reluceat: isto
Vultu iura dabat populus quum sceptræ teneret
Coniugis, & nati insubria & tractaret habenas.
Hos etiam insensu superis, aduersa suorum
Fata tulit, morientis aui quum lumina claudī
Vidit, & expulsum Regno patruumque patremque
Et fratrem ereptum, quum iam capisset auitis
Sedibus, & scepro summa virtute potiri.
Quid memorem Regno spoliatum fraude maritum,
Sublatumque dolus? aut cari funera nati?*

*Quis valet hæc sicca oculis audire? Sed illa
 Non lachrymis vsit cineres non quæstibus; altum
 Sed tulit infraicta & pressit virtute dolorem.
 Cernis vt affectus viuos animata tabella
 Exprimat in vultu? vt summo certamine pugnet
 Cum virtute dolor? sexus cum ingentibus ausis,
 Atque animis? pulsi vt cedent sexusque dolorque?
 Fortuna insignes aliquot fortasse vetustas
 Lactabit Regum matres, & Regibus ortas,
 Sed que agitata diu per tot discrimina rerum
 Per varios casus, rapidis iactata periclis
 Aequo animo insensæ Fortuna exceperit ictus
 Nulla erit, antiqua aut veniens quàm conferat atas
 Fortuna, satis, animo infelicis Elise.*

Ludouicus Pannoniæ

atque Bohemiæ Rex.



HOC obesi oris gestu, & Germanico potius quàm Hunga-
 rico cultu cõspicius erat Ludouicus Pannoniæ atque Bo-
 hemiæ Rex, Sarmatico atq; Aquitanico sanguine genitus.
 Nam Vladislaus pater genere Polonus fuit, cui Candalia
 Vafconum nobilissima stirpe edita nupserat. Ferunt Lu-
 douicum quum vtero matris excluderetur informem pro-
 pe, & sine certis oris lineamentis vrlini fœtus speciem prætulisse, creuisse ta-
 men adiusto maiorem hominis staturam, ita vt patris inertiam & multum
 aruinæ succum æmulaturus crederetur, nec eius molis artus decenter vidi-
 dus, & illustris spiritus regeret. Quanquam à nutritijs diligenter excita-
 retur, qui cum literarum pariter atque armorum disciplina exercendū con-
 tenderent. Meruit tamen mansueti & obsequentis ingenij bonitate, qua
 egregiè iustus & pius Princeps euasurus videri poterat, vt Mariæ Cæsaris
 sorori connubio iungeretur, conciliante scilicet eas nuptias Maximiliano
 auo, qui Annam etiam Ludouici sororem corroborandæ cognationis causa
 Ferdinando nepoti collocarat, in eadem celebritate Viennensis conuentus,
 in quo tres summi septentrionalis plagæ Reges, Cæsar, Vladislaus, & Sigif-
 mundus insigni multarum gentium spectaculo coiuiissent. Cæterum Lu-
 douicus decennio ferè post eas nuptias perpetua sterilitate damnatas quum
 turbulentissimorum Procerum atroci vexatione, & viuo adhuc patre, & de
 functo, quasi precario regnauisset, in id bellum incidit, quo impotentibus
 Turcarum armis oppressus cecidit. In peruersa siquidem malignitate pro-
 cerum suorum iustus destitutus viribus, desertusque à propinquis suis fini-
 timis Regibus, Mugacciana acie miserabili casu Regnum cum vita amisit.
 Carolus nanque Cæsar, & Ferdinandus frater, quibus cordi erant Italici Im-
 perij opes, eius pericula tanto inuadente hoste neglexerant. Sigismundum
 porro patrum Sarmatiæ Regem facile tum auerterant Moscouitarum bel-
 la,

la, & funestæ Podolijs Scytharum incursiones, quibus vrebatur Sarmaticus ager, & Clemens ipse Pontifex domestico occupatus bello, vix Germanorum legionem & Vlsaronum equitum alam, e sacra pecunia ad Panno-



niæ præsidium conduxerat; Hungarique proceres avaritiæ atque rapinis æsueti oblitique penitus Hunnicæ virtutis & disciplinæ, pessimis artibus tractantes arma, inter se sceleratissimè dissentiebant, nec externa præsidia superbo contemptu & stulta arrogantia admissuri videbantur. Tanta siquidem animorum vanitate atque ferocia ad bellum ferebantur, ut vel innumerabiles Turcarum copias facile despicerent, & se ipsos ad tuendum gentis decus cōservandamque patriæ salutem, si non iniqui prælii facultas daretur satis fore iactarent. Horum autem Princeps erat Paulus Tomoreus Colocensis Archiepiscopus pietatis instinctu, & vetere præsulum more, cum Turcis non iusta quidem acie, sed minutis prælijs pugnare solitus. Is proceres non temere timentes hostem ignaviæ increpitans, & ad conferendas manus militum multitudinem sacris concionibus accendens; eò Ludouicum consilij

Consilio, inuictas virtute animoque phalanges
 Fundere, & innumeras euertere milite turmas
 Exiguo posses, atque omni arcere furentem
 Pannonia, insigni confectum clade Tyrannum.
 Nam si corpus eras sine pectore, si tibi nullam
 Di dederant mentem, Rex amentissime, qua te
 Regibus æquaret fors indignissima magnis:
 Vitasses dubij saltem discriminā Martus.
 Aut cum præclaras animas per vulnera mille
 Vidisti Heroes fundentes pectore ab imo,
 Te quoque præcipitem Turcarum in tela dedisses.
 Iure igitur tanta fugientem è cæde tuorum,
 Ut turpi ablatus leibo, & contestus harena
 Informi cumulo, lacrymis & honore careres,
 Obruit immersum cenoque vndaque lacuna.

FINIS QVINTI LIBRI.

PAVLI IOVII EPI-
 SCOPI NV CERINI PRÆ-
 FATIO IN SEXTVM LIBRVM
 ELOGIORVM SVORVM AD
 COSMVM MEDICEM FLO-
 RENTIAS DVCEM.



ECET profecto hunc sextum Elogiorum librum qui fato fui
 Elorum Heroum erit vltimus, bene auspicari ab ipsa inuictissi-
 mi viri Ioannis Medices effigie, quem tu, magnanime Cosme, ab
 æmula virtute certissimum agnoscis patrem. Italia vero omnis
 etiam nunc luget, quod tum immaturo fato fuerit ereptus, quā
 in ipso defendendæ communis libertatis glorioso conatu cecide-
 rit. Hic vir seculo nostro tantum monstratus quoniam, virtu-
 tis modum excessurus crederetur, sicuti grauisimum indomiti

vigoris & perpetua constantiæ suæ desiderium nobis reliquit; ita hos Heroes qui fatali
 accersente hora eum subsecuti sunt, tanquam bello Dux Italorum omnium longe fortissi-
 mus, in ostentationem comparationemque rerum gestarum non iniqua ratione perducit.
 Hos omnes, quod est exactæ præditiæ tuæ præcellentisque indicij peculiare munus, inter
 se cōparabis, & qui cunctas huius sæculi parum felicitis res gestas immensi ingenij tui captu
 comprehendis, recta æstimatione perpendes, quantum tibi iniuncti propè oneris gloriosus pa-
 ter imponat. Nam si tibi generosa emulatione sit enitendum vt noui æques modo famuliæ
 tuæ decora, sed ea etiam in ipso intervallo superes, tanto magis coteruderè debes, qui impe-
 rij amplitudine atque opibus patre maior es, atque felicior, vt non frustra Di superi
 tibi arrisisse videantur, si amplitudinem tuam certissimis (vti probè facis) virtus
 tibi adaugendam censet; Vale.

ELOGIORVM

LIBER SEXTVS.

Ioannes Medice

Fortissimus Dux.



QVONAM condigno adorea laudis præconio te ornauerim magnanime Heros, armipotentis dextræ, & fulminei spiritus gloria inclyte? Inusitata siquidem atque admirabilis virtus tua, omnem vel ingentis facundie vim exuperat & excludit, si multa atque illustria bello edita facinora collatione æqualium Ducum expendantur: quandoquidem illorum fortia facta cum numero, tum varietate atque ipso pondere victoriarum

riarum prorsus antecedant. A præalto namque semine ingenta virtus tanta stirpis luxurie coalescere coeperat, ut altitudine culminis ad sydera ferri videretur, nisi immitia fata valde insigni huius seculi infortunio, pro Italice libertate pugnante, in ipso cursu speratae victoriae prostrauissent. Paternum etenim genus directo stemmate superiori Laurentium Medicem qui magni Cosmi germanus frater fuit, respiciebat; quum maternum repeteret ab inuictissimo Francisco Sfortia proauo, qui insigni bellicæ virtutis felicitate, Mediolanensis imperij principatum posteris eius familiæ peperit.

Huius erat neptis Catherina eo Galeacio principe genita, cui coniurantiū ciuium dira malignitas dominatum & vitam inuiderat. Hæc Ioannis mater fuit antea Hieronymo Riario, Xysti Pontificis propinquo splendidissime nupta, quæ intersecti coniugis mortem, virili animo tutata arcem, seuere vindicauit; numerosamque ex Riario prolem relinquens peracta corlibatus, & conscia suæ fecunditatis Ioanni Medici Gallicas sequenti paries, tantam præclara nobilitate, moribusque lectissimo nupsit, ut hic Ioannes ex Christiano fonte Ludouicus appellatus paternum ferens nomen, primo eo que supremo eius coniugij partu ederetur, qui bellicum materni generis vigorem certo Medicæ magnificentia splendore cumularet. Cæterum triennis puer patrem amisit, captaque demum atque exuta Principatu Borgianis & Gallicis armis Catherina matre, magnis aduersæ Fortunæ fluctibus iactatus est. Sed à matre demum quæ beneficio Alegriæ Galliducis, molè Hadriani educta fuerat, Florentiæ educatus est, eo ætatis incremento, ut eius tutelam benignè susciperet Iacobus Saluiatus illustris ciuis, qui postea Ioannis socer fuit. Verum ea indole puer Martij spiritus habitum gerebat, ut prælia, & sæpe cruenta inter æquales sereret; vulnereque inhiesto, quod videri poterat mortiferum, reclamante faucij pueri patre, exilio multaretur. Sed exacto demum vrbe Soderino, atque introductis Medicis in veterem dominatum, non multo post adhæsis Leoni Decimo familiæ principi, & ad Pontificatum euecto. Nec diu post Ioannes inter initia Vmbrii belli, imberbis adhuc ita militiæ posuit tirocinium, ut turmam equitum ex delectis familiaribus suo ære perornatam, uti nouæ laudis cupidus in aciem produceret, multisque obiter exercitus periculis, ad eam disciplinæ frugem, ad idque inuicti nominis decus, nunquam ferè intermissa militia perueniret, quo præclara & passim spectata vis eius magno partibus adiumento, & longe maximo hostibus esset terrori. Hinc fit ut ardens & viuida virtus diffuso latè lumine, breui elogio neque includi, neque exprimi facile possit, quum nullis propè gloriæ finibus terminetur, & iustis annalium monumentis posteritati tradita, certam æternitatis spem concipiat & expectet. Quis enim nisi præalto voluminere eius incredibili fortitudine inuicti semper animi gestas comprehendet? Quis innumera secundè inita prælia, atque oppida fortiter expugnata, & creptum è manibus Venetorum hostium peculiaris alæ suæ legatum, expresso instaurati prælij turbiue narrauerit? Quis tranatum in conspectu Galli hostis vorticosum Abduam, eoque ausu, territas, & infugam datas Gallorum turmas, legentibus ostendet? Quis denique Rethorum agmina in Bergomate agro, retro auersa & profligata, & Heluetios demum ad Corsum pagum, qui strenuos suæ alæ equi

tes crudelius interfecissent, multa eade vindictas; & Hispanorum audaciam Ticini primū, & mox sepius ad Mediolani portas acerrimè repressam atque mulctatam, iusta atque integra eloquentiæ laude extollet. Nemo si quidem eo celerius expedire arma, nemo intentius & vigilantius hostium motus obseruare, nemo violentius hostes inuadere, nemo pertinacius victoriam captare didicerat. Erat profecto natus ad Italiam pulsus externis, in libertatem asserendam, si id cordi superis fuisset. Insistens nanque Germanorum legionibus, nec vquam vestigijs abscedens, dum ituros ad delendam urbem Romam perpetuis minutis prælijs demorari conaretur, multisque hostium secundum Padi aggeres trucidatis, se in castra reciperet, tormēto ab vltiore Mincij ripa in incertum emissio ipse vnus genu ictus, est interfectus; percutis herde Italiæ fato potius quàm suo, quum viginti septem natus annos iam planè mitigata ardentis animi ferocia, vti sedatiora secutus consilia præter egregij bellatoris nomen, etiam ad maturi iam, & compositi Imperatoris famam contendere censeretur.

ANTONII Francisci Rainerij.

*Quæ tulit Eumenidum immane hoc imitabile fulmen?
Vnde inuictorum funera mille Ducum.
Hoc cecidit Medicum flor, hoc noua gloria Martis
Quo feriente fera tot cecidere manus,
Roma gemit crui dum fractum secat ille, siletque
Ausonia euentu statque caditque suo
Ast obit. Inque atram reuoluto hoc fydere noctem
Arnus est in nigris Albula fluxit aquis.
Illum etiam num acri mouantem vulnura vulu
Aurato Iouus condidit in tumulo,
Et laudes cecinit, piæla est circumtulit ora,
Ora Ioui æternum viuere digna manu.
Ille autem quod te in superas ante edidit auras
Dux Cosme, Etrusci luxque salusque soli:
Sic fertur, patria pater vt cum prospicit alma
Ante obitum, Ausonia consuluisse sua*

I V L I I Iouij

*Principis Etrusci genitor fortissimus Heros.
Qui noua belligeri gloria Martis eras
Barbara gens vidit quantum pollebat in armis
Vis tua, quæ semper terror in hoste fuit.
At Te equidem constat percussum fulmine, fato
Italia potius quàm cecidisse tuo.
Attamen es felix Italum fortissime duetor
Non quia perpetuos det tibi fama dies,
Sed postquam Imperium, tibi quod virtute parabas
Magnanimæ proli fata dedere tuæ.*

C A R O L I

Carolus Borbonius



QUIS nam, qui Carolum Borbonium viderit, ex hac verissi-
ma effigie non agnoscat: ac item supercilio atque oculis in-
constantis eius animi leuitatem, atque perfidiam eum spi-
rare non iudicet? Quis non obiter diri, impiique hominis
scruuiam non excreetur, qui aduersus Regem suum, patri-
amque suam nefaria arma intulerit? & sacrosanctam vrbe
gentium omnium liberale domicilium profanarit, & euerterit: & denique
scelesti cogitatione renouata, conuersaque perfidia in Cæsarem, Neapolita-
num Regnum occupare voluisse non credat? Licet enim & hoc de contem-
ptore humani atque diuini iuris non absurde suspicari, quum in limine por-
tentosæ temeritatis suæ perlerit; vltore quidem magno Deo, ne abominabi-
li victoria, & truculentissima tot insontium hominum cede lætaretur. Gil-
berto Mompenserio patre genitus erat, qui Gallici exercitus imperator Né-

apolitano victus bello, ex dolore rei male gestæ apud Baias interiit. Reliquerat is præter hunc Carolum, filios Ludouicum scilicet quinto post patris mortem anno ad Capuam pestilenti febre ereptum; & Franciscum Heluetio prælio in conspectu fratris interfectum. At ipse opulentæ hæreditatis compos, & Comestabilis à Rege appellatus, qui honos militaris in Gallia summus habetur, proculdubio procerum omnium longe clarissimus euaserat, utpote qui perpetuo tenore vitæ, domi & foris splendidus, erga milites liberalis, in hospites vel inconsultè munificus, autoritate, gratia, opibus, reliquos regij sanguinis Regulos anteiret. Sed quantum sibi bellicæ laudis Abduana præsertim acie, quum extraordinarijs Gallicæ nobilitatis equitibus euocatisque præfesset; & apud Mediolanum, quum eam urbem aduersus terribilem Maximiliani Cæsaris aduentum constantissimè defendisset, non obscurè pepererat, tantundem amisit ad Melenianum Heluetiorum prælio, quum circumuento, & præcuncti fratri, opem reformidato periculo ferre noluisset, & ad Valentianum in Belgis sero cum auxilijs aduentans Regio agmini obscura in nocte errabundo se coniungere recusasset. Verum quum hæc vel aduersus ipsius Regis testimonium dilui & excusari possent, se demum magna oneravit inuidia, scædeque sese & Borboniæ familiæ nomen dedecorauit, in expiabili facinore edito, quum à Rege deficiens in patriam externa Cæsaris arma perfidiose conuerterit, scilicet ut leuem iniuriam vlcisceretur, quod Ludouica Regis mater, ei grauem & improuisam litem intenderet, ereptura hand dubiè aliquot castella, malignitate senatorum in ea causa periniquè ius dicentium, eo autem acrius vrgebat atque incumbebat Ludouica, quod se spretam à Carolo crederet, cui se ad connubium frustra obtulisset, ut ætate adhuc florens vidua, florentissimæ ætatis nobilissimæque stirpis viri coniugio potiretur. Hæc contumelia, muliebri in animo præaltas iecerat sæui odij radices, nec Rex ipse prodiuis in obsequia matris, ut litem dirimeret exorari potuerat, quoniam nisi post disjudicatam litem, eius controuersie arbitrum fore profiteretur. Quæ conditio grauissima ideo visa est Borbonio, quod nihil sibi ad æquitatem vel iura cuse, vel iudicum studia responsura crederet, si damnatus à properato iudicio ex clementia tantum Regia commodum expectaret. Itaque indignabundus coniurauit cum quibuidam illustribus viris Cæsarique implacabili Gallorum hosti adherere constituit. Sed Franciscus Rex incomparabili benignitate iam planè detecta coniuratione, Borbonio ad genua prouoluto ita pepercit, ut se vllis vel certissimis indicijs adduci non posse, ut crederet, quæquam Regiæ stirpis perfidiæ scelus concipere posse, testaretur. Sed non multo post Borbonius simulato morbo, quum Regia castra subsequi iuberetur, diuerso itinere & mutato habitu cum paucis in Sequanos perfugit, atque ea conditione Cæsarianis partibus sese addixit, ut ei Cæsar Leonoræ fororem quæ Emanuelis Lusitanie Regis vxor fuerat, desponderet, superis proculdubio nuptias vetantibus, ne summæ nobilitatis Regina homini perfidiæ labe notato iungeretur. Transiuit demum in Italiam, atque inde cum valido exercitu in Prouinciā irrupit; conspectaque & vix tentata Mafilia repulsus est: quum nemo reperiretur qui insaniam perfidiosi hominis imitari, quam patrium solum defendere mallet. Exinde transeunte in Italiam Rege,

Rege cum copijs quas pro salute patriæ coegerat, Ticinensi prælio interfuit, quo Rex ipse delero ab hostibus exercitu captus est; atque ita Borbonius nefarii odij voto positus, victor, temere sperauit, Cæsarem Mediolanensis imperij dominatum sibi, tanquam sororis dotalet, eiecto Sfortia esse concessurum. Verum Carolus Lanioius Belgæ, qui vices Cæsaris gerens, intimi illius consilij erat gnarus, decepto Borbonio Regem captiuum in spem promerendæ libertatis astutis persuationibus inductum, in Hispaniam abduxit. Qua inopinati facti nouitate Borbonius vsque adeo commotus est, vt statim & ipse in Hispaniam enauigaret, & apud Cæsarem se qui victoriæ socius extitisset, ingrati contemptum quereretur, Lanioiumque malignitatis & impudentiæ probro compellatum ad singulare certamen prouocaret. Verum Cæsar ita rixantes diremit, vt quæ Lanioius fecisset, publico commodo suoque iussu fecisse testaretur. Nec diu post, cum Rege de eo dimittendo Cæsar pecunia transegit; ad confirmandasque noui fœderis pactiones, forem antea dubijs verbis Borbonio promissam, Regi tum celebri connubio iunxit, quo nihil amarulentius Borbonio accidere potuit. Ea Cæsaris cum Rege conciliatio suspecta Italicis Principibus fuit, quasi cōiurassent & cunctis iugum imponere cogitarent. Sed eam suspicionem non temerè conceptam Rex opportunissimè detexit; persoluto namque auro, & liberis obsidibus datis, his quas perscripisset conditionibus tanquam iniquissimis & impotenter extorsit, se minimè staturum professus est, quasi optimo iure liberatus videri posset, qui aureæ monetæ ducentas myriades Cæsarianis custodijs, quum liberos etiam daret obsides, adnumerasset. Itaque Itali Principes, liberæque ciuitates, seruitutis metu ad arma consternatæ, in Cæsarem Cisalpinæ Galliæ Imperio Sfortiam excludere conâtem, auctore Clemente Pontifice, eò fidentius arma verterunt, quod ipsi affusurum Regem intelligerent. Eius verò belli is exitus fuit, vt frustra obsessio à federatis Mediolano, Cæsariani victores arce potirentur, & ex aduerso Laudem Pœpeiam & Cremonam ab hostibus fortiter expugnatam amitterent. Cæterum aucti quatuor Germanorum legionibus Borbonio Duce, ingenti cursu superato ad Aretinas alpes Apennino ad Urbem Romam inuadendam cōuolarunt, Pontificeque per inducias decepto imparatoque, primo appulsu per Vaticanum Urbem cōtra Obeliscum, vbi moenia humilia & vetusta te collapsa facile præbebant aditum, facillimè irruerunt; miserabilique caede edita, summæ venerationis templum toto orbe maximum & venerabile, miserorum ad aras confugientium cruore profanatum est. Id verò perfidiose oppressis & pereuntibus, solatio fuit, quod Dux ipse Borbonius, dū ad casam muro coniunctam scalas apponi iuberet, crassiore glande traiectus in limine execrabilis victoriæ suæ occubuerit: sic vt postea aliqui hominum miserrimi incolæ, summas omnis acerbitatis perpessi calamitates, tolerantius ferrent quod Dijs tutelarijs nostro errore nihil suas aras defendentibus, eorum numina, id Tormentum in inguen damnati cœlo hostis, direxisse pietè crederent.

vestigio facile dimoueret, prætercurrentem equum arrepto fræno sisteret; tormentumque murale solus inspicens humero quò vellet, propelleret; itinere faciundo libenter abdicaret equum, vt pedibus gregariorum militum



& iuuenum iustos passus anteiret. E tribus liberis, maiorem natu Gasparem militaris disciplinae heredem reliquit, sed qui septimum post annum, eo bello quo Cæsar Narbonensis Prouinciæ Galliam inuasit, morbosa tæbe præeuntibus legionibus sit ereptus, quum Melchior natus secundus, in Vrbe euastata lethargo perisset. Balthasar verò vltimus neque ad frugem peruenit, neque ad propagandam sobolem diu patri superstes fuit.

ANTONII Vulpy.

Quis te Georgi magne ductor agminum
Quæ mittit alitrix militum Germania
Vexauit olim furor, atque insania,
Vt Capitolio Deorum sedibus

*Ausus sis ignem, & laqueos, & vincula
Collo parare, prob scelus, Pontificis?
Ecce ut repente stratus occidit leui
Morbis, prius quàm in anibus Quiritium
Castra admoueres; placitum sic est Deis
Titanas olim qui superbos, & polo
Arma inferentes, contuderunt fulmine.
Conatus iste nomini notam tuo
Quamuis inurat; Ducibus claris tamen
Quos prisca iactant secla, vel praesentia
Aequaris ausibus, manu, & consilio.*

Odettus Fusius Lotrechius.

HIC Odettus Fusius qui Lotrechius ab oppidi nomine in vltima ad Pyrenæos saltus positi, vocatus est, strenui & intrepidi, sed maxime superbi vigoris inter Gallos Duces nomen tulit: Vt pote quem nulla terreret pericula, neque vllæ rerum aut locorum difficultates ab incepto vnquam retardarent. Verum in consilijs capiundis, vsque adeo aliena iudicia contemnebat, quum plus æquo solus sapere videri vellet, ut prudentiæ militaris existimationem sola & sæpe fallaci constantia, quæ insanæ perniciæ proxima esset, tuendam arbitraretur. Huius autem obstinati moris vitia perpetuæ liberalitatis & iustitiæ laude contegebat, nusquam venalis aut rapax, & extra æquitatis septa semper ita seuerus & inexorabilis, ut in edendis damnatorum supplicijs inhumanus & cruentus haberetur: qua crudelitatis acerbitate perstricti Insuæ ab eo facile quum oportuit descenderint, damnarintque itemdem Thomæ Lescuti sæuitiam, qui Lotrechium fratrem aliquando ad lenitatem paratum feruidis impulsionebus effecisset. Ceterum Lotrechius, & hoc Lescuto, atque item Asparoto germanis fratribus qui pugnacissimi Duces fuere, in omni Imperij militaris munere implendo potior existimatus est; hisque vel ætate maior superstes fuit, quum Lescutus Ticinensi prælio glande femur traiectus intra nonum vulneris diem perierit; Asparotus vero in Hispania ad Grunniū acie victus, contusa clauarum ictibus galea, multoque inde delapso glaucomate, totum penitus oculorum lumen ita amisit, ut militiæ vsui esse desierit. Hæc verò in toto militari negotio peculiaris laus Lotrechio celsit, quod vrbium expugnator vti olim Demetrio Macedoniæ regi obtigit, appellatus est. Nam qui iuxta Gastonem Foissieum indyti nominis Imperatorem Rhauennate prælio occisum multis vulneribus cruentus prostratusque Hispani Centurionis, cui cognomen fuit Gurdo, misericordia seruatus fuerat, impigre etiam Heluetio bello ad Mediolanum teste Rege, & demum ipso nomen Imperij tenente ad Bicoecam, vel nequaquam victor, intrepidi, sed non valde memoris & cauti Ducis decus meruit. Brixia demum recepta atque Verona expugnata, & ali quanto post Bosco, Alexadria & Ticino vrbibus manu captis, & quod illi nobilium

nobilium operum supremum fuit, Melphi vrbe in Apulia tormentis expugnata illam quam diximus laudem paucissimis concessam Ducibus, adeptus est; quum postea ab eius virtute Fortuna discedens, eum surdis auribus



peritorum Ducum suorum consilia respicientem penitus elusisset. Ipse enim ex fatali sua peruicacia circumuallate & obsessæ Neapoli intemperantius hærens, qui armis vinci non poterat, pestilenti morbo eius castra vastante, superatus interiit, quum de subactis Cæsarianis, perdomitaque Neapoli insigne trophæum erecturus crederetur, si abscedere incæpto, & latè per vicina oppida saluberrimi aeris, copias diuidere (vix periti Duces, gnarique locorum suadebant) quàm in vestigio funesti consilij perstare maluisset. Id verò ei in suprema calamitate gloriosum fuit, quod quum ei, voti atque victoriæ compos hostis Aurantius sepulchri & funeris honorem negauisset, non vnus tantum diei decus, sed perpetui honoris statas quotannis exequias à Populo Romano meruerit. In Capitolio siquidem, publico miroque ciuium omnium assensu, decretum est, vt quotannis in Laterano templo ad Cenotaphium Lotrechij solennibus inferijs parentaretur, tanquam

Vrbis liberatori, quandoquidem aduentu suo, & captum Pontificem liberasse, & Barbaros in vrbana ædificia grassantes Roma detraxisse censeris possit. Hoc verò humanæ miseriæ inusitatum exemplum Lotrechtus de se præbuit, quod eius cadaver abominabili diligentia Hispani militis tam auarè quàm impij, in cella vinaria multo fabulo cõtumulatum, diu frustra emptorem Gallum qui redimeret expectaret; post vigesimum autem annum iustũ & luculentissimum marmorei sepulchri decus sit consecutum; vno scilicet Hispanorum nobilissimo Ferdinãdo Corduba, qui Magni Consalui Nepos fuit, ingenuo pudore indignante, quod excolendæ virtutis, quæ in hoste etiam grata & admirabilis esse consuevit, studium penitus exolesceret; atque ita pretio coemente ossa, ad peculiarem nominis sui laudem, non obscura etiam suæ gentis cum inuidia, marmoreo monumento recondenda, & rite funeranda decreuerit.

ANTONII Francisci Rainerij.

*Dicite qui Tusci colitis propè Tybridis vndam
 Templa Deum, & magnis thura datis superis,
 Dicite, cur Galli manes animamque superbam
 Lugubri celebrant carmina vestrâ sono?
 Hæc meruit rabidam illuuiem qui perpulit, vnde
 Barbarico excussa est vrbis labefacta iugo.
 Quare ingentem vmbra Lotrechi, animamque potentem
 Inferimus claris carmine cœlitibus.
 Pergite Romulidam proles, neu dicere laudes,
 Neu pigeat manes excoluisse pios.
 At tu sperne virum excisa, alto è marmore facta
 Summe Ducum, auratisque addita imaginibus,
 Sic melius; tua sic se tollit ad æthera virtus
 Vincat vt aerias culmine Pyramidas.*

V G O N I S

Vgo Moncata



VGO Moncata qui primus inuiolatū antea, ab ipsisque Gothorum temporibus templum Romæ in Vaticano, Petro & Paulo diuis Romantæ vrbis tutelariis dicatum, & à cunctis Christiani nominis gentibus religiosissimè cultum, profanauit, hanc effigiem ferebat. Ortus est pernobilis familia Regiæ stirpis citerioris Hispaniæ. iuuenis cum Carolo octauo Gallorum Rege in Italiam venit, sicuti & plerique alij Hispani, qui post receptum ex conditione noui fœderis Perpennianum, studio militandi Gallica castra sequebantur. Verum Vgo discedente à Gallorum amicitia Ferdinando Hispaniæ Rege, Cæsari Borgiæ se se applicuit, duxitque ordines quum ille abdicata purpura, repente Pontificij exercitus Dux extitisset. Cæterum Vgoni qui astuti & diligentis, strenuique item Ducis famam tulerat primæ pugnæ Fortuna illulit, quum in Vmbria à Vitellia,

Bb

quo nihil magis detrimentosum nihilque magis dirum Italiae incidit. Nam quum Columniae familiae proceres Pompeio Cardinale auctore sese Caesaris partes secuturos professi à Pontifice discessissent, & iuxta Urbem copias cogrent, specie praesidij Vgo dolosus, nec satis magno militum numero confirmatus, Columnijs persuasit, ut inducias à Pontifice postularent, ut per eas deceptum & imparatum Pontificem inuadendum, atque opprimendum succiperent. Quibus ad nefarium perfidiae consilium nomine Caesaris impulsis, Vgo nihil morae sibi attulit, quin cum suis intra paucissimos dies quas Neapoli compararat copijs, & Columniorum auxilijs, in Urbem Laterana porta irrumperet, & per Xystinum pontem in Vaticanum instructa acie contendens, nihil se commouente Populo Romano, & coniectis in fugam Pontificiae custodiae paucis equitibus, Leonina vrbe potiretur, statimque templo sacrosancto scelestissime direpto, & Pontificijs aedibus militum praedae concessis, Pontificem qui in arcem molis Hadriani trepidè confugerat, destitutum militari praesidio, & consilij inopem obsideret, cogeretque sibi ob fides dare, quibus certo bello abistere & ad amicitiam Caesaris redire fateretur; ac nisi Vgo inexpiabilem inuidiam Caesari conflaret, pacationem transigere, atque (hac in re non omnino impius) Vrbe excedere maturasset, proculdubio Pontifex rerum omnium pressus inopia in potestatem Pompeij Columnae interneciuus hostis celerrimè peruenisset, sic ut vetus de Bonifacio octauo Tragœdia instaurari videretur. Sed Vgo scelesti facinoris & sacrilegij editi dignam biennio post subiij poenam, quum supra Salernum nauali praelio cum Aurianis triremibus, quibus Philippus Auria vir impiger praerat, contendisset. Ea namque cruenta admodum pugna, promptissimi Hispanorum supra mille qui paulo ante Urbem diripuerant, trucidati perierunt, & ipse Vgo praefectus, amissa classe, & prostrato suae praetoriae nauis vexillo, quum frustra aduersus tot incidentes glandes scutum praetenderet, est interfectus; ita ut magnum Deum tanti sacrilegij praclarum ultorem extitisse pij mortales crederent: atque obiter magnopere mirarentur, cur Fortuna ad tantas opes Vgonem euexisset, quando is nusquam victor sed ubique victus praemium ingens, & planè odiosum ex male gestis rebus peruersa ratione, & malo exemplo retulisse videretur.

IANI VITALIS.

*Disce meo exemplo Mezeriti, Rhulle, Prociestes
 Quaeque alia immanis monstra Tyrannis habet
 Esse Deum ultorem; qui iam Moncata Triquetra
 Sordidior Verre, publica pestis eram,
 Diripui mundi Regnam proditor Urbem
 Sed fuit haud votis par ea praeda meis.
 Denique qui fueram terrarum maxima clades
 Inueni meritis funera digna meis.
 Et tu obij glandis, calones inter, & inter
 Lixas, in Pelago Parthenopea tuo.
 Si laudare licet sese, mea plurima laus est
 Quod potui inuitos semper habere Deos.*

ELOGIORVM
 Petrus Nauarrus.



PETRVS Nauarrus qui admirabiliū operum machina-
 tor & artifex excindendis ab imo arcibus, toto orbe famā
 est consecutus, hoc subagresti cultus atque oris habitu fuit.
 Familiariter autem nobis cognitus (vt ipse dicebat) nauali
 disciplinæ, vt in Cantabria moris est, sese aliquandiu dedi-
 dit, sed mox fastidito mari in Italiam ductāte Fortuna per-
 uenit, ea spe & vitæ cōditione vt Ioāni Aragonio cardinali à pedibus seruiret
 trāsiretque inde, mollioris aulæ otii deestatus, ad Lunēse bellum, atq; ibi
 sub Petro Mōtano Florētini copijs præfecto aliquot mēstrua stipēdia tri-
 ginta Liliatis denarijs fecit, sed qui mox duplici augeretur stipēdio, quū supra
 gregarij militis caprū, præcellētis ingenij operā præstaret, in excauidis præ-
 sertim cuniculis, per quos immisissis tormētarij pulueris fomētis, adeo terribi-
 les intus flāmas excitare didicisset, vt obstructis spiramētis, violētia obluētis
 intus flāmæ, non mœnia modō, sed & suppositæ etiam rūpes excinderentur.

Verūm

Verum Sergiano oppido à Florentinis in potestatem redacto, iterum mari sumæ exercitationis munera complexus, multa littoribus Africæ, Punicis prædonibus iustus, detrimenta intulit. Cæterum Gallico bello, ut decebat, ad Neapolim magno Consaluo cohortis præfectus militauit, eo bellicæ laudis incremento, ut maximè Gallis formidandus, & Consaluo Imperatori apprime carus ab efficacia inuictæ virtutis euaderet. Itaque multis fortibus factis ad Canusium atque Tarentum editis clarus, expugnata de mum apud Neapolim Oui arce, stupendo suo artificio vsque adeo mirus extitit, ut Galli eius portentosæ machinationis metu, reliquis præfidijs facile excederent, quum abripi in sublime propugnacula Megaris Insulæ scopulis imposita, & furentibus flammis cuncta tremere, hiscereque & perfringi, cum ruina multorum mortalium perpexissent. Tuli præmium spectata virtute dignum iudicio magni Consalui: nam Alueti oppidi, quod est apud Lyrin non longe ab Aquinatibus, Comes specioso titulo appellatus est. Magno autem Consaluo Neapolitani Regni præfectura detracto, atque aduecto in Hispaniam, quum Franciscus Xymenes è sacra pecunia copias coegisset, ut in Mauritiam trajiceret, Nauarrus vnus omnium virtutis nomine delectus est, qui classi & copijs cum imperio præficeret. Eo bello mira felicitate pulsus atque perterritis Mauris, & magno portu qui Mazahibir dicitur, & Orano celebris emporij vrbe positus est. Inde cursum extendit in Numidiã, illatusque in Olcaduthem sinu Bugcam urbem gymnasio nobilem atque opulentam cepit, atque eadem felicitate longa Punicæ litoris spacia præteruectus Tripolim, quæ magna Lepis olim fuit, inter Syres terra, marique oppugnatam, magna Poenorum strage edita expugnauit. Quibus rebus feliciter gestis elatus successu in Moenicem insulam, quæ hodie Gerbis est, retro flexa deesse descendit, ut Girapolim Barbari Reguli sedem expugnaret. Sed copias descendentes in terram, & cum Barbarorum equitatu qui infestus lacebatur, præliantes, uti accidit in maximis Augusti mensis ardoribus, vsque adeo vehemens sitis afflixit, ut neque ordines seruare, quum puteos quarerent, neque repugnando consistere possent, sed redire ad classem coacti sunt, tanto tumultu, ut quum longe à vadoso littore naues abessent, nec scaphæ sufficerent, maligna multitudo militum in litore trucidata sit, inter quos Garzias Tolcanus summæ nobilitatis & spei iuuenis, qui ad Imperium classis ab Hispania mittebatur, interijt. Exinde nusquam ferè Nauarro Fortuna arridere visa est. Nam aliquanto post, quum transuectis in Italiam Africæ legionibus improspere Bononiam tentasset, & funestissimè demum cum Gallis ad Rhauennam conflixisset, captus, duri carceris in Gallia biennium est perpeusus. Sed quum vir fortis atque insolens contumeliæ, ex tot & tantis virtutis atque industriæ suæ meritis, à Ferdinando Rege non redimeretur, abdicatis antiquis muneribus, Francisci Regis militiæ sese addixit, postquam auarè contemptus à suæ gentis Rege videretur. Præstitit inde sortem operam cum Heluetio, tum Veneto bello aduersus Cæsarianos, verum non eadem Fortuna Ligustico bello sese implicauit. Nam quum seram opem ferens Genuam aduenisset, expugnata vrbe, atque direpta à Piscario & Hispanis, in eo tumultu captus est, seruatusque Neapoli circiter triennium in arce noua, quam ipse manceperat, vsque ad pa-

cem in Hispaniam cum captiuo Rege constitutam. Nam tum vtrique captiui omnes dimittebantur. Direpta autem vrbe Roma captoque Pontifice, quum Lotrechius ad liberandum Pontificem in Italiam transisset, expugnatique aliquot vrbus Cæsarianos persecutus ad Neapolim vallata castra fecisset, obfessis diu hostibus exitus belli fuit, vt tredecim ferè post dies, quàm pestilens morbus Lotrechium Ducem cum multo maxima exercitus sui parte absumpsisset, eadem tabe enectis ferè cunctis singularum nationum Ducibus vix signa tantum dimidiarum cohortium constarent; Nauarrus & Michael Salassus (quod ipsis & Lotrechio multum antea faciendum fuit) sese ad Auerfam recipiendi serum consilium susceperent, & Cæsariani pariter erumpentes deserta castra & semienectis passim, & miserè iacentibus hostibus inuenta inuaderent, persecutique demum abeuntes & Nauarrum, & Salassum comprehenderent. Salassus ipse à Vastio humaniter susceptus, commendatusque medicis, quòd graue vulnus dextero genu acceperat, triduo post interijt: Nauarrus verò inter quorundam militum contumelias, in antiquum nouæ arcis carcerem coniectus est, eo vitæ euentu, vt quum Auranus victor Andegauensis factionis aliquor procures iussu Cæsaris securi percussisset, & eadem poena Nauarro bis rebellis, bisque capto iniunxeretur, cum lethali affectum morbo custos arcis Hicardus, tanquàm Hispano homini, & rebus in Africa aduersus Barbaros gestis indycto, hoc indulgeret, vt parua mora tanquam propinqua iam morte, parati carnificis manus elaberetur, quanquam non desint qui eum extrema instantis fati suspensura trahentem, stragulæ vestis operimento suffocatum existiment.

FERDINANDI Balamj Siculi.

Quid vicisse astu potius quàm viribus hostem
 Quod sit & aggeribus cingere castra nouis,
 Quidue sub effossis ima tellure caernis
 Moliri vt tota mœnia mole ruant,
 Ostendit belli Dux inchtus arte Nauarrum
 Ad Lybia cladem natus & exitum.
 Vidi ego quum Drepanis viratibus consterneret aquor
 Et streperent curuis agmina littoribus,
 Multorum clade vt Libycas appulsus ad oras
 Protinus euerfa est diues opum Tripolis.
 Captorum spolijs classes onerantur Iberæ
 Et vel itur longo præda opulenta mar.
 Quòd si tanto operi non fata infensa fuissent,
 Rege sub Hispano Punica Regna forent.
 Sed certe banc laudem seruant tibi Numina Cæsar.
 Et tua captiua gloria gentis erit.
 Quæ resstant monumenta tui vir magne laboris
 Hæc Ionij, & vatum scripta dyserta dabunt.

MAXIMILIA

Maximilianus Sfortia



HIC est ille Maximilianus Sfortia, qui insigni bene ficio Iulij Pontificis, & Helvetijs Venetisque armis paternum in Regnum restitutus, neque ore quicquàm Sfortianæ stirpis generosis vultibus respondit, neque ingenij indole & moribus quicquàm dignum ingenuo Principe ad paterni spiritus similitudinem exprimens ad Principatum attulit.

In omni namque actione sordidi animi & planè vecordis cogitationes absurdæ sæpe sermone stolidoque asferre videbatur. Ex intervalis enim quædam modo peracris prudentiæ, sed fugacis; modo subtilissimæ suspicionis, & inconstantis sensus, modo labantis memoriæ, & nonnunquam conceptæ & crescentis insanix argumenta præbebat, utpote qui interiorem tunicam, & subligacula non permutaret; nec offenderetur odore sordium spõre enascentium, nec pediculorum aspectu, eos frequentes propignente densissima atque impexa coma. Ocreis etiam coriacis quibus pedes & tibias in duebatur, frigidam aquam nonnunquàm immittebat, ut pedes refrigeraret.

Philibertus Aurantius Princeps.



HOC lacteo colore & subtonsa flauente coma, caruleisque oculis ciere praelia solitus erat Philibertus Aurantius, ab Arausio vetere Romanorum Colonia; cui progenitores imperabant, vocatus. Fuit is Salonia apud Burgundos illustri familia editus, proptereaque Caesari Carolo apprime carus, quoniam eius genus non obscura propinquitate contingeret. Erat Philibertus Gallica alacritate belli cupidus, quamobrem tametsi erat tiro & plane iuuenis, non admodum difficile fuit, ut in Italiam sicuti magnopere cupiebat, à Caesare mitteretur, exorto tum forte bello inter Caesarem atque Pontificem. Verum spes eius Fortuna elusit; nam ab Hispania soluens, in medio nauigationis cursu ab Aurianis triremibus, quæ tum Regi Gallo operam nauabant, est interceptus; neque prius à Gallis custodia vlla conditione emitti potuit, quam beneficio renouari foederis, quo vtrinque captiui, & ante alios Vgo Moncara, & Petrus Nauarrus sine pre-

tio dimittebantur. Exinde Borbonio adhæsit, à quo uti erat & strenuus & acer bellator, commendante Cæsare totius equitatus præfecturam promeruit; in idque munus adeo ardenti feruidoque ingenio incubuit, ut iuxta Placentiam à Pontificijs hostibus tumultuaria in pugna circumuentus, & equo penè detractus amissis cristis ægerrimè sese periculo explicans, elaberetur. Quamobrem ab hostium ducibus sibi iterum pugnaturum comiter peteret, ut pecunia illico se redimi paterentur, si casus incidisset, ut in eorum potestatem deueniret; utpote qui custodiæ iterum includi, & se bello à quo petebat laudem excludi nollet; & varijs spectatæ virtutis operibus atque periculis famam omnino adipiscendam arbitraretur. Aduenit non multo post è Germania Georgius Fraispergus cum quatuor legionibus, quibus postea Borbonius se Ducem præbuit, quum Georgius graui correptus morbo Ferrariam secessisset. His copijs sese adiungere veteranæ Hispanorum cohortes, concedente Antonio Leua qui in præsidio Mediolani persisterat. Itaque cum hac mole copiarum in Bononiensem agrum est descensum præeunte equitatu, qui obuia quæque ædificia barbara crudelitate succenderent; nec quisquam ferè Ducum qui Pontifici, aut Venetis & Gallis militarent; repertus est, qui obstare ferro & flammis cuncta vastantibus auderet; atque ita superatis alpibus nemine iter eorum demorante, aut saltuosis Apennini in locis à fronte præpediente, ad urbem Romam conuolarunt, magna forte Aurantijs, qui oppressis passim Pontificiæ ditionis incolis, ingentem fecit prædam, cadentemque Borbonio in limine captae Urbis, vniuersi exercitus Imperator est appellatus. Lætus itaque tanto imperio, cui supra quadraginta milia hominum parerent, à quibus vrbs Roma improviso capta immanissimè vastabatur; nihil antiquius habuit quàm perducta undique fossa arcem dispositis præsidijs circumuallere, ut Pontificem & magnam Senatorum partem qui exterrefacti subita irruptione hostium in arcem confugerant, in potestatem cum pretiosiore eorum gaza pedigeret; parumque interea miserrimi Populi omnibus tormentis excruciatu ciulatu & lachrymis permoueretur, quum inter se Germani atque Hispani, hisque nihil mitiores Itali, auaritia, libidine, crudelitateque contenderent. Cæterum Aurantius quum interdum obequitando circumuallatæ arcis munitiones & custodias inspiceret, ab emissâ sclopetto accuratius glâde sinistra in mala paulo infra oculum graue suscepit vulnus; sic ut eo vulnere postea non planè scilicet obducta cicatrice rubente mala deformis euaderet. Adhæserunt Aurantio cuncti ferè è Gallia exules Borbonij auctoritatem secuti, quos pestilentia usque adeo atrociter mox vexauit, ut ex his notior Lorfuius ipsique maximè familiaris cum sodalibus interiret; & Germanorum atque Hispanorum corpora pestilentiaque correpta, omnibus in locis tumularentur. Dedito autè Pontifice, & perpetua statione custodito, piorum Regum animos generosus incelsit pudor, quod sacrorum Princeps ad ludibrium totius terrarum orbis gentium, usque adeo indignè atque nefariè summis iniurijs mulctaretur; atque ita Francisci Gallia, & Henrici Britannia Regum auspicijs Lotrechius Alpes traiecit, ut Pontificem detractis Vrbe Barbaris carcere liberaret.

Qua

Qua de causa periculo territus Cæsar, ut impietatis insaniam effugeret, Pontifici ut se auro redimeret concessit, quo militi ad tuendam Neapolim peracturo stipendia soluerentur. Itaque Pontifex perfoluta pecunia arce post septimum mensem elapsus, ad Orbitum Tusci agri urbem se contulit. Aurantius vero & Alfonso Vastius copias Vrbe eduxerunt, ut Lotrechio longitudinem Italiae iustis factis itineribus emetenti, & in Apuliam contendenti apud Troiam opponerentur. Quo in loco Aurantius & Vastius Lotrechium facta prælii potestate displois que tormentis prouocantem resutantes substituerunt, ignobilique discessus properantia Neapolim contenderunt, quum oppida cuncta Lotrechio aut expugnanti aut in deditionem recipienti, Gallica vexilla passim attollerent. Aurantius compulsus in urbem Neapolim, & planè circumuallatus urbem à militibus sensim directam ita à Gallo hoste seruauit, ut Lotrechius ducesque omnes cum multo maxima parte exercitus ingruente pestilentia, & bello & obsidioni finem imposerent, & Aurantius non suæ virtutis, sed insperato Fortunæ commodò lataretur. Ab hac victoria Aurantius capite atque Fortunis Andegauensis factionis Regulos, qui præpropere rebellassent, acerbissime multauit, ac inusitata atque præcipiti liberalitate eorum bona militibus suis diuisit, usque adeo prodigè & inconsultè ut Cæsar id grauiter ferret, quum Regnum non sibi sed Aurantio & militibus seruatum diceret. Sequenti autem anno Aurantius cum omnibus copiis in Etruriam euocatus est à Clemente Pontifice, qui patriam sibi omnino Cæsarianis armis recuperandam existimabat, postquam Florentini cum Gallis ictu sordere, & transmissis contra Cæsarem auxilijs consentirent. Ea autem Florentiæ urbis cœpta atque instituta est obsidio, ut pertinacia obsessorum Ciuum constantiâ hostium adæquari, urbsque tantis opibus oppugnata est, ut nec vndecimo quidem mense multa perpessi incommoda, perdomiti, erumpendum potius, & prælii vel iniquissimi aliam pro libertate subeundam esse, quam de deditione agendum decernerent: è Pilisque auxilia accersenda arbitrantur, ut validius cum virtutis, tum & peruiaciæ suæ supremum ederent conatum. Tum verò accidit, ut Aurantius de aduentu auxiliorum edoctus, cōsiliū caperet, tam necessariū quam ipsi fatale atque hostibus, scilicet obuiam eundi atque in itinere confligendi. Igitur partitus copias cum Ferdinando Gonzaga qui castra tueretur, ipse cū selecta parte exercitus contra hostes contendit, hisque occurrit in Pistoriensium montibus apud oppidum Gabinianum, non procul ab eo loco, in quo Romanos Petreio Duce, Catilinam fuisse, atque interfecisse incofæ memorant. Florentinorum copiarum quibus præerant in fronte Ferrucius ciuis Florentinus, ex mercatore repente Dux factus, in tergo Paulus Renti Ceritis filius, eo consilio circiter septem milia hominum per alta, atque ardua loca iter hebebant, ut vim hostilis equitatus vitarent, & non magno circuitu, quanquam salebroso, ad urbem deferrentur. Iam Gabinianum oppidum intrabant, quum apparuere Cæsarianorum signa, quibus conspectis properantius quam decebat Ferruciani in oppidū sese inferre cœperunt, ut loco munito, si hostis vrgeret, æquius se defenderent. In laxatam itaque & gressum intendentem hostium aciem Aurantius equitatum procurrare iussit, ipseque pugnandi audius paululum antè prouectus, dum per arduum atque

impeditum tramitem in hostem ire poperat, glande traiectus primus ferè omnium cadit, quum à parte alia Alexander Vitellius hostes inuasisset. Nemo ferè vel suorum, vel hostium cadentis Auranti casum animaduertit, sic ut non prius quàm à vagante eius equo qui erat spadix, & phaleris albicanteque crista conspicuus cecidisse nosceretur: quo spatio Florentinæ copiae fusæ deletæque sunt, & Ferrucius intra oppidum interfectus, & Paulus captus. Cadaver Auranti, ut erat Laciniâ atque armis expoliatus, à lugente armigero ita sarcinario iumento impositum est, ut inuolutum viligauisapa, utrinque pendètibz brachijs & cruribus, & capite luctato Pistorium deferretur, & tanquam victori solennes inferiæ dicerentur; non iam obscurè hominibus Dei magni vltoris vim agnoscètibz, postquàm nefarij belli præcipuos Duces Borbonium, Moncatam, & ipsum Aurantium, tribus fulminibus vindicata impetate sustulisset.

B E N E D I C T I Varchij

*Aspice quàm toruo meditans fera praelia vultu
Spirèt adhuc, gestetque oculis ac pectore Martem
Auratis fulgens princeps Aurantius armis.
Quem tristi Italiae fato, genitumque ruinis
Tybri tuis, atque Arne tuis, non optima nostris
Gallia produxit, misit Germania damnis
At tu (verum aliter neuernunt fila sorores)
Auranti Philiberte ingens Salonia proles,
Dum res immodicas, dum regna Oenotria, magna
Dum sceptrum Ausonia, dum totius orbis habenas
Mente agitas, voluisque atros sub corde furores,
Quum propè bis senis iam mensibus oppugnares
Undique deserta pucherrima mœnia Flora,
Dum properas multis cum millibus obuius ire
Ferrucio, prohibere parans ne transeat, ipse
Ipso in principio confuclius, protinus omnes
Antenolans, istu glandis traieclius abena,
(Quo Catilina loco penas dedit impius olim)
Infimus ut miles, primo cadis impete, & illa
Illa tua in tenues spes tecum euannit auras.*

P O M P E I V S

LIBER VI.
Pompeius Columna
Cardinalis.

301



AMBIGVAM equidem famosi nominis sui laudem reliquisse videri potest hic ipse Pompeius Cardinalis, quum miro ingenio diuersissimi muneris partes aptissime implearet, & in sacra purpura miratus, & militari in fago galeatus, non periti modo, sed affectati etiam sacerdotis ante aras, & in castris prouidentissimi & strenui Ducis officia exequeretur. Nam ad utrunque munus, cum peramplum excelsi corporis habitum, tum grauis pariter & per iocundi oris gestum & facundiam illustrem, quod oporteret, decentissime transferebat. Sed factiosa in vrbe, aulaque omnium maledicentissima de se promiscuae famae materiam ingenijs praeuit, moribus suis impense laudandis aut peracerbe lacerandis; utpote qui modo temperatis atque illustribus vtriusque disciplinae consilijs, modo turbulentis actionibus claret.

Cc

ceret, quibus Clementem ab se præclaro studio ad Pontificatum prouectū ita circumuenit & oppressit, vt Bonifacij octauī funesta memoria renouata videretur, vnde odium valde ingens apud multos, singularem verò gratiam apud Cæsarem promeruerit. Cæterum quibus de causis ab amicitia Clementis discesserit, ruituræque patriæ arma intulerit, diffusè à nobis perscriptum est, eo in libro quo ipsius Pompeij vitam sincera fide ad posteros misimus, admirandam vtrique potius quàm imitandam. Vir enim ingentis animi efficacissimæque virtutis, & industriæ (modò factionis odium facessat) non ipso tantum Pompeij nomine, sed Magni item cognomento dignus existimari potuit, nisi infaustus Senator, & malus omnino ciuis, vasta Patria, & Senatui & Populo Romano apparuisset. Ad extremum qui exequijs intermortuæ Patriæ & capti Pontificis Tragædiæ interfuerat, ciuitatis resurgentis, & restituti Pontificis simulachrum videre potuit. Verum secus ac oprabat maturo fato cedens, Clementem biennio anteciuit, quum apud Neapolim Regno administrando Præfectus à Cæsare post commestas hinc biferas quas multa niue refrigerarat, in complexu Augustini Nyphi clarissimi philosophi integris sensibus expirasset, anno ætatis quinquagesimo tertio, quum Carolus Cæsar comparatis ingentibus copijs Solymano in Pannoniam redeunti ad Viennam occurrisset.

I O V I I I Junioris.

Virtutem mirata tuam, tuæque inclyta facta

Lætata est tanto Roma superba viro,

Virtutem illa eadem indoluit, tuæque inclyta facta

Ingenio ciuis Roma casura sui.

Sic patriæ carum virtus te fecerat; orbi

Illā eadem ingratum reddidit, & patriæ.

Aloisius Grittus.



MEMORABILE profectò exemplum Fortuna edidit in Aloisio Gritto eleganti certè homine, sed supra æquum ambitioso, audacissimoque dominatus. Eadem enim illa, vt leuis & insolens sæpe conuertitur, vt se humanarum rerum dominam ostendat, & arrogantiam nouorum hominum petulantissimè castiget. Grittus namque Barbarico cultu, cum pictæ, talarisque togæ, & inflexi ad aurem pilei, qui ex pretiosis libellinarum pellibus constaret, tum superbo incessu, & sermone prætumido, Procures Turcas referebat. Is Andrea Gritto, qui postea Veneri Senatus Princeps exiit, ex Græca concubina Byzantij genitus atque educatus, se totum in familiaritatem Othomannicæ aulæ Principum, & Turcici sermonis consuetudinem dedit, tanta ingenij solertia, vt ex mediocri mercatore, insignis publicanus euaderet; vno præsertim mirificè fauente Habraymo purpurato, qui eum in vectigalium licitatione subleuabat, & supra competitores Turcas impotenter efferebat, vnde Gritto magnæ opes

atque

atque insignis autoritas creuit, quam florentis patris dignitate, splendo-
reque domus & conuiuijs, multaue largitione rerum elegantium, in om-
nes profusus atque munificus tuebatur. His commercijs Habraymo queren



darum gemmarum cupiditatem iniecerat, quarum flagrantissimo studio So-
lymanus ipse teneretur. Earum autem delectatione vsque ad insaniam pro-
uecta, Gritius ex frequenti indicatura certissimus erat aestimator, & soletis-
simus etiā mango, cuius artificij secretiorē domi tabernā haberet. Disserebat
verō sepius nihil omnino vel ad dignitatē totius ornatus, vel ad exprimē-
dā summi atque Augusti Regis maiestātē, in lōge maximo Imperatore specio-
sius & luculētius haberi, ipsa lectissimarū gēmarū multiplici copia atq; appa-
ratu. Itaque vsq; ad insanīā Solymanus, toto terrarū orbe perquisitas, & ma-
gno emptas pretio in vnū coegit, vt his cuncta instrumēta cubiculi, & eque-
stris cultus, atq; etiā podij parietes exornaret. Cellā enim argēteis atq; aureis
laminis circūseptam erexerat in extremo hortorū suorū angulo, quo vtriusq;
Bosphori pelagi spatia prospectaret. Sed mire ad Solymani spatii respōderūt
galea aurea & sceptrum, & crystallinum operoso inclusum auro speculum,

quæ ingenio Gritti adinuenta & fabrefacta Venetijs propter gemmarum admirabilem copiam, cælaturæque præstantiam, Octuaginta myriadam aureæ monetæ pretium excedebant. His inuentionibus quæ ad fastum superbissimi Regis arriderent, summam Grittus gratiam adeptus est, ita ut spe adipiscendi honoris inter Bassas sensim ad Mahometis sectam transiturus crederetur. Itaque secutus Solymani castra, quum ille oppugnatum Vienne in Noricum usque processisset, & Ioannem Zapolium Transylvaniae Vayuodam insigni liberalitate in Pannonia Regem constituisset, Grittus no-uo Regi adhæsit, præstititque ei operam militarem aduersus Germanos, & eos Hungaros qui Ferdinando Regi fauerent. Vbi vero Ioannes & auctoritate Solymani, & Turcarum auxilijs in Regno confirmatus est, incessit Gritto, grauioris ambitus libido, usque adeo ingens, ut non obscure ad Pannoniæ Regnum aspiraret. Ioannes namque quod pacisci cum Ferdinando, & pace frui percuperet, Solymano suspectus euaserat, quod ingratis atque indignè facere videretur, qui aliunde sedâ pactione firmâdas opes suas arbitraretur, quàm à virtute fideque inuictissimi Imperatoris, qui Regna dono dare, & ex priuatis homunculus Reges efficere consueisset. Propterea Grittus legationem sibi in Pannoniam impetrauit, ut Hungaricis inspectis rebus operam daret, ne ali-cunde Othomannico nomini contumelia pararetur. Hac spe Grittus cum amplissimis Solymani mandatis, magnoque seruatorum, & Turcarum comi-tatu Byzantio profectus, per Moldauiam ubi Petrus Vayuoda, Solymanum incertum hostis an focus, imperebat, in Dacia peruenit, quæ hodie Transyluania dicitur. Ibi quum constituto prætorio Prouinciæ conuentum ha-biturus crederetur, citarenturque Procères, Americum Cibacchum Varadinensem episcopum, & eundem cum militari præsidio vetere Hungarorum antilitum consuetudine prouinciæ præsentem, quod tardius ad edictum veniret, noctu ad Braxouium castra habentem inuadi & per Ianum Doc-ciam Hungarum interfici iussit, ut sublato summæ potentie æmulo, passim cæteris formidatus ad Budam contenderet. Sed vir æque ambitiosus & cruentus in vestigio admisi sceleris pœnas dedit. Namque ad eandem sacrati & nobilissimi viri vindicandam erexere se Stephanus Maylatus, & Gotardus genere Saxo, ipsi Americo propinquitate atque amicitia coniun-cti. Atque ita supra quadraginta armatorum milia in vnum coegere, ador-tique Grittum ad oppidum Mezes, eo euentu obsedere, atque oppugnaue-re, ut destitutus spe auxiliorum, quod neque præfecti Turcæ Nicopolita-nus, & Samandrensis, transire Danubium veriti, non facilem operam lati-ri forent, & Ioannis Regis præsidia longe abessent, se hostibus dedere co-gere retur, atque eo modo ostentans Solymani diplomata ad prætorium Gotar-di atque Maylati deductus, iussu eorum exorto Hungarorum vulatu, tan-quam hostia Americi manibus mactatur, trucidato eius comitatu & dire-pta gaza. Duo eius liberi adulescentes, quorum natu maior Antonius ad Agriense sacerdotium erat destinatus, Moldauis traditi sunt, à quibus ali-quanto post immaniter necantur. Doccia ipse comprehensus, qui author & suafor Americi cædis fuerat, magno ludibrio à sæuiente turba dilaniatus est. Atque ita qui Regnum affectabat, gazam omnem, quæ erat pretiosissi-ma, vitamque simul & liberos puncto temporis amisit.

FABII Segnii Florentini.

*Tegmine barbarico capitis; cui purpura & aurum
Intextum geminis radiat splendore corusco
Insignem cernis iuuenem, & fulgentibus armis
Byzanti genitum Graia de pellice Gritum.
Ante alios Regum Regi gratissimus omnes
Hic fuerat Solymo; tenebrisque emerſus ab atris
Prodiuat ſuperas paulatim in luminis oras
Sed nimis ardentem rebus tumidumque ſecundus
Dum miſerum torquet ragnandi dira cupido,
Quæ ſolet, in preceps deiecit culmine ab alto.
Vertere ſuneribus claros Fortuna triumphos..*

Alfonſus Ferrariæ

Princeps.

IN Alſonſo Ateſtino Ferrariæ Principe, vt ex ſeuero & peracri oris ductu coniectari licet, & nos vidimus, ingenium egregie firmum ſtabileque & præcellens, quocunque extra literas verteretur, enituit. Abdicarat enim planè vir cuncta iocundæ adulationis & morosæ grauitatis lenocinia, ipſis plerunque cognata Principibus. Quandoquidem ſingulas cogitationes, & ſingula propè exercitamenta corporis, ad bellicas rationes reuocaret, & nihil omnino molle aut remiſſum complecteretur, vel ipſa naturæ conſuetudine, vel neceſſitate tot incumbentium bellorum, quæ omnem inertiam, vel deſidiolis excuterent, & virum vt oportuit, cum ſalutis, tum dignitatis ſuæ memorem excitare, & ad inſitam virtutem factis extendendam incitare poſſe viderentur. Itaque Alſonſus à nobis peculiari volumine celebratus, vt magnanimum bello Ducem, atque optimum pace Principem decuit, ſubactò corroboratoque multis periculis ingenio, firmò que ſemper pectore cuncta aduerſæ Fortunæ iacula tam fortiter excepit, quam feliciter auertit. Trium nanque maximorum Pontificum diuinita atque humana arma, odiique perpetui inſidias, tanta infracti animi conſtantia ſuperauit, vt glorioſam triplicis triumpho lauream, ſi de ſacroſancto hoſte triumphare ſas foret, meruiſſe dici poſſit. Obijt Alſonſus climacterico anno propinquus, quum liberos ad certiffimam frugem egutendere conſpiceret, & nato iam ſibi nepote in ſpem longæ ſucceſſionis lætaretur. Hiſcde autem diebus concepit febrem quibus nunciata ei mors eſt Clementis Pontificis: ob idque exceſſit è vita ſeiſpo lætior, quod primus comitiorum diebus Farnesium Cardinalem, Pontificem renunciatum fuiſſe didiciſſet, quaſi nihil ſibi opratius & melius accidere potuerit, quam quod pro implacabili hoſte, veterem amicum, a quo omnia facile impetranda forent, quæ Ateſtinæ domus imperium ſtabilire atque augere poſſent, eſſet habiturus,

*Quam bene bellipotens Alfonse ex aggere tundi
Barbara terrificis agmina fulminibus,*



*Sulphurea quum in nube, atque igne cornuscus abeno
Ceu superum æthereo quum tonat axe pater,
Obuia prostrernis generi monstra horrida nostro
Sic eat, ò qui almam diripit Ausoniam.
Quam bene & æquoreas ineuntes flumina puppes
Et Venetum armatas in tua sceptrum manus
Dysicis, atque alto figis rostra ærea templo
Martia virtutis signa secunda tua.
Suspensam vt cernant classem, stupeantque nepotes
Vtque eat Hadriaco celsior Eridanus.*

*Quin Iulij eludis robur, victusque Leonis,
Atque inclementes in tua fata dolos.
Macte animo: felix natu Hercule, & Hercule patre
Quo cum alta inuictis nunc teris astra pede.*

FAERNI.

*Clementem postquam Medicem, cui tempora nuper
Tiara cingebat triplex
Extinctum Alfonso Dux audit, illicet acri
Corruptus aegritudine
Illius mortem est properata morte secutus
Fimisque iunxit funere.
Prae luctu perijisse inquis, nimioque dolore?
Immo id quidem praegaudio.*

Hippolytus Medices

Cardinalis.

HOC Hungarico militari cultu Hippolytus Medices Cardinalis quum in Pannonia, ubi Legatus apud Caesarem fuerat, abeunte Solymano redisset, à Titiano pictore eximio Venetijs se pingi iussit. Hunc Iulianus Leonis Pontificis frater Urbini exul ex nobili vidua susceperat. Infans in ipso vitæ simul & mortis limine, quum cum mater admissi stupri impio pudore necari iussisset, ancillæ misericordia seruatus est. Crebro Leone Pontifice triennis cum nutrice Romam venit, tanta verò suauissimi oris indole, sermonisque festiui lepore mirabili extitit, ut Pontifex, eo ad pedes ludente mirum in modum oblectaretur, & ea specie in Cœnaculo Vaticano à Raphaelæ (vbi videmus) exactissimè pingi iuberet. Vbi adoleuit, literis liberaliter est institutus. Ostendebat enim ingenium habile ad omnia perdiscenda imitandaque. Ei namque supra ætatis captum ante omnia mira vis inerat poetici spiritus, sic ut Virgilij secundum Aeneidos librum, in Etruscum sermonem lepidissimè verteret, & proloquia Hippocratis ab arte medica, in vsum bellicæ disciplinæ, æmulatione festiuissima transferrentur. Sed non multo post à literis ad exactum totius musicæ studium deflexit, peritissimo quoque artificum & phonasorum sibi ascito, parique flagrantis ingenij cupiditate, omnis symphoniacæ modulationis, organis vsque adeo eruditè pertractatis, ut prædulcis Cythæædus, Lyristes numerosus, fistulator eximius, & incomparabilis Tibicen euaderet; Oenochordæque item argutissimis percurreret digitis, quando ærea etiam membranaeque tympana bellico crepitu militares animos

excitantia, diuersissimis concentus numeris editis, cum nostrorum, tum Barbarorum more stupenda imitatione perpulsaret. Quum in his studijs iuuenili alacritate totus esset, Clemens eum legem in senatum, ratus eum ad



grauitatem animi componi posse. Ex arcano autem id Pontifex petebat, vt Hippolyto sacris initiato, Alexander eius patruelis iuniore Laurentio genitus, Etruriæ Principatu tolus potiretur, quod tum propter ingenij firmitatem, quanquam esset literarum expertus, in sustinendo tuendoque dominatu potiorem existimaret. Verum Hippolytus purpuræ honorem ita cõtemplit, vt Clemens eum indignis sacro ordine studijs & voluptatibus deditum, grauitè increparet, dedecorantemque nihilo secius senatoriæ amplitudinis dignitatem, importunæ insanix pœnas cito daturum diuinaret. Nam ad theatrales ludos, equestresque decurliones, edendaque simulacra præliorum sumptuosi & varietate gaudentis ingenij libidinem detorserat: quanquam præter hæc incredibili magnarum venationum cupiditate incensus numerosum insignium canum & nobilium equorū apparatus grauissima impensâ tueretur, tãto etiã vitæ splendore, vt in medijs nemoribus apud fôres
totius

totius aulae, Romanorumque iuuentuti frequentissimè epulum daret. Quæ omnia Clementem è tanta clade Urbis carcerisque miseria nuper emersum, egentemque pecunia, & quod augendo mœrori plurimum intererat, natura parcissimum, mirabiliter vulnerabant. Nec diu post Pontificem lethalis inuasit morbus, & eripuit; cuius morte quanquam in Hippolyto suscepta vitæ studia minimè refraxissent; is tamen in comitijs opportunissimè se collegit, multosque secum ex veteribus amicis perducens Farnesio Cardinali, ut Pontifex renunciaretur præcipuus exitit suffragator; cuius studij eum mox pœnituit, præter spem Anconitana legatione, quæ sibi per interregnum promissa fuerat, indignissimè fraudatus. Quæ ex re, animo vehementer perturbato, inuidere apertius Fortunæ fratris, atque eius vitæ insidiari cœpit, deprauantibus eum atque impellentibus Florentinis, veteribus Mediceæ familiæ inimicis, principe horum Philippo Strozza. Hos enim exilio pulsos, Hippolytus in amicitiam receperat, & arcanis consilijs vsque adeo inconsultè adhibebat, ut fratri ex subitario tormentarij pulueris incendio, execrabile exitium machinaretur. Eo siquidem sublato dominatum Florentiæ adipisci se posse per exules, vanissima cogitatione confidebat. Sed Dii immortales immane abominati facinus, certa indicia Alexandro detexerunt. Quæ omnia Alexander per Cæsaris legatum Paulo Pontifici detulit, comprehensusque est eius scelesti consilij conscius Octavianus Zenga ex Hippolyti satellitibus. Quæ perstrictus infamia, & non vano pauore correptus, quod suas Fortunas, & sacerdotia à Pontifice cupi dissimè peti crederet, in Tyburtem agrum profugit. Nec ita multo post conuerso ingenio, perspectaque exulum malignitate, cum fratre redire in gratiam, & conditiones pacis à Cæsare petere constituit, qui tum in Africa bellum gerebat. Sed quum nauigium nauigaturo Neapolim pararetur, ad oppidum nomine Iter Appiæ vitæ impositum non procul à Fundis subsistens, in mortiferam febrem incidit, paucissimisque diebus iuuenis longe omnium eruditi ingenij nobilitate, decore vultus, & illustris vitæ splendore florentissimus, ex humanis est ereptus; magna hæcde exulum lætitia, magnoque Pontificis commodo, quum hic eius spolijs nepotes suos ditaret; illi verò vno auulso alterum tanquam fratris ope destitutum, uti mox euenit, facile tolli posse diuinarent, & subinde inducta veneni suspitione eius criminis notam Alexandro affigere cœnarentur; sed ea suspicio prorsus inanis euasit, quum præcipui eius comites Danthes, & Bellingerius, ac Raynaldus, eadem autumnalis cæli maligna intemperie perisissent. Relatum in Urbem eius funus, vrbane multitudinis ordinumque omnium verissimæ lachrymæ, quod antea surda in vrbe nemini contigerat, per triduum decorarunt, quum tumultuario apparatu lugentium Afrorum & Aethiopum humeris ædibus suis inferretur. Nam præter hos præstantissima eruditionis exquisitarum artium ingenia, patrono inexhaustæ liberalitatis ante diem erepto orbata destitutaque de Fortunæ fauicia conquerebantur. Eius nanque domus ex omnibus cogniti orbis gentibus virtute animi aut corporis proceritate conspicuos, liberaliter admittebat; videreque erat homines diuersissimo sub cælo natos, eundem dolorem ex heri morte, eandemque tristitiam, sed dispari vultu garrituque dissono

contundendo pectora, sulcandoque ora vnguibus, præferentes. Gaudebat siquidem ille mirum in modum quod Barbari viginti amplius linguarum in eius Coenaculis recenserentur. In his fuere Numidæ Regulorum sanguine progeniti, qui equitandi desultandique peritia spectantium oculos admiratione complerent. His accedebant Tartari sagittarij incomparabiles, & Aethiopes qui in luctatione & palæstra quosque validissimos anteirent. Ex India porro natandi, vrinandique peritos, quibus studijs iuuenili feruore impense deditus tanquam magistris ad æmulationem vtebatur. Turcas autem tanquam ad expedienda arma promptissimos, in venationibus ita exercebat, vt interdium noctuque corporis custodiæ præcipuos adhiberet; egregio certè exercitationum genere, nisi dignitatis oblitus, per vanitatem ostentandi militaris ingenij, salutis quoque aleam stultè periclitari, quàm famuliæ atque ordinis decus tueri maluisset. Non inane autem prodigium imminenti morti suæ præstruxisse videtur, quum pro argumento insignium suorum, crinitum cometem iuuenili atque amatoriam vanitate gestaret, quæ specie diro olim fulgore in cælo ardens C. Iulij Cæsaris necem portēdisset.

ANTONII Vaccæ.

*Floruit Hippolyte, et tecum fato occidit vno
Quo reliquus antiqua laudis, et artis erat.
Id tua clauderat totum angustissima quondam
Orbis terræ inslar qua domus vna fuit;
Nec tibi magno animo quisquam se æquasset et ausis
Grandibus, aut larga, munificaque manus;
Nec poterat Fortuna tuis multum addere rebus
Quum iuueni iniecit mors violenta manu.
Tunc bis te vndenis de gentibus ora clientum
Fleuerunt, cineres condideruntque tuos.
Tantus eras, tamen inuidiam vitare nequisti
Livoris cæcos nec superare dolos.
Scilicet obuia quæque sibi domat ardua virtus
Sed domuisse viam non potis inuidiam est.*

Franciscus Sfortia II.

Mediolani Princeps.



NISI GN I hercle humanarū rerū exemplo Franciscus Sfortia secūdus, inter maxime ærumnosos Princeps diuque al ternæ Fortunæ fluctibus iactatos cēseri potest; vtpote qui triēnis cū patre Regni sui penatibus eiectus, vnū & vigesimū annū in exilio vitā sæpe inopē, & inter spes & metus val de sollicitā trāsegerit, peccata aliena potius quàm sua seper lugēs atq; inde pœnas expectās; nec tamē vnquā animū despōdens, quod in eo fatalis prope fortitudinis & infractæ constantiæ documentum fuit. Post exactum paterno Imperio Maximilianum fratrem, ipse quinquennio post, communibus

communibus Leonis Pontificis, & Caroli Cæsaris armis reductus, grauissima instaurati toties belli à Gallis hostibus pericula subiit. Sæpe eum pœnituit bella suscepisse, quæ sibi nihil armis exercitato, egentissimoque pe-



cunæ semper nouas, & propè inextricabiles rerum difficultates importarent. Quibus malis qui ab initio studiosissime expetitus fuerat, Insubribus demum odiosus & grauis, & notis propè omnium damnatus euaderet, vique adeo crescente inuidia propter innumeras, & nunquam desituras cogendæ pecuniæ acerbitates, vt nonnulli eum tollendum arbitrantur, & inter alios Bonifacius Vicecomes ex familiaribus aulae insigni eum perfidia equitantes impresso pugione supra humerum ad ceruicem, sed leui ictu vulneraret, elapsusque tot circumstantium prætorianorum diligentiam, perniti vectus equa intactus effugeret. Tria bella tribus præliis Cæsarianorū præsertim auspicijs cōfecerat. quum Lotrechium ad Bicoecam, Goffierum Amirantem & Heluetios ad Sesithem amnem superasset, & demum Prospero & Piscario Ducibus, Ligures Genua capta subegisset. Quarto autem bello

quod longe maximum Rex Franciscus ipso ductante, Galliae Cisalpinae intulerat, quum victus praelio Rex hostis ad Ticinum, captusque fuisset, ita secundo euentu Sfortia laetatus est, vt totius victoriae fructu excluderetur, accusareturque prodicionis à Piscario atque Antonio Leua, qui Cisalpinae Galliae imperium non Sfortiae, sed Caesari partum volebant, ita vt Sfortiam exitiali calumnia circumuentum in arce obsiderent, & totius ferè ditionis vrbibus spoliarent. Non tulere indignitatem atque insolentiam iniuriae Pontifex Clemens, Venetusque Senatus, atque ipsi demum Galli ex hostibus socij & defensores facti, quod omnium interesset ad salutis & libertatis tuendae nomen, Sfortiam conseruare, nec externis rapacissimis Caesaris militibus Italiam diripiendam praebere, patique vt vnus Caesar tantis auctus opibus, caeteris ad arbitrium imperaret. Sed Fortuna sua pertinaci libidine Caesari fauens, omnes qui aduersari infringereque potenti eius ausi sunt, ita perculit, vt cum magna clade prosterneret. Verum qui armis Sfortiam tueri frustra conati sunt, iusto demum consilio hoc à Caesare precibus imptarunt, vt Sfortiae parceretur. Igitur Caesar in Italiam venit, Bononiaeque suscepturus insignia Imperatoriae maiestatis de manu Pontificis, euocatum eò Sfortiam, sub fide publica benigne complexus, paterno imperio restituit, atque eo modo pace facta, aliquanto post Caesar Sfortiae celebri, Christierni Daniae Regis filiam, ex eius matertera genitam, connubio iunxit. Quibus nuptijs, quod confirmari autoritas Sfortiae videbatur, ingenti, sed nequaquam diuturno gaudio Insubres laetati sunt, quod pax inuecta, Prouinciam summis afflictam detrimentis, ad pristinum opulentiae otium deductura crederetur. At superis minime visum est Insuorum miseris finem imponere, atque ita Sfortiam quod aliter fieri non poterat, nouae nuptiae delictis indulgentem, ex leui lippitudinis initio sustulerunt, tum forte quum Caesar Tuneto capto ex Africa Neapolim rediens, ad triumphum Romam à Paulo Pontifice vocaretur. Tum enim defuncto Principe Insabres tantis lachrymis elatum luxerunt, vt eo prodigio imminentes calamitates, quibus postea acerbitate Caesarianorum Praesidium Prouinciae, conturbatae opes conuulsaeque sunt, praenunciasse videantur.

FAERNI.

*Franciscus hic sumus secundus Sfortia est
Insubrium Dux, cuius Imperium atque opes
Nunc asperis nunc prosperis euentibus
Fortuna forsque multiplex exercuit.
Atque ille nunc civilibus, nunc exteris
Petitus armis, Gallicisque & Beticis,
Medique Reges inter aduersarios,
Suprema ad vsque Fata regnum patrum
Seruauit, & prudentia fretus sua
Armis vim apertam fregit, atque astu dolos.
Nunc hic quiescit paruus è tanto Duce
Puluis cinisque & nudula vmbra mortui.*

BASILIS

Basilus Moscouiæ

Princeps.



ABSTRUSA penitus ad Boream præter Hercynios saltus, Arctooque vertici subiecta Moscorum Regna, intacta olim Romanis legionibus, nec planè Grecis scriptoribus nota, Sigismundus Sarmatarum Rex latissimè nobis aperuit, quum armis cum Basilio eius gentis Principe ad Orsam iusta acie cõtendisset; qua innumerabilis eius gentis equitatus sæde profligatus est. Tū enim primò Romæ de victoria parta supplicationes decretæ sunt, quòd Moschi à Polonis & Lithuanis, modo Rutheni, modo Moscouitæ vocati, tanquā secuti Græcorum opiniones, à Romano Pontifice dissentirent. Sed Basilus qui adoptari in Regem sicuti ex Demetrio Legato accepimus, ex Principe honestiore scilicet speciosioreque titulo cupiebat, pace facta cum Sarmatis, non semel cum Maximiliano Cæsare Clementeque Pontifice per lega-

Dd

tos suæ gentis, latè nobis Regnorum suorum fines & opes indicauit, quum ea tantum mercatorum sermonibus occiduis Europæ populis innotuissent, & tum maximè quum Demetrius Legatus ad Vrbe missus, cuncta exactissime, vti Latine peritus linguæ retulisset, iubente Pontifice, vt memorabilia quæque descriptis Regni finibus & gentium moribus, in peculiarem à nobis commentarium conferrentur. Qui liber non semel impressus erat, quo excusari facile possumus, si Basilius breuiore quàm decet Elogio peroraretur. Is, quem diximus, Demetrius legatus qui Regis imaginem hoc habitu nobis pictam detulit, percunctantibus referebat, latissimos esse Regni fines, qui ab Oriente Volgam amnem attingant, Tartarorum Regna à Moscic dirimentem. Ad Aquilonem Succorum & Liouum extremis terminis cohæreant, & ad Occidentem ad Boristhenem vsque protendantur. A Meridie autem Tanaitis & Tauricæ Chersonesi ad Mæotidem paludem Tartaris Præcopitis, qui sunt in Europa, promixi sint. Regio in vniuersum campestris est, ad segetem parum felix, cera armentis & pellibus pretiosis ferax. Basilius equitatu abundat, vtpote qui quum opus est, ducentorum milium equitum numerum efficere possit. Regiam habet Mosca in vrbe, quæ à præterlabente Mosco amne nomen accipit. Arcem habet in morem prope nostrum ædificatam & tormentis permunitam. Paruo sumptu alit exercitum, quum Regni iuuentus omnis edicto arma capere cogatur, nullo propè adiuta stipendio. Ipse per legatos bella gerit; avarissime imperitat, nec largitione in quenquam vtendum putat, vsque adeo illiberaliter, vt legatos suos a magnis Principibus redeuntes cunctis muneribus expoliet; atque ita accidit vt bello infelix existimetur: quandoquidem inuiti populares edictis pareant, neque fortissimè propugnent. Sic ad Orsam victi pro victoria magnum luctum toti Moscouiæ retulerunt. Nec ingruentibus in Moscouiam duobus simul Tartarorum Regibus quisquam repertus est Dux fortis vel strenuus miles, qui pro salute patriæ propugnaret. Mahometes namque Gyraus qui in Taurica regnabat, & Absa, qui ad Citracam Volgæ in Hyrcanum erumpentis Emporium imperabat, cum singulis exercitibus Moscouiam inuaserunt, ferro & flammis cuncta excindentes, & id quidem impune, quum Basilius tantæ moli hostiū impar, & consilij inops, vsque adeo trepidè profugisset, vt foeni cumulo conderetur. Eo modo Mahometes & Absa germani fratres iunctis ad Columnam exercitibus, ad urbem Moscam castra fecerunt: haud dubiè vrbe atque arce potituri, nisi Germani tormentorum libratores, magnam Tartaris cladem & trepidationem intulissent: quum Basilius absens per syngrapham Mahometi se perpetuo tributarium professus, quibusdam datis muneribus impetrarè, vt à Mosca discederent. Itaque Tartari onusti infinita præda, incendijs euastata regione, infinitam propè captiuorum multitudinem abduxerunt; sic vt Mosci, & in Taurica Turcis, & apud Citracam diuersis Caspij maris incolis venundati sint; neque Basilius postea tametsi quereretur se à Gyraus fratribus, qui bellum non indixissent, deceptum falsis inductis atque oppressum, quicquam memorabile aduersus perfidos hostes gessit. Exinde Basilius Salamoniã vxorem tanquam sterilem repudiavit, & in monasteriū detrussit, superinducta Helena nequaquã primarij viri filia, & secundū Helenam, aliam minimè prioribus nobiliorem

nobiliorem ducturus videri potuit: nisi fama increbuisse Salamoniam intra sacra septa filium peperisse, qui in Principatus hereditate succederet. Nec multo post Basilus bello semper infelix & semper sospes, graui oppressus pituita mortem obiit; his profecto repudijs infamis, & vi impotenter rapax, & nusquam liberalis aut benignus apud suos inglorius; hoc etiā ab turpi Ioannis patris emulatione probro oneratus, quod a sceminis abhorre re diceretur, aliō scilicet translata libidine, quoniam inueterata consuetudine apud Moscos, more Græcorum, adolescentes amare fas esset; primores namque gentis, & cuncti equestris dignitatis ordines, honestorum ciuium liberos in famulatum sibi asciscere, militiæque erudire consueverunt;

IOVII Iunioris

*Esti te nullis insignem fama trophæis
Basil sine laude per orbem,
At semper victum referet, semperque subactum
Horribili in certamine Martis.
Sarmata quum toties te fuderit, atque Gelonus
Obtruerit tua castra sagittis,
Et tua Regna ferox pubes populata Scytharum
Te patris solioque fugarit;
Non ingrata tamen tibi se debere fatetur
Haud meriti immemor Itala tellus:
Nanque tuo nobis ignotos munere Moscos,
Et Scythici Borealia cali
Regna aperis, Tanaimque truce, penitusque repostam
Perpetuis sub nubibus Arcton.
Sed quid Hyperboreos veterum mendacia iactat
Riphaeo sub cardine montes?
Basil nobis cecam tu discutis umbram.
Nos ideo pro munere tanto
Rite tuam effigiem Lari veneramur ad vnam;
Nomenque immortale sacramus.*

Antonius Leua



NEMO ex his qui seculo nostro ab Hispania in Italiam venerint, & post Magnum Consaluum aliquid prædari nominis militiæ sint consecuti, ipso Antonio Leua vel ingenio acutior vel illustribus bello factis præstantior euasit. Huic namque Nauarrus miserabili vitæ exitu clarus, facile cedit. Ingenti hercè virtute Antonius nusquam serè vestigijs eius abscedente Fortuna, quod longè maximū in toto militari negotio semper existimatum est, frequentibus prælijs sapissimè victor, & si fors iniquior victoriæ successum eriperet, nunquam victus videri potuit. Diuinè liqui-

dem prouidendo, & grauitè enitendo, hostium consilia præuerrere, & quæ iam apud eos parata essent atque instructa, præoccupare, aduersariorū immodicos conatus admirandis dolis eludere, & quum res posceret vehemen-



ti atque expedita manu infringere atque retundere didicerat. Quod enim mirum est nullo propè præeunte magistro, nullaque prorsus adiutus bellicæ educationis disciplina, & impiger miles & acer præfectus, improuisis & fortibus consilijs, celeritateque præsertim, Dux felix euaserat. Cæterum Antonius planè adolescens, & vt ipse nobis narrabat, adhuc imberbis, Sanctij Martini patruī alæ equitum præpositus, anno secundo post secularem eā classe vectus in Italiam venit, quā Emanuel & Valentijs Benauidij fratres, & duo Aluaradi pater & filius transtuecti sunt, aduersus Gallos opem ferentes. Ipse genus ducebatè Cantabria, quæ vna omnium Hispaniæ Prouincia optimorum terra marique militum feracissima existimatur. Sed antea Antonius iusta in acie hostem non viderat, quā egregiè & ad Gioiam aduerso, & ad Terranouam secundo prælio, illic constantis, hic verò maxime ardentis & imperterriti bellatoris laudem est consecutus. Interfuit demum
Rhauennæ

Rhauennæ Cardoni signa secutus, quo funesto prælio non ignominia, sed laudi fuit incolumem euasisse. Sic enim Cefennam se recepit, vt plerisque milites ex itinere conseruaret; atque ipse demum instaurata ala eodem Cardonio & Prospero Columna Ducibus, ad Cisalpinæ Galliæ bellum proficisceretur. Post mortem verò Iulij Pontificis, Leoni, Carolo Cæsari coniuncto, in expellendis Gallis operam nauauit, vsque adeo diligentem & strenuam, vt iam inter summos Duces consilio perspicax, & manu egregie fortis haberetur. Ab hac fama iam planè clarum, ea quæ secuta sunt bella clarissimum fecerunt, quum obsessus Ticini à Francisco Galliæ Rege sese perit naciissime defendisset; cum excidio quidem nobilissimæ vrhis; quum alendo præsidio, neque fortunæ Ciuium, neque templorum donaria, neque luculentæ domus excisæ deformatæque suffecissent. Sed hæc Ticinensium calamitatem, inexpiabilemque intectæ egestatis dolorem aliqua ex parte mi nuere visus est Rex ipse tanti nominis ingenti prælio victus & captus. Verum ad eam victoriam ad quam parandam Leua magnum eruptione sua momentum tulit; nequaquam pax allata est; scilicet vt alia orirentur bella, quibus fertilissima Italiæ provincia militari licentia vastaretur. Nam quum Leua Cæsarianique Duces Sfortiam grauius calumnijs implicirum apud Cæsarem maiestatis accusassent, & in arce obsedissent, consternati ad arma Italiæ Principes in vnum seruitutis metu consensissent, hostes ex socijs facti, longe omnium luctuosissimum bellum excitârunt, eo euentu vt Antonius Mediolani obsessus, multis secundis prælijs longe clarissimus ducum euaderet, existimaretque, neque humanis neque diuinis rebus esse parcendū modo decus suum & Cæsaris dignitatem tueretur, & stipendijs loco singulas vrbes, singulosque earum ciues militibus immanissime diripiendas concederet: ipseque imperiosus multis vndique partis victorijs terribilis atq; opulentus, aduersus tot hostes inuictus aduersa arma sustineret, & Sfortia per deditionem eiecto, tanti Principatus Imperio potiretur. Sed Cæsar ad elementiora consilia conuersus, post captum Pontificem, atque eum iam euastata Roma carcere liberatum, Sfortiam restituit ea conditione, vt Antonius, tuendæ Italiæ Dux copiarum, deductis, & in Græciam Hispanis militibus missis, Mediolani relinqueretur. Nemo enim eo potior gerendo bello Cæsari videbatur. & quanquam euastante cunctos artus podagra non aliter quam sella succollantibus seruis veheretur, nunquam Ducis munia, nunquam vllum militiæ laborem omisit, aut intermisit; vtpote qui lectica in aciem illatus non semel cum hoste conflixerit; semel apud Landrianum suffo, captoque sancti Pauli Comite regiæ stirpis Gallorum Duce, & ad Caracam ad Lambrum flumen superato Iacobo Medice, qui cum Heluctijs auxilijs aduenerat. Ea Antonij autoritatis atque peritiæ opinione adductus Cæsar, ex Africa Tuneto expugnato victor rediens, ipso præsertim Leua auctore, Galliæ bellum intulit. Qua in re nihil Antonio ægritudine affecto, & cunctis distorto articulis pepercit, quin eum secum in Prouinciâ adduceret. Id bellum propter rei frumentariæ difficultates, & cæli inclementiam, secus ac putarat Antonius tractu durius, atque exitu asperius fuit; si vti ille languore animi & dolore corporis oppressus, ad aquas Sextias in castris fato cedens, cum bellicis laboribus, sum ardente gloriæ cupi-

ditati suæ finem imponeret, natus annos quinquaginta sex. Funus Mediolani adornatum insigni pompa celebratumque est.

PARTHENII Paraucini.

*Asius Annibalæ, moræ sagaciæ
Maturæ Fabij, impigrumque & acre
Marcelli ingenium, celerque cursus,
Et velox via Claudij Neronis
Hæc si singula singulis pararunt
Æternum decus, & perenne nomen;
Quanto in me omnia quum simul Gradivus
Vnum contulerit, mage ipse Lethes
Vndas despiciam, minusque sati?
Quid quod mi attulit & novos honores
Ac vitam effigiem meosque vultus
Musæa Iovis domo dicavit?
Nec non & titulus referta nostris
Conscripsit monumenta doctæ, & omni
Ære & marmoribus perenniora.
Felicem effigiem, à meos triumphos
Hoc præcone ter ampliusque claros
Ecquem iam mihi conferat vetustas?*

ANTONII Vulpj.

*Quum semper vincas, totis licet artibus æger,
Consilio non vi, vincere Leua doces.*

RAINERII

*Hic Leua est; Leua Hesperie laus maxima terra
Qua Bætis tumidas in mare fundit aquas,
Implicitus cunctis morbo artubus, horrida bella
Artibus, & ferro, gessit & explicuit.*

ALEXAN.

LIBER VI
Alexander Medices
FLORENTIÆ PRINCEPS.

319



MAGNO hercle singulariq; vti apparuit, aut insanè more suo, aut atrociter iocantis Fortunæ prodigio editus est hic, què spectas thoracatū, transuersaque rubra fascia Cæsarianæ factionis studiū ostēntem Alexāder Medices, ad Etrusci Imperij fastigium ideo prouectus, vt inde grauiore casu interrupta felicitate præceps daretur. Hunc Laurentius iunior, qui Vnibrix Principatus titulos affectauit, ex materna ancilla furtiuo congressu suscepit: Alfonsina auia tenui cultu educarat, quū filius Laurentius fato ereptus ex vxore Bologna Regiæ stirpis masculam prolem minimè suscepisset. Quibus de causis viuente Leone in subsidium percuntis stirpis ita receptus est, vt Clemens demum Pontifex Etrusco dominatu dignum existimaret, quod Hippolytus patruelis ad tollendam æmulationem honori sacræ purpuræ destinaretur. Visus enim erat Alexander corpore atque ingenio habili tractandis armis aptior, quam Hippolytus viuidæ mentis acumen ostenderet, ad literarum studia para-

tissimū. Sed oppresso demū Cæsarianis armis, captoque Clemēte Pōtifice, in eo statim inusitatæ calamitatis turbine Florentini desecerunt; atq; ipsi Alexander & Hippolytus publico decreto Medicæa domo exturbati, atq; in exilium acti sunt, ea conditione vt deserti mox & inopes in subalpino agro ad Taurinum aliquandiu vitam degerent, donec cōuersa Fortuna Pontificis, Hippolytus galero ornaretur, & Alexander iam pridem duobus, in Præcutinis oppidis donatus a Cæsare, in clientelamque receptus gener ascisceretur, & Florētinis demum longa obsidione perdomitis veteraque exutis libertate a Cæsare collato Principis titulo præficeretur. Verū is dominatus Clemente iam mortuo breuem atq; turpissimum exitum tulit. Nam Alexandrum sextum iam regnantem annum, & præclara iusti & constantis Principis argumenta præbentem, ita voluptates Veneræ sensim occuparūt, vt qui inuidioso Principatus nomine lætabatur, facilem sibi in necem aditum aperiret, tanta quidem sordidia vt post insidias quas ei Hippolytus nefariè tetenderat, diligentissimè vitas, in alterius propinqui, familiarissimique sodalis inusitatā perfidiam incideret. Is erat Laurentius Medices ætate æqualis, sanguine coniunctus, nulla lacesitus iniuria, & magnis affectus beneficijs, menstruaque stipēdij obstrictus liberalitate, qua maximè eius perfidiæ fama prægrauari potuit. Eum namque hic tam improbo quàm perfidioso promissi lenocinij nomine in domum suam suumque cubiculum & lectum facile perduxit, adamante mulieris aduentum mentitus, sic vt incautus atq; miserrimus Princeps a ceteris omnibus accuratè cauere solitus quàm ab ipso proditore, quem maximè diligeret, mactaretur. Intempesta namque nocte altè stertentem Laurentius gladio per costas adacto transfodit, propereque erectum, & acceptū vulnus acri morfu vindicantē, admouētibus manum duobus seruis quos induxerat, quinque vulneribus confecit, impetrataque facile a præfecto tessera publicis vectus equis Bononiam effugit, patriæ libertatis oblitus, occupante animū videri volebat, nihil plus tanto admissio facinore effecisse iudicatus est, quàm vt Principe amicissimo nefariè atq; ignobiliter interempto, Cosmum ex priuato odio capitalē hostē suū, ad Etruscū Imperij potentiā quàm veræ virtuti fatapromittebant, prouheret, & ipse demū publico Senatus iudicio damnatus, obiterque Venetijs angusto in calle trucidatus, parricidij pœnas daret.

ANTONII VACCÆ.

*Post belli clades varias, & funera seuis
Motibus Etruscæ ciuilibus edita terra,
Quum populos placida compositos pace tenerem,
Per scelus agnati me perfida dextra nefandi
Sustulit, & spes ille meas, spes ille meorum
Atque suas omnes, & publica commoda fregit.
Usque adeo pensi, & sancti nihil improba ducit
Inuidia, atque atro mens dira agitata furore.
Ergo iterum infectum ciuili sanguine ferrum
Mæsta parens assueto malo Florentia vidit,
Et luctu extenuata Ducem defleuit ademptum
Aurea compositis meditantem secula rebus.*

FRAN.

Franciscus Maria Feltrius

Vrbinatium Princeps.



NEMO magnorum Ducum elegantius & certius in tabula ad veram imaginem expressus est, quàm hic ipse Feltrius, qui his suis armis atque coloribus, hisque triplicis Imperij militaris insignibus Titiani summi pictoris manu delineatus conspicitur. Is Ioanne Roucreo patre Senogallie domino & Vrbis praefecto, qui Iulij Secundi Pontificis germanus frater fuit, & Ioanna Federici Vrbinatium Principis filia genitus, adoptari in Feltriam familiam à Guidone Vbaldo auunculo, cui fata prolem dene garunt, & Principatus haeres scribi meruit. Sic ut vim atque expeditum robur paterni generis, & efficacem bello prudentiam, optimisque constitutam legibus bellicosae Feltriae domus disciplinam egregio temperament-

to miscuisse credi possit, ut sese ad præclarissimum militiæ decus efferret, Adolefcens namque ita tirocinij arma induit & exuit, ut penè priusquam miles, Dux summus patrui copijs præficeretur, eò bello quo Ceuia atque Rhauenna, & Ariminum, atque item Fauentia possessa Venetis, Pontificio Imperio sunt restituta. Nec multo post conuersis Iulij studijs bellum Gallicum est exortum per causam indiæti Concilij, quo Pontificis autoritate funditus conuellendam impotens armis Rex Gallus susceperat. Eo bello Feltrius impar viribus à Triuultio summo Imperatore sic fusus est atque exutus castris, ut ipsa Bononia male tuente Alidosio Cardinale, Bentiuolis veteribus tyrannis traderetur. Non tulit contumeliam Feltrius animo generosus, atque inter deleti exercitus & amissæ vrbis dolorem Alidosium ipsum authorem tanti mali oblatum apud Rhauennam trucidauit. Quod facinus in sacratum hominem, quanquam ex eius malignitate non immerito, editum vsque adeo Pontificem alienauit, ut Feltrius Galli Regis auspicia se qui cogitaret. Verum in Iulio aliquanto post illa exardens ira deferbuit, quum post aduersum Rhauennate prælium Gallis Italia pulsus ingenti victoria potitus est, nec Feltrio veniam petenti studiosi suffragatores è Senatu defuerunt, quibus in gratiam Pontificis ita restitutus est, ut Pisauri dominatu indulgentia & liberalitate morientis patrui donaretur. Sed Leone decimo ad Pontificatum euecto contra ac rebatur multis de causis sæuum hostem expertus est, quum ille Laurentium fratris filium vel impudenti cum iniuria, Vrbinatum Principatu honestandum arbitraretur, quod tamen vel ab ambitiosa importunaque formina Alfonso Laurentij auidi iuuenis matre, nisi post mortem Iuliani Leonis fratris qui erat multis nominibus Feltriæ domui coniunctus impetrari potuit. Itaque Leo profana & sacra arma expediens imparatum immisso exercitu, cui præerat Rentius Ceres, tota Umbria atque Pisauo expulit; non secus ac Borgia Cæsar Guidonem Vbaldum ciecerat. Verum Feltrius non multo post coactis in vnum validissimarum gentium auxilijs, quæ confecto Veneto bello à Gallicis ducebus dimittebantur, vsque adeo graui impetu quæ amiserat recuperauit, ut Pontifici & Florentinis magnum terrorem incuteret. Feltrio namque aderant & studia militum & Populorum voluntates, & ingens animus cunctis militiæ laboribus atque periculis par, quo Metauro amne pedibus superato, quum ipse Hispanorum ordines præiret, & propemodum armatus & pedes enataret, Pontificius exercitus triplo maior ad primum hostis conspectum reformidata pugna in diuersa se recepit. Exinde Pontificij nusquam ferè vti multis affecti in cōmodis Feltrianos sustinuerunt, ac nisi Leo magnis propositis præmijs venales quosdam Hispanorum præfectos corrupisset, & Vgo Moncata Cæsaris nomine vniuersos ut Feltrium deferrent induxisset, graue profecto vulnus Leo accipiens, pudendi & parum æqui belli pœnas subiijisset. Eo modo proditus atque desertus Feltrius Fortunæ iniquitatē ea animi magnitudiue tulit, ut vbique Leonis hostes quæreretur, exortoque Gallico bello ad Lotrechium se cōferret, apud quem alienæ virtutis præcepta fastidientē sic egit, ut ille neque manu neq; cōsilio ipsius Feltrij vsus Mediola nensi Imperio a Cæsarianis & Pontificijs pelleretur. Cæterum in eavictoria

Leo

Leo mortem obiens inexpectatam, Feltrio recuperandi dominatus occasionem dedit, propensissimaque hominum voluntate in Umbria tanquam legitimus & exoptatus diu Princeps receptus est. Hæc tanta bellorum incommoda eum usque adeo nauiter erudierunt, ut aucta & confirmata virtutis opinione ab ipsis Florentinis, qui dudum hostes fuerant, tum denum a Venetis summum militaris Imperij decus promeruerit. Veneti autem exercitus factus Imperator, vti tempora & prudentissimi Senatus mores flagitabant, veterem suum pugnacis ingenij ardorem salubri iustæ & causæ grauitatis temperamento moderatus est, quum ei robustissimæ externarum gentium & inuictæ legiones sustinendæ potius cunctando, quàm prælijs lacessendæ viderentur. Ita enim patres bina Liuiani temeritate cladeque edocti, Q. Fabio parem, quàm M. Marcello ducem malebant. Existimabas propterea Feltrius, se fatis fortem vereque vtilem Reipublicæ operam laturum, si nihil amitteret, & nihil prælii alex qua vinci posset, subijceret. Ludificaretur hostis impetum, munitissima castrametandi ratione, & extraordinarijs prælijs, commeatu atque pecunia indigos perpetuo fatigaret, quum vniuerso prælio vbi opus foret certaturus crederetur. His artibus, contrà ac aliqui existimabant, qui temerè externarum gentium vim contundi & superari posse putabant, summo ipsius præconio Italia omnis seruata est, partusque sortitæ, paternæ ditionis Principatus. inuecta etiam hac qua respiramus tranquilla pace, in qua Feltrius supremis cogitationibus nihil prius expetebat, quàm ut in Turcas consensu Christiani orbis Regum iusta atque insuperabilia arma verterentur. Sed in hac honestissima cogitatione creptus est, nō fato quidem suo, sed malignitate quorundam, qui ei venenum misceri iussisse referuntur; vti ex certissimis quæstionis tabulis, & tanti admisi sceleris confessione constat, quum hunc quem virtutis merito colimus Guidonem Vbaldum, non Umbriæ modo dominatus, sed militaris etiam apud Venetos Imperij hæredem reliquisset.

ANTONII Francisci Rainerij.

Mars ense, clauam Alcides, dedit ægida Pallas
 Et tibi celestem tela trifurcâ pater
 Fulmina seu metuende manu, siue excutis ore
 Pars stupet ut celeri conijcis illa manu,
 Pars stupet altoque domum immortale Minerva,
 Vtique cohortantis defluat ore sophos,
 His tu, & robore a persunclis munere clauæ,
 Vnde tibi æternum ab robore nomen erit,
 Monstra domas, acies perumpis, concutis vrbes,
 Et latè vndanti flumine sternis iter;
 Quum patrias sedes, fustis tot millibus antè,
 Inuiclo & repetis regna superba pede.
 Dys gente & geniture Deos, qui cuncta novorum
 Et veterum æquiperas sortia facta Ducum.

Andreas Grittus

Venetorum Princeps.



NON rarum modò, sed prorsus admirabile intueri licuit in Andrea Gritto, qui nullo benigniore Fortunæ afflatu, sed vnus tantum inuictæ virtutis auspicijs Principatum adeptus est. Nemo liquidem ciuium æqualium suorum in ipso iuuentæ flore pulchrior: nemo quum vir esset & Senator, staturæ proceritate habituque oris & membrorum amplitudine celsior atque formosior fuit: nemo quum perpetuis ferè bellis legati functus munere periculosa arma tractaret fortior, vigilantior atque constantior fuit, sic vt postea mirum non sit quum vniuerso bello victor de restituto patriæ Imperio, non curru quidem laureato, sed opinione ciuium & studio gratissimi Populi triumpharet, si meritum decus supremumque in ciuitate titulum meruerit. Effectus verò Princeps, & suis insignibus exor-

natus

natus eam oris & personæ dignitatem prætulit, ut omnes faciliè faterentur incomparabilem aqua magnitudine corporis & animi, atque omnium bella, tum civili virtute extra inuidiam eminentissimum ciuem, supremo tanquam debito titulo fuisse honestatum. Cæterum Gritus qui vniuerso bello victor extitit multis aduersis prælijs insensæ Fortunæ suæ casus vsque adeo constanter tulit, ut rediuiua semper virtute, seipso maior & clarius appareret. Abduana nanque acie, qua nulla Veneto nomini funestior incidit, quanquam profligato caesoque exercitu effugisset, nihil tamen animum despondens maximo Reipublicæ commodo Taruisium conserpauit; amissumque scedè Patauium felici astu summaque virtute recuperauit, atque aduersus innumerabiles Cæsaris copias defendit. Brixia autem quum eam vrbem Dijs inuitis tueri conaretur, ea capta atque direpta à Foissio Gallorū duce in eius potestatem ita deuenit, ut in Galliam vltiorem carcere seruandus mitteretur. Conuerso verò ciuitatis studio quum Veneti Gallis propter Hispanorum & Germanorum offensiones scedere se coniunxissent, Nouariensis prælio dum rediret è Gallia spectator fuit; sic ut vix ei elabendi spatium daretur, quum Heluetijs Sfortiæ operam longè fortissimam nauantibus Gallorum exercitus concisus & profligatus fuisset. Vicentina porro acie qua temeritate Liuiani graue vulnus Venetis est inflictum, ita victoris hostis manus effugit, ut Vicentiæ obserata porta in murum funibus extraheretur. Nouissimè apud Mediolanum quum Piscarius cum Hispanis per suburbana castra in Gallica & Veneta castra perripisset, capto iam Theodoro Triultio, qui Veneti exercitus erat Imperator, Gritus paruo equi flexu è matibus hostium euolauit, deducantibus eum per obliquos tramites Græcis equis. Verum qui toties à Fortuna male mulctatus fuerat, supremæ victoriæ, & Principatus compos extitit, Grimanoque succedens præfuit Reipublicæ annos vndecim, octuagenarioque maior quum Fascolorū scutellam appetisset, obortis torminibus vita excessit.

ADAMI Fumani.

*Vt vigili doctoque ratius simul aucta Magistro est
Vndique ut aerij verrant freta cœrula venti,
Nec ventos, validasue timet secura procellas,
Credere sed pelago, ac magnis se fluctibus audet.
Sic Duce te vrbs prognata mari, sic Principe Gritte
Bellorum ut sciret magnos instare tumultus
Bellorum metuit nullos interrita casus,
Sed Martis dare se magnis cita motibus ausa est,
Ut ratia illa eadem docto si cassa Magistro est
Ut nulli nusquam turbent freta cœrula venti
Et ventos validasque horret male firma procellas
Credere nec pelago, aut vllis se fluctibus audet:
Sic Duce te vrbs bone Gritte, eadem sic Principe cassa
Bellorum ut videat nullos instare tumultus
Bellorum metuit cunctos exterrita casus.*

E c

*Nec dubijs dare se Martia cita motibus audet.
 Ut gregibus Tauri, turres ut manibus altis
 Sunt decori, ut pelago naues cingentibus undis
 Sydera uti radijs internitet aurea Phœbe;
 Sic tu, sic Venetum imperij dum sceptrum gerebas
 Notus eras Proceres inter bone Grutæ superbos
 Corporis eximia specie, virtute, animisque.
 Nostratum, o salve Heroum ter maxime, tu nunc
 Et nostra posthac semper celebrare Musa.*

P E T R I Aluari Romani.

*Magnanimi inuiclique Andrea picta tabella
 Quam cernis Grutti continet effigiem.
 Hic læuam toties Fortunam expertus in armis
 Fortunam intrepido pectora sustinuit;
 Mox pia se ad pacis conuertens munia, summos
 Pacatæ titulos promeruit patriæ,
 Consilioque graui labefactam restituit rem
 Et Veneti fines protulit Imperij.*

Iacobus V. Scotiæ Rex.



STVARDAE familie quæ Danicæ erat stirpis vsque à Sa-
 ladini Syriæ Regis tēporibus, Scotiæ insertæ, quinque Re-
 ges, serie nihil intercisa, eodem nomine ad exemplum Aeg-
 ypti Regum solis discreti numeris in Scotia regnauerunt.
 Constat enim Macolmum qui Rex in Scotia animi virtute
 memorabilis fuit, Valterium nobilem pariter atque impi-
 grum Duce[m] oriundum è Dania, virtutis causa ad Stuardi dignitatem eue-
 xisse. Quod in Syria insigni fama aduersus Saracenos Christianis in castris
 militasset. Eorum siquidem lingua Regij conuiuij magister Stuardus appel-
 latur: quod nomen postea in familiam transierit, quod profectio inauspica-
 tum quinque Regibus fuit. Nam primum huius nominis Iacobum Stuar-
 dum superbe regnantem coniurati familiares in cubiculo trucidarunt. Se-
 cundum autem hostile castellum incautius oppugnantem, diffracti aenei tor-
 menti frustulum interemit. Porro tertius à parricida filio ad Sterlingum iu-
 sta acie superatus atque interfectus cecidit. Quartus verò huius pater, quū
 absente Henrico Angliæ Rege, atque in Morinis aduersus Gallos bellum
 gerente, Angliæ fines inuasisset, à Surreio Britannorum Duce ad Floddon
 magna clade Scotis obrutis occisus est; superstite hoc Iacobo puero atque
 in Regni spem educato. Erat is natus è sorore Henrici Regis, quæ celebis
 pertæta thalami non diu in tutela filij permansit, quum Guliermo Angosio
 equiti Scotorum formosissimo nupsisset. Cæterum puer à nutricijs cum
 summa fide liberaliter educatus, uti erat forma insigni, Magdalenam Fran-
 cisc

cisci Gallix Regis filiam in matrimonium duxit Sed non multo post eam nulla suscepta prole amisit, sic vt iustis funeri perfolutis, suadente eodē Francisco Rege, nuptias faceret cum Maria Claudij Lotharingæ Principis fra-



tris filia. Hæc erat ex Andegauensis Regiæ familiæ stirpe orta, quæ veterum Prouinciæ Regum propinquitatem, & Neapolitani Regni iura respicit. His nouis nuptijs non diu lætatus est Iacobus, quum suscepta filia vsque adeo leui morbo succubisset, vt nonnulli veneno sublatum arbitrantur; postquam deceptis medicis, qui validissimis iuuentæ viribus polleteret, per interualla morbi concidisset; vt vxori acria bella à finitimis Anglis sustinent da relinqueret, appetente filiolum sibi in nurum Hernico Rege, vt ea cognatione Odoardus filius ex Ioanna Semeria susceptus, Angliæ simul & Scotiæ Rex efficeretur. Quæ res quum multis artificijs & machinationibus Anglorum tentaretur, & Dauid Conerus Cardinalis Scorus perfidia Normandi, & Ratunij comitis esset interfectus, atrocissima adduxit bella, quorum exitus fuit vt puella cū matre vidua in Galliā classe transfuecta Anglis connubij spē præcideret, & ab Henrico Galliæ Rege eius stirpi inserenda seruaretur;

*Si Rex, si iuuenis miserandum funus obui
Quid doleo? minime; quippe Iacobus eram.
Hæc pater, hæc atavi subierunt fata Iacobi,
Tam dira infelix omnia nomen habet,
Vt minus infelix hoc tantum exulto, Iacobus,
Hæres nullus erat tunc mihi dum caderem.*

Vincentius Capellius

Venetæ Classis Præfectus

H O C splendido thorace & purpurea trabea conspicuus fuit Vincentius Cappellius, quum apud Actiacum promontorium Ambracij sinus, coniunctis cum Auria classibus, cum Barbarussa prælio certaturus crederetur. Is ab initio æquæ grauis & fortis Senator, propter maritimarum rerum peritiam, acre & constans grauissimis in rebus iudiciū cum singulari vigilantia cōiunctum, facile promeruit, ut summus classis præfectus crearetur, & tum maximè quum aduersus Barbarussam Othomannicæ classis Ducem, abrupta vetere pace, foret dimicandum. Veneti siquidem Carolo Cæsari inauspicato frædere coniuncti consociatis classibus, contra veros hostes arma vertenda censuerant, tanta spe victoriæ, ut Barbaros tota maris possessione se depulsuros crederent; quâdoquidem ipse Andreas Auria cum Cæsaris classe primas in committenda pugna partes deposceret, seq̃ue ostensurum profiteretur quanto validiores, & ad rem gerendam paratiores Christianæ disciplinæ triremes Barbaricis forent, quæ nouo rudique remige, & non magnopere peritis gubernatoribus vteretur, præter quàm quod numero etiam multo plures essent, & in quo victoriæ certa spes sita videretur, ingentium etiam nauium præsidio confirmatæ; ad quæ scilicet præalta nauigia instructissimæque tormentis, tanquam ad Castella sese recipere posset, in omnem hostilis audaciæ vel turbati maris casum. Erant enim in vtraque classe Cæsariana & Veneta triremes rostratæ centum triginta quatuor; onerariæ autem naues septuaginta tres præter tres ingentes Galeones stupendo tormentorum apparatu instructos. In nauigijs porro quæ Carthesia in malis ferrent, & velis tantum agerentur, imposita erant circiter decem milia delectorum peditum Hispanici præsertim & Italici generis. His Valerius Vrsinus, illis Ferdinandus Gonzaga præerant. Quibus classibus à Corcyra in Ionium eductis, tanta exorta est apud nostros alacritas pugnandi, tantusque iniectus Barbaris metus, ut Barbarussa conspecta classe nostra Ambracio sinu inclusus nequaquam his arctis faucibus quæ sunt ad Nicopolim quam Preuelam vocant, egressurus crederetur; quod non amplius quàm octuaginta triremes rostratas, & sine rostris quadraginta biremes haberet, nec periculosissimæ senex suarum conscius virum paruipendenda maiora nauigia tot instructa tormētis existimaret. Sed nostri qui in conspectū Nicopolitanæ

Nicopolitane arcis prodierant, inexplicatis consilijs ita hæserunt, ut quum frustra elicere hostes procurfatione conati essent, Ferdinandus Gonzaga exponendum esse peditatium, & Nicopolim quam paucis ante diebus Grima-



nus Patriarcha fauces ingressus cum Pontificijs triremibus expugnare frustra adortus fuerat, omnino aggrediendam, atque expugnandam censeret; & è terrestri demum sinus supercilio Barbarorum classem tormentis inuadendam arbitraretur. Ea res apud quosdam probari non poterat, quod dubium euentum habitura videri posset, si post expositos milites aliqua se uior incideret procella, quæ seruandam classem, desertisque militibus in tuam stationem reducendam ostenderet. Quid enim incommodius & asperius pediti relicto accidere posset, quam ut ab equitatu qui Grimanianos in mare cum cæde propulisset, opprimeretur, simul & à classiarijs Turcis inuaderetur; quum nullo desertus in terra classis subsidio protegi posset? Itaque Auria quum ad eum Cappellius scapha vectus ad puppem proueheretur, peteretque quid sibi agendum foret, & se promptissimam operanti

vt iuberet præstiturum polliceretur; ei totius studij & alacritatis gratias egit, & vt suo ordine consequeretur admonuit, classemque ad Leucadis promontorium direxit; ratus aut Barbarussam faucibus egressurum, præliique committendi occasionem præbiturum; aut si cessaret, & sinu se contineret, vt metu occupatus, vetere existimatione gloriæ nautalis spoliaretur. Ipse vero superata Leucadis Insula, quæ Nerichos olim, hodie sancta Maura dicitur, ad Naupactum descenderet, totumque sinum à dextra læuaque ferro & incendijs deuastaret. Sed magno miraculo portentoque, ventus qui ad cursum erat secundus ita flare desiit, vt vela nauium dudum plenissimè in flata conciderent, tantaque oriretur malacia, vt si rostrate nauigio vti vellet, necessario onerariæ immobiles essent relinquendæ. Hac inopinata re, sicuti Auria & Cappellius vehementer sunt perturbati, ita Barbarussa occasione suæ non defuit, classemque faucibus mira celeritate eduxit; primum que omnium, sinistrum litus apprehendit, obuensis ad terram puppibus, vt si quid durius ab hoste accideret cum è litore, tum ex nauibus decertaret, tanquam nullam omnino maiorem, quàm nauium, seruatis cum remigepugnatoribus, iacturam facturus. Verum quum nostros nouitate obortæ tranquillitatis præditos, consilijque prorsus inopes, magnarum nauium fluctuantem classem circumire, nec se expedire ad pugnam conspiceret; in eos directæ suæ classis acie inuectus est, quum ipse mediam teneret aciem, & hinc, Sinas cognomento Iudæus, & illinc, Saleccus archipiræ illustres præessent. Tanta autem perturbatione omnium tantoque tormentorum strepitu res eo die nostris infausto acta est, vt nullo nobili congressu cæpto dissipati in fugam verterentur, & Barbarus obstupescens nostrorum ignobilem trepidationem cum risu demum conuersas in fugam puppes contemplaretur, ipse duas interciperet triremes, & nauigia nostrorum maiora circumducta corona triremium diu tormentis verberaret; atque interim recentissimo oborti curi flatu incomparabili Fortunæ beneficio è manibus Turcarum nostra classis eriperetur: quam ingruente nocte minimè persequendam Barbarussa iudicauit, quum singulari hercle suo, nostris verò parum felici spectaculo lætaretur, maximèque rideret quòd trium prætoriarum lumina ignobili exemplo abiecta esse conspiceret; tanquam ea ab extremo pauore vltro extincta fuissent. Capellius atque Auria continenti cursu Corcyram peruenerynt, quum nullus omnino præ pudore locus mutæ consolationi esset relictus, & eos postridie ad Paxam vsque Insulam hostis esset persecutus. Tum enim non obscurè ad mutuam ignominiam obtrecentes, de inuadendo Dyrrachio frustra consultatum est; vt infamia quoquo modo sarciretur communi consilio Castrum nouum in Rizonico sinu expugnarunt; neque quisquam eorum culpam pudendi euentus nisi perplexè reiecit, vt ab utroque opportuna Historijs nostris percunctatione didicimus. Cæterum Cappellius multis argumentis vt erat apprime facundus nominis sui famam egregiè defendit; agensque quartum & septuagesimum ætatis annum, integra apud ciues dignitate fato concessit.

I O V I I Iunioris

Classē in Lencadij fluctibus æquoris
Instruatam Veneto milite viderat
Letam verrere Pontum
Nimborum Pater Aeolus;
Ira quam veteris conscius aspera
Iunonis, miserum in Dardanidum genus,
Leni murmure ventum
Spirantem, Aeolio in specu
Inclusum tenuit. Quæ celeri modò
Lapsu vix pelagus contigerat ratis
Auræ flatibus acta,
Et remo inuolitans leui;
Nunc immota iacet per freta languida;
Tum classē implicitam, lapsaque Carbasa
Risit Barbarus hostis
E fluctu Ambracij sinus.
Contra seua Deum fata CAPELLIVS
Ibat præda (nefas) militis impij,
Ni Classē inferat Euræ
Servatam ad patrium mare.

Franciscus Borbonius


Anchianus Gallorum Dux.



N E M I N I huius sæculi procerum, natalibus ac honoribus insigni petulantius ac acerbius illudit Fortuna, vti lubrico suo vestigio semper incerta & insolens, quàm Francisco Borbonio cognomine Anchiano. Hunc enim natura maximè decorum fecit; Regij sanguinis domus totius Gallie nobilissimum edidit; gratia autem Regis usque adeo extulit, vt penè prius Dux quàm miles in castris conspectus, imperatorij insignibus ornaretur; eique demùm Lauream triumphalem ætati eius intemperanter indulgens, & plena doli Fortuna tribueret, quàm ad Ceresolam ipsius Dauali Vastri, et atq; inuicti nominis Ducis profligato exercitu, trucidatisq; Germanorum legionib; incomparabilem & planè nouam de Cæsarianis copijs victoriam retulisset; subindeq; obsessio Cariniano iuxta Padum oppido, & ex longa pertinacique obsidione perdonitis fame Hispanis atq; Germanis victor extitisset. Sed

Ee 4

Anchianus his rebus quæ præclaræ memorabilesque fuerant, cum insigni gloria gestis, quum ad Franciscum Regem in Galliam redisset, vt eius victoriæ gratulationibus apud suos frueretur, impetraretque præmia militi-



bus suis, qui maximè eo prælio strenuè dimicassent, fortè ex consuetudine generis alacritateque aulæ, ludicrum institutum est spectaculum, quo oppugnati defensionisque oppidi simulacrum edebatur. Ea contentio militaribus armis instructa prouectaue ardentius, vt maior illustribus sceminis voluptas pararetur, cum habuit exitum, vt ipse Anchianus florentissimæ iuuentutis Princeps dum scalam apponit, & per eam audacter subit, temerè prouoluto à defensoribus prægraui cophino ex scala deturbaretur, nec multo post luxata ceruice contractoque cerebro idem modo felicissimus & puncto temporis miserrimus lugente Populo conclamatus expiraret; Ita vt quæ nuper armatæ Cæsaris phalanges, pugnantem superare nequierant, miserabili in ludo per iocum sterneretur. Hoc tam functæ commiserationis exemplo iuuentus per se seruida, periculiue omnis faciliè contemprix,

ut cautius & temperatius contentiosis spectaculis vacaret, admoneri potuit; quum plerique dictum Othomoni Gemis ad memoriam reuocarent. Is enim quum Romæ in libera custodia apud Alexandrum Pontificem seruaretur, eumque humanitatis causa Ascanius Sfortia ad equestres ludos deduceret; interrogatus, an ea nostri moris spectacula in quibus nobiles cataphracti hastis inter se concurrerent, & sæpe excussi ephippijs solo deturbarentur, ei placerent, vir grauis responderat, Inanem esse, gloriosam, penitusque fugiendam, quæ tanto vitæ periculo à nostris peteretur. Propterea Turcas suos omnino sibi prudentiores videri, qui non per viros nobiles & fortes milites, vti nostri, huiusmodi spectacula ad voluptatem populis concessa, sed per seruos in quibus si casu affligerentur, aut perirent, minima esset iactura, edere consueissent.

RAINERII.

*Aspice quem Regno subnixum Regia proles
 Flagrantem armorum laudibus extulerat.
 Hoc duce magnanimi cecidit vis bellica Vastæ
 Germani & toto procubere solo,
 Gallica tum latis se sustulit aurea pennis
 Gloria, famæ auidi laudibus Anchiani,
 Inuidit Mars, & iuuenem simulacra cientem
 Martia, nube cana textit, & eripuit.*

Carolus Aurelianus

Francisci Regis Filius.



AROI V 3 Aurelianus è tribus Francisci Regis liberis postremus hoc prominente naso ingenuisque oculis & roseo colore paternæ similitudinis, atque item liberalis splendoris & bellicæ virtutis specimen referebat. Huic lustrico die ad Christiani baptismatis fontem Abdenago nomen fuit, imponente id Ioanne Despachio Heluetiæ gentis legato, qui ad confederandam sacro eo vinculo priorem amicitiam, cõpatratus honoris fungebatur. Repetebat autem id nomen ex Mosæica Historia, quod trium ibi puerorum ex camino ignis ardentis Deo magno laudes psallentium & euadentium postremus fuisset Abdenago; non admodum in falsa comparatione Regiorum liberorum, qui pariter Deo magno cordi forent, sicuti illi ab incendio magni numinis misericordia seruati fuissent. Sed huic bono alioquin omni religiose concepto felix euentus defuit. Nam sicuti primum nomine Franciscum, vti erat titulo Delphinus destinatum Regno iniqua fors fati, ingruente in Prouinciam hoste Cæsare apud Auinionem sustulerat, ita hunc quoque, ex pestilenti morbo approperata dies atra surripuit; eo grauiore Francisci patris dolore, quod bello

Belgico triumphalis Laureæ decus promeritus, pace demum cōfecta, apud urbem Suefionum certo fœdere sponsaliū Cæsari gener ascisceretur, cui Cisalpinæ Galliæ Imperium Augusta liberalitate esset cōcessurus, vī ex ea tan-



dem Mediolanensis dominatus controuersia renato toties bello, exoptatus cunctis Europæ gentibus finis imponeretur; ob id aliquanto grauior & luctuosior Insuorum quàm Galliæ populis Caroli mors fuit, quando hi qui summæ spei iuuenem amiserāt, superstitie atq; incolumi Henrico Delphino, vel immaturi fati iniuriam æquius ferrēt; illi verò grauiſſimis bellorū & tributorum incommodis afflicti, & à Cæsarianis militibus inclementer expilati, tota spe pacis & speratæ tranquillitatis, puncto temporis decidissent,

IVLII Iouij.

*Te fera mors Carole eripuit florentibus annis
 Insubriae Caesar dum tibi regna parat,
 Illa dum extinctum ingemuit, te sospite, nam se
 Crediderat tantis posse carere malis.
 Insubriae, & Gallis raperis, maiora sed illi
 Damna tulit, mors tua quàm patriæ.*

ALFON.

Alfonfus Daualus Vastius.



QUONIAM honestissimo præcellentis & merita laudis præconio te ornauerim Alfonse Dauale, idem mortalium formosissime & fortissime Ducum, qui cunctos seculi nostri triumphales Duces magnitudine animi, & perpetuo immensæ liberalitatis splendore superasti? unde hoc vnum tibi peculiarare decus paucis concessum aut usurpatum compararis, scilicet vt post deuictos hostes humanitatis & pietatis iura tueri, totius elegantia studia prouehere, subleuare virtutem, ingenia fouere, & clementia laude potiri, nec obiter quenquam vel hostem diu miserum esse pati condisceres. Quod si naturæ tuæ absolutæ virtutis amore deflagranti, vt tantum posses quantum velles Fortuna tribuisset, iam plerique magni Reges infra gloriæ tuæ gradum positi conspicerentur. Hoc facile nos singularum prope actionum tuarum vel bello vel pace prædari testes, existimare, & cæteris

confirmare possumus, ex religiosa historiarum fide quas freti conscientia in tegri pudoris, cum viuis ad oblectationem tum posteris ad exemplum edidimus. Quo fit vt huius seculi iocundissimum Etrusci carminis vateri nō omnino fabulosum existimari velim, qui te Dauale Heroem atque alterum propē Herculem aeternis fortasse carminibus secit, quum ex lepidissima fabula monstrum horribile & truculentum quod immanis auaritiæ nomen ferret, in Europa natum, dirisque dentibus & pestilenti habitu obuia quæque vastantem decantaret; ad quod opprimendum honestissimi quique atque fortissimi inusitatae palmæ decus quærentes vndique concurrerint. Sed plerique eorum vsque adeo feri monstri aspectum reformidantes ita hæserunt, vt in id eminus tantum iacula contorquerent, congressuque pauentes abstinerent, donec superueneret tres indytæ virtutis impauidi bellatores Leo scilicet decimus, Maximilianus Cæsar, atque ipse magnanimus Galliarum Rex Franciscus. Hi namque vno tempore immanem belluam adorti, impotenter reluctantem præcæcis vulneribus confauciarunt; sic tamen vt ea cruento rictu resurgere posse videretur, nisi opportuno superuentu Daualus auratis in armis conspicuus Heros adacto per vitalia vehementi mucrone confecisset. Quod herde insigne spoliū de monstro tanquam de subacta auaritiæ rabie fortiter relatum inter tot tua Alphonse maiorumque tuorum domestica trophæa, quæ de victis captisque Regibus penates tuos exornat, nobilius, & ad famam quoque perennius erit. Sed Daualum tantis præditum virtutibus, Fortuna auctæ felicitati, & crescentibus honoribus semper infecta vehementissimè perculit, quum ad Ceresolam ei speratæ victoriæ decus eripuisset, egregiè ex aduerso vincentibus Gallis; vnde illi non toto vertente anno ex non dubio indignantis animi dolore maturatus sit vitæ exitus. quintum siquidem & quadragesimum agens annum in secessu Viglebani oppidi podagra vexatus excelsit è vita; nulla alia re prorsus felix quam vetere sua gloria, & liberorum summæ spei conspectu, fidelibusque Insubrum lachrymis, quum intempestiuè bono publico ereptus tumularetur; qui moderatè ac humaniter, quantum sæua tempora tulerant, auspicijs Cæsaris imperasset.

FAERNI.

*Destituti flete ciues magnum Vastî Principem,
 Deplorate raptum vobis præsidem iustissimum
 Luctuosa triiste funus prosequentes nenia.
 Ille vestra semper auxit ciuitatis commodas;
 Ille ius et æquitatem conseruauit publicam;
 Inque senis sæpe bellis sospitem urbem præstitit.
 Quare maxîmi flete ciues magnum Vastî principem,
 Deplorate raptum vobis præsidem iustissimum
 Luctuosa triiste funus prosequentes nenia.*

PARTHENII Parauicini.

*Siste gradum sacrique hospes decora alta sepulchri
 Et molem ingentem, spolijsque insigne trophæum*

Flaud

*Haud mortale opus, & manes venerare beatos.
 Ipse olim celebres Vasti dum solueret umbris
 Inferias, meritoque ducem decoraret honore
 Armipotens, Libyco, Galloque ex hoste recepta
 Hac spolia, hanc magnus sacravit manibus aram.
 Tunc etiam percussa graui Bellona dolore
 Turbat, usque effusa conas Tritonia virgo
 Funebrem ad pompam, exequiasque ingentis alumni
 Conueniant, & Martis opus dignumque laborem
 Concelebrant, lustrantque rogum donisque parentant.
 Tum lectos urna cineres iam rite peractis
 Exequijs, pariter suprema voce saluant.
 Inimici, o cineres, queis haec lenius inclita virtus
 Ausonia enituit, longe victura superbas
 Pyramidus fama, haec vobis monumenta dicamus.
 Aeternamque aram, vobis decora omnia belli
 Cedimus, & nostros iam nunc largimur honores,
 Hinc igitur caco bellorum virgente tumultu
 Duces responsa petant, huc hoste furato
 Sacra ferant, praedas, atque arma hostilia figant.
 Vestraque votiuus placent sibi numina donis.
 Hic pulchra virtutis bonos, haec praemia sunt.
 Hac Maiores, comitesque duae, pullatus Apollo
 Excipit, & mastia Aonidum cingente corona
 Flebilibus reperit numeris. mox numine dextro
 Ferrea concordēs voluerunt flamina parcae.*

Henricus VIII. Angliæ Rex.



VIXIT socios (vt Poeta fecerunt) Circæ illecebris inferas mutatos quisque facile crederet, qui Henricum Octauum Angliæ Regem nouerit, & tragædias eius aulæ, vastæque Britannici Regni incommoda perspexerit vel audierit. Nemo siquidem ætatis nostræ Regum aut forma corporis spectatior, aut alitudine eruditi ingenij nobilior, aut opum & virium magnitudine validior, aut denique (quod virtutis atque fortunæ munus est) amplissimis victorijs clarior atque celebrior fuit. In Gallia Gallicum nunquam ferè antea victum fuderat equitatum, & validissimas vrbes in Morinis & Neruijs ceperat. Scotos se absente, & in continenti transuectis copijs bellum gerenti, Angliam adoriri ausos per Surreium Ducem ad Floddum interfecto eorum Rege, ad internicionem totius propè nobilitatis profligarat, & cum magna gloria præclaræ pietatis Iulsum Pontificem Gallorum oppressum armis euexerat, Clementemque item dea,

fario impetu Cæsarianorum militum post euastatam Vrbem captum, prijs armis adiuuerat, sic vt inter Reges belli & pacis grauisissimus disceptator, & arbiter haberetur. Sed malo quodam fato inuasit demum tam nobile, tan



tisque naturæ, atque fortunæ bonis cumulatam & illustre ingenium pestilens Erynnis inferorum excita sedibus. Infano namque amore Rex ita percitus est, vt Catherinam vxorem quæ Ferdinandi Hispaniæ Regis filia fuit, ipsiusque Cæsaris erat matertera, repudiaret, vt Bolenia adamata in maritalem thorum duceretur. Verùm hanc adulterijs & incestui ream, mortuam Catherina, carnificis manu decollari iussit: ac tertio loco lectissimæ pudicissimæque Semeræ Anglici sanguinis, regius thorus paratus est. Hac vero ex difficili puerperio enecta, Cleuensẽ Sicamborum Reguli sororem quarto loco duxit. Postquam etiam repudiaram, quod ad genium intentæ libidinis minimè respondi sset, Hauardam Surreij victoria Scotica indyti neptem duxit, quam postea quibusdam veteris impuditiæ criminib. circumuentam, capitali affecit supplicio, vt Pariæ quamquam viro orbatæ sexto connubio iungeretur. Verùm hæc tanquam leuia Regiæ libidini & voluptati

ptati condonari posse credebantur, nisi tot repudijs, vxorumque cædibus Rex infamiam maiorum religione defecisset, Phiserio & Moro summæ virtutis & sanctitatis proceribus, qui sacrorum antiqua iura ardentissimè tuebantur, crudelissimè trucidatis; quorum hic erat Epistolarum magister, ille verò à Pontifice in senatum lectus. Nec multum inde infamia sua præceps, in inuidiam atque odium Romani Pontificis, qui primæ atque legitimæ vxoris repudium seuerè fuerat detestatus, in templa grassari cepit; donaria, vasaque sacrata, antiquitus altaribus dicata sustulit, & conflagravit, Cœnobია euertit, sanctissimorumque martyrum ossa & cineres sepulchris eruta, in Themelium amnem, aduehenda in Oceanum proiecit. Impotenter quoque sacrorum effectus Princeps, sacerdotiorum redditus & latifundia in hunc redexit, promulgauitque leges, quibus cuncta vel diuini vel profani iuris ad arbitrium reuocaret. Nec satis erat multorum opes occupare, nisi inauditam cogendi auri atque argenti sitim humano cruore restingueret. Sustulerat namque nobilissimos equestris ordinis proceres, quum modo auaritia inextinguibilis, modo seruidæ libidines, modo ex scelerum iniurijs parta odia perpetuam accusationum & damnationum materiam suppeditarent. Itaque paucissimis annis, secus ac antea fuerat, irritata tigride læuior effrato lupo rapacior, scæta læna rabidior, & siti exusto dracone virosior euasit. Neque vllum omnino cœleste numen repertum est, quod hæc latè serpentia mala compesteret, aut vindicaret. Magno quidem humanorum votorum ludibrio, vel propterea quòd immanibus eius consilijs singuli rerum euentus secundissimè responderent. Supremo namque bello Gallico post Hyberniam Insulam rebellantem, armis perdomitam, Bononia vrbe ad Oceanum fortiter expugnata sit potitus, & hunc quem è Semeria susceperat Edoardum filium, Regni hæredem reliquerit, quem ex indole ingenij specieque oris Regale decus præferentem spectas eadem in tabula iuxta patrem scitè pictum. Hunc Dñ Dæxque omnes seruent si paternæ virtutis potius quàm sæuitiæ atque impietatis æmulus esse velit: Cæterum Henricus septimum & quinquagesimum agens annum Gangrenæ morbo, qui si nistrum crus atrociter exederat, postridie Calen. Februarias succubuit, puer to auunculum Semerum relinquens.

L A E L I I Carani.

*Clara velut magnum cognouit Roma Neronem,
Asperitas cuius maxima in orbe fuit,
Secula sic Regem aspexerunt nostra Britannum
Qui pietate magis splenduit atque magis,
Attamen hoc fatear Nero, te superasse Britannum
Crimine, quod diuos temnere non timuit.*

Piratæ Tres Turcarum

INCLYTI Nominis

HORVCCIVS.



TRINVS his tabulis ad veram effigiem repræsentantur duo Mitylenæi fratres Hariadenus & Horuccius, quibus idem Barbarussæ fuit cognomentum, qui magna vi corporis atque animi ex Lesbo insula piraticæ operam nauantes, & terra marique famam nominis fortiter atque feliciter extendentes, ad magnas opes, atque inde ad regale demum fastigium in Mauritania conscenderunt. Cæterum Horuccius terrestribus potius copijs, & nobilioribus ausis inualuit, quàm nauali disciplina, quam pene totî Hariadeno

Hariadeno fratri reliquerat, postquam ad Bugiam Numidiæ urbem dum arcem oppugnaret, tormenti ictu dextram amisisset. Non demisit tamen in ea calamitate animum, ut qui ferrea manu ad cubitum religata cum Numidis & Mauris regulis continenti bello sese vehementer exercuerit. Verum eius conatus qui toti propè Mauritanix usque ad Tremisenios & Fessanos Reges maximo fuerat terrori hunc tulit exitum, ut ab Hispanis equitibus qui Tremisenio Regi auxiliares aderant equestri fufus prælio interficeretur, nequicquam longissimo cursu fuga per arenosas solitudines extenta & effuso passim auro, ut persequentes distineret. Per hunc modum Hariadeno Algeri Regnum celsit. Is quidem par Horuccio fratri cum animi magnitudine, tum immensa vi corporis, & bellica virtute, sed Fortuna aliquanto superior. Nam Hariadenus navali innixus disciplina, ita paucis annis potens, ascitis sibi prædonum audacissimis, & formidandus euasit, ut vndique oram Hispaniæ atque Italiæ, Insulasque ad vnum omnes Mediterranei maris impune popularetur, & demum ex fama rerum gestarum Solymanus virtutis causa, Othomannicæ cum classi præficeret: Cuius imperio euectus & confirmatus, Muleassem Tuncti regnantem & cum fratribus de Regno contendentem, astuta societatis simulatione depulit; seque Regem per domito armis Tunetano populo impotenter effecit. Sed non diu tanto Regno lætatus est: nam Cæsar incomparabili virtute pietateque cum validissima classe numerosoque militum & tormentorum apparatu aggressus, magno Christiani nominis commodo & singulari sui nominis gloria, ita expulit, ut multo maxima parte classis spoliatum in fugam conijceret; restituto subinde Muleasse certa pactione exigui tributi, quod is regendis Africæ populis propter vetustatem imperij & Numidarum amicitiam potior habere tur, & Turcis prædonibus foret insensibilis. Verum Hariadenus tanta inuicti animi exitit fortitudine inter ea summæ calamitatis detrimenta, ut reliquam classem quæ ad Hipponam subducta, semique demersa fuerat, incredibili celeritate educeret, & Cæsarianarum trirremium persequentium diligentiam effugeret; nec multo post Byzantium proficisceretur. Eum Solymanus usque adeo sereno vultu excepit, ut cum magnopere laudaret, consolareturque, quoniam famæ iam pridem partæ satisfecisse censeretur, quod nullis adiutus auxilijs, potentissimi Christianorum imperatoris impetum sustinisset, atque inde cum parte classis incolumis Algeri adhuc Rex se recepisset. Non enim classem neque milites, neque etiam Regna, toties spectatæ eius virtuti vnquam defutura: extemploque eum, contra ac plerique Turcæ proceres rebantur, confesso ordineque purpuratorum dignum existimauit, oræque maritimæ præfectum & Bassam appellauit. Inciderunt demum grauissima bella, ruptis inducijs inter Cæsarem & Franciscum Galliarum Regem: Qua de causa Galliam premente Cæsare, & Britannis in societatem eius belli in continentem perductis, missus est Hariadenus cum ingenti classe, qui Gallo amico Regi opem ferret. Verum ea classis terrori potius quam magno vsui Gallis fuit. Nam Hariadenus Nicæa capta, arcem expugnare non potuit, hyemareque in Prouincia apud Tolonem coactus est, sequentique anno vastata Etruriæ ora, atque Insulis Iluæ, Igyllo, Aenaria, & Lippara immani populatione afflictis Byzantium rediit.

Hariadenus Barbarussa.



nulla re gloriosior, quàm quòd paulo antè ad Aetium promontoriũ Cæsarianæ & Venetæ clasis cum ignominia nostra fugientis puppes cõspexerit, & in Rizonico deniũ sinu Castrũ nouũ paulo antè à Cæsarianis captũ terra marique fortiter adortus ita recepisset, vt ibi quatuor serè milia veteranorum Hispanorũ trucidarit. Cæterum quũ Bizantij tantis rebus gestis apud naualia ædificandis triremibus multus incūberet, octogenarius senex, & multo grauis abdomine, venerique interdũ indulgens, in morbũ incidit lètoris diarrhoeæ, sic vt vitalis calor, crura femoraq. sensim defereret. Sed Iudæo nie dico tenellæ ætatis pueros locis affectis applicâte, aliquandiu labantes spiritus viresque refouit; donec febris oborta eum extingueret, sic vt Asanem filium quem Algerij Regem imposuerat, suæ peculiaris clasis & seruorum, totiusque fortunæ suæ indulgente Solymano hæredem relinqueret.

AT



A T Sinas hic cognomento Iudæus qui altero captus oculo, cum Barbarus
fa pictus conspicitur nequaquā eandem fortunā quam Mitylenæi fratres
experti fuerant, sortitus est, quanquā disci plinæ naualis esset peritissimus so
lerti que præditus ingenio prædonum prudētissimus haberetur. Ipso quidē
Hæriadeno cōstantior in cōsilijs, & moribus temperatior. Seruos enim mi
tius exercebat ad remum & benignius alebat, utpote qui valetudinē eorum
benignissimē curaret, neq; enecandos perpetuis flagellis existimaret. Multā
porro syderalis scientiæ, nauigatoriæq; mēbranæ notitiā hauserat, magnū
vsum in agnoscēdis tempestatibus, de natura cœli & nubium, naturæque re
cellsum & tempestatū maris perceperat. Quarum rerū opinione adductus
Solymanus eum Rubro mari, atq; Indico præfecit. Nam Turcæ paulo an
tea Solymano Epirota eunucho duce, qui postea inter Bassas electus est,
intercludere Lusitanorum nauigationes cogitabant, quæ ex India Aro m atū

merces in Europam aducherent, magno quidem Memphitici portorii, & Othomannici vectigalis detrimento. Qua de causa Sinas apud Thorum atque Suetiam intimi sinus Arabici portus, classem aedificabat, ut ea in Indiam prouheretur. Sed senem Smyrnæ natum durior Aegyptij coeli indementia tentauit & celeriter extinxit, eo exitu ut se à vita felicem excedere putaret, postquam id superi concessissent, ut Zabachem filium Tuncti olim captum, post limino sibi redditum videret, & eius complexu potiretur. Hunc ad eum tanquam veterem amicū, sodalemque Hariadenus à Populoniae Regulo concessum, magni instar muneris, ad mare rubrum usque miserat.

PETRI Angelij Bargæi.

*Ecquis Protegenes, ecquis tam doctus Apelles
Hanc faciem, hæc clara splendentia lumina flamma
Punxit, & hos viua viuos in imagine vultus?
Nam (memini) sic ipse oculos, sic ora ferebas
Inuicte Hariadene: acri dum milite septus
Vrgetes hostem, & fulcres nauibus aquor
Ut durum ut seuum spirat: frons horrida Martem,
Ut cadem munitatur adhuc, ut viuida virtus
Quaque arces, quæque olim vrbes, quæque ardua muris
Oppida desecit, quæ regna opulenta subegit,
Ostentans se se medio in discrimine belli,
Indicat aduersas quantum contemneret iras
Fortune: quantis rerum versaret habenas
Consilij, si quando aura impleretur secunde
Carbasique cursuque tuos, nec pectore magni
Defecere animi quanquam natalibus ortum
Obscuris, quanquam maiorum exempla sequentem
Nulla: truces ut non sceptro spoliare superbo
Auderet, ipsosque sua de sede Tyrannos
Eicere & victis Libyæ ius dicere Regnis.
Te te vnde tremere omnes, quas vltima Calpe
Aspicit occiduas, vel quæ prospicit Arianus
Littora multifidus: nec non quæcunque procellis
Insula Ionio in magno tunduntur & Euris,
Quin' etiam ipsa tuas olim Phæacia Tellus
Deuastata manus sensu. quo tempore Iberus
Dalmaticos multo tepefecit sanguine campos.
Scilicet innumera tum vos toto aquore classes
(Proh pudor, & labes nullis abolenda diebus)
Fugistis fultum nec Dys, nec viribus aquis.
Ergo iterum Aëliaci Phæbus miseratus ab arce
Ionios Italo perfusus sanguine fluctus,
Corporaque Aegæis fluitantia vidit in undis.
Nec fuit indignum superis cepisse potenti
Omnia tum primum dextra parere Tyranni:*

*Atque hostem Ausonios ferro populare penates,
Nostrarumque vinum exilio se accingere rerum.
At tu magne Senex ne dira incendia mente
Concipe, neve in nos flammato pectore seni,
Illustres delere velis ut funditus vrbes,
Argiuorum vrbes quondam decora alta tuorum.
Sic vicisse satis: sat sit sum pisse cruentas
Horribilem dextram victo de milite pallas.*

Franciscus Primus

Galliae Rex.



OC illustri planeque Regio generosae frontis honore, atque hoc cultu splendoreque armorum Franciscus Galliae Rex primus in aciem prodire, & dura Martis munera obire erat tulens. Hunc nemo Galliae procerum vel excelsae staturae proceritate, vel habilium ad arma artuum firmitate, vel impavidi & semper constantis animi vigore aequabat. Nemo Regum candore animi, clementia, & pietate anteibat. Nemo denique mortalium praesto viuidi ingenii lumine, & quod incomparabile in eo vidimus, expedita maximeque tenaci, & rerum & nominum memoria superabat. Summa siquidem in eum naturae aspirantis dona, superi adeo cumulare conulerant, ut certo & iocundissimo insignium virtutum concursu, haud dubie felix posset existimari, nisi eum tractantem arma Fortuna Caesaris ex professo tantis belli pacisque artibus adversa, saepissime fefelleret. Neque enim haec, ut illi, virtuti fida comes esse voluit. Scilicet ne obstaret satis Caesari Italiae Imperium despondentibus. In hoc tamen secundissimo suo cursu eadem Fortuna quae perenne studium in Caesarem extenderat, tanquam certo pudore victa, id Francisco praestitit, ut saltem & libertatem Galliae sibi cordi esse, tot adversis bellis ostenderet, pararetque subinde pacem restinctis undique bellis, ut Franciscus sua inuicti animi magnitudine proculdubio felix moreretur. Quartum siquidem & quinquagesimum natus annum extinctus est, quum forte ex nimia iactatione equestri, qua ille immodice venabundus utebatur, ei enatum esset circa sedem malignum vlcus, & sensim collabentibus viribus ignobili in vico, cui Rambuleto nomen est, Regum nobilissimus defecisset, eo quidem tranquilliore abruptae vitae excessu, quod Henricum filium, qui iam constantissimi bellatoris, & prudentissimi Regis praeclarum specimen non vno in loco praebuisset, tanti Regni haereditem relinqueret, cum bona etiam spe posteritatis, quando iam ex eo auitae indolis nepotem amplexeretur.

Franciscus Primus

Galliae Rex.



IOANNIS Bellai Cardinalis Parisiensis.

*Gratia, forma, decus, probitas, facundia, candor,
 Religio, charitum spes, amor Aonidum,
 Ingenij, atque animi vis admirabilis, vno
 Cuncta haec tumultu, Rege iacente, iacent.
 Fortune est quicquam si defuit; hac age, vince
 Errice, & reliquis equiparato patrem.*

IO. BAPTIS.

IO. BAPTISTÆ POSSEVINI.

Effigiem Rex magne tuam, tuæque inclita sæcla
 Consecrat excelsis scripta voluminibus
 Musarum in templo, patri prope littora Lari
 Æterna locius conditor historia;
 Quodque ex te perijt, fallax pictura reponit,
 Quod viuit, viuum pagina fida facit;
 Vt spectent oculis mirantibus ore nepotes
 Quæ decuit terris, & dare iura mari,
 Et simul annales rerum memorande tuarum
 Franciscæ, arreclis auribus excipiant,
 Vt bello Heluetias viduaris ciuibus vrbes
 Quum tegeret molles prima iuuenta genas.
 Vt fortes idem Insubres, & Belgica Regna
 Nomine pene ipso debita Regna tibi.
 Quæ pater Eridanus violentis voluitur undis
 Excusso impuleris subdere colla iugo.
 Vtique urbem dominam, septemque receperis arces
 Excidio ex magno, seruitioque graui,
 Acceptos tibi Romæ Deos, sanctoque Tonantis
 Fungentem in terris munere, grata refert,
 Quos tu pugnaci diuersis partibus hosti
 Terrorem incutiens obsidione leuas.
 Tu latè Imperium profers, tu prælia tentas
 Vt teneant fines otia tuta tuos.
 Te non vlla acies, non terruit Amphirite
 Quum pareret gentes in tua damna novas.
 Impendere ferox à tergo negligis hostes
 Quos beat auriferi lucida Lympha Tagi.
 Non coniurato veniens Germanus ab litro
 Cogit præcipiti te dare terga fuga.
 Ergo tot spolijs non vno ex hoste relatis
 Auertis patrio Barbara tela solo,
 Nec tibi non magnam pepererant otia laudem
 Otia Pieridum dulcibus æcla modis,
 Quas primæ patrias ad gentes, effera corda
 Parnassi e summo vertice ducis ouans,
 Despectasque artes, & humi sine honore iacentes
 Erigis, o sæcli gloria prima tui.
 Quare vos Regem tantarum in munere laudum
 Carmine victuro dicite Pegasides,
 Vt qui vos claras in luminis extulit oras
 Vestra ope conspicuum tollat ad astra caput.

Ferdinandus Cortesius.



INTER Hispanici nominis insignes viros, qui enauigato Oceano adiuuentisque nouis terris & Populis, illustrem famam sunt consecuti, omnium (vtireor) clarissimus enituit hic qui aurato cinctus gladio, ornatus aurea torque, & pretiosa indutus pelle conspicitur Ferdinandus Cortesius. Is Columbi Liguris, qui primus seculo nostro stupenda nauigatione alterum prope terrarum orbem nobis aperuit cogitationes prope insanas præalti ingenij, & placita naualis disciplinæ solerter atque feliciter æmulatus directo ad occidentem cursu, in vastum sinum recuruantium se se terrarum ad septentrionem appulsus Mexicana regna, & gentes ingenio nihil à nostris moribus abhorrentes reperit. Profectus namque ab ultimo Insulæ Cubæ promontorio, quod in occidentem recta protenditur, & Tropico Cancrī subest, relictis ad læuam Iucatana & Coluacana insulis ad aduersam

aduersam intimi sinus frontē applicuit, iuxta fauces ingentis fluminis quod Panucum vocant. Ibi per interpretes Iucatanae & Coluacanae homines, quos anteriore expeditione adiuerat, didicit ea litora esse continentis, quae molli flexu hinc Vrabanis litoribus annectitur, illinc vero ad Septentrionem vastissimo tractu his terris quas nautae Baccalauras vocant, se coniungit. In ea litorum plaga alterum se Isthmum reperisse Verazanius Florentinus referebat, qui de ea regione peculiarem commentarium conscripsit, & postea apud Darienem dum curiosius nauigando naturae abstrusa planeque deserta scrutaretur, à Canibalibus, spectantibus è classe socijs, comestus est, ita vt non secus quam in Vrabano Darienis litore, per similem Isthmum in aduersa hac septentrionali ora naturam posuisse ideo credendum sit, vt per eos exterior Oceanus deprehendi posset, & fortasse nauigari; sicuti Vasco Nunio euenit, qui primus Isthmum transcendere ausus, pelagum ad Perurana & Cuscana aurifera Regna pertinentem, adinuenit. Neque enim dubium videri debet, quin ea æquora ad Arctoas partes vergentia eius sint Oceani, qui terram vniuersam circum ambiens ad Sinarum & Cathainorum orientis oras, & denique ad beatas Molucas Insulas obuertatur. Cæterum Cortesius Incolas blandissimis sermonibus, & promissis, atque item muneribus sedulo permulcens, reperiēbat eos sicuti in Iucatana & Coluacana vidisset, idola lignea, atque aurea, varijs ferarum & Draconum effigiata formis, tanquam Deos colere, atque his placandis, noxiorum cruore sacrificare, non ab simili superstitione qua antiquissimos Druydas litare solitos, numinaque placare Cæsar scribit: sic vt hunc sacrificandi morem inhumanitatis atque fœuitiæ plenum olim allatū ex his terris in Britanniam, atque inde in Galliam manasse putemus. In mediterraneis porro Cortesius perampla ditissimaque Regna Mexicanæ prouinciæ extendi ad occidentem audiebat, quæ hominibus ingeniosissimis, atque omnis elegantiae cum literarum & Musicæ, tum mechanicarum quoque artium studiosis incolantur, vtpote qui in morem prope nostrum ædificant, & calce, gypso, marmore vario, & scitili lapide, fictilibusque abundant; nec pictores desunt qui cuncta coloribus exornent. Incessit Cortesii animo ingens cupido agnoscendi ea Regna, quæ multo auro, argentoque, & pretiosis gemmis abundare, sub æquatoreque sita singulari, eaque saluberrima cœli temperie, & stupenda soli vbertate gaudere ferebantur. Nec voto defuit Fortuna: nam Cortesius astuto ingenio vir, vbi didicit eadem libidine qua apud nos Mexicanos populos inter se de finibus & de potentia armis decertare; sese propinquiori Regulo aduersus hostes eius, auxiliarem bellicque socium alacriter obtulit. Habebat enim sclopettariorum & balistariorum hastatorumque exiguam certē, sed egregiè validam armis atque ausis manum; & super hæc (quæ Barbaris miraculo fuit) galeatorum equitum turmam. Neque enim his in regionibus quisquam equum vidit. Itaque isto fœdere, Barbaris iussu Reguli cuncta onera armorum & commeatus humeris subportantibus, & curulia minora tormenta trahentibus, conferta sunt eo euentu multa prælia, vt Barbari hostes territi tormentorum bombis, equorumque stupenda specie, & multa passim cæde prostrati: subactos se & planè victos faterentur, & in ius hostis Reguli viro deuenirent, & clementissimè reciperetur, ita scilicet cōsulente Cortesio,

ut amplificatis viribus ascitisque secum amplioribus auxilijs, aduersus Mutezumam potentissimum inter Mexicanos Regem, & in Temistitana vrbe, Venetæ vrbis in modum vndique pernauigabili, regnantem maturè contenderet. Idem fuit animorū habitus & armorum vsus apud Populos Mutezumæ imperio subiectos. Nam ad equitum conspectum obstupescentes, prostrantesque se ad tormentorum crepitum, confertis demum manibus in ultri cadebant; quod ligneis machæris & præfixis cornu iaculis, sagittisque harundineis, magna parte corporis nuda, dimicarent: eo quidem iniquius quod gladium, & lancearum latas plagas horrerent, & equites vnum integrum Centaurorum specie animal esse existimarent, cæloque à nostris euocari fulmina, & à Dñs benignè concedi aduersus hostes arbitrarentur. His detrimentis atque miraculis Mutezuma, terrefactus se repente deditit, & ad Cortesii autoritatē cunctos imperij sui populos contulit. Sed postquam se dederat, quod deditiois pœniteret, excitare rursus ad rebellandū populares suos, & fugam parare diceretur; ei compedes iniectæ sunt; quæ miserabili deformitate nihil impotentius & durius imponi posse Barbari eiulatu & lachrymis id significantes ostenderunt; quod Rex Regum immentæ Fortunæ fastigium dudum tenens, seruilem contumeliam subiisset, quam ut vindicarent quidam de populo, & ut Regem tanto eximerent ludibrio, in superiorem porticum vbi Mutezuma vinctus sedebat, lapides cōicere cœperunt, frustra Cortesianis prohibentibus; nam Mutezuma caput ictus, paulo post interiit, eique demum post multam & cruentam contentionem Cortesius suffragio multorum Regulorum suffectus est, eo titulo ut Cæsaris supremi Imperatoris se vices gerere profiteretur. Exinde vltiora perquirere, quod Mexicanæ regiones auro scatere, & gemmis atque margaritis abundare varijs percuntationibus; nec longe abesse Oceanium comperisset, nouam expeditionem ad occidentis oram maritimam suscepit, eo quidem apparatu ut non modo sarcinarum & tormentorum onera secum ferret, sed duos etiam mioparones certa soluta membrorum compage plicatiles, multiplicatis scruiis cōportari iuberet, ut his tentaret Oceanum, quem non amplius quingentis leucis abesse constabat. Ex itinere cuncti incolæ trahenti tormenta atque equites, expositis commeatibus paruerunt, atque omnibus officijs amicè collatis euntem secuti sunt. Medio ferè itineris spatium conspectus mons est altissimus & in cacumine niuosus Aetnæ Siculæ modo flammæ euomens, & ignitos pumices eructans, atque inde ad Oceanum est peruentum, qui vastis dextri litoris anfractibus frequentes Insulas ostendebat, magna ex parte desertas, in quarum vadis multi vrinatores depreheni sunt, legendis conchis & vnionibus intenti. Existimabat Cortesius ea æquora quæ essent scopulis præpedita, nec leuibus naui culis transgrediari posset, obuerti in Orientem, famamque esse apud incolas, ad extremū Occidentem reperiri ingentes Insulas omnibus aromatum atque vnionum diuitijs abundantes; sic ut maximè lætaretur, quod in occidua parte reperiri posset speraret nouum orientem, si maioribus nauigijs ea maria sulcarentur. Igitur Cortesius latè explorato litore, notatisque nemoribus vnde materia ædificandæ clausi cædi posset, Temistitan est regressus. Ibi Barbarorum tēplis ritè expiatis, Deo Christo & Deiparæ virginis solēnes aras crexit,

& Baptiste.

& Baptisterium condidit. Nec ei admodum difficile fuit docilibus ingenijs veræ religionis cultum persuasisse, & sacro fonte certatim ad eam ceremoniam accurrentes lustrare, mysteriaque nostri ritus singulis insinuasse. Indigenæ siquidem aduenas non homines, sed Heroes esse arbitrati, qui à magno numine in eas terras missi fuissent, à quibus ipsi verum Dei cultum & admirabiles artes, quibus perpetuo beati forent benignissimè docerentur. Non esse amplius ipsis à quoquam finitimo hoste vim & arma extimescenda, postea quàm iuictæ gentis præsidio terra marique tutissimi cuncta hostilia in posterum contempturi, & perpetua ciuili pace gauisuri viderentur; quod Cortesius non dubio magni numinis nutu humanas actiones ad iustitiæ normam apto quodam seueritatis & clementiæ temperamento reuocaret, malefactorum reos ad exemplum punire solitus, quom aliqui deprehenso, more nostro virgis cædi; alij reiectis in terga brachijs ex troclea suspēdi quatique, alij insertis in binas trabes cruribus in custodia siti atque inedia torqueri iuberentur. Amplissimum enim carcerem ædificarat, qui liberæ gentis grauißima pœna putabatur. His institutis & moribus vsque adeo Mexicani profecerunt, vt quum Cortesius per concionatores interpretes multa de diuinis rebus & de Romani Pontificis authoritate Carolique Cæsaris summi principis potentia atque virtute dissereret, duo illustres gentis proceres publico decreto instructa legatione ad Cæsarem in Hispaniam, atque inde ad Clementem Romam vtrunque piè veneraturi mitterentur. Hos Romæ nos vidimus pari colore & coma & ingenij alacritate nostris subfiscis ferè persimiles, quos Clemens imagunculas aureas dono afferentes ita re muneratus est, vt conuestitos duplici veste serica, equestri dignitate honestaret, binisque bullatis baltheis cum totidem inauratis gladijs & pugionibus, atque item singulis aureis torquibus exornaret. quibus læti muneribus ad suos redierint, & multa vti postea accepimus, de magnitudine Vrbs moribusque & ceremonijs nostrorum gentium retulerint. Exinde Cortesius domum Regij prætorij iuxta Temistitano in foro pereleganti structura ex vario marmore sculptisque lapidibus ornatissimam quam nonnulli Hispanorum Granatensi Alambæ vel obid anteponunt, quod coloratis lapidum zonis admirabili specie distinguatur, cohærentesque habeat hortos scaturientibus vndique per syphones & iocundè salientibus lymphis. Ipsa namque vrbs Temistitan circumfluam habet paludem, per quam longis pontibus continenti iungitur; vberriusque dulcis aquæ, quod salus sit omnis ex palude humor, habet aquæductus, qui lapideis & turritis ciuium domibus in omnem vsum limpidissimas aquas suppeditant. Posita est hæc vrbs medio ferè spatio inter tropici Cancr lineam & æquatorem. Cæterum Cortesius non diu tantæ Prouinciæ imperio potiri potuit. Non secus enim ac antea Columbus, inuidia tantarum opum accersitus est in Hispaniam, muneraque gemmarum & margaritarum supra opinionem pretiosa Cæsari dono dedit, à quo præmium retulit Vallij oppidi donum, quod ad eius posteros trāsiret. Successorque ei summa cum authoritate ad Mexicana Regna transmissus est Antonius Mendocius Tendilij filius, qui vt est ingenio generoso optimisque instructo literis, & honestæ gloriæ audio vltiora profecto Regna atque exoptatum iter ad Molucas nobis aperiet. Cortesius vero in Afri-

eam secutus Cæsarem Algeriano naufragio insignē pretiosæ suppellectili suæ iacturam fecit. septennioque post qui, humilis Medelini oppidi ciuis, filius fuerat, (id est apud Anam amnem) munere Cæsaris illustris appellatus apud penates suos non planè senex fato concessit, puulo post quam nobis effigiem suam inter præclaras imagines in Musæo nostro collocandā misisset.

F. FRANCHINI Cosentini.

*Acides late multum telluris obiuit,
Victor & ante alios clarus in orbe fuit
Clarius Hernandus, nam plus telluris obiuit,
Plus maris, ignotos vicit & antipodas.*

Eiusdem.

*Liber vbi Eoos deuicit belliger Indos
Iussa dedit populis vt sibi thura darent.
Hernandus contra, poni sibi noluit aras
Altera vbi est armis India victa suis.
Est igitur Baccho maior Cortesius; hic se
Abnuuit esse Deum, vi fuit ille Deus.*

Sigismundus Poloniae Rex.

H VNC augusti oris speciem quum ætate floreret Sigismundus Sarmatiæ Rex ferebat, inter nostræ ætatis fortunatos Principes adnumeratus, si longuæ vitæ & firmissimæ valetudinis commoda, cum diuturnitate imperij, quod semper ei incolume atque tranquillum stetit, ac illustrium cognitionem claritudine computentur. Is enim à Casimiro patre Regno accepto, alterum & quadragesimum regnavit annum; octuagesimum autem paucis concessio leniore vitæ exitu absoluit; nullis profecto acerbioribus intestinis aut externis bellis tentatus; utpote qui graui instituto securæ domi paci obnixè studuerit, & foris de barbaris infesta arma temere inferentibus, insignes victorias retulerit; quum per legatos summæ peritiæ atque authoritatis superiorum temporum accepta detrimenta, reditis cladibus expiasset. Nam Tartari ad Socalum cum Polonis congressi Rossolanorum temeritate potius, quàm sua virtute victores euaserant, & Moldaui ad Ozocouiam Alexandri Regis exercitū profligarant. Conuersa itaque Fortuna ad Sigismundum, Constantinus Ostrogius Ruthenus, Tartaros aternos hostes apud Seluchum, atque iterum ad Vîsnoueciam memorabili strage edita superauit. Idem quoq. Constantinus pari felicitate ingenem victoriam de Moschis ad Orsam flumen iuxta Smolenchum est consecutus,

cutus. Cæterum Moldauos Ioannes Tarnouius inclytæ virtutis Dux ita de bellauit, vt Petrus ipse Moldauicæ Princeps amissis Ducum & militum suorum primarijs vulnératus, exutusque tormentis & castris vix manus victo-



ris effugerit. Hæc quanquam præclara multiplicis victoriæ trophæa Sigismundi gloriam in immensum eueherent, id tamen plurimum ad summæ prudentiæ salutemque Regni nomen maximè pertinuit, quod constantissima fide pertinacique studio, pacis & amicitie fœdera cum Turcarum Imperatoribus sanctissimè coluerit, quanquam eum Christiani Reges specie pietatis & noui decoris proposita vt secum consentiret atque arma sumeret vehementer incitarent. Prouidebat enim Rex senex vnico innixus filio admodum puero, ideoque in capiendis grauioribus consilijs nunquam præproperus & incautus, recasura in ipsum tanquam periculo proximum Orhomannorum arma, quibus nisi maximis & semper paratis copijs resisti posset, Nec Polonis sociorum longinqua auxilia vt hosti propinquo ad prædam expositis, expectanda viderentur. Ex ea quoque Turcarum amicitia Sigis-

mundus non obscure se præmunitum atque defensum aduersus finitimos hostes intelligebat, quando ea esset Othomannorum vetus consuetudo ut socios, in amicitiam clientelamque receptos aduersus omnem iniuriam prorsus defendant. Quorum usque adeo grauis autoritas apud Tartaros, Moldauos & Moscos valebat, ut quo minus se commouerent, & in Poloniæ fines incursionem facerent, imperiosè detererent; & ipse Sigismundus à Solymano honoris causa amicus & pater appellaretur. Regiæ stirpis stemma nequaquam altè à nobis repetetur, contenti Jagelonis Regis memoria, qui duos genuit filios Ladislaum Polonici Regni successorem, & Pannoniæ deum Hungarorum procerum accitu Regem creatum. Hunc victora ad Nicopolim tumultuariè parata, cupiditate gloriæ elatum & fœdera recentis pacis abruptentem, quum iniquo fato in Bulgariam penetrasset, Amurathes in Varnensibus campis trucidauit. Huius frater Casimirus Regnum suscepit, Rex egregiè fortis, & de Pruthenis atque Germanis insigni parata victoria celebratus. Hic plures liberos Imperijque hæredes reliquit, utpote qui rara felicitate quatuor Regum pater fuerit. Successit enim ei Albertus & mox Alexander, quum hic quinque, ille octo annos regnassent. Quibus deum successit Sigismundus, quum Vladislaus quarto loco ei natus frater ad Bohemicum Imperium, atque inde Matthia defuncto ad Pannonicum transiisset: & Federicus postremus tantæ sobolis frater purpurei galæ & Sanatoriæ dignitatis honorem à Romano Pontifice esset consecutus. Habuit Sigismundus in matrimonio uxores duas Barbaram Stephani Zapolij Translyuanicæ Præfecti filiam, quæ Ioannis Pannoniæ Regis germana soror fuit, ex qua Heruigem filiam sustulit, Brandeburgensi Regulo, Romani Imperij electori nuptam: secundo autem loco Sfortiani sanguinis uxorem duxit nomine Bonam, quæ ei hunc Augustum hodie regnantem peperit, & Isabellam Ioanni postea Pannoniæ Regi nuptam, ut inde Regia proles Hungarico nomini pararetur. Itaque Sigismundus inter beatos proculdubio referri potest, postquam auo patreque Regibus editus, patrum Regem & tres fratres Regio diademate insignes, atque item fratris filium & sororis suæ fratrem Regem simul & generum vidit. Senio autem confectus, aduocatis Regni proceribus Augustum filium sibi successorem decreuit, accuratissimisque precibus commendauit. Nec multo post leni tentatus morbo excessit è vita, eo etiam felicior, si pietatem Christianam respicias, quod ei ipso die quo Saluator noster Deus Christus Paschali die ab Inferis resurrexit in Cælum emigrare contigerit.

MARTINI Cromeri,
Sarmatæ.

*Ciuius, externisq; mea est clementia nota,
Consilium, grauitas, religio, atque fides,
Pax mihi cara fuit, tamen haud me impune lacescit
Theuto, Liuo, Moscus, Turca, Scythæ, atque Getes.*

D A V I D

Dauid Maximus Abyssino-

rum Aethiopum Rex.



AETHIOPIES cucullati Sacerdotes qui post maximum Vaticanum templum sedem & delubrum habent, communi consensu eam sui Regis effigiem verissimam affirmant, quam Petrus Aluares Legatus cum cruce aurca ad Clementem Pontificem detulit. Is postea nobis ex commentario Abyssinorum regiones & mores explicauit, quæ omnia à nobis in Historijs suo loco ita diffuse enarrata sunt, ut nihil quod ad dignissimarum rerum notitiam pertinere possit desiderari queat; qua de re, in exprimendo Dauide astrictiore vtemur Elogio, ne his fastidio sim, qui historias nostras perlegerint. Hoc autem de eo Rege totius cogniti orbis longè maximo, dici potest, quòd non modo Christianæ religionis dogmata & cerimonias profiteri, sed his prope iuris ciuillis legibus, & uti nos disciplinæ militaris institutis, tot sua

Regna autoritate summæ iustitiæ tueri consueſcat, eademque ei ſint iura in profanos, & ſacratos ſacerdôtes, quæ apud Romanum Pontificem vigent. Huic Dauidi promixtè deſuncto, quem vulgo Preteianem vocant, duo inſignia cognomena contigiffè Abyſſini referunt; ſcilicet Atanadidinghil quæ vox virginum thus exprimit, & Bellulgian, quod inæſtimabilis pretij gemmam ſignificat. Sedes habet non procul à Nili fontibus inter paludes eius ingentis amnis, qui irrigatione, terras omnium ſolo naſcentium vberitate feruliſſimas reddit. Uſque adeo autem, eius Regna longe lateque extenduntur, vt ſiſibus ab occaſu Atlanticum Oceanum attingant, introſus Trogloditarum damnatis terris inferantur, & ab Oriente ad Arabicum uſque linum pertendant, vbi Aracocum portum Abyſſinos frequentare conſtat. Dauidi cæterisque Regibus quum in publicum prodeant, cæruleo tenui ſerico velare faciem, & ſiniſtra manu argenteam præferre crucem mos eſt. Mutare ſedes translatis tentorijs, & valida numeroſaque iuuentute noctu atque interdium cuſtodiri ſolent. deferuntur læſtica interdum aperta ſuccolantibus ſeruis. In conſciendo autem longiore itinere, mulabus quàm equis vehi malunt. Ipſe Dauid omnibus caſtimoniæ munditijs clarus vxore vna contentus fuit; liberos ſuſcepit plures, è quibus, natu maximus à Sellano Arabum Rege acie interſectus eſt, cuius acerbæ cædis dolor, quanquàm egregie à fratre victore qui improuiſam Sellano hoſti cladem intulerat, vindictus videri poſſet, Dauidem tamen patrem adhuc ſtata ætate florentem ad mortem adegiſſe creditur; Sic vt Claudium hunc, qui hodie regnat, ſecundo natum loco Imperij ſucceſſorem reliquerit.

PETRI ANGELII

Bargæi.

*Expressam effigiem mira quam conſpicie arte
Hoſpes, & horrentem capitis murare capillum,
Nigrantesque genas, nigrantiaque ora, manusque
Inſpectas, tecumque alto ſub corde volutas,
Quis ſit, & vnde genus ducat; quo magnus in orbe
Imperet, illuſtres nobis ponatur vt inter
Heroas, clari ſpectandus imagine Regis.
Hic ille eſt qui iura dabat, legesque ſerebat
Aethiopum populis media ſub ſidere Libræ.
Tempore quo noſtra ſuperato gurgite vaſto
Heſperidum, terras circum, cælumque profundum
Percurrere rates, alioque ſub orbe pararunt
Imperium, inuicti tremere vt Cæſaris arma
hiſule Oceano in magno, regna inuis viuis
Credita, & exuri radijs plaga Solis iniqui;*

Scilicet

Scilicet audaces tum primum Atlasque Garasque
 Valvasque & horrifico pulsatus Gynnaea fluitus
 Ultra anni Solusque viam stupere carinas
 Ire, atque Herculeis conuulsis aequore metis
 Sulcare ignotas temere vada caeca per undas.
 Tum quoque Priſtricesque fere, atque immania Cete,
 Monſtraque prateritis non vquam cognita ſecus
 Horruerunt rapido volutantes flamine pinus.
 Quin ipſi è cana prognatas Tethyde nymphas
 Pube tenuis placido ſuperantes marmore nautæ
 Videre, & membris immanibus Aegæona
 Sæpe fatigantem terga horrida Balenarum.
 Neptunumque patrem, tumidiſ qui præſidet undis,
 Felicem orarunt reditum, ventosque ſecundos,
 Et patrias certe remeaſſent undique ad oras
 Ni gens crudelis ſylua inſediſſet iniqua
 Figere lethiferis hoſtem conſueſta ſagittis
 Et miſeros toto palantes litore nautas
 Ab miſeros nautas, tam ſeuæ opprobria menſæ,
 Funderet, & raptas lentum torreret ad ignem
 Diraque diſſectis ſatiaret viſcera membris,
 Atque atro ingluuiem miſerorum ſanguine ſordam
 Paſceret, ac tepidos laniaret dentibus artus.
 Tum verò ſi quis Smyrnæi carmina vatis
 Legerat, & Diuam Circem, ſeuosque Cyclopas
 Et Leſtrigonia portenta incognita terra
 Riſerat, ignaro miracula prodita vulgo,
 Ambiguae didicit magno in diſcrimine vite
 Docto aurem, certamque fidem præbere poeta.
 At non hunc tamen inſigni diademate clarum
 Quem ſpectas, diri dirum gemere parentes
 Non regio hunc mater magnorum horrenda Gigantum
 Difficilemque aditu Regem, alloquioque ſuperbum
 Protulit hoſpitibus dias in luminis auras
 At culti Aetiopes gens Fortunata Canopi,
 Quæ ſæpe Oceanum, ſæpe Oceanitidas omnes
 Numina magna maris, tum Pana Iouemque ſupremum
 Excipit hoſpitio, ac menſæ dignatur honore,
 Indigenam venerantur vti Regemque patremque
 Scilicet his Nili fontes, quos viuida tellus
 Imbibit, & magnis ſecundat meſſibus agros
 Suppeditant Lymphas, dulces cenantibus hauſtus
 Quas illi aſidue multo cum neſciare potant.
 Horum, nulla fames & amor veſanus habendi
 Morbo infelici, triſtique cupidine mentes
 Sollicitat, longa ſamuludum in pace quietas.

*At nos insausiti proles scelerata Promethei
 Infanas ut opes miseri cumulenuus, & altos
 Thesauros inis argenti auriq̃ue metalla
 Visceribus terra effossis scrutamur, & ipsum
 Vertimus heu seui cognata in corpora ferrum
 Et consanguineo facdamus sanguine dextras.
 Iam iam igitur cuncti placidas vno agmine terras
 Desertis aliquando Asiae Europaeque ruinis
 Victuri longumque ævum, & diuturna beati
 Ocia dulciori, tanto sub Rege petamus.*

Muleasses Tuneti Rex.



PER AMPLVM in Africa Regnum, cæterisque ab honore vetustatis, augustius tenuisse constat hunc Muleassem, quæ celeberrima Cæsaris victoria nobis clarum, & immitis eius Fortuna miserabilem fecit. Repetebat ipse, vetustissimam Tunetani Regni originem ab his Pœnorum Regibus qui ante sexcentos annos ab adventu Arabum totius Africæ regiones, maritimaque præsertim Regna multitudine sua, quæ invicta armis extiterat, occupantes Mahometis sectam vsque ad Oceanum, & Atlantica Regna protulerunt, vnde postea Almanzor immensæ virtutis atque potentia Rex cui Emiramolino cognomen fuit, à Mauroco clarissima vltioris Mauritaniæ vrbe ingenti ausu in Hispaniam traiecerit, & post devictos multis prælijs vtriusque Hispaniæ Reges, in Bætica Granatæ Regnum condidit. Hic Mulcasses magna vi corporis fuit, excellentisque industriæ in omni exercitatione equestris disciplinæ; sed ingenio rapaci, suspicioso, & in omnem libidinem effuse pronus, scedoque, & quod immanius fuit, erga suum sanguinem perfidiosissime cruento. Nam Mahometis patris mortem accelerasse fraude Lentigesia matris, & quosdam e fratribus iugulasse; alios crudeliter in modum oculorum luminibus priuasse ferunt, & quod supra nefarii criminis consilia cum sibi tum populo Tunetano exitiale fuisse constat, Turcas prædones in Africam accersuit, portumque eis atq. urbem concessit, ea conditione ut eorum prædæ quinta parte potiretur. Rex erat plena quidē præsentis & optimi quæstus, sed maxime inuidiosa, quod communibus humani generis hostibus Tuneti tutissimus esset receptus. Per hunc modum quæ pyratæ Africæ litoribus insiti, multa cum Siciliæ atque Italiæ, tum Sardinia, & Corsicæ, omnibusq. Hispaniæ oris, detrimenta intulissent, classemq. Hispaniensem interceptissent, sese cum Hariadeno Barbarussa consociarunt, qui Solymani ingenti classe subnixus, instructo insigni dolo Tunetum occupare cogitavit, & fauentibus quibusdā Pœnorum occupavit, eiecitq. Muleasse sese Tuncti Regem constituit. Tum verò Cæsar suscepta Muleasis causâ aduersus Barbarussam bellum suscepit, tanto apparatu, ut expugnata Gulcta, quæ erat ad stagni fauces imposita munitio, ipsoque demum Barbarussa acie fuso, Tuneto

Tuneto potiretur atque hostem fugientem magna parte classis exueret. Eo modo Cæsaris beneficio reductus Muleasses septem regnavit annos, nil hil de antiquis moribus remittens, vel avaritiæ vel crudelitatis, usque ad id



tempus quo Barbarussâ a Solymano cum classè ad præsidium Gallie Regis mittebatur. Huius tanquam veteris & formidandi hostis classem veritus Muleasses, eo consilio ex Africa Neapolim venit, ut terrestri itinere apud Genuam Cæsarem adiret, quod maiora præsidia ab eo impetranda viderentur. Sed Cæsare Sicambriçi belli consilijs occupato. Neapoli subsistere iussus, amittendi Regni periculum quod ab hoste Turca Hariadenoque timebat, à perfidiosissimo Amida filio inexpectatum subiit. Amida siquidem cunctis virijs patrem imitatus, edita fama quod Muleasses apud Christianos abdicato prius Mahometis cultu impie deficiens, non multo post morbo periisset, Regnum tanquam Rege patre orbatum occupavit. Quo nuncio percussus Muleasses, filij perfidiam omnino armis vindicandam, repetendumque Regnum existimans, tumultuarias Neapoli copias conscripsit, Lofredioque Neapolitano Duce in Africam traiecit, & ad Guletam appul

sus, vel detestante Touarre Hispano Guletani præsidij præfecto, præproperus nimisque raptus Regni desiderio, & vlciscendi filij cupiditate, sublati signis secundum stagni litus Tunetum ire perrexit, eo euentu, vt erumpentibus ex insidijs Amidanis militibus, nullo prope negotio eius copiæ ex tironibus confectæ, profligatæ ab equitatu omnes cum Lofredio Duce delectarentur, ipse vulnere accepto caperetur, cui Amida filius nihilo patre melior, oculos ignito scalpro expungi iussit. Eum tamen tanta calamitas tulit euentum, vt Amida aliquanto post à patruo Regni possessione pelleretur; quo casu Muleasses noui Regis eiusdemque germani fratris pietate, carcere educitus ad Guletam Hispanorum beneficio perueniret. Nec multum inde discedens Muleasses Neapolim iterum traiecit, magnoque miraculo miser Romam venit. Ibi tum nobis ex eius humanitate perdiscere licuit, quæ ad historiæ nostræ fidem pertinebant. Sed qui in disciplinis Philosophiæque ex dogmate Auerrois non mediocriter eruditus, vel in tanta miseria pulsus, orbatusque oculis, Regium fastum prætulit, vt deductus ad Pontificem non aliter adduci posset quàm vt genu tantum exosculato eum veneraretur. Transiit demum ad Cæsarem in Germaniam, accusauitque Touarrem furti, quod depositam apud eum Regiam gazam dissutis culeis inhumaniter decumasset. Sed multa resellente Touarre atque magnifice causam dicente, ita dimissus est Muleasses, vt Siciliæ præfecto alendus mitteretur, vsque ad id tempus quo Andreas Auria & Ioannes Vega Siciliæ Prorex, Garziasq. Toletanus Neapolitanæ clasis præfectus expugnandæ vrbs Africa negotium susceperunt. Dum ea vrbs (olim Leptis parua, hodie Mahomedia à Barbaris vocata) terra marique à nostris quateretur, adessetque Muleasses auditor strepitus, potius quàm pugnæ spectator, antequàm expugnaretur, morbo interijt; vt aiebat, nihil à syderalis artis prædictione deceptus, quæ suo fato, & in Africa moriturum, sed non exulem prædixerant. Deductum est eius funus frequentissimo Pænorum omnis generis comitatu, ad Caruanam sacrosanctam apud Barbaros urbem, in qua indytos Reges, & generosos Numidarum Regulos tumulari mos est.

IOVII Iunioris.

*Lingue tuas rupes, & in hospita saxa Celeno
 Infandis Strophadum fixa diu scopulis;
 Currite vos alie Harpyæ, furialia monstra
 Non Calais, Zetes non agitator erit.
 Huc agite, antiqui renouetur fabula Phinei,
 Atque iterum intaëlas polluite ore daper.
 Non erat Oedipodes, qui fæda ob crimina, lucem
 Ipse sibi insensu virgibus eripuit,
 Pænorum ille fuit cunctis notissima labe,
 Maurorum ille fuit pectus, & opprobrium.
 Nec duro exilio factus miser, atque superbus
 Pontificis sanctis oscula dat pedibus.*

Ernit

*Erui huius lumen natum, vel monitis ira
 Illius ut fratres, & pater ultus eat.
 Tu tamen his gaudes scriptis Rex Barbare, quod te
 Possit diu credis vivere in historia.
 Scribitur hæc alijs, nec tam impia facta sequantur,
 Vtique author scelerum in Tartara solus agas.*

Pyrrhus Stipicianus.

HAC verè militari fronte, atque his ferocibus oculis, & inauratis armis, constantis pugnacissimique animi vim præferebat Pyrrhus Stipicianus è Balconia familia, sed Columniæ domui per clientelam insertus, quum sub M. Antonio atque Pompeio adoleuisset. Is nuper subitaneo ereptus morbo discessit è vita, ut nouissimum inter imagines locum teneret, vsque adeo importunè ut ei summus inter secundæ classis Duces, militiæ decus eriperetur. Erat enim ex multo usu militiæ, opinione virtutis eò prouectus, ut se dignum militiæ honorem quo virtus enitescere posset, maturè consecuturum speraret. Recentis siquidem obsidionalis coronæ decus retulerat ad Carinianum ab Anchiano circumuallatus & obsessus, tanta utrinque pertinacia, ut ille victor omnes spes proferendi imperij abijceret, modo obsessio oppido potiretur, & ex aduerso Pyrrhus, vel consumptis omnibus alimentis priusquam se dederet extremæ inopiæ discrimen subeundum esse arbitraretur. Verum lurida mors ex fame in proximo spectata, utrinque pertinaciæ finem imposuit. Desperatis namque auxilijs, quas necessitas exprimebat conditiones ab hoste ita accepit, ut polliceretur Germanorum atque Hispanorum cohortes quibus præerant Felix Archius & Sanmichael Hispanus intra quartum mensem nullam Cæsari operam nauaturas, atque ipse continuo ad Franciscum Regem in Galliam proficisceretur. Hoc optima fide præstitit Pyrrhus, quanquam Hispani occupato Brixello, pactiōis fidem minimè seruassent. Rex generoso animo clementiæ laudem captare solitus, Pyrrhum humaniter excepit, & uti erat, vel in hoste præclarus virtutis æstimator, ei apud se militare volenti liberaliora obtulit stipendia, sed is Romani pudoris plenus de salute libertateque gratias agens cum cetera alia renuit, benigneque dimissus, ad Cæsarem contendit, qui tum in Belgis Sandesirium oppidum expugnabat. Ab eo Pyrrhus virtutis nomine Mortaria oppido, quæ est inter Ticinum atque Nouariam donatus est, quàmquam ei grauius Vastius succensuisset, quod perpetuis eius obtestationibus & precibus adductus ad Ceresolam cum Gallis conflictere maturasset, ut extrema (sicuti aiebat) fame perdomito, & tot fortissimarum gentium cohortibus vix præ inedia effigies hominum sustinentibus opem ferret: cuius infastæ pugnæ casum postea minus necessarium compertum est, postquam vel desperatis auxilijs per quadraginta amplius dies maiora etiam auctioraque obsidionis incommoda pertulisset, scilicet ut efflucta grauioris periculi non

cessitate, ipsius imperatoris diligentiam magis & magis excitandam putaret, graui cum discrimine vniuersi belli. Verum hæc Pyrrhus ita diluebat, vt aliquantum frumenti ab se cuncta perscrutante abstrusa in serobe nouiss.



simè repertum diceret, quo se insperato subsidio milites aliprandiu inedi-
am tolerasse faterentur. At Vastius eius rei excusationem dissimulanter
excipiens, quod pro sua pristina virtute neque sibi neque voto Cæsaris satis
fecisset, ad Cæsarem in Germaniam profectus est, vt ille de tota ratione at-
que euentu aduersæ pugnae certius doceretur. Bo autem animi habitu in
Italiam redijt, vt eius prælij detrimento Cæsarem non obscure offensum cre-
deret, conceptoque inde inexpiabili dolore, & morbo, vir alioqui magnani-
mus vitam desereret, & Pyrrhus Cæsaris munere lætaretur. Cæterum Pyr-
rhus qui insignem bello operam præstare cupiebat, quum honores militiæ
apud Cæsarem præoccupatos esse conspiceret, ad Venetos Italiæ libertatis
iura tuentes se conuertit, apud quos magna esset minorum Ducum penu-
ria, multis scilicet, aut exauthoratis, aut fato sublati, inter quos Valerius
Vrsinus præpropere morte ereptus, vt erat omni dignus laude, ingens sui de-
si derium

siderium illis reliquisset. Sed Pyrrhus dum miro patrum consensu militiæ adscriberetur vel multo virium robore validus tridui morbum sustinere non potuit.

IOVII Iunioris.

Hunc cinerem, & magni saxum venerabile busti,
 Et nimis ereptum propere, è vitalibus auris
 Heroa insignem lachrymis decorate supremis
 Ingentemque animam mæsta ter voce vocate
 Hæu proceres, quibus ardor inest, & gloria Martis.
 Quis melius fera bella colat? venerandaque iura
 Militia? tu frange comas, & percutite pectus
 Ipsa tuum Bellona manu, validisque lacertis
 Ensesque, & galeas, & forti hastilia ferro
 Dissyce turbans, immitteque obrue ponto
 Quicquid in Aeolijs excussit Lemnæ oris.
 Ille per Elysium, perque umbriferas conualles
 Terrenam excutus molem, nostrique laboris
 Securus, veteres Phrygas inter, & inter Achivos,
 Romulidumque Duces, Romani sanguinis ipse
 Nunc acres exercet equos, nunc agmina victor
 (Passim pugnaci sternens quæque obuia dextra)
 Proterit, atque hostes cogit dare terga sequenti,
 Sed quid in Elysio prodest victoria campo
 Ausonia? quæ mæsta dum sarcire ruinas
 Hoc duce sperabat. Cimbros non illa furentes,
 Aut seuum duris Gallum extimuisse in armis
 Obsidio, & rerum tristis penuria testes,
 Ille animum inuictum nunquam in discrimine summo
 Desecit, dum se crudeli traaderet hosti.
 An se iactabit Casilini gloria tantum?
 Extremamque famem perpeffa Petilia quondam?
 Nunc gemat Ausonia (& certè hæc est ira Deorum)
 Vos Manes gaudete pii, sanctumque per altos
 Fortunatorum salus, sedesque beatæ
 Ferte Ducem; celsumque humeris imponite vestris,
 Et tantam magno virtutem extollite cantu.

FINIS SEXTI LIBRI.

PAVLI IOVII EPI-
SCOPI NVCKERINI PRAE-
FATIO IN SEPTIMVM LIBRVM
ELOGIORVM SVORVM AD
COSMVM MEDICVM FLO-
RENTIAE DVCEM.



Non miraberis candidissime Princeps, si complures qui suis se-
culis insigni bellica laudis praefonio floruerunt, hoc volumine
praetermissi videbuntur. Nam ex professo eos tantum quorum
veras imagines nancisci potuimus, appositis Elogijs exornan-
dos arbitrabamur, ut in libro iam pridem à nobis edito de Vi-
ris literarum elegantium doctrina inlucis studiose servatum
est. Quamobrem iam mihi licet iure optimo veniam deprecari,
quandoquidem in hac tot imaginum suppellectile comparanda,
per triginta amplius annos perpetua curiositate incensus, neque sumptui
vquam pepercerim. Arbitrabar enim in hoc flexu aetatis et praecipiti senectula, nullum
omnino, abdicatis iam ceteris voluptatibus, vel honestius vel splendidius studium fore
(sacroto praefertim viro) quam iocundum et negotio litesque vacuum maximeque tran-
quillam vitam instituenti, parasse viros elegantibus apud Musaeum nostrum peraman-
te delectationis voluptatem ac utilissimum aunorum oblectamentum, his praestantissimis
vera virtutis exemplis, quibus haec vita saepe anxiosa, et attri plena turbis beatè compo-
sita procul à molestiis et perturbationibus abduceretur. Ceterum virorum quoque Du-
cum, et regnantium adhuc Regum imagines ibidem spectantur, quibus ideo pleniora elo-
gia supposuisse puduit, quod (ut Poeta auit) ultimus vitae dies inducet de omnibus, nec
quisquam mortalium plane felix ante obitum dici queat. Praeduri quoque, et odiosi sit
muneris viuentium mores publica censura subiecisse, tanquam aliquanto certiore maleuo-
lentiae quam praeij vel laudis spe. Quandoquidem apud multos hac tempestate parcelan-
das quam maledicisse tantumdem sit. In hos scopulos aliquando nos incidimus, quum
Historias vel egregio fidelis ingenij temperamento perscriptas ederemus. Verum haec eo-
dem robore constantis animi semper feremus, quo grauissimi operis negotium aggreffi,
eam tantum ab ingenuo labore laudem tanquam securiorem et plenioram à posteris po-
tius, quam à vivis, non obscuro cum luore aliena saepe legentibus, expeclandam esse
censebamus. Ceterum hic liber qui virorum elogia continebit, illustri et astric-
to nominis tui Encomio claudetur, et optimo quidem iure, quum domi tuae, na-
tus sis, ubi concesso nobili otio elegantiora studia tuis auspicijs reflorescant.

Vale.

ELOGIO.

ELOGIORVM

LIBER SEPTIMVS.

Carolus V. Imperator



ALVE ter maxime Carole Quinte Auguste, à præclaro præcellentium virtutum concursu atque præsidio inuictissimi Imperatoris cognomen merite; quum apud cunctas prope gentium omnium nationes splendidissima ingentium victoriarum trophæa statueris; vsque adeo felici euentu, vt tuam vim non modò Barbari Africæ, sed ipsi quoque Antipodes, quos victoria tua nuper aperuit, intelligant & admirentur.

Hh 3

Quandoquidem incomparabili inusitata virtutis tuæ documento indomiti te antea Romanis, vltioris Germaniæ gentes bello superatæ subactæque Maiestati gloriosi nominis tui pareant, & tua signa vel ex longinquo etiam, trepidissimè venerentur. Quo fit, vt qui votis ritè conceptis, pro salute gloriaque tua superis supplicanti, à te hoc vnum, quod est verè summum, ad dignitatem tuæ amplitudinis exposculent, vt postquam vti maxime pius non obscura religione tangeris, de paranda communi concordia generosè decernas, scilicet vt publicis piorum Principum armis egregiè auctus, & confirmatus, Solymani insolentissimi hostis ferociam contundas. neque enim omnino erit difficile inermem aciem grauibz armis protecto agmine perfringere, eius hostis quem victrices aquilas reformidantem, & planè vertentem terga, nuper ad Viennam conspexeris.

IOVII Iunioris.

*Deuictas Turcarum acies, Libyenque subactam
Militè Cæsareo vixit quum viderit Arctos,
Vndantesque procul Panorum sanguine campos,
Proluit horrendi, quos Bagrada concitus vnda;
Quumque minor genibus laeis Germania terris;
Atque tuas totus sub leges iuerit orbis,
Vndique te cernunt vates ter maxime Cæsar;
Præsentique tibi meritos largimur honores.
Hic te monstrari populis gens Itala mauult,
Quam tua si Pary sublimis mole Colossi
Effigies medys latè caput inserat astris
Nam lapides, atque æra cadunt, quibus imber, & ignes
Officiunt, longique vorax iniuria secl.
At se olim CÆSAR cælestia tecta tenentem;
Cemplantemque tuo felici nomine terras,
Et tum etiam Libyæ populis, Turcæque timendum
Ante alios longè mirabitur alta vetustas.*

Ferdinandus Rex Rom.



TV quoq. Ferdinande Imperator designate Regiis multis virtutibus Cæsari germano fratri par, sed Fortuna inferior bonitati liberalis ingenij tui magis ac magis inuitere, vt hanc rerum dominam tibi concilies, atq. inde sicuti præclare optimus Regum omnium, amplissimus etiam fias. Neque enim sat est clementem, pium, liberalemq. fuisse, nisi bona fors æquisimis cõsilijs tuis arrideat. Sors quidem quæ omnia versat, & vt iubet cæca libidine dare cuncta & eripere cõsuevit. Adijisti quippe Pannonici Regni hæreditatem quam legitimo iure cupiebas, quod id Regnum Rege orbatum vetustis & nouis scelerû legibus Austriaci sanguinis stirpem respiceret. Sed ius omne quod præclare tuum est, immanis Barbarus sic interrupit, vt nouum hominem quorundam Hungarorû Procerum importuna assentatione,

tionē, & Præfectura Transylvaniæ prouectū, beneficiarū iuris nomine Pannoniæ Regno imponeret, & a te demū felicibus armis profligatū in contumeliā Germanicæ authoritatis reducendū tuendūque susciperet. Quod videri po-



terat ex dignitate Othomannici nominis cōfirmare clientem, & Christiana simul arma toties à maioribus suis victa cōtemnere. Huic nanque seculo fatale fuit, vt nostrorum Regum animi veræ pietatis obliuiscerentur, exitialesque infania inter se peruicacibus armis disiderent, scilicet vt Barbaris veris hostibus sterneretur via, qua illi nemine iustis viribus obistente in viscera nostra penetrarent. Itaque virtuti tuæ tuisq. tantum opibus innixo, non inane modo sed funestum semper fuit, cum rabida, immensarumque virium prævalida bellua colluctari, eritq. semper & miserum nobis & luctuosum, nisi Cæsar frater tanquam alter inuictus Hercules, opem ferat. In dextra namque eius tam forti quam felici præclare sita est spes omnis parandæ incomparabilis, gloriosæq. victoriæ, si æquam pacem pns Regibus religionis amore dandā censeat; hisque in societate ascitis, eorum copijs, atq. opibus, vti velit, sicuti Maximilianus auus tuus, summæ virtutis & pietatis Imperator ad propulsandū, tollendūq. pub. salutis periculū opus, esse sapiētissimè decernebat,

*Te quoque nubiferas, quā Larius alluit alpes,
 Tot claras inter Regumque, Ducumque tabellas
 Littore Lunato Musæa Palatia seruant
 Spectandum populū Rex augustissime Regum.
 O vere egregium cunctis decus addite terris
 Quam bene Pannonij cura est tibi tradita Regni,
 Scilicet, vt Duce te, nostris quandoque superbū
 Finibus arceri speremus posse tyrannū;
 Qui velut immissus hylus arentibus ignis
 Quum furit, infans Borea spirante, per agros,
 Corripit è medio crepitantibus omnia flammis.
 At tibi nec virtus; spectataque dextera bello
 Defuerit. tandemque tuis, sic auguror, ausis
 Conuerso felix studio Fortuna sauebit.*

Henricus II. Galliaæ Rex.



DI VI Diuæque omnes te sospitent, magnanime Henrice, & paternæ virtutis æmulum faxint, modo illius totum ini-
 quæ sortis omen auertant. Ex alijs namque Fortunam dis-
 ces quam non longe semper ab inuicta virtute tua abfutu-
 ram experieris. Quandoquidem quæ optimo consilio pro-
 uideri queant, & Regnis tuis præsidio atque ornamēto
 sint, initio statim Principatus statuenda censueris. Primum enim omnium
 ætario, cuius opibus cuncta belli & pacis munia cōstant, ita cauisti, vt quæ-
 storum impudentes prædas sustuleris, & totius prope venatorij sumptus lu-
 xuriam moderata lege correxeris, ita vt agricolis in ipsa Regis voluptate mi-
 nimè sit lugendum; & quod integri tui pudoris est, apud aulam licentiæ mu-
 liebris intemperiem castigaris, tanta verecundiæ cura vt matromæ omnes
 perillustri Reginæ exemplo (hæc enim lectissimis pudicitia moribus gau-
 det) suum perpicuæ famæ decus respiciant, & solis nobilioris elegantia mū-
 dijs extra suspectas dubij pudoris illecebras pudici nominis laudem tuean-
 tur. Iustitiam porro tanta seueritate colendam instituis, vt nihil apud iudi-
 cum collegia promercare, nihil apud equitum ordines corruptum, & nihil
 denique in causâ religionis deprauatum, vel piaculo suspectum, vel vlla ex
 parte supinè neglectum esse patiari. Nec mirum est si hos mores in te iuvene
 veneramur atque suspicimus; postquam (quod est grauisimi & saluberrimi
 iudicij tui munus) toti summæ arcani consilij præfeceris Carolum Lotharin-
 giæ Cardinalem singularis innocentia, pietatis, atque prudentia hominem
 a te propter fidem industriamque mirificam in minore Fortuna delectum.
 Quod verò instauratæ florentisq; militiæ interest, ipsum Annæum Me-
 morantium è villa sua Centellia, vbi formineis delationibus ac artificijs præ-
 sus importuno Reipublicæ tempore iacuerat, in aulam euocaueris, quod
 nemo eo sobrij constantisque iudicij grauitate, aut perpetuo armorum vsu
 castrensiū

castrisumque rerum noticia, tuendæ Galliae & proferendo imperio Dux
 potior atque præstantior exoptari possit. Itaque mactæ tua iam bis cum in
 Alpibus, tum in Belgis spectata virtute pernobilis Rex, perge ut cepisti,
 & virtutem & pietatem cole, ut Fortuna pudore victa fortibus ausis tuis ar
 rideat.



BENEDICTI Varchij.

*Quid Regem verè Regem, latèque potentem
 Præstantem bello Regem, studiisque Minerva
 Insignem addeccat si scire Henrice laboras
 Henrice Francorum decus, ac nova gloria gentis,
 Non alius quisquam citius, meliusve petest te
 Patre docere tuo, magnum bene consule patrem
 Patrem imitare tuum, quo nullus tempore in omni
 Omnibus inrebus maior fuit, aut erit unquam.
 Ex illo virtutem omnem, verumque laborem,
 Fortunam ex alijs tantum, didicisse memento.*

Christiernus Daciæ Rex.



QUis neget te, Christierne mortalium immanissime, nequaquam ex merito nefariæ crudelitatis dantem pœnas, non quidem à Fortuna quæ sæpe iocari neque diu consistere solet, verum ab ipso magno numine certissimo semper ultore scelerum tam diu carceris calamitate fuisse mulctatum: Nō enim humano partu in hanc editus lucem, sed à monstruosa terrificaque bellua, vti tuus sæpe fert glacialis Oceanus, natus & educatus inter Balenas & Orcas existimari potes. Hanc siquidem stirpem fatentis insidiosis vipereisque oculis, effera fronte, portentosisque dentibus, & horrida barba humano cruore delibuta, qualem Antropophagi Canibales apud Indiam noui reperti orbis ferre dicuntur. Non eius vtiq; Christierni Regis sanguine progenitus esse potes, qui vti erat egregiè pius, religio-

nis causa aliquando pedibus Romam iterit, vt sacrosancta altaria pietatis plenus inuiferet, & Pontificem sacrorum Principem veneraretur, muneraque venerationis eximie in patriam referret, quibus tu scelestissimus nepos potirere. Desciuidisti siquidem impiè atque arroganter, non quidem à Romano Pontifice, quod fortasse ferri posset: sed à Christo, superisque Diuis, vt te innocentissimorum sacerdotum sanguine cruentares, sacrorum aras euertes, templorum donaria diriperes, & denique vti immanis parricida, humani generis odium parares; Scilicet vt totius Daciæ, Gothiæ, atque Noruegiæ populi, monstrum sibi regnare non hominem indignantes, publica conspiratione rebellarent; teque eiecto, Christianum re & nomine Regem; pro impio sibi deligerent, à quo perpetuis vinctus cathenis, tanquam indomita bellua clatrata in cauea seruauere. Dignus profectò omnibus tormentis atque supplicijs, & nece turpissima; nisi honos qui Cæsari tibi ex matertera coniuncto, plurimus deberetur, & Christiænæ filiæ tuæ insignis pietas, quæ matri quàm tibi similior euasit, infelicibus Sfortiano & Lotharingo connubijs clara, te adhuc atroces retinentem spiritus, & retro carcere poenas dantem seruauissent.

PLACIDIJ Placentini.

*Terrificam hanc effigiem, huic horribilam tyrannum;
Dedecus hoc & Daciæ, dentibus ijs trifauci
Ad Stygios qui reboat persimilem seroci,
Sanguinis hoc denique sacri cupidum sepulchrum,
Ius tabulis (credo equidem) non meminisse fas est,
Ni monumentum veluti perfidus offeratur.
Ingenium scilicet hic exuerat benignum
Et velut antiqua manus iam voluit Gigantum,
Dum nequit alto officere hic calicolum tonantis;
Insequitur, sient, & almos necat (heu) ministros:
Templaque sacris vacuat tum spolijs profanus.
Et nisi qui fulmina torquet, populos subactos
Eusibus ac corde fero cogeret in tyrannum
Spiritus huic terribilis iam solium locasset.*

ELOGIORVM
Solymanus Turcarum
Imperator.



SOLYMANO ex re feliciter prouisa, cui euentus responderit, nomen obuuisse elegantiores Turcæ asserunt, secus ac patri contigisse constar, qui à contrario sensu Selymus, hoc est mansuetus & lenis auctorque pacis sit vocatus, quo nemo Othomannorum Principum ingenio ferocior, & ad scruitiam pronior, & denique bellicosior fuerit. Nam si memoria repetamus vtriusque res gestas quas in Historijs enarrauimus, plus certè cruoris effusum fuisse fatebimur per octo annos quibus Selymus imperauit, quàm his triginta quibus Solymanus Imperio positus est. Hoc vero nomen Salomonem Mosais annalibus Regem, sapientiæ gloria indytum immutatis syllabis refert. Sed Solymani, si comparare iuuat, res gestar, p aternæ famæ nomen æquasse censerì possunt, si numeros & pondera victo-
riarum

riarum æqua lance expendamus. Recepta namque Syria, interfecto Gazelle qui rebellarat; & Belgradum Pannoniæ propugnaculum cum ignominia Christiani nominis fortiter expugnatum; Rhodus manu capta; trucidatus in acie Rex Hungarus; Buda vrbs Regia bis occupata; Austrianus exercitus ad Exechium fœda in fuga cæsus atque deletus; Rocandulphi ingentes copię ad Budam expugnatis castris superatæ; contemptusque demum atque repulsus ad Pestum Germanorum exercitus; & expugnatum in oculis Strigonium, & Albar egalis eo victoriæ cursu in potestatem redacta, & paulo antea Hispani in Dalmatia ad Castrum nouum strenuè expugnati, cæsi que: & quod fœdus nobis accidere non potuit, nostræ classes quæ insuperabiles viderentur ad Leucadem in fugam coniectæ, Solymantum profectio neque patri ausu imparem, neque prorsus inertem aut gloriæ minus audidum restabuntur. Quod si eius victorias ad orientem partas computemus, Alysiriæ & Mesopotamiæ Regna cum Babylonia, clarissima orientis vrbe, & magnæ Memphi proculdubio æquanda, Othomannico adiecta Imperio, capte Aegypto opponi & comparari possunt: & quod ad gloriam attinet, euastati maioris Armeniæ, Mediæ, Persidisque fines vsque ad sinum Persicum, captumque bis Taurisum Persarum Regia, omnibus ornamentis spoliatum, non ne Tamma sum Hysmaelis filium refugientem ad montes, neque consistere, neque acie congregi ausum, se planè victum confiteri coegerunt? Superi itaque Solymano eam mentem tribuant, vt perpetuo bello vexandum orientem, appetendamque Indiam censeat, postquam nos tot acceptarum cladum minimè pudet; nec ex communi concordia de sacro bello cogitamus, dum modo hostis auersi beneficio pace frui liceat, quū huius Solymani vires eleuare, nostras iactanter efferre, eius mores ineptè carpere contendimus. At ipse Turcis eius certè erit (vt illi fatentur) supra cæteros Othomannorum Principes qui per ducentos regnarint annos iustitiæ, sobrietatis, & continentię laude clarissimus, quum nulla impietatis atque scruituti, sed multa religionis atque clementię monumenta Mustaphæ filio tam planè viro & nobis formidando æmulanda proponat.

IANI VITALIS.

*Ocis quem nunquam tentarunt mollia, quem non
Delirij fregit desidiōsa Venus;
Regnatorem Asia Solymantum en aspice quinquis
Scyllæam ignoras terribilem ingluuiem,
Aegyptum ille inhians, inhians Indosque, Getasque
Pannoniæque arces, indomitamque Rhodum
Vi magna aggressus rapuit, te vindice Cæsar
Euasit rabiem sola Vienna suam,
Et nunc immitis facta truculentior vrbs
In latebris fingit funera nostra suis,
Interea dum nos vigilantes flertimus, ille
Insomnis, nobis integra Regna vorat.*

ELOGIORVM
 Andreas Auria Classis
 PRÆFECTVS.



IV te sospitent coelestia numina fortunatae senex, avertæ in libertatem patriæ suprema gloria inclyte, perpetue & inuictæ prædonum hostijs, & multis mari partis victorijs celebra. Dñi superi inquam seruent, & in hoc viuida senectæ robore stant. Ad præsidium nanque oræ maritimæ Deorum immortalium beneficio natus existimaris, qui vnicus cœli nubiumque spectator naualis disciplinæ arcana huic seculo propalasti, vt doceres quibus artibus & irati maris contumeliam, & fruentis Aeoli minas contemnere possent, qui hybernis etiam tempestaibus se fortiter committere audeant. Hoc tibi supremi laboris superest, vt pro tua vetere virtute, vigilantia, pietate, patriam quam abolitis veterum tyrannorum nominibus vere liberam opibusque florantem fecisti, parta civium concordia, diu serues, incolumemque & bene fortunatam faxis.

*Quem spectas barba horrentem, secumque tridentem
Imperium pelagi magna ditione tenentem
Aurius est; non ille modo Lybieque, Asiaque
Pyrratarum horror, & formidabile nomen,
Sed terra decus Ausonia, & nova gloria Martis.
Hic patriam longo concussam turbine belli
Firmauit pace, & ciuiles sustulit iras
Illum grata suum, Ligurum Respublica ciuem
Et pietate grauem, & meritis ingentibus, inter
Delectos proceres quos illa ab origine prima
Excoluit celebrem aeterno sacrauit honore
Et Iouius tabulam virtutis dedicat ergo.*

Tammassus Sophi Per- sarum Rex.



AGNO Hyfmaeli quatuor filij fuerunt: Tammass, Helcas, Becram, & Somirza; sed hic Tammass communi iure gentium quod esset natu maximus Regnum excepit. Verum non eadem felicitate qua pater (quanquam hisdem propè artibus id regeret) aut proferre, aut tueri potuit. Inimpestiua namque fratrum emulatione vexatus, & a Parthia Hyrcandrum lacessitus armis, Othomannica arma non diu tulit, quum Solymanus intellecta occasione è Comagene in Mesopotamiam effulsus ingentibus copijs totam eam regionem, quam hodie Diarbecam Barbari appellant, quatuor clavis urbibus & singulari copiarum omnium fertilitate nobilem occupasset. In ea enim sunt vrbes Byrtha apud Euphratem, & secundum eam introrsus Cara Amida, & Moredinum, & Orpha, quæ Edessa fuit, & quæ est ad Tauri radices Bithelis. Exinde Solymanus Syriæ, Iudææ, & Aegypti Satraparum auctus copijs Assyriæ Regnum inuasit, & Babyloniam Alexandri magni & Reginæ Semiramis memoria claram imensa cupiditate ex tam facili victoria adijce, & in deditionem accepit, ut inde expeditus atque terribilis ad Taurisium æquata Selymi patris celeritate contenderet. Tum verò Tammass quod viribus esset inferior ad montana aspera que loca se subducens, & subitis incurfionibus venturi & prælio certaturi famam præbens, ita Solymanum spe pugnae frustratus est, ut decedentem, & pabuli pressum inopia, hisdem vestigijs insequeretur; adeptusque eius nouissimum agmen ad Bithelim urbem Tauro suppositam quum Turcæ propter effusas niues multis affligerentur incommodis, eorum castra per Delimenthem impigrum Ducem noctu adoriretur, & maxime cruenta cæde semisopitos obrueret. Ea clade Solymanus qui Cara Amidæ subsisterat, dolore percussus Byzantium rediit usque adeo sibi iratus, ut sperati triumphi publicæque lætitiæ apparatus omnem reijceret, viturumque concumeliam iuraret non prius se cepto bello finem impositurum, quam Hyfma

elis progeniem (vti Se'ymus parer, & auus Bai azeres statuisse) funditus excinderet. Hæc siquidem odia cum ipsa nouæ religionis dissensio, tum an-
 iqua simultas à proauo Mahomete cum Vssumcallane concepta, in immē



sum extenderant. Ferebatur quoque Tammam, quod maxime Mahometanis erat odiosum, per mutuas legationes concitare Carolum Cæsarem vt Turcis in oriente occupatis, Pannoniæ & Græciæ, terra marique inuaderet occasionem arriperet. Tammam quoque aliud subijt incommodum: nam, ab eo Helcas germanus frater ad Solymanum Byzantiij agentem transfugit, cuius hortatu renouatum est bellum, quo Helcas vt perfidiæ, aut stulti consilij pœnas daret, quum se bello Ducem prosteretur, non longe à Balzera quæ est Emporium Persici sinus, interceptus est, eo successu vt Tammam adhuc respiceret, & accersitis in auxilium ab Indico Oceano Lusitanis siliquib; sclopettarijs, locorum opportunitate se defendat. Ipse roseo vultu & alacribus oculis, dignam Imperio faciem præfert, & inter Persas, quod maxime decorum est, equitandi & sagittandi peritissimus habetur.

LAELII Carani.

*Regali Tammas Persarum sanguine cretus
 Hic est, quem roseo pinxit Natura colore
 Quem Venus ambrosia conspergit odoribus, arma
 Quem Mars bellipotens simul & Tritonia virgo
 Munere bellorum sacris instruxit & armis,
 Qui quannus odio fratrum vexatus acerbo
 Hercanisque armis, clari haud benefacta parentis
 Aequavit, tamen audaces expellere Turcas
 Et ausus, quorum tepefecit sanguine terras.
 Hic ubi iam niveo Tauri splendore coruscos
 Frigoreque algentes nocturna strage fugavit,
 Rettulit & magno claros ex hoste triumphos.
 Innatus summo percussus Turca dolore
 Prostratas acies cum cernit milite Persa
 Sic proprias repetit sedes, & corde querelas
 Sapim effundit miseris, & percitus ira
 Testatur diuos se unquam linquere inausum
 Inuisos donec Persae euerterit orbe.
 At inuicte nova Tammas virtute superbum
 In patrios iterum fines irruumpere Turcam
 Si qua parte vides, armis victricibus arce,
 Sterne, fugaque, proculque doma; nam victor honores
 Et famam claro felix aequabis olympo.*

Thomas Hauardus Nor-

soltius Dux.

HIC est ille bello inclutus & supra omnes mortales supremo hoc infortunio miser Thomas Hauardus Surreij filius, ab Anglis de nomine eius Imperio subditæ Prouinciæ Norfoltijs appellatus. Is Surreio patri operam in prima acie nauans, quum Scoti ad Floddum occiso Rege delerentur, singularem eius victoriæ laudem tulit; Rebellantem Hyberniam eò transiens armis perdomuit, atque pacauit. Henrico Regi bis Gallicæ bellum inferenti tiracientique in continentem bellica laude virtuteque animi Ducum clarissimus magno vsui fuit. Postremo eum industriæ, perpetuique officij sui fructum tulit, vt post damnatum casumque securi Edmunda fratrem, eiusque filiam pari supplicio mulctatam, quod Regi tot cadibus essetaro infaulste nupsisset, turris Londiniæ carceri includeretur; seruaretur tamen viuus à Rege, vt in carcere Regem non omnino ingratum erga se, qui adhuc tyranni beneficio viueret, fateretur.



LÆLII Carani.

*Horrida Norforti dum traëbas arma tremende
 Diceris esse Deo Bellipotente satius,
 Nam tua dextra graues armus quum perderet hostes
 Obstipuerè homines, obstipuerè Dei,
 Sed magè mirantur te hominesque, Dei que tyrannum
 Quum virtute vident sic cecidisse tua*

Eiusdem.

*Littoris rabiem Marius compefcit inermis,
 Illi dum ferro colla ferire parat.
 Pectora Norforti perterres dira tyrann
 Se fadare tuo nanque cruore pauet.*

F E R D I N A

Ferdinandus Toletanus

Albæ Princeps.



NITERE magnanime Albane, & qui militiæ vsque adeo la-
tis initijs effloruisti, perpetuo virtutis acque victoriæ cursu ad
summum gloriæ fastigium contende, qui antiqua Tolercanæ
familix decora cumulati renouas, & Hispaniæ veterem belli
gloriam asseris, benignitateque splendidissimi ingenij cunctos
proceres æquas, & quosq. Duces cōsilio, vigilantiā & ingenij, ausis antecelli.
Agnoscamus siquidē, quid generoso illo tuo & insatiabili laudis spiritu petas
& speres, & quid deniq. certissimis summarū virtutū præsidij circūseptus stre-
nuē euadēdo cōsequi possis. Inrita nāque tibi est, & a præaltis maiorū tuorum
feminibus ingenua, veræ laudis, verique decoris immensa cupiditas. Nam te

Federici aui Batrico & Cantabrico bello clarissimi trophæa excitant, te Garzizæ patris Libycis arenis insepulti manes vrgent, te Cæsar ipse, cui tu maxime conspicuus, inter splendidissimos Proceres fidei virtutisque nomine delectus perpetuo adlitis comes, vehementer accendit, ut nihil nisi arduum, nisi excelsum, & optimæ laudis spe plenum spectes, unde summa petatur gloria. Hanc enim vnam ipse petit, in qua tamen pietas emineat, & amplificatæ Religionis fama constet; tanto quidem studio, ut te secum rapiat, benignèque secum suum decus communicet. Et hoc hercle multo modestius & liberalius, quandoquidem quotam suæ laudis partem tibi concesseris, quam triumphalem laurum de profligato ad Albin, captoque Saxonum Principe repudiaret, ut totum id decus à te forti ausu felicique dextra partitum, præclaro iure tibi deberi fateretur. Consecisti itaque tua ingenti virtute difficillimum atque durissimum bellum, quod auspicijs inuicti Cæsaris gerebas, optima quidem spe, & singulari perseuerantia, quando semper antecursor, semper hosti proximus, semper ex tua peculiari disciplina munitissimis vallatus castris, ita progredere, ut maturè obuenientis victoriæ fructum prope solus delibares, atque inde totum perciperes. His tuis ad incomparabilem laudem præclare gestis, sicuti antea in Pannonia, Africa, Gallia, te effecturum promiseras, aui atque patris felices animæ iampridem ex meritis in cælum receptæ, ita gaudent & exultant, ut te etiam atque etiam obtinere cohortentur ad concitandum Cæsarem suo pre ingenio de facti belli gloria cupidissime cogitantem. Nihil enim ei vel ad usum rerum præsentium aptius, vel ad gloriam laudatius, vel ad spem æternitatis omnino beatius accidere potest, quam ut in veros hostes vniuersa Christiani nominis arma, vnius præsertim inuicti, pijsque & bene fortunati Imperatoris auspicijs conuersantur.

ANDREAE Angulij.

*Dum cogis Fernande Scythas dare terga Vienna
Astra suo lambit vertice Danubius;
Et quæ lentus aquas agit Afris Bagrada arenis
Miratus dextra est celsa trophæa tuæ;
Te rapidus tremuit Rhodanus, ter Gallia magni
Cæsaris est armis quum quatesacta ferox:
Illius amissa Libycis quoque Saus in undis
Classe, cui robur pectoris obstupuit;
Tandem Albis bello victus te sistit Olympo
Dum duce te, Carolo perfida colla dedit.
Ergo aqua vel tellus, nulla est non plena triumphis
Pars etiam Cali; clare Tolete tuis.*

M V L E A M E.

Muleamethes Cognomento

SCYRIFFI,
Magnus Rex Mauritaniae.

HAC talari lintraque toga induitur Scyriffus, & oblongo lintcolo simplicibus spiris ita caput inuoluit, ut eius extrema pars instar ingentis caudae à dextra aure per humeros & crura ad talos usque diffundatur. Hoc habitu Sacerdotes Aegyptios olim usos fuisse constat, sic ut facile reat sacrificuli cultum inde acceptum, quem nostri sacra facientes superindunt, & Camisum vocant. Muleamethes siquidem ob id Scyriffus vocatur quod sacrae sit stirpis, & Mahometis pseudo prophetae sanguine progenitus. Ea vox enim Arabicè virum sanctimoniam pollentem, & sacris mysterijs deditam

exprimit. Quomodo autem hic magno huius seculi prodigio (quum esset pædagogus) ad tot amplissima Regna peruenerit, breuius quàm potero explicauerim, vt hinc quoque astrologicæ diuinationi non inanem famam adstruamus, & tam sit planè perspicuum totam humanæ fortis fortunam sua auspiciâ Cælo deducere. Scyriſſi pater Zidamethes habitauit in Dara, quod est Regnum non procul à Staffileta regione, quæ tota palmifera est, & magno incolarum emolumento dactylorum copiam venalem præbet, qui fructus esui gratus, à finitimis vltioribusque populis expetitur. Huius mercimonij aliarumque rerum opulentus erat mercator Zidamethes, & prudentiæ opinione maximè insignis: sed in primis syderalis scientiæ peritissimus, vtpote qui multa prænuñciaret & diuinaret, profiterique auderet, vel multis irridentibus, duos se habere liberos, qui proculdubio ad Regale fastigium essent euasuri. Hi erant Mahometes & hic Scyriſſus nomine Amethes, qui Arabicis eruditiliteris ludum aperuerant, puerosque docebant, pari concursu quæstuque apud finitimas gentes doctrinæ fama celebrati. Hos pater admonuit vt noscendis externarum gentium moribus longinquam peregrinationem susciperent, religionisque causâ Mahometis propheetæ templum & sepulchrum ad Meham & Talnabim (quæ sunt in Arabia) venerabundi adirent. Quod opinio religionis mortalibus ingenua, homines ei deditos augustiores, & apud imperitos admirandos efficiat. Suscepere itaque iter, & Memphim inuisere, transuere mare Rubrum, desistere reque Hierosolymas vsque Byzantium, atque inde reuersi in Africam, apud Tuncetum aliquandiu consistere, ceptique sunt haberi in veneratione apud Punicas gentes, quod esset ex progenie Mahometis, inuississentque sacrosancta templum & monumeta veterum Hæbreorum, atque alba veste virentur, Mahometani siquidem eos qui religioso voto conditoris sectæ suæ Mahometis sepulchrum inuiserint, sacrosanctos appellare soliti sunt, & eos à cultu candidæ vestis agnoscunt. Ab eo tempore ingentes amicitias cum Arabibus Regulis contraxerunt, & vti erant ex paternis diuitijs maximè opulenti ad tractanda arma transuerunt, vt fatis suis viam aperirent. Adhæserunt itaque vagis Arabibus qui in Africa à Nilo vsque ad Oceanum Atlanticum incertis sedibus vagantur, imperantque tributa Regibus, & detrectantes venalem amicitiam, armis inuadunt: qui vt tum accidit, magnis viribus Buccentuffum Maurocchi Regem oppugnabant. Maurocchum longè clarissima vltioris Mauritanie vrbs, quæ Romanis temporibus, vt coniectari licet, Bogudis Regis fuit, distat ab Atlante triginta millibus passuum, ea camporum specie, & aquarum vbertate, qua Mediolanum florere, discedereque ab Alpibus videmus. Sed Buccentuffus qui ab Almanfore potentissimo Rege aliquot ante seculis occupatæ Hispanie gloria inclyto, genus ducebat, non prius expugnari potuit, quàm Fessanus Tingitanæ & Casariensis Mauritanie Rex, in societatem Arabum traheretur industria præsertim duorum fratrum, quorum autoritas apud Fessanum plurimum valebat. Eo itaque euentu Arabes Mauroccho potiti sunt, vt Mahometes alter fratrum maior natu Rex efficeretur, quum Buccentuffus ei se desperatis rebus certa conditione dedidisset. Sed hunc postea Mahometes periurus & saeuus in granaria scrobe immaniter necauit.

Amethes

Amethes autem Scryffus trans Atlantem progressus, opulentissimæ regio-
nis Regnum; quod Sustum vocant, frumento, olea, vitæque & metallis abun-
dans, & Tarodentam clarissimam urbem, quæ Arabum stipendiaria fuerat,
occupauit. Ea regio iubatos coronatosque Leones gignit, generosos qui-
dem & hominibus parcentes; nisi ex pecore minoribusque feris ad alimentum
præda destit. Ab Atlante qui est memorosus & altissimus, & hodie mons
Clarus appellatur, perpetui montes oriuntur, non secus ac ab Alpibus no-
stris Apeninibus, longo tractu & multis flexibus in orientem sic exporrecti,
ut mediam Africam proscindant, & ab arenis determinent. Ea nauique
arenarum solitudines ad vteriores Aethiopes pertinent. Cæterum Scryf-
sus non contentus amplissimo Regno, Fessani Regis & Arabum fretus, au-
xilij Mauroechi Regnum Mahometi fratri inuidit, & abstulit. Ea tamen
conditione ut in Dara & Staffilite cum regnare pateretur, quæ Regna pau-
lo ante communibus viribus occupassent. Ex Mauroecho demum Scryf-
sus insatiabili cupiditate ad Fessanum regnum oculos adiecit, innixusque su-
tis dolis & felicibus armis regem Muleamethem debellauit & eiecit, quum
illum fatigatum multis diuturni belli detrimentis Fessanus populus, ut For-
tunæ cederet hortaretur, ne ruendis patriæ casum, & ciuium suorum interi-
tum conspiceret. Ea vero magnitudine animi Scryffus vndique probita-
tis atque iustitiæ ac humanitatis gloriam captare solitus, in victoria usus est,
ut diceret neminem se apud Mauroechum regnare passurum præterquam
Muleamethem, iocatus in communi nomine, atque ita victum & dudum ho-
stem Mauroechi Regem fecit, illumque eò cum liberis ac vxoribus, & Regia
gaza migrare iussit, magno quidem cum dolore Muleamethis, cui nobilissi-
ma atque amplissima Mauritanie ciuitas, & patria erat relinquenda. Ur-
bem Fessam interluit Sala amnis, qui hodie Rhazalma vocatur, & in Occa-
num iuxta urbem Azamor nauigabilis desertur. Eam septuaginta quinque
milibus domorum infinitoque populo frequentem esse omnes asserunt, tre-
centæque & sexaginta frumentariæ molæ in amne visuntur, actæ machinis
quas profluens aquæ in petus rotat & euoluit. Infinitæ sunt in vrbe rerū
fabrilium tabernæ, & plura mercimonij pretiosi conditoria, certis septis pu-
blicè custodita; atque item Gynasîa duo quibus iuuentus discendis disci-
plinis & literis publico sumptu alitur & docetur. Fessani hospitales domos
habent peregrinis suscipiendis, atque xenodochia in quibus afflicti morbis
benigne curantur. Populus in vniuersum suffusci coloris est; sed feminae cul-
tus elegantia, multaque lasciuia morum perpetua ferè vmbra fuscèdinem a-
uertunt, & quotidianis choris indulgent. Hac in vrbe Scryffus solum con-
stituit, subnixusque suis viribus Tremecenium Regem Cæsaris clientem cie-
cit. Bellum cum Lusitanis continenter gerit. Hi in ora Mauritanie extra &
intra Gaditanum fretum oppida tenent, Acillam quam Arzillam vocant &
Septam, quæ Plinio septem fratrum à totidem imminuentibus collibus, vrbs
fuit. Eo quidem successu ut Azamore oppido sit potitus, & Gheum oppidū
in promontorio situm, quod summa virtute sed infelici exitu aliquandiu à
Lusitano præfecto fuerat defensum, expugnarit. Ea verò in pugna qua postre-
mo Fessanus Rex est debellatus Muleboazon, qui Fessano aderat auxiliarius,

Veleſio vrbe quæ ſerè eſt contra Gades poſita, exutus eſt; ſic vt exul & ex vulnere dextro oculo captus in Hiſpaniam refugerit; atque inde auxilia poſtulatam in Germaniam uſque ad Cæſarem perccnderit, ſamam de Scyriffi viribus ingentem relinquens, & admonens principes noſtros vt maturè caueant, ne is Granatæ afflictaſ Regna, alicunde trañciendi in Hiſpaniam occaſionem & facultatem arripiat. Habuiſſe enim eum in acie octuaginta milia equitum, & peditum baliſtariorum ſclopertariorumque viginti milia, moreque noſtro egregiè fabrefacta ænea tormenta maioris minorisque generis conuecta equis & curribus ad octingenta, acceſſuramque proſecto ei infinitam Arabum & Maurorum multitudinem, ſi trañcere meditetur, & religionis cauſa bellum paret. Sed planè ſenem octogenarium quanquàm viridi validum ſeneſcè, & aſiduè camelino lacte vtiẽtem, aut ſua proculdubio abſument ſata, aut ſuperi ab Hiſpania auertent, aut veris armatiſque militibus vbique terrarum egregiè vincere aſſuetis, trucidandum vel vincendum obſciant.

ANDREÆ Angulj.

*Miraris mira hunc cinctum ſeptemplici, & albo
Indutum ſtola Regem habitu Libycos;
Quid ſi illum noſſes, atque illius inclyta facta,
Facta inquam audiſſes, digna duce Annibale?
Hic velut æthereum fulgur, vi Martis aperta,
Regna propinqua ſuo ſubdidit imperio:
Maſſilum huic gentes. Getuli, & Maximus Atlas,
Et Mauritan colla dedere duces,
Adde quod arma etiam Batæ meditatatur ad vrbes,
Hiſpano ſpreto milite, & Oceano,
Dum parat hæc magna, illi ſors, virtusque parauit
Nunc Iouj calamum principis Hiſtoria.*

F E R D I N A N

Ferdinandus Gonzaga.



HOC in te Ferdinande Gonzaga Ducum præstantissime, bellicæ virtutis eximium decus refulget, quod armato præsenteq; Cæsare summæ virtutis & fortunæ Imperatore cuncta castrensis disciplinæ munia obis, quum in agmine, in castris, & acie, vti collega Cæsaris iura summæ potestatis exerceas, vnde geminata laus effulget, cum meriti tui scilicet, cum iudicij Cæsaris, qui tantus ipse Imperator te vnum supra ceteros, duces longe optimum censet. Esse quidem egregium Ducem, vt reor, magnum est; sed opinione hominum existimari censeriue eius maxime iudicio, qui cuncta ratione gubernet, longe maximum videri potest. Agnoscit quippe Cæsar humanarum rerum peritissimus, quo robore animi totas ardentis belli difficultates sustineas & superes, qua mentis providentia locorum & temporum gnarus consilia explices, denique qua vi lacertosi pectoris

ris & animi in armatas hostium acies deferare. Præclara siquidem testificatione digna historijs eximie virtutis & industriæ exempla in Apulia, Africa, Mauritania, Gallia, & Belgio reliquisti, quum ex prefectura Siciliæ quantum tibi curæ fuerit Siculorum, aratorumque præsertim immunitates & cōmoda tueri, quantumque seditionum militum licentia immanis tibi odio fuerit, ostenderis, dum maleficos planeque deficientes à Cæsaris autoritate seuerissimis supplicijs punires, vnde tibi Cæsar, improborum militum hostis accerimus, aliquando gratias egerit muneraque rependerit, scilicet vt te Gallia Cisalpinæ præficeret, cuius procuracionem ita instituisti, vt nemini timenda belli incommoda, & nemini à quoquam contra æquitatem iniuria sit expectanda, & te vnum maxime acrem aduersus hostes armatum defensor, authorem tranquillitatis, & magnificentia studio præclara priuatim & publicè vrbi ornamenta parantem Insulares venerentur.

I V L I I Iouij

*Macte animo egregio decus insuperabile gentis
Gonzaga, quem tanta rapit super æthera belli
Gloria, quæ stabit clavis æterna trophæis
Ausonios inter proceres, & Martis alumnos
Sic splendore nites, quantum omni fydere maior
Sol micat irradians, totum qui illuminat orbem.
Belgica gens, Lybiaque vrbes, Rhodanusque superbum
Arnus, & ingens Danubius, Tibrusque fatentur
Quantum consilio Fernandus possit & armis
Æternos cui bellipotens concessit honores
Militia, vt Carolo dignus, dignusque Philippo
Insulæ regeret iusto moderamine gentes.
Ergo tibi partos inuictis Marte triumphos
Suscipe magnanime Heroun, te celsa fugatis
Hostibus assequitur celeri victoria passu.
Vine igitur felix, volitans tua nam in chæta virtus
Clara per ora virum, celsam conscendet Olympum.*

I O A N N E S

Ioannes Tarnouius

Comes Polonus.



X O T I S tuis religiose susceptis vsque quaque aspirent coelestia numina magnanime Tarnoui, qui hac in tabula triūphali lauro, & victtricibus armis conspicuus spectaris, & Martio vultu illustre Sarmaticæ virtutis decus effers, qui toties de Barbaris bello victor & triūphator vberiores etiā victorias te patriæ relaturū polliceris; quibus latè summotis pulsisque hostibus Lithuani, Roxolani, Podolij, Polonico imperio coniunctæ gentes secura atque lætissima pace perfruantur. Nihil enim nisi magnum ingenti animo concipis; nihil nisi gloriosum, salutare, & tibi patriæque decorum & illustre complecteris, ut clarissimis factis insitum generosæ virtutis nomen & famam latissimè extendas. Eo nanque studio in adolescentia ingenium optimis literis excoluisti, iuventam durissimis belli laboribus dicasti,

Salve ò Sarmaticæ gentis fortissimè ductor
Iustitia atque armis, quis se tibi conferat unquam
Quum tua dat sonitu bellorum buccina signum
Poscis equos, atque arma gerens in prælia, turmas
Sternis, & armatos exultans deicis hostes,
Moldaviæ dominum campo congressus aperto
Fudit, Sauromatis cladem excidiumque minantem
Te superis Aistrea plagis transferibit, & ipsa
Iam tibi perpetuos Divum concessit honores.
Sarmata magnanime agnoscat ventura vetustas
Nullum posse tibi similem monstrarier orbi,
At tu, vivus adhuc, multis dominaberis annis.

ALEXANDRI Suchteni Germani.

Dives opum tellus, clarisque potentior armis
Dat mihi natales Sarmatis ora lares.
Sicut imaginibus titulisque superbus aurorum
Sic virtute mea magnus in orbe feror.
Vallachus imparibus quum nos inuaserat armis
Auspicijs casus Dux fuit ipse meis.
Vistula Moldavi clypeosque, arcusque, rotasque
In mare Theutonicum barbara signa tulit.
Facta quod illius non sis tum præda furori
Tarnonio debes terra Polona tuo.

Cosmus Medices Florentino

rum Princeps.



DII vota tua cumulatè impleant magnanime Cosme, postquam nihil præter ipsum asolutæ virtutis sp̄cimen respiciunt. Tales namque tibi mores natura tribuit, nusquam herde nouerca, vti fas est videre, sed semper arridens & benigna mater, vt gloriam ex benefactis clarissimisq; virtutibus obuientem contemnas potius quàm affectes. Apud te siquidem pudor atque iustitia viget, & virtuti optimisque artibus domi tuæ certissimus est receptus. Literas colis, ingenia foues, magnificentie studium pulcherrimis operibus extendis. Rempublicam porro ita gubernas, vt nobilitatem in honore habere, populum alere, & patriam tranquillitate atque opibus florentissimam reddere contendas. Quo verò admirabile clementie tuæ munus est, exules facile reducis; parcis rebellibus, scilicet vt plures domi sint, qui tibi plurimum debeant

beant, & nomen tuum sincero maximè studio venerentur. Id enim salutare ciues agnoscunt, Etrusci omnes certum publicis rebus præsidium fatentur, & tota iam Italia, atque vltiores gentes felicitis tui & rectè constituti Principatus decus concelebrant. Perge igitur, optime Princeps, vt te supergressum humanas laudes, & beata tua prole gaudentem, quum longa senectæ vitæ finem attuleris, ingentem animam conspicua in sede cœlites exceptam constituent, & posteritas omnis, cuncta ingenij atque Fortunæ tuæ monumenta æternis laudibus persequatur.

IOVII Iunioris.

*Qualis Hyperboreo letus Grædius in orbe
Fumantes quum soluit equos, sudantiaque ora
Strymonis in ripa victricibus abluit undis;
Iam furor, & rabies armorum, iræque, minæque
Belligero cecidere Deo, tranquillus inerrans
Ore robur, placido signat sua lumina vultu;
Ille sedet lustrans oculis & mente benigna
Armisferam Thracen, defensumque hostibus Hebrum
Prospicit, & Getica secura mapalia terra,
Tum Veneris blandum pertantant gaudia pectus.
Talis magnanimi diuino lumine COSMI
Ante alias longe radians effulget imago,
Ingentesque gerens humeros, angustaque membra
Effigies vllum nunquam peritura per ænum
Vertice nudato celsus caput exerit armis
Sydereosque oculos, regalia lumina vibrans
Pacatam se se populus spectantibus offert.
Ceu quum deposito magnarum pondere rerum
Olli tranquillam demulcent gaudia mentem,
Inuenti quum iam ceculerunt monstra ruina
Qua se deuicilo mons Murlus erigit hostes
Quum iam leta suo felix Duce Flora quiescit
Atque Etrusca salus tanto sub Principe tuta est.*

RAINERII.

*Te duce, mortales quæ designata scelestos
Extulerat niveos aurea ad astra pedes
Aurea nunc Astrea redit, Venus ante recepit
Sacilega, Etrusca COSME decus patriæ,
Per quem parita quies, & pax & copia rerum est,
Et Sophia, Aonidumque artibus ortus homos.
In salcem, duce te galeæ constantur & enses
Nec lethale sonant classica, nec litui.
Arte satus, Ianum claudis, qui claudere Ianum
Mortis prolem te potuisse putet?*

FINIS

ELENCHVS ILLVSTRIVM

VIRORVM QVORVM HISCE SEPTEM

libris effigies Repræsentantur.

<i>Astolinus Tyrannus</i>	41.	<i>Danid Abyssinorum & Aethiopum rex</i>	311.
<i>Ælius Mediolanensis princeps</i>	77.	<i>Elisabella Aragonia</i>	271.
<i>Albericus Balbianus</i>	117	<i>Erasmus Narniensis cognomento Gattamelata</i>	121.
<i>Alexander Magnus</i>	6		
<i>Alexander Medices Flor. princeps</i>	319	<i>Farinata Vbertus</i>	35.
<i>Alfonsus rex Neapolitan.</i>	135	<i>Federicus Feltrius Vrbini Dux</i>	167.
<i>Alfonsus Atostinus Ferraria princeps</i>	345	<i>Ferdinandus Rex Romanorum</i>	366.
<i>Alfonsus Daulius Vailius</i>	335	<i>Ferdinandus Cortesius</i>	343.
<i>Alonius Crissus</i>	303	<i>Ferdinandus Toletanus Alba princeps</i>	330.
<i>Amurathes II. Turcarum Imperator</i>	141	<i>Franciscus Gallia rex</i>	345.
<i>Andreas Grissus Venetorum princeps</i>	324.	<i>Franc. Alidosius Cardinalis Papiensis</i>	209.
<i>Andreas Austria Clajus præfectus</i>	274	<i>Franciscus Borbonius Anichianus</i>	336.
<i>Annibal Pannus</i>	10	<i>Franciscus Buffonius</i>	123.
<i>Antonius Grimannus Venetus</i>	256	<i>Franciscus Ferdinandus Piscarius</i>	266.
<i>Antonius Leua</i>	315	<i>Franciscus Gonzaga Mantuanus</i>	234.
<i>Artaxerxes rex</i>	4	<i>Franciscus Maria Feltrius</i>	321.
<i>Ascanius Sfortia Cardinalis</i>	194	<i>Fran. Sfortia Mediolan. princeps</i>	113
<i>Attila Hunnorum rex</i>	54	<i>Franciscus Sfortia secundus</i>	310.
		<i>Fridericus primus Imperator</i>	13
<i>Baiazetes Primus, Turcarum Imperator</i>	107		
<i>Baiazetes Secundus, Turcarum Imp.</i>	219	<i>Galeacius Primus</i>	74.
<i>Baleona familia duces.</i>	240	<i>Galeacius secundus Mediolan.</i>	82.
<i>Bartholomæus Colco Bergomas</i>	147	<i>Galeacius Sfortia</i>	151.
<i>Bartholomæus Linianus</i>	219	<i>Gasto Foisseius</i>	213.
<i>Basilus Mosconia princeps</i>	313	<i>Gattamelata, Erasmus Narniensis dictus</i>	125.
<i>Barnabas Mediolanensis princeps</i>	84	<i>Georg. Castriotus Scanderbechus</i>	144.
<i>Braccius & Sfortia</i>	121	<i>Georgius Fraispurgus Germanus</i>	255.
		<i>Gotbfredus Bolonius</i>	25.
<i>Cæsar Borgia Valentinus</i>	201		
<i>Camillus Vitellius</i>	182	<i>Horatius Baleonus</i>	242.
<i>Campson Gaurius Aegypti Sulehanus</i>	222	<i>Haradenus Barbaruffa</i>	342.
<i>Canis Scalger</i>	64	<i>Henricus Gallia rex</i>	362.
<i>Carmagnola</i>	123	<i>Henricus Octavianus Anglia rex</i>	337.
<i>Carolus Aurelian. Fran. Regis Filius</i>	333	<i>Hippolytus Medices Cardinalis</i>	307.
<i>Carolus Borbonius</i>	251.	<i>Horuccius Mitylenæus</i>	340.
<i>Carolus Burgundia Dux</i>	156	<i>Hyfmael Sophus Persarum rex</i>	253.
<i>Carolus Magnus</i>	22.		
<i>Carolus Octavianus Gallia Rex</i>	179.	<i>Iacobus Quintus Scotia rex</i>	326.
<i>Carolus Quintus Imperator</i>	365.	<i>Iacobus Trivultius</i>	226.
<i>Carmagnola</i>	123	<i>Ioannes Archiepiscopus Mediolan.</i>	79.
<i>Castrucius Castracanis</i>	53	<i>Ioannes Aucustus Britannus</i>	215.
<i>Caytheus Memphisicus Sulthanus</i>	170.	<i>Ioannes Bentiuolus Bononiensis</i>	261.
<i>Celestinus Turcarum Imperator</i>	112	<i>Ioannes Galeacius Vrecomes</i>	86.
<i>Christiernus Dania Rex</i>	260.	<i>Ioannes Maria Mediolan. princeps</i>	88.
<i>Christophorus Columbus</i>	190.	<i>Ioannes Medices</i>	278.
<i>Consabius Ferdinandus</i>	217	<i>Ioannes Vitellius Cornetanus Patriarcha</i>	92.
<i>Cosmus Medices Florent. dux</i>	290.	<i>Julianus Casarinus Cardinalis</i>	97.
<i>Cosmus Medices senior</i>	135	<i>Julianus Medices</i>	158.

Luchinus

I N D E X I M A G I N V M

<i>Luchinus Medilan. Vicecomes</i>	74.	<i>Philibertus Auranus Princeps</i>	297.
<i>Ludovicus XII. Gallia rex</i>	215.	<i>Philippus Mediolanensis Princeps</i>	91.
<i>Ludovicus Pannoniarum rex</i>	274.	<i>Pompeius Columna Cardinalis</i>	302.
<i>Ludovicus Sfortia Mediolanen. Princeps.</i>	197.	<i>Froger Columna</i>	257.
<i>Mahometes secundus Turcarum Imp.</i>	164.	<i>Pyrrhus Epirotarum Rex</i>	2.
<i>Malatesta Balconus</i>	241.	<i>Pyrrhus Stipicianus</i>	301.
<i>M. Antonius Columna</i>	246.	<i>Robertus Neapolitanorum rex</i>	62.
<i>Martinus Turrianus</i>	46.	<i>Romulus Quirinus Romanorum rex</i>	1.
<i>Matthaeus Cardinalis Sedunensis</i>	49.	<i>Saladinus Sulthanus</i>	29.
<i>Matthaeus Magnus</i>	73.	<i>Sarra Columna</i>	51.
<i>Matthias Corvinus Pannonia rex.</i>	174.	<i>Scipio Maior</i>	12.
<i>Maximilianus Caesar</i>	237.	<i>Selymus Turcarum Imperator</i>	244.
<i>Maximilianus Sfortia Mediolanensis princeps</i>	259.	<i>Sfortia & Braccius</i>	112. 119.
<i>Muleamethes Scyrius</i>	351.	<i>Sigismundus Polonia rex</i>	352.
<i>Muleaffes Tuncianus rex</i>	352.	<i>Sinas cognomento Indus</i>	343.
<i>Narfes Eunuchus</i>	20.	<i>Solymanus Turcarum Imperator</i>	372.
<i>Nicolauus Virsinus Petilianus</i>	204.	<i>Tamerlanus Scytharum Imperator</i>	202.
<i>Nicolau Picininus</i>	127.	<i>Tammasus Sophus Persarum rex</i>	365.
<i>Numa Pompilius</i>	3.	<i>Thomas Hamardus Norfolij dux</i>	377.
<i>Odettus Fusius Lotrechius</i>	216.	<i>Tomumbeius Aegypti Sulthanus</i>	225.
<i>Osbo Archiepiscopus Mediolanensis</i>	71.	<i>Totila Gothorum rex</i>	17.
<i>Pandolphus Petrucci Senensis</i>	264.	<i>Tristanus Acunius Lusitanus</i>	229.
<i>Paulus Balconus</i>	246.	<i>Vgo Moncada</i>	289.
<i>Paulus Vitellius</i>	151.	<i>Vguccio Fagiolanus</i>	55.
<i>Petrus Medices</i>	187.	<i>Vincensius Cappellius Venetus</i>	328.
<i>Petrus Namarrus</i>	162.	<i>Vitellij fratres</i>	151. 153.
<i>Petrus Soderinus Florentinus</i>	652.	<i>Vitellocius Vitellius</i>	155.

Sequentes versus collocandi erant post effigiem Matthaei Card. Sedunensis pag. 251. sed cum in prima editione florentina ex qua nos nostrum exemplar descripsimus, non essent suo loco positi, sed ad finem: nos quoque non advertimus in tempore, quare hic ponere maluimus, quam auctoris laborem in iisdem tam coctine describendis irritum fieri.

A P G P S T I, Cocceiani.

*Helacti, gens una Ioni carissima summa,
 Et cara Martii pignora.
 Iunicti bello populi, certissima Regum
 Bellantium spes, ac metus:
 Nullone Hiernas vestros celebratis honore &
 Nullo arte? nullo marmore?
 Certè etiam externis, clara virtutis amica,
 Artes fouebunt Itali.
 Ipse pater Ionius quàm mita expresserit arte
 Illustrium formas Ducum
 Cernitis, & vestri Palloris imagine vera, ut
 Dotes ex ara effuxerit.
 Qui lati Italiam fama compleuerat omnem
 Virtutis ergo fulgide.
 Quare purpureo corpus velabat amictu,
 Sacro cornu o-dine:
 Certabantque virum sublimem tollere ad ostra
 Bellena Populo, Scythias,*

B A S I L E A E

INDVSTRIA ET OPERA
PETRI PERNAE
SVMP TIBVS VERO HENRI-
CO PETRI ET SIBI
COMMVNIBVS

Cum Gratia & Privilegio Caesareae Maiestatis.

ANNO CIO IO LXXV
Calendis Februarijs.

INDEX RERVM ET VERBORVM IN PAVLIO IOVII ELOGIORVM LIBROS DE VIRIS ILLUSTRIBUS IN RE MILITARI BREUITER COLLECTVS.

A



Abernago 111	eius vanitas 9.	de Philippo se	maior moritur ibid.
Absege 102	natum dissidet 2	Andree Aurie filiet desiderata	129
Acomather purpuratus Hidrunum capis 106	patrem mentitur ibid.	mira londes	174
Aconitius Vicianus 114	Alexander Romanus inferre bellum	Angelus Politianus vir doctus	100
Aclius Tricemen magnificus adifici 77	destinaret 8	Petri Medici preceptor	118
Adian Arethium 44-49	Alexandri Magni Imperium quam letit paterie 6.7	Angelus Maximus ciuis Romanus	8
Acliolinus Patavioorum tyrannus 41	Alexandri in vultu mutatio mirabilis 4	Anglorum militis in Italia	116
Germano Uelut ibid.	Alexandri pontificis offerunt in Tridricum 1. Caesaris 11	Anna Maximiliani Cesaris filia à Gallo rege repudiata.	110
equum magister ibid.	Alexand. Magni maiorem fecerunt scriptores Graci 8	Annibal terrorem multae Vrbi iniecit	10
horrendum monstrum 42.	Alfonfus Aregonius à Regina adoptatus in regnum Neapolitan. 137	Annibalus Romi testata virtus	9
eius ingenium ibid.	captus nauis praelio 137	imago aree	10
in pede vulneratus 43.	Neapolim capit 116	marmorea statua 10	
turatis praelio captus 46	spendori fludet 137	Annibalis et Scipionis statua apud Messanem ibid.	
Acliolini ortus 48	celebs 27.	amici à Roma in xj menses dilaisi 4	
capia, crudelitates ibid.	Alfonfus Daulus dux fortiss. 137	conferre quò conueniant 104	
humanitates 44.	liberalis ibid.	Anticimella familia Lucensis 18	
bella ibid.	Alfonfi regis Neapolitan stirps 137	Antonius Lexa vir militaris impiger 21 s.	116
in Acliolinum conuatio 44	magnificencia 137.	Ticini obsideret 137	
Aegyptiorum vetus lex incompleta 173	obis viros studium et obseruatio ibidem.	Antonius Pontadera suspenderit immortis 24	
Aegyptiorum mos in regum electione 173	Alfonfi Aclolini praelorum ingenium 101.	Antonius Rido. 28	
Argeria nympha cum Numa congregata 173	vita à Louio descripta ibid.	Antonij Lexa belli peritia et mors 122.	
Argeria nympha cum Numa congregata 173	bella et mors ibid.	Antonij Grimanni vita breuis 146	
Agathila scyma de sagittis 8	Alfonfina Virina 118	disputat 157	
Anthopos persidia pomas dent 192	Alonfus Grutius exemplum fortune 106.	prudencia 158.	res gestae ibid.
Albentem quis cepit 110	ingenij et audacie 103	fortuna 210	
Albertus Scotus Placentinus ale magistram profectus 99	excellens vnionum estimator ibid.	etati annorum nonaginta ibid.	
Albericus Aclolini frater 46	Alonfi Grutii ambitus lobido 104	Autropophagi 93	
Albericus Balbianus illustris miles et dux 112	Amexobij 103	Aquileis ab Anthila delata 104	
Alberici Balbiani ingratitudo 118	Americus Cibacbus 104	Araber Aegyptio infestis 173	
mors ibid.	Amideus Allobrogum princeps papa 100	à Sultano affliti ibid.	
effigies ibid.	eratus 100	Arceili 10	
Alboinus Longobardorum rex in L. telum 23	Pelix appellatus ibid.	Armerius Asculanus Centurio 94	
Alexius Graecorum imperator infulus Christianis militibus 37	in Ceradalem euadit ibid.	Arfenge 104	
Alexander Medici 319 ut ortus ibid.	Amoratus Orcani filius 109	Arfius Gallus dux 104	
eor in seniliu receptus ibid.	occiditur ibid.	Artaxerxi à Plutarcho descriptus 9	
cur princeps designatus 119.	Amurabes secundus 141.	adunco naso 4	
in exilium à Florentiniis aclus 110.	primum ibid.	Mennon et Longimanus 4	
princeps à Cesare institutus et gener ib.	Oibonem phalangem instituit 141	Cyri minoris frater 4	
Alexander Magnus Aristotelis discipulus 6	Scanderbecho succubuit 145	Artaxerxis liberalitas 8	
laudis appetentissimus ibid.	Amorathis secundi bella 143	Artaxerxis imago vnde desumpta 8	
pacta gloria inuidus ibid.	Ercmita factus ibid.	integritas certitudo ibid.	
	mors 143	Africanus Iferius Caradidus diues et magnificus 194	
	Andreas Lamponianus parricida 174	à quo Ceradalis factus ibid.	
	Andreas Grutius virtute ad principatum contendit 174	princeps familiar quam sacro viro ibid.	
	bello insignis 174	except et vnditor ibid.	
	princeps creator, obsequario 179		

I N D E X

B *Alexetes* primus vi regnum as-
spiciunt 110
Balsares quartus Orbomanorum
principes 107
Balsares hildrim appellatus 107
Balsares in Venetis 213
quid eis caperit ibid.
a Tamerlane captus 105
Balsares pugnari cum Tamerlane
sententia 104
inferia 221
Balsares Secundi ingenuum optimum
110. *Historia* ibid.
Balsares humanitas in Regem Gel-
um 110
Balsares filii 213
Baldinus Gothifredi frater 28
Baldron primus Malatella 242
Baldron familia unde ortum habuit
242
Baldy Moschi vxores 214
Barbarusa victor cladium Christi-
anum 230
Barnabas Vicecomes pugnax 116
Barnabas Vicecomes Martialis
cradeli, venator binae miradas
canum viciat in albat 24
proli numerosa vi prouidit 21
a nepote caput carceri traditur
ibidem. eum effugit ibid.
Bartholomae Colonus in cere-

Bartholomae Lianum ab Vrslis
Romanis adoptatus 119
Bartholomae Colonus belli pericia et
virtus 127
Bartholomae Colonus tempore riden-
dapula 122
adificia 129
ancestus 149
Bartholomae Liniani genus 213
bella perituros in Italia græa 116
Betrix Tenda 20
Filippa Vicecomitis vxor ibid.
Bulgæ 216
Benedictus xi. papa 14
Bernardus domus destructa a fun-
damentis 242
Bernardus Sadoles 262
Bernardus Bandum 162
Sicarius truncatus ibid.
cum Antonio Volaterrano 162
Bernardus Curtius perfidus 222
Scilicet ancor Gallus Fortunatissimus 162
sularum repertor 220
Biraga familia 22
Bina antiquitus Bibracum 122
Blanca Filippi Vicecomitis filia Spa-
rie Francisci Sfortie vxor 20
Blasius Megares 126
Bohemus superat ibid.
et Helasici Imperator
credulus superat ibid.
Bone Ioan. Galatry Sfortie filio 279
Regi Polonie nupte ibid.
Bonacotus Pisanus ab Vgacione inter-
fectus 16
Bonifacius Vicecomes perfidus Fran-
ciscum Sfortiam vulnerat 213
Bonifacius nobilis, sed factiosus prin-
ceps 23
Bonifacius Anagninus Anagnie a Ser-
re capitur 17
Bonifacius Columnensibus infensus 21
Giuliphi fames ibid.
Bonifacius Maleficius appellatur 21
Bonifacius Coelestinum ponit
abdicatum in carcere necat 22
Bonifacius rabie moritur 24
Bonifacius ambrosio peruersa
abusus 22
Bonifacius Donierensis 22
Bonifacius quis reperit 110
Braccius et Sfortie amici et hostes
110.
Braccius presagio territus
cum mori et sepultura ibid.
Braccij et Sfortie genus 110. 112
et mercum ibid.
Braccij miles 123
egregie in Gallis vindicta 143
Quibus militauerit 129

Buccellidus Galus 12
Buges vrbs 230
Bulbinus 20
Bulbinus mors et res græa 20

C
Abrium Pandalus 22
Cædri mellum aliquot 120
Cælestinus papa eremita in monte
Gargano 24
inter sanctos relictus 24
Cælestinus papa simpliciter
sensitum opus ibid.
Cæsar Borgia viroso senem procre-
tus 204
corpore validus ibid.
Pyth legum studiosus 202
Cardinalis ibid.
fluxe fidei fratrem inquit
vxorem Giliam duci ibid.
seum in omnes ibid.
veneficus seipsum et patrem in-
fecit 205
capit exultat ibid.
quos necauerit 200
Cæsar Petrucci vexillifer Floren-
tie 202
Cæsarine familia Romana 20
eius insignia et Romæ dignitas
20. 22.
Caletis defectio ad Gallos 109
Caliphæ rex Aegypti a Christianis
victus 28
Camephar lali descriptio 173
vbi capitur 279
Camillus Trunianus 212
Camilli Vitellij mors 123
Campobisi Neapolitani perfidia 173
Campio Gaurni Aegypti Substant
222. produm 202
ab equis teritur ibid.
Campomio Gaurni genus 202
et virtus ibid.
Canis quid significet, et unde dicat-
ur 26
Canes Coham 109
Canis Scalliger Verone dominus 22
eius virtutes ibid.
sepe bonum semel aduersum fortu-
nam in bellis experitus 20
Pelaxium cepit 20
et Tersium ibid.
cur magnus dicitur 24
Canis et Aristides contraria ingenia
21.
Canis regia illatissimæ boffium dami-
lun 22. effugit 26
mori 26
Canibales 221
Capena porta 22

virens fecit 48
 Epigramma & effigies ibid.
 equites à Romulo instituit 2
 equorum syluestrium figura, vires & venatio 255
 equorum syluestrium numina 255
 Erasmus Truchinus 226
 Eugenij pape prudentia 100
 Euerisij 108
 Exercitola quid 142
 Expeditio secunda in Syriam 10
 exercitus Christianorum in Syriam 12

F

Fabritius Peregrinus *Permenis* 10
 Facinus Cans 88
 Fastio Medice à Soderino offensa 166
 Fargenacia Morio Florentinus 113
 Formata vberibus 81
 Formata Gualphij metuendum 10
 exul Senia ibid.
 Formata dotes 40
 pictus in patriam 89
 bamentum in hostem 89
 fepens consilium 87
 cum Scipione Africano similitudo 40
 eius effigies ibid.
 Ferrum fortunatum 110
 Ferrucius ex meretrice dux exercitus 102
 captus interficitur ibid.
 Ferdinandus Aragonius crudelis 139
 Ferdinandus Daxalus Piscarius insignis dux 60
 eius vitam Ioannis descripsit 201
 Ferdinandus Cortesius Columbi Liguris amicus 148
 messica regna inuenit ibid.
 eius casus & res præclari gessit 142-150-151
 Ferdinandus regis laudes 167
 Ferdinandus Gonzage landes & virtus 887
 Ferdinandus Corduba pietas incomparabilis 188
 Ferdinandus Alhami Duris laudes ad huc auctoris impares superij iam senioris facti 179
 Philippus rex Gallie à Pontifice exaceratus 22
 Philippus Vicecomes captus Papie ut princeps fiat 20
 Philippi Vicecomitis insignis laborator 21
 eius effigies ibid.
 Philippi Vicecomitis clementie gloria 116
 Florenti reuicator Carolus Magnus 21
 Florentini Carolus Roberti filium Dominum postulant 22
 Flumen os Draconis appellatum 199

Foras Italia sanctum 108
 Foras à Christianis auctore Pontificis cum Turcis factum 101
 Fortebraccius 127
 pontifici infensus ibid.
 Fortebracciorum familia 127
 fortuna Alexandro Magno fauet 6
 fortuna in Mamalucorum imperium euerterendum 214
 fuisse noue Papirienae olim 12
 Franci inuictum hominum genus 20
 Franchum Ruffaba 88
 Franciscus Petrarca in Capitulo laureatus 70
 Franciscus Pilelphus poeta 139
 Franciscus Saluatus Archiepiscopus Pisanus 160
 Franciscus Turrianus 22
 Franciscus Pallius 159
 Franciscus Gonzaga Venetorum imperator 214
 captus 235. magnificus ibid.
 Franciscus Gallie rex primus, quibus doctus ornatus 141-146
 Franciscus sfortis primus nominis patrum heres & virtutis 139
 Filippi Vicecomitis gener imperij heres ibid.
 clementis & moderatus ibid.
 suis & hostibus venerabilis 131
 sine lueris, literarum amantissimus ibid.
 arcem Mediolani edificauit 139
 Franciscus Sfortia secundus aramnosus princeps 210
 vulnere peritus 210
 bella tria conficit ibid.
 regno à Cesare restituitur 122
 vxor datur, & moritur ibid.
 Franciscus Borbonius Ambraseus 231
 Dux prius quam miles ibid.
 Caesaris copias profligat ibid.
 ad triumphum domum reuersus casu aut consilio occiditur ab Henrico 211
 hunc populus laetit 211
 Franciscus Maria veltrius dux Vrbinas 211. vir militaris 212
 Alidosium cardinalem occidit, Galorum stipendia secum, principatum recuperat 212
 ei milites fauent ibid.
 à Venetiis copias praeficitur 212
 Francisci Gonzage ingenium 235
 equorum studium, liberi ibid.
 Francisci Sfortie Isabella filij casus 172
 Francisci Alidosij Cardinellus vita improba 209
 mors turpissima 209
 occiditur à Feltris ibid.

Fridericum primum vnde amobantur doctus 31
 Fridericus Caesar 1. quibus copijs Syrium traiecit 13
 Fridericus Feltrius 167
 P. Sfortie discipulus ibid.
 Friderici nominis etimologia 11
 Friderici primi auctoris magnitudo 31
 Friderici in Italiam & Romam aduentum 13. bella & res gestae eius in Italia 12. cum pontificibus simulat 19
 mortis 14. statur & effigies ibid.
 Friderici Feltrijs laus militaris 167-168
 aedificia 168

G

Gabinianum captum Anranij & Perris à morte celebre 199
 Galeatus primus bello & vate splendore insignis 22
 iniunctus in carcerem ductus ibid.
 eiusus 26
 exul moritur ibid.
 Galeatus secundus Vicecomes stirps praestans 25
 edificij magnificus ibid.
 milite peritus 62
 Ticini arcem edificauit & Ticino pontem imposuit 70
 Gymnasion instituit & bibliothecam nobilem 81
 parcam muris circumdedit ibid.
 eius effigies ibid.
 Galeatus Sfortia fortunatus & miser 111. miles in Gallia ibid. regalem saltum seruauit 122
 quibus delectaretur 129
 Galeatus Sancratius literis discipulus 129
 Galeatii primi effigies 70
 Galeatii Sfortie magnificentia 122
 Galeatus Sfortie iussu Colco dona à Sulbano missa 279
 Galeatus Formanus strangulatus 121
 Galli ad Neapolim peste absumuntur 122
 Galorum in regno Neap. stirps 120
 Garzia Tolitanus 201
 Gastonis Foissy virtus 211. & Galloriarie fire incredibilis 211. Rhodensis victor occiditur 211
 Gattamelata Venetorum imperator 125. Braccione iactationis ibid.
 Gattamelata cognomen 125. mortis 126. stappa posita 127
 Genui Turca Balazeti frater captus 24. Genui Turcae prudens de la. dis equitibus sententia 127
 Genua to Bentiuoli vxor 162
 imperij antea ibid.
 Genua

I N D E X.

Gentilis Bellinus pictor 168
 Genenses à Viccomitibus rebellant 91
 Georgius Poggiabraccius rex Bobe-
 mie 177
 Georgius Franiſpergius dux preſtan-
 tiſſ. cruculensis 184
 Carolus V. ſulelem operam præſti-
 tit 184
 paratypſi percuffus ibid.
 Georgij Franiſpergi prælia fortiter
 depugnata 184
 edium in Pontificem, & dira vox
 ibid. liberi 189
 Georgij Caſtriche virtus & ſebeli-
 tas 186
 diſciplina militaris ibid.
 delictus, memoria & pietas 186
 effigies ibid.
 Gherardus Compagempetrius 41
 Gherardus Lupidus Lucenſium ca-
 putanum 54
 Græcorum & Latæcorum concordia
 100.
 Gubini proceres 61
 Gubellorum et Guelphorum ſunctio
 nomina quando incæpta 17
 ſuncta victoria 18
 Gubellorum & Guelphorum exa-
 ſtrati enim 61
 Gubellorum ſederati 60
 Girapolis 193
 Gottifredus Bolſoneus cuius ſemelle
 15 Chriſti militum profeſſus 16
 expeditionis Hieroſolymitane ca-
 putanum ibid.
 rex appellatus 18
 Gottifredi effigies 18
 Grinnus obſiſum capitur
 capite truncatur ibid.
 Gualphi & Gubellini ad Montecat-
 nam 16
 Gualphi caſi ibid.
 Gualphi viſi ad Altopaſſum 60
 Laca preſtantur 18
 ad interuentionem delentur 17
 Gualphorum exercitus 61
 ſederati 60
 ſemelle Florentia 16
 Guido Guerra 104
 Guido Laſignanum Hieroſolymitanum
 rex 16
 Guido nouellus 39

H

Ariadennus Berberuſſa 107
 pirata 184
 Tuneti rex
 à Carolo Caſ. expulſus ibid.
 Baſſa creatus in Gallia claſſis præ-

præſtat 141-143
 Hebræos cultum à Perſis accepſſe 4
 Henricus Ceſtrucci filius 41
 Henrici VII regis Angliæ dote 117
 vitia & victorie 118
 vxores & libido & ibid. 119
 Henrici II regis Gallie laudes & ad
 virtutem adhortatio 173
 Hermes Bentiuolus 161
 Heros ciuitatis & fortuna 121
 Hieronymus Riarus 119
 Hildides Athide vxor 16
 Hippolini Medicis Cardinalis piſta-
 18
 ingenium ad omnem virtutem i-
 bid. Porta Etrurſcum, Phona-
 ſcum, orgoneſta, Cytharodan, Lyri-
 ſtes, ſubulator, ſibicen, timpaniſta
 ibidem
 Hippolyti Medicis ſtudia & magni-
 ficentia 108
 dominandi libido 109
 familie, fortuna, mors ibid. & 110
 Hiſpani vnales 110
 Hymæus Sophus Viſſumcaſſani nepos
 171. equitandi & ſagittandi
 peritus ibid.
 Hymæus cur in conſtante ætate mor-
 tuus 177
 res geſte 173
 Horatius Salconum ſanus & ſeſtio-
 ſus 143
 Horde 101
 Horucius Pirata rex ex infima for-
 18
 interficitur 141
 Hyelon 104

I

Iacobus Vicani 22
 Iacobus Picimini F. ſfortie gener
 necatur 112, 113
 Iacobus Triumſtus in pugna Tarten-
 ſi 117
 Gollin operam nanat ibid.
 Marſealcus creatus 118
 in pugna ſemel tantum ſuperatus
 118
 litterarum appetentiſſimus ibid.
 Maſochy & Viglioni dominus
 ibid. in Gallia moritur, &
 Mediolani tumulatur ibid.
 Gualphe ſactionis 115
 Iacobus Poggius Poggi docti filius
 160
 Iacobus Paſſius 119
 Carodamoniſe demouet 163
 Iacobus Scotie rex occiditur 117
 Iacobi Triumſti parum liberalis fa-
 ctes 106

patria & pater ibid.
 Iacobi quinq. Scot. reges 114
 quatuor in triſſetis ibid.
 Iannus Docemus ſicariuſ 104
 dilaniatur ibid.
 Ianni templum à Numa conditum 3
 Lenczerorum nomen 143
 inſtitutio 143
 eorum numerus 143
 Lexartes amicus 103
 illuſtres viri in triumphum ducti à Ce-
 ſtreccio 61
 imaginis Artoxerxiſ certitudo 4
 Inuani monti 103
 Imperatores orbis duo maximi 104
 ubi pugnarint ibid.
 Imperatores exercitus qui Venetiſ pla-
 ceant 105
 Imperij legitima iura ubi petenda 2
 Inſula Guadalupe 102
 Inſula Hiſpaniola 102
 Inſula Cuba 103
 Inſule Fortunatæ à quo reperte 100
 Iſabella Goezaga 10
 inuidia virtutis inſidiatrice 13, inuidia
 Coſmus Medicus in carcere ducitur 102
 Ioanna Regina Neapolitana impu-
 dica 107
 Alphonſum filium adoptatū boſtem
 deſeruat ibidem
 Ioann. Viccomes archiepiſcopus Fla-
 renſinis cur bellum mouit 10
 pondem luculenſiſimum ad Leu-
 cum ædificauit, Cardinalitium di-
 gnitatem cur renuit ibid.
 eius effigies ubi inueniatur ibid.
 Io. Galeatus Viccomes omnium prin-
 cipum opulentiſſimus, quæm late
 regnam eius paluerit 86
 eius mori & effigies 97
 ex regni in tyrannos diſtraſſio 18
 grauiſſimus princeps 109
 Io. Aucutus Anglus 107
 Viccomitum miles & gener 116
 Io. Coſmi Medicus pater 103
 Io. Galeatius ſfortiaſa ſeneno ſublatuſ
 101
 Io. Maria Viccomes ſanus 92
 abominandus ibid.
 occiditur in templo 10
 eius effigies ibid.
 Io. Bentiuolus tyrannus 101
 Ioann. Medici Leo decimus Pontifex
 creatus 102
 Ioann. Mediciſ armipotens, ſacra-
 dus 108
 eius genus 107
 educatio ibid.
 militaris leudiſ cupidus ibid.
 opera militaria 105
 interficitur 100

Methu Langus iheris operum dat.
 ibid. Episcopus et Cardinalis 190
 miles strenuus Gallia infans ibid.
 pope fantor ibid.
Maximilianus primus vir mlieris
 127. pecunie contemptor ibid.
 semper indigus 129
 Burgundicum regnum in dotem
 accepit ibid.
 Brugge cum uxore captus ibid.
Maximilianus Sfortia regno restitua.
 tus 129
 infans similis ibid.
 fratrem curoderat 129
 ab infamia couuluit ibid.
 victoria positur 129
 dedicationem facit ibid.
 moritur in Gallia ibid.
Maximilian prius pater 127
Medices inter se discordes 127
Mediolanum aratro profectum a Fri-
 derico primo 33
Mediolani tres Archiepiscopi 47
Mediolani arx à quo edificata 129
Memphitici imperij fines 122
Misus des Palaeologus 125
 Rhodum insuliciter tentat 124
Michalogli 124
Michael Zalagus 124
Moemes insula 124
Monti Graui 122
Monti Politiani Florentinis à Senen-
 sibus datus 129
Mosconia scriptoribus Romanis igno-
 ra 125
 cem qui aperuerit ibid.
Mosconia fines 124
Mosca urbs 124
Moschi vrundati 124
Moschoutarum religio 123
Mulacensis Scythij origo 127
 gea 127
Mulacensis regno expulsus 127
 resuuarat ibid.
 in Germania ad Ces. 129
 oculo a filio praeuatus 129
 philosophus eruditus ibid.
Mulacensis Amide filius 129
Mulacensis Tunctau regis origo 127
 ingenium 127
 mors 129
Musafius Franciscus Florentinus 73

N

Napus Turrianus 129
Narses inuictus inuidia confici-
 tur 31
 Longobardos in Italia accersit 11
 Narses eloquentia militaris 31
 ad Sophian veram suam respon-

so.
Narsis pons 127
 effigies 129
 lens ibid.
 victorie ibid.
Nemurum in Columbum sedatio 123
Neapolis obsequia à Lotrechio 122
Nerum Vigucioni filius Lucae pri-
 cepti 127
Nicolau Pinellum Vrbanum 129
 custodia elabitur ibid.
 Venetorum imperator 129
 soleri et fidus 129
Nicolau Piccininus Lucam à Floren-
 tinis defendit 129
Nicolau Tegrinim Castruceij vitam
 descripsit 61
Nicolas Piccininus illustris fama
 ingenium ibid.
 intemperans 123
 temerarius ibid.
 mors 122
Nicolas Machiaveli petulatis in com-
 mentis Castruceij vita 61
Nogaretus Gallus vir impiger 12
 Pontifici insulit 124
 exilio mulatur ibid.
Nola deditur 124
Numa quisvis rebus institus
 religionem Romanis mura 3
 sacerdotia Djs et flamines consti-
 tuit 6
Numa Pompili prudentia
 regnum 6
 marmora effigies in Vrbe
 nuptiae celebres Mediolani 127

O

O Regnum Gallorum dux 129
Ostoum Florentia suprema
 potestas 129
Odetus Rufus Lotrechiu 129
 superbi rigoris
 fauor ibid.
 sui capitis 129
 in consilium ibid.
Oligeni facinus 124
Oratum 129
Orcaues Oebomannus 129
 inuidia 71
Oido Vicercomes animi patientie ve-
 ram simulacrum 122
 prius Mediolani princeps 71
Turrianus a solo equauit 49
 Archiepiscopus Mediolanensis 47
Orbo Bonerianus 71
Oebou Viceromiti figura 122
Oebomannus potentie primordia
 127
Oebomannorum origo 129

Orsa flumen 129
Othomannum imperium quando in-
 cepit 129
Othomannum oppidum 129
Othomannum imperij progressus 129

P

P Adij Medicus infans 129
 Passianus cluatio in Medice 129
Paganus Tartarianus 49
Pandulph Petracchi Senensis metis
 ordinis Nouerq ibid.
 rempublicam prudenter admini-
 strauit ibid.
 Socrum ferro sustulit ibid.
 exitum sponte iubis conferenda
 patria ergo 129
 triumviri Senis creati Petracchi a-
 ffit 129
 filium sibi successorem destinat 129
Pandulph Malestella 73
Papstorum de summo pontifice opi-
 nio 11
Paria insula 129
Paulus Malestella pronepos et pater
 à Leone x. obtruncatur m-
 bust 129
 eius laus in re militari 129
Paulus Sorecma 47
Paulus virtutis ingenium, res gestae,
 mors 129
Pauli touij ibid.
Paxa insula 129
Peria Alexandram assentione per-
 dunt 12
Perfarum reges 4. rerum ornatus ibid.
 regia 104. arca et argentea
 mouet a ligio sagittarij insignita 4
Petrus Soderinus Florentiae dictator
 creatus 129
 Curiam cum familia habuit 129
Petrus Medice cur in exitum 129
 patris a virtutis decribit 129
Petrus Corbatus pseudopontifex 61
Petrus Vbertus cognomento Afianus 129
Petrus Aluerti rerum abyssinarum
 explicator 127
Petrus Nanarri artifex, et arcium
 expugnator 129
 miles gregalis ibid.
 Comes appellatur 129
 captus Gallo operam locat 129
Petri Medice ingenium 127. mors 129
 conatus iturni 129
 mors ibid.
Petri Nanarri misera mors 129
 Philomela urbs capta à Friderico 124
Philbertus Auranus belis cupidus
 129
Borbonis aduersus 129

Philbertus Aurelianus strenuus bella-		vulneratus in proelio	69	domus, marci	66		
latoꝝ	128	Genus defendit	ibid.	illustre hospitium in ipsam vero-			
exercitus imperator	ibid.	Roberti regis pater	69	ram	67		
glande vulneratus	228	Roberti Neapolitani regis ingenium		hospites	64		
Philippus Sanguineus Gallus	62	63.	virtutes	69	Scanderberchus cur appellatus	144	
Pi Secundi Pontificis conatus	148	opera	ibid.	eius educatio	virtus ibid.	145	
Pila latus	128	bella	ibid.	eius facinus singulare		146	
Pirate noui orbis	192	authoritas in Italia	62	Neapolitano regi opem tulit	ibid.		
Pisani in Vgacionem tyrannum	59	littera	73	Scanderberchi virtus		145	
Piscia Galeatii Vicecomitis morte no-		mori et sepulchrum et effigies	70	mortui opinio apud Turcos	147		
bilit	26	Rodolphus Pius Cardinalis cruciatus	4	Schenderbassa		152	
Pistorium à Castruccio obfessum	62	Rodericus Borgia postea Alexander		secularum malignitas		159	
Pompeij Columna Cardinalis inge-		sextus	102	Selymus seux		144	
niam	301	Romulus Marti genitus	1	ingens	ibid.		
Pompeij vita à Lioio descripta	303	author militaris disciplina	ibid.	Hymenaeus Sophi vicit, Salomon		159	
Pontifex caput	208	quemadmodum regnavit	3	detenus	ibid.		
Porta ferrea	104	se Romanus Deum suissa vt osten-		Tomombeum suspensit	247		
Prætorum Florentinum vnde adifi-		dit	ibid.	crudeli moritur	ibid.		
catam	37	vbi decesserit	3	Senatus Romanus à Romulo lectus et			
Præcensendi fides regni	316	turbæ adeptus in caelum	1	institutus	5		
Mors et regno	ibid.	Romuli opera	2	Servorum in Memeluchos contra-			
Præfata olim Neapolis	328	augusta imago	1	ctio		172	
Præfata que res plerosque perdit	147	marmoræ statua in Vrbe	1	Sfortia Griseni et Helnetijs se com-			
Promontorium viride	122	Roma omnium gentium libera patria	2	mutat	122		
bonastri	121-120	Roma capta vindicta	108	Sfortia et Braccij genus	121-120		
Proffert Columna pater Itolorum	121	Romanus populus religione mige-		et ingenium	ibid.		
mitis et humilis	ibid.	tus	4	Sfortia et Braccij congressit amicus			
capitum à Gallis	ibid.	Romanum est leges dare	2	123			
Proffert Columna habuit corporis		et regna clargiri	ibid.	Sfortia mors		123	
121.	mors	Romanus tributum Attibis pollicer-		Sfortiarum et Tamerlani compa-			
Proffert vrbis Bituniae caput	122	tur	14	ratio		106	
Pugna Sigismundi cum Celchimo	122	Rom. Pontificis cultum ab Hebrais		Salubritas		198	
Turcarum et Christianorum ad		accepisse	4	Scipio diuina stirpis à populo credi-			
Nicopolim	110	Romanorum in bellum Antiochenum	12	tus		11	
inter Gualphos et Gubellinos	11	nobile decretum	12	Scipio inuidia domitor		12	
Pugna fanella ad Ardiem	18	Romanum oppidum in Eugenia	41	cultu optimus	ibid.		
Pulleria familia Mediolani	47			Scipionis maioris virtus		12	
Pyrrhus rex tegula à muliere deicta				mors		13	
occiditur	2			epitaphium		31	
Pyrrus stupiens à Cesare donatus				Scipionem Pirata colunt		19	
merui ergo	163	Sacrum bellum	16. 17	Scitarum nobiles familie quatuor		109	
eius cum Valtio contentio apud Ce-		Saladmus rex Aegypti	12	Simon Toza Florentinus		62	
sarem	ibid.	eius virtutes	ibid.	Simon Horrigonus insuber		199	
63. Balconea femina	162	prudencia	30	Smas Archipirata		159	
obfusione clarus	ibid.	Saladmus mors et testamentum	30	cognomenio Iudeus natus rei pe-			
Pyrrus in re militari præcellens	8	fides et restitudo	ibid.	rus finis		141	
marmoræ statua Roma	3	effigies vbi inueniatur	30	classem in rubro mari a difices	144		
		Saladmus archipirata	159	Smirna natus	ibid.		
		Samaritana vrbis	101	Sigismundus Bohemæ et Hungariae			
		Sanctus Bentivoli vir probus	162	rex		120	
		Sarra Columna in solui negatur pro-		Cæsar angustus		122	
		figus	12-13	fige sibi servat-10 consulit		122	
		à predonibus captus, non egrituit		Sigismundus Poloniae Regis filius			
		Messilum ducitur	33	331.	Victoria	ibid.	313
		redimatur	ibid.	ibid.			
		etad	14	ibid.			
		Sarra Columna generosus animus	11	ibid.			
		effigies vbi	42	Soderinus dictator quibus severis			129
		Sauonarole damnato fauenter, Medi-		et quibus maxime oppugnatus	ibid.		
		etis infirigi	162	quibus offensa patricios	129		
		Scaligororum origo	62	Gallus sancti			172
				Soderinus			

R Aluandus Cardonius

Rephael Rierius

regna clargiri Romanum est

Reguli Itali qui sacro bello nomen de-

derunt

Rha flumen

Rhinoceros et eius figura

Rhinocerotis et Elephantis inimici

tia

Ripens

Robertus rex Castellae Roma expulsi

Soderinus quibus rebus offendit pa-
tricio 166. Gallis sanct 170
in exilium Raguſium miſſus 170
Romæ gratus hoſti 170
Soderinus Cardinalis 120
Soderini exequie 273
Solymanus Turcar ſemper 12
Solymani Otto ſanæ virtus & fili-
ciat 173, 174
bella 173
Sophie Auguſte imprudentia & li-
uor 11
ſophi cum Solymano bellum 173
ſtups 176
Spemeta Meleſſina 17
Spingarde 162
Stegia oppidum 11
Stellamans 104
Stellate oppidum 109
Stephanus Mayſetum 104
Stephanus Columna à Petrarca cele-
bratus 13
Stuardæ familiæ nobilitas in Scotia
126
Sulthania 104
Sulthani Prætorienorum capiti re-
gementum 10
Supplicium conuſatorum Florentie
ſumptum 161

T

TActus regulus 48
Taliſmanus ſacerdos Turcarum
109
Tamerlanus Sophus Perſerum rex 173
Tamerlanus ſe iram Dei vindicantis
eſſe aſſerebat 106
terror & clades Orientis 102
cur ab Aegypto inuadendo abſti-
nuerit 106
Tamerlanus genus 102
figura & virtus 102
pugnandi mos 107
expedire de prelio iudicium 102
immanitas in Batatzetum 107
de immanitate eius prudens re-
ſponſum 107
exercitus 104
mori cometa laticum præcedit 106
Tarlati Arctij princeps 14
Tarlati capiti ſupplicio aſſictus 12
Tartarorum victus 107
mos ſeguitandi 107
Tartarij Sophi regia capta 173
Temir Cuthlus 102
Thomas Hæuſard Noſtilium dux car-
ceri poſt rem bene geſſam addi-

ctus 177
Tigris deſcriptio 173
Tijſerberci ſagularij Perſice cor-
ruptus 1
Tomamberius vltimus Sulthanus 114
captus ſuſpenditur 216
Tornelli 18
Tordas Tarruſij rex appellatus 12
Regum opt. ſamam æquavit 17
Romam cepit 18
moderate victoria uſus 19
à Narſere uſum & occiſus 19
Totile eximia forma 12
prima victoria 17
clementia in victorijs 17
militia 18
Traufuge Selymo victoriam parant
126
Traufugianis bodie, olim Dacia 104
Tribubus diſiſa Romana ciuitas 2
Tribubus ſeruiſacrus 109
Triſtiani Acutus 119
Elephantum Romam duxit 17
munera que pontifici dedit 17
quaſi adicti noui orbis prouincias
110
Triſtiani Acutus nauigationes 119
Triuulius Sportianus inimicus 102
Triuulius Sportianus aduerſarius 110
eius vxor 117
Turacambi 108
Turca in Thraciam 109
Tartarum in Europam primus traie-
ctus 109
in Tartaros ſtraget 104
Tartarum imperatorum imagines vi
ad loutum peruenierint 102
Tartaria familia Belgice 46
Tartaria familie origo 46
Tartariani Guriſibi 89
Tartarianorum gentilitia ſigna 47
Tyrannus 164
aſtutus & ſolers 163
Tyranni tres 163
Tyronum equitum inſtitutio 169
Tyrim auſpices belli ſacri ſcriptores in
corruptum 12

V

Vallis Saxina 46
Vallis Saxina argentiflora 46
Virtus Polſauium 18
Venatio ſylueſtrium equorum morta-
lis & cur 114
Venetia Italia decus 17
Venetæ vrbiſ primordia 14
Venetorum & Ligarum laus
bella in continenti 114

Veſte deæ virginis à Numa inſta-
ta 1
annum xij. meſium ab eodem 17
Vgo Bavarus 62
Vgo Moneta æqueſ Rhodine 190
ſacile præſictum 17
caput à Gallis 17
doleſum 119
Vgoni Monetae gerit 189
ſortuna & milita 17
Vgucio Piſanorum imperator 16
dominus creator 17
in tyrannum euadit 17
Lucenſes aggreditur 17
Luæ princeps effectus 16
victoria potitur ad Montemati-
num 17
Caſtracium tollere ſtatuit 17
cibi vorax & capaciſſimus 17
proſeſus ad Canem Sculigerum 17
dominatam tunc prando amittit 17
Vgucianis Raguſiani patria & fami-
lia 17
Gubellinus 17
pugnax 17
prandium 17
voracitas & in eamſomma 17
forte ſectum 16
effugit 11. mors 17
Vlricus Cileſius mori 174
Viccomites Gubellini 72
Viccomitum familie fundamenta
17
Victorius Soderinus exarus 270
Victoria nobilis Caſtracij 40
Victoria Gubellinorum memorabilis
16, 17
Victoris Caroli oſſiſui ſupenda 110
Victorius primo impetu ſape perari
101
Vicentius Capellius Venetæ claſſis
præſictus 118
Virginius Verſum 172, 104
anguſtaria comes 107
captus 110
Virtutis hic apud Rom æſtimata 10
Viteliorum fratrum diſciplina mili-
taris 186
Vitellorum Vitellum ſtrangulatum 187
Vitellorum Vitellij phalanga pedum
in Italia muentor 186
Vitiſes Goſtorum rex capto 12
Volga flumen 104
vrbes in Euganeis ab Attila caſtelle 14
Verſum à Columiſi ſuperati 110
Viſſenſeſſenſes à Turca ſuperati 109

Z

Zagetrj 109
Zemmi qui 192

